

宋中

元 脱 脱 等撰

中 華 書 局

卷四一五至卷四三〇(傳)

# 未史卷四百一十五

## 列傳第一百七十四

傅伯成 羅必元 葛洪 王遂 曾三復 黄疇若 袁韶 危稹 程公許

其利。 縣。 中教官科,授明州教授。以年少,嫌以師自居,日與諸生論質往復,後多成才。 丁父艱,服除,知連江縣。東湖溉田餘二千頃,隄壞。 |傅伯成字景初,更部員外郞察之孫。少從朱熹學。登隆興元年進士第,調連江尉。 卽下流南港爲石隄三百尺,民蒙 改知閩清 試

爲本。 不可以偽學目之。又言朋黨之敞,起於人主好惡之偏。坐是不合,出知漳州,以律已愛民 慶元初,召爲將作監,進太府寺丞。言呂祖儉不當以上書貶。又言於御史,朱熹大儒, 推熹遺意而遵行之,創惠民局,濟民病,以革磯鬼之俗。由郡南門至潭浦,爲橋三十

二四四一

列傳第

百

七十

四

**餺伯成** 

### 五,治道千二百丈。

降者,伯成言不宜輕棄信誓,乞戒將帥毋生事。御史中丞鄧友龍遂劾伯成,罷之。 意如此,官師相規時也,以爲偶然乎?」丞相色動。遂陳三事:一曰失民心,二曰隳軍政,三 昌 興且八十年矣,外而望之,舟若堅緻,歲月旣久,罅漏寖多,苟安旦夕,猶懼覆敗,乃欲徼倖 啓邊釁。 古人之所難,臣則未之知也。」相府災,同列相率信丞相,或以爲偶然者,伯成正色謂:「天 兩爲部使者,遷工部侍郞。 進右司郎官,權幸有私謁者,皆峻拒之。出爲湖、廣總領。朝議欲納金人之叛 時權臣方開邊,語尙祕。伯成言:「天下之勢,譬如乘舟,中

龜」之語,閩帥倪思以爲不當用,御史劾罷思。 伯成因對及其事,帝曰「過當」者再。對曰: 也。今之策雖以和爲主,宜惜日爲戰守之備。」權戶部侍郎史彌遠初拜相,麻詞有「昆命元 「思固過當,但恐摧抑太過,遂塞言路,乞明詔臺諫侍從,竭盡底蘊,無以思爲戒。」李壓謫居 己,悉從之。使和議成,循可以紓一時之急;否則虛帑藏以資敵人,驅降附以絕來者,非計 嘉定元年,召對,面論:「前日失於戰,今日失之和。小使雖返,要求尙多。陛下不獲 他成言:「**佐**胄之誅,**壓**與有功,不酬近功,乃追前罪,他日負罪之臣,不容以功贖過

伯成未為諫官也,嘗言:「彌遠謀誅侂胄,事不遂則其家先破,侂胄誅而史代之,勢也。

傳第一百七十四 傳伯成 葛洪

列

事,以 遠意,欲使有所彈劾,謂將引以共政。謝之曰:「吾豈傾人以爲利哉。」疏乞詔大臣以公滅私 諸公要相協和,共議國事; 若立黨相擠,必有勝負,非國之福。」又勸丞相錢象祖:「安危人 死爭之; 差除 小者,何必 乖異?」拜左諫議大夫, 抗疏十有三,皆軍國大義。 或致爛

於朝。 焉。」圖山砦兵,素與海盜爲地,伯成廉知姓名,會郡都試捕而鞫之,無一逸去。 其死,黥隸諸軍 軍於圖 左遷權吏部侍郎。以集英殿修撰知建寧府口。 Ш 進寶謨閣待制、知鎭江府。 石牌 Ξ, 伯成謂:「虚此 實彼,利害等耳。 全活飢民,瘞藏野殍,不可勝數。 蔡元定謫死道州,歸葬建陽,乃雪其寃 包港在焦、圖之中,不若兩砦之兵迭戍 制置司欲移焦山 獄具, 請貸 防 江

人極」之說,詔進一官。 大夫,致仕。 嘉定八年,召赴闕,辭不獲,行至情,拜疏曰:「臣病不能進矣。」除實謨閣直 理宗卽位,升直學士,落致仕,予祠,錫金帶。 伯成辭冤,乃進「昭明天常、扶持 學士、 通奉

臣,猶嘗抗論。今蒙國恩,叨竊至此而不言,誰當言者。」遂抗疏曰:「臣恐陛下不復聞天下 君憂國之念不少衰。 聞大理評事胡夢是坐論事貶,蹙然語所親曰:「向<u>呂祖儉之謫,吾爲小</u> 寶慶元年,與楊簡同召,尋加寶文閣學士,提舉佑神觀, 方今內無良吏,田里怨咨,外無名將,邊陲危急,而廉恥道喪,風俗益婾,賄賂流行, 奉朝請。 雖力以老病辭,而 愛

不報。明年,加龍圖閣學士,轉一官,提舉鴻慶宮,復辭。 書之,有累聖治。 疏者非可愈比,然在列之臣,無一爲言者,萬一死於瘴癘,陛下與大臣有殺諫者之謗, 公私 短促,唐憲宗大怒,將抵以死,自崔羣、裴度戚里諸賢皆爲愈言,止貶潮州,尋復內徙。 人言某事,未幾而斥,則是上疏者以共工、驩兜之刑加之矣。 昔韓愈論後世人主奉佛,運 俱 困 謂 宜 君臣 臣垂盡之年,與斯人相去,風馬牛之不相及,獨以受恩優異,效其瞽言。」 上下,憂邊恤民,以弭禍亂。 奈何今日某人言某事,未幾而斥,明 今 上 史册 日某

端平三年,賜諡忠簡 厲,不少假借。常慕尸諫,疏草畢, 亟命繕寫, 朝服而逝, 年八十有四。 |伯成純實無妄,表裏洞達,每稱人善,不啻如己出,語及姦人誤國, 邪人害正, 贈開府儀同三司 詞色俱

修官兼國史院編修官、實錄院檢討官。遷守尚書工部員外郞兼權樞密院檢詳諸房文字。 <u>葛洪字容父,婺州康陽人。從呂祖謙學,登淳熙十一年進士第。</u> 嘉定間,爲樞密院編

今之將帥,其才與否,臣不得而盡知。惟忠誠所在,凡爲人臣者斯須所不可離,則

列傳第一百七十四 葛洪 曾三復 黄壣苔

不可不以是責之耳。今安居無事,非必奮不顧死,冒水火,蹈白刃,而後謂之忠也。第職 思其憂謂之忠,公爾忘私謂之忠,純實不欺謂之忠。

點試之法,申階級之令,其儆之亦切矣。今顧有敎閱視爲具文,坐作僅同兒戲,按勇者 有別爲名色, 而強以庫務,取辦芻聚,抑配軍需,於拊循何有哉!訓齊戎族,亦帥之職也,朝廷每嚴 不與旌賞,拙懦者未嘗勸懲,士日橫驕,類難役使,於訓齊何有哉! 且拊循士卒,帥之職也,朝廷每嚴掊克之禁,蠲營運之逋,其儆之者至矣。今乃 益肆貪黷,視生理之稍豐者而誣以非辜,動輒估籍,擇廩給之稍優者

上下振厲,申緻軍實,常若有寇至之憂。磨礪振刷,以求更新,亦庶乎其有用矣。 爲新而已爾。 交,書幣往來,道路旁午,而妄希升進者矣。 自謂繕治器甲,修造戰艦,究其實,則飾舊 况乃有沉酣聲色之奉,溺意田宅之圖,而不恤國事者矣。 又有營營終日,專務納 自謂撙節財用,聲稱羨餘,原其自,則剝下罔上而已爾。乞嚴飭將帥,

市嘉納之。

知政事,封東陽郡公。 、錄院同修撰。 進直煥章閣,爲國子祭酒,仍兼國史編修、實錄檢討。遷工部侍郞,仍兼祭酒兼同修國 拜工部尚書,亦兼祭酒兼侍讀。進端明殿學士、同簽書樞密院 贊討平李全,援王素諫仁宗却王德用進女事,以 止備嬪御,世多稱 手,拜參

有奏議、雜著文二十四卷。

萬 觀 以資政殿學士、提舉洞霄宮,進人學士。 兼侍讀,守本官致仕,卒。 帝輟視朝一日,諡端獻。 召赴行在,仍舊職充萬壽觀使兼侍 杜範稱其侃侃守正, 有大臣風。 讀,尋提舉

惜之。 仕。 拜監察御史,轉太常少卿,進 太府丞。 三復性耿介,恥奔競,故位不速進。 曾三復字無玷, 臨江人。 登朝數年,安於平進,搢紳稱之。 起居舍人, 乾道六年進士。 遷起居郎 在臺餘兩年,持論正平,不隨不激。 紹熙 淳熙末,爲主管官告院,遷太府寺簿, 兼權 初, 刑部侍郎,以疾告老。 出知 池州、改常州。 召為御史檢法, 詔守本官職致 其沒也,士論 歷將

主 巳而得眞盜。 簿。 黄 。 邑民有i 疇若字伯 訴僧爲 大同薦之,調柳州敎授, 庸, 盗且 隆 興 殺 豐城 人,移 精治 歲而 又調 孤, 靈川令。 疑其 外大母杜教之。 無 證,以白提 會萬安軍黎蠻竊發, 點 淳熙 刑 獄 五 馬 年 大同,且 舉進 經略司選疇若條 士,授祁陽縣 爭之甚力,

列傳第一百七十四 黄疇若

月督畸零稅, 招捕 事宜。 疇若念民方艱食,取任內縣用錢三十餘緡(三)爲民代輸兩年。 疇若謂須稽原始亂,爲區處之方。 再任嶺外,用舉考改知廬陵縣。 諸司舉爲邑最 州常以六

官,召赴都堂審察,差監行在都進奏院。

**教授。** 以危亡災異之事告於上。」 首章乞天子擇宰相,宰相擇監司。又言:「善爲國者必以恐懼修省之訓陳于前,善爲相者必 都鄙軍民之無法,三日守令牧養之無狀。」遷太府寺主簿,又遷將作監丞兼皇弟吳興郡王府 開禧元年,都城火。疇若應詔上言曰:「當今之急務有三:一曰賦斂征求之無藝,二曰 遷太府寺丞,又遷祕書丞兼權禮部郎官,兼資善堂說書。 遷著作鄓, 拜監察御史。

以統諸將。乞檢會前奏,亟詔大臣科條人才爲宣撫使。帝卽日以上密爲江、淮制置使。尋 遷疇若殿中侍御史兼侍講。朝廷與金人約和,金人約函致侂胄首。詔令臺諫、侍從、兩省 |俊之惡。先是,江、准督府旣罔功,罷不更置。 |疇||若奏,以爲和戰未决,不遣近臣置幕府,無 雜 韓侂胄敗,疇若上章勾去,帝批其奏曰:「卿懷忠盡,朕固知之。」。疇若遂疏鄧友龍、陳景 疇若與章燮等奏:「乞梟首,然後函送敵國。」人譏其有失國體

椿 積。」 遂置安邊所。 <u>嚋</u>岩奏:「今帑藏無餘,歲幣若必睥睨於百姓, 願自宮禁以及宰執百官共爲撙節,逐年 戶部侍郎沈詵條具合節省拘催者,疇若復乞:「依仁宗、 孝宗兩朝成

聚 更 化 以 來 臣 下 章 奏,察 其 可 行 者 以 聞,付 之 中 書。」 等,一倂拘樁。」旣而內廷及酒所減省,議多格,獨得估籍姦贓及房廊非泛供須五項,總緡錢 訓,凡節省事 九百一十三萬有奇,外椿留產業,每歲又可得七十一萬五千三百餘緡。 屬,六曹則委長貳,事干浮費者聞奏。」又乞:「以官司房廊及激賞庫四季所獻井院胄萬畝 , "在內諸司選內侍長一員,令自行搜訪,條具來上;在外廷三省則委宰掾、樞 疇若乞:「今後省類

實,近甸之人,願歸就田者勿問,其有未能歸者,更振濟兩月,惟民見在都城者,其家旣破, 又無贏貲,必難遽去,仍與振恤,俟早熟乃罷。」於是詔振濟至六月乃止。 五. 一千人,以三月後麥熟罷振濟,各給粮遣歸。 都城穀踴貴,詔減價糶樁管米十萬石,於是准、浙流民交集。 疇若謂:「此實驅之使去耳。」 遂奏: 「乞令覈 臨安府按籍振濟,僅不滿

寒,然亦有激而成之者。 賊,關防以時,平心决訟,勿令砦官巡尉侵漁。」權戶部侍郎,金使告主亡,差充館伴 帝以蝗災,令刺舉監司不才者,疇若同臺監考察上之。又言:「湖、廣盜賊,固迫於飢 黑風峒寇,實由官不爲决訟所致。 宜戒湖、廣諸司, 申明法

民皆閉門牢避。 曰:「物少則貴,多則賤,理之常也。 自軍興費廣,朝廷給會子數多,至是折閱日甚。朝論頗嚴稱提,民愈不售,郡縣科熙, 行旅持券,終日有不獲一錢一物者。 曷若令郡縣姑以漸稱提,先收十一界者消毁,勿復支 韶令侍從、臺省,條上所見。 疇若奏

若

出。 薄之論。 上下 流通 乞撥買官田 則 不待稱提矣。」由是峻急之令少寬。 **充糴** 本,以廣常平之儲。 乞令戶祭 叉 疏 員,專監安邊所。」帝 奏:「乞崇忠厚,延質朴, 皆是之。 屏絕

接續代 之。 使。 擇 封 諮訪以聞。」當徵積欠十餘萬,嚋若 人,故輟嚋若以往,三辭不允。 事 爲民代輸六年 ,疇若奏「官吏苛刻、 進華文閣待制、 因 輸 面 求補 又糴米十五 外,退上章, 布估錢,計二十萬二千四 知成都府。 萬 科役頻併、賦斂繁重、刑法淹 石有奇,足廣惠倉之儲 降詔不允。又連疏匃去。 蜀自吳曦畔後, 避諱,改 亟命榜 寶謨閣待 九 百 色盡 緡 制置使移 ; 又減他 又別立 蠲之。 制 會旱蝗復熾, 延 詔:「凡屬軍民利病, 司 几 賦之重者,民力遂寬 庫儲二十 考官吏冗員,非敕 興元, 事 册皇太子, 朝論 御筆令在 五萬三千緡,期 有偏 朝 差 命差注 重 東治臧否 之嫌 充引 百 執事條上 於異 者 見 悉 禮 朝 罷 並 日 廷 儀

都府 嘉定 平戎莊? 入寇 再犯 、關守, と犍爲 龍鳩 初,沈黎蠻 子 堡, 弟 利店 蠻 可 窺 轉運 用,遂檄嘉定府 利店無備,遂入 屢犯邊,疇若 零若 司 始頗從所請。 귮 調 兵, 至,則鏤榜曉以禍 且設方略 權免平戎莊是年炭估、麻 寇 糧 復 |零||若 到龍門隘, 捕之,皆遁去。 復 選 一西軍 福, ٠, 青、 欲 知有備乃退。 Ħ. 彌 租, 先是, 往 兩羌 防拓, 令莊子弟即 遂乞降。 疇若廉. 牒 進龍 、轉運 知嘉定邊備 圖 四年,董蠻 日上邊爲 司 閣待制,依舊知成 折支, 不 守 合其部族 廢 報 備 弛 蠻 會 而

軍,俾速還師守險爲後圖,西師遂退守沐川。 大使司之師 出, 東路提刑亦徵兵,三垂告警,敍南之報復急,兩路震動。 既而疇若兼制敍州兵甲公事,既得專行,益嚴 疇若亟移書兩

二秩

宜。 歲久,復修費重,乃以節縮餘錢四十萬貫爲修城備。 守備,蠻首昔丑竟降。 貼期之費,以紓民力:皆抗疏請于朝,乞力行之。復念大玄城乃張儀所築,高騏所修,圮壞 更用東南賢士使蜀四路,而拔蜀守之有治功者爲東南監司,庶杜州縣姻婭之私 召赴行在,入對延和殿,遷權兵部尚書、太子右庶子。 <u></u>
亭若留蜀四年,弊根蠹穴,苗耨髮櫛。 朝廷賞平蠻功,進疇若 如乞揀習移屯西兵義勇,以防竊發,以救偏 疇若以制置使留漢中, 則護諸將爲得 輕取

落權,升左庶子,仍兼修史,擢太子詹事。屬若引范鎭故事,乞歸田里。 坐減陌被估籍者衆,乞與給還;乞蠲閣下戶畸零稅賦;乞振贍雄淮軍之乏。」尋皆行之。 八年,四月不雨,詔求直言。疇若條具三事,首言:「比稱提楮幣,州縣奉行 切迫, 故因

十年春,差知貢舉,試禮部尙書,以足疾乞歸。進煥章閣學士、知福州,力辭,乃改提舉 關外軍潰,言者論及疇若,落職罷祠,後以煥章閣學士致仕。所著有竹坡集、奏

經筵故事

百 ti 十 四 袁 韶 危 稹

免。嘉定四年,召爲太常寺主簿,父老旗鼓蔽江以餞,至於富陽,泣謝曰:「吾曹不復輸石矣。」 私 白於朝,且薦之。未幾,師旦敗。改知桐廬縣。 爲京朝官。」韶不聽。 威 在汴。」使者語塞。十三年,爲臨安府尹,幾十年,理訟精簡,道不拾遺,里巷爭呼爲「佛子」, 認,莫敢撓。錢塘岸歲爲潮齧,率取石 福 ,撓役法,提舉常平黃榮檄詔覈田以定役。 後爲右司郎官、接伴|金使。 使者索歲幣,語慢甚,|韶曰:「昔兩國誓約,止令輸|燕,不聞 袁韶字彥淳,慶元府人。 是歲更定戶籍,承徭賦, 淳熙十四年進士(日)。 桐廬, 桐廬多宗室,持縣事無有善去者。 皆師旦黨,師旦諷言者將論去。 韶言:「廟子山有石,不必旁取鄰郡。」途得求 師旦密諭意言:「吳江 嘉泰中,爲吳江丞。 一多姻 黨,儻相容,當 蘇師旦恃韓佐 榮亟以是· 韶始至,絕 事 薦

平反寃獄甚多。

|全 **卞整、崔福皆可用。」適福至,韶夜與同見彌遠,言福實可用。** 爾遠懲韓侂胄用兵事,不欲聲討。 叛,揚州告急,飛檄載道,都城爭有逃避者。<br />
乃拜韶浙西制置使,仍治臨安鎭遏之。<br />
丞相 端平初,奉祠,卒年七十有七,贈少傅。 紹定元年,拜參知政事。胡夢昱論濟王事,當遠竄,韶獨以夢昱無罪,不肯署文書。李 韶與范楷言於彌遠曰:「楊失守則京口不可保,淮將 後以郊恩,累贈太師、越國公。 爾遠從之,遂討全。腳卒以言 如

耳。」即送還之。其母泣曰:「計女聘財猶未足以給歸費, 且用破矣, 將何以酬汝?」徐曰: 髮,外以綵飾之。問之,泣曰:「妾故趙知府女也,家四川,父歿家貧,故鬻妾以爲歸葬計 致豐饒。 必待他婦人乃育哉?」妻亦喜曰:「君設心如此,行當有子矣。」明年生韶。 「賤吏不敢辱娘子,聘財盡以相奉。」且聞其家尙不給,盡以囊中貲與之,遂獨歸。 曰:「妾安在?」告以其故,且曰:「吾思之,無子命也。我與汝周旋久,若有子,汝豈不育, |韶之父爲郡小吏,給事通判廳,勤謹無失,歲滿當代,不聽去。 後通判至,復留用之,因 夫妻俱近五十, 無子,其妻資遣之往臨安置妾。 既得妾,察之有憂色,且以麻 妻迎問之

帳司,未上,服父喪,免,調臨安府敎授。 丁母憂,免,幹辦京西安撫司公事。入爲武學論,改太學錄。 危顧字逢吉,撫州臨川人。舊名科,淳熙十四年舉進士,孝宗更名稹。 調南康軍教授。 轉運使楊萬里按部,驟見嘆獎,偕遊廬山,相與酬倡 倪思薦之,且語人曰:「吾得此一士,可以報國矣。」 時洪邁得頹文, 調廣東

課試法如兩學,從之。嘉定九年,新學成,改充博士,其教養之規,稱所論建。 明年,遷武學博士,又遷諸王宮教授。 **稹謂以教名官**, 而實未嘗教,請改創宗子學,立 遷祕書郎、著

作佐郎,兼吳益王府教授。升著作郎兼屯田郎官。

以省邊防,厚賞以精間諜。 安邊所征斂之害,與無罪而籍沒之害,楮幣之改,以一奪二,鹽鈔之更,以新廢舊, 稹 始 進 2對,請敘復軍功之賞以立大信, 按拭功臣之罪以厲忠節, 置局以立武事, 次論和、戰、守利害,而請顓意於守。 是歲春至夏不雨,頹應詔 遺使

至於沮格

軍賞,放散死士,皆足以召怨而致旱。」

無成規者,皆不可爲。 成謀,人無定志。 機; 明年又論:「謀國者欲以安靖爲安靖,憂國者欲以振厲爲安靖,自二議不合,是以國無 賞罰不果,無以作士氣 願詔大臣合二議共圖之,且欲下兩淮帥臣,講明守禦之備。」最後言:「事 意向不明,無以一衆聽;信誓不立,無以結人心;報應不亟,無以趨

秋鴻 有臨潭臺,據溪山最勝處,作龍江書院其上。 約期責之葬,其無主名、若有主名而力弗給者,官爲葬之,凡二千三百有奇, 二,稱疏于朝,悉罷之。 **劾去之**,籍其 禧觀 番易柴中行去國,旗賦詩送之,迕宰相,出知潮州。 **久之,知潭州** 財以還民。 會常平使有言,稱不欲辯,即自請以歸。 郡有經、 障俗視不葬親爲常,往往棲寄僧刹, 總制無名錢歲五 旣成, 一千緡, 横經自講, 厲民爲甚, 尋以通金華徐僑書論罷, 人用歌動。 **履命營高燥地爲義塚三,** 久之, 前守趙汝讜奏蠲 提舉崇禧觀,與鄉 邑令有賄聞者, 刻石以識。 提舉千 五之 郡

列

傳

第

百

七 十

四

危種

程公

里耆艾七人爲眞率會。 卒,年七十四。

所著有巽齋集,諸經有講義、集解,諸魏、晉、唐詩文皆有編,輯先賢奏議曰玉府、曰藥山 |種 性 至孝,父疾,願損己算益親年,疾尋愈。眞德秀登從班,舉稹自代,沒,又爲銘其墓。

弟|和 字禅仲。 開禧 元年進士,爲上元主簿, 大闢祠宇祀程顥,眞德秀爲記之。 知德

興,振荒有惠政。有蟾塘文集。

病革, 授華陽尉, 程 嘗其痰 公許字季與, 再調綿州教授。 沫, 旣卒, 一字希題, 哀毀踰 制置使崔與之大加器賞, 制。 嘉定四年舉進士, 少知孝敬,大母侯疾,公許不交睫者數月, 改秩知崇寧縣, 調 温江 尉, 未上,丁母憂。 蠲預借,免抑配,人 服除,

甚德之。

代之,辟公許通判 公許正色卻之,彥威慚而退。 不增賦而用自足。 差通 判簡州。改隆州,未上。 、施州,行戶房公事。當兵將奔潰之後,公許盡力佐之,節浮費, 時諸將 乘亂抄扨,事定自危,以重路結幕府。 吳彥者,緘僧牒於書尾以進,公許卷還之而責其使,聞者畏 會金人犯閬中,制置使桂如淵遁,三川震動, 大將 和彦威懷 朝廷擢李連 疏 金寶以 利原,民 献,

其後 服。 趙彥吶開闢,復行其策。 有獻議招秦、鞏大姓於廛者,衆多從臾,獨公許謂山東覆轍未遠, 未幾,金人擣成都,大姓者實導之,始服 公許先見 反覆論難, **稟從之。** 

其遷,則是自裂其綱紀,自蔽其耳目,遂使居是職者雖被親擢,言不得行,始焉固辭而弗從, 逆 論 終焉強留而飲愧。 )鳞,賈衆怒,不過爲陛下通耳目,爲朝廷立綱紀而已。 今也假以職而棄其諫,幸其退而優 執 政李鳴復,不行,徙右史,竟拂衣東歸,鳴復坐政府自若。公許輪對,言:「志士仁人,嬰 端下初,授大理司直,遷太常博士。 秋祀明堂, 臣恐自此同類沮失,各起遐心,來者相戒,以爲容默,陛下愈孤立無助 雷雨, 應詔言事。 嘉熙元年,御 史杜範

之頃 心,而參 告者衆, 夏,行都大火,殿中侍御史蔣峴逢君希寵,創爲邪說,禁錮言者。 。」遷祕 酌於漢文帝之待淮南厲王、我太宗待秦邸之故事,以召和氣,弭眚災,特在 而 聖意確 書丞兼考功郎官,竟爲峴劾去,差主管雲臺觀、知衢州,未上。改江東宣撫 不可回; 聖意 不 可回, 而言者不免於激。 陛下宜以大舜無藏怒宿怨爲 公許應詔曰:「羣臣忠 一念轉移

論 事 不報出 李宗 勉入相,以著作佐郎召, 關 ,徐榮叟亦抗章引去, 兼權尚左郎官兼直舍人院,遷著作郎。 時諫官郭磊 公許奏:「乞還言官,俾安厥位。」旣而 史嵩之自江上入 卿以

參議官,不赴。

列

傳

第

百七

十四四

程

公許

弗

,靖,陽爲遷除,陰奪言職,此中外所以怏怏。」

相 ,臺諫謝方叔、王萬及磊卿相繼他徙, 公許又奏:「外難憑陵,國勢岌若綴旒,朝廷上自

諫條! 敕。 行 十八界,亦當令十六界、十七界稍有分別,若一時皆以五折一,安保將來十七界與十八界並 面 界各 前 奏留之,兼 遷將 不 具易楮利害,尋降旨以新造十八界折五行使。公許繳申省,謂:「廟堂决意更革,本欲」 朝 折閱乎。 廷 有等第, 作少監。 出 令而 國 史編修、實錄檢討 庶幾 宰相擅 曷若將十七界且以三兌一,使民間尚知寶此一界,不至一旦貿易不行, 大旱,應詔疏時事四條。又言:「儲極虛位,天下寒心。」時朝廷令侍從、 公私兩便。」嵩之格不行, 行如 此 則掖垣可廢。」 徑揭黃榜。 累上奏牘,徑欲引去,宗勉及參知政事 公許謂:「不經鳳閣鸞臺,不得爲 が似

貲, 冤募平民, 民甚 濮 上,召拜 玉 斗南之所論 淳祐 觀。 宗正 範見 元 年,遷祕書少監,輪對,言閩事 少卿, |疏曰:「程季與肯與汝爲伍 馧。 便之。 再 尋以直寶謨閣 遷起 居 新周敦頤祠 (含人。 知袁州 濮 ,葺張栻書院,聘宿儒胡安之爲諸 斗南繳還,疏 耶 十條。兼直學士院,拜太常少卿,力請外,爲右 請蠲 和糴 有「臣等恥 之半。 改命郡吏部總所綱運, 與爲伍」之語,遂以 生講 說。 舊職 杜範 IIII 提舉 厚其 Ī 薦

退處二年,召赴行在。 屬嵩之以父憂去位,經營起復,益憚公許,密柬韓祥嗾殿中侍御

奏不可不堅凝者七。 史王贊奏寢召命。帝雖曲從而意不悅。 帝語之曰:「卿一去三年,今用卿, 及逐不才臺諫、擢公許起居與兼直學士院。 出自朕意。」是日晚命下,嵩之罷 公許入

劉晉之、鄭起潛、濮斗南三人乞明正其罪,以示警戒,而忽聞龔基先之用,議者咸謂改紀之 守,至以 無 復,相范鍾及範,三制皆公許爲之。兼權中書舍人。 獲罪於清議 初,所爲錯繆,邪 窮, 時二相尙遜,機務多壅。公許奏:「輔臣崇執謙遜,避遠形迹,相示以色而不明言,事幾 右 日月易失。今最急莫若疆埸之事,帥才不蓄,一旦欲議易置,茫然莫知所付。 史徐元杰暴亡,司諫謝方叔、御史劉應起言,不報。公許亟奏曰:「正月,侍 近所廢斥朋附爲欺之臺察充其選。 則同。 ;枉窺伺善類,何可高枕而臥。」帝見公許疏 一人牧拭之驟若是,三人者寧不引領以望玷缺之復。 同時任言責者,雖心迹有顯晦,過惡有重輕,而 稱善,且言基先之用太 况近者言官方以 御 史劉漢

發,甫 實。 下 然漢弼 丽 始命 死 集議 即 有 類 几 認 朝堂, 月,右丞 風淫末疾,範亦 言 告,奄 置 獄 分列首 鞫 至暴亡, |相||杜範死。六月,右史徐元杰死。 勘 了,謂當: 從, 低弱多病, 諉曰 口 必 於朝紳中選公 鼻四 誅 無赦。」疏入,不報。 體 變異之狀,使 天命,猶 正明决無 人爲之雪涕 口 漢弼 也。 所顧忌 物論沸騰, 元杰 成之死固 者專蒞其事, 不已。 氣體 可疑, 臨安 魁 六館 碩, 尹 範之死 趙 滤 神采嚴毅,議論 諸 與隱奏乞置獄天 情 生 研 叫 人言已籍籍 . 閣 籲 務使得 台, 英 陛

列

僔

第

府,帝從之。 公許繳奏:「與隱乃嵩之死黨,乞改送人理寺,命臺臣董之。」詔殿中侍御史鄭

宋, 宋回懦首鼠, 事竟不白, 然公論莫不偉公許。

復,少慰凊之,內祠侍養之命宜與收寢。」帝密遣中貴人以公許疏示凊之。 罔上之罪,乞下各州軍嚴行押發。鄭淸之以少保奉祠,侍講幄中,批復其子士昌官職,與內 家,道死,時敍官復職,公許駁奏,命遂格。 祠,且許侍養行在所。 公許繳奏:「士昌罪重,京都浩穰,姦宄雜糅,恐其積習沉痼,重爲清之累,莫若且與甄 禮部侍郎,差充執綏官。鄭起潛、劉晉之及陳一薦以臺臣論劾遷謫, 蓋士昌嘗以詔獄追逮,或云詐以死聞,清之造闕,泣請于帝,故有是 項容孫以罪造還 公許疏其附下

命遂寢。 善,因拜坦殿 奏,公許疏:「乞睿斷亟下明詔,正邦典。」殿中侍御史章琰、正言李昴英以論執政及 遷中書舍人,進禮部侍郎。嵩之免喪,以觀文殿大學士提舉洞霄宮,臺諫、給舍交章論 人, 公許力爭之。 中侍御史。 坦首疏劾公許, 公許自繳士昌之命,清之日夜於經筵短公許。 以寶章閣待制知建寧府; 諫議 大夫鄭案又劾之, 周坦妻與清之妻 府尹,帝

清之奏已令守婺,帝曰:「殷欲其來。」乃授權刑部尚書,屢辭弗獲。入對,上疏貨財、興繕、逐 清之再相,公許屛居湖州者四年。再提舉玉隆觀、差知婺州, 未上; 帝欲召爲文字官,

諫臣、開邊釁時弊七事,薦知名士二十九人。 時罷京學類申,散遣生徒,公許奏:「京學養士,其法本與三學不侔。 往者立類申之法,

令行之始,臣方還朝,未敢強聒以撓旣出之令。今士子擾擾道途,經營朝夕,今旣未能盡復 重 一輕得宜,人情便安,近一旦忽以鄉庠教選而更張之,爲士亦當自反,未可盡歸咎朝廷也。 莫若權宜以五百爲額,仍用類申之法,使遠方遊學者,得以肄習其間。京邑四方之

也。 取域疏入。後二日,二府奏公許不宜去,同知樞密院徐淸叟上疏論域。太學生劉黻等百餘 極,而庠序一空,弦誦寂寥,遂使逢掖皇皇,市廛敢怨而不敢議,非所以作成士氣、尊崇敎化 人、布衣方和卿伏闕上書論域。 」清之益不樂。 授稿殿中侍御史陳塚以劾公許,參知政事吳潛奏留之,帝夜半遣小黃門 朝廷尋授寶章閣學士、知隆興府,而公許已死矣。遺表上,

帝嗟悼,進龍 圖 閣學士致仕,贈宣奉大夫,官其後,賜賻如令式。

至。 蜀有兵難,族姻奔東南者多依公許以居。所著有塵缶文集、內外制、奏議、奏常擬諡、掖 公許冲澹寡欲,晚年惟 一僮侍,食無重味,一裘至十數年不易。 家無羨儲,敬愛親戚備

垣繳奏、金革講義、進故事行世。

遇爲言官,以私憾罷之。 周民山, 司 法 羅 眞德 那上 必 亦爲直之,言于州曰:「區區小官,罷去何害?」人益壯其 先生其今之獨參揚乎?」調福州觀察推官。 元 曾極題金陵行宮龍屏,迕丞相史彌遠,謫 <u></u> 秀入參大政,必元移書曰:「老醫嘗云,傷寒壞證,惟獨參湯可救之,然其活者十 字亨父,隆興進賢人。 知餘干縣。趙福王府驕横,前後宰貳多爲擠陷,至是以 嘉定十年進士。調咸寧尉,撫州司法參軍,崇仁丞, 道州 有勢家|李遇奪民荔支園,必元直之, ,解吏窘極甚。 風力。 必元釋其縛,使之 汝愚墓占四 復攝

甚明, 位,以直 道 士治之, 衛之。改知汀州 淳祐 風節甚高,至今鄉人獨尊慕之云。 **過實章閣** 都人 中, 通判贛州。 、鼓扇 兼宗學博士致仕。卒,年九十 , 為御 成風。 史丁大全按去,後起幹行在糧料院。 必元上疏力止之。 賈似道總領京湖,剋剝至甚。 0 帝召見曰:「見卿梅花詩, 必元嘗從危賴、包遜學,最爲有淵源,見理 必元上疏,以爲蠧國脈、 錢塘有海鳅爲患,漂民居,詔 足知卿志。」 傷民命,似 度宗 方 卽

陽主簿,歷官差幹辦諸司審計司。 王 遂 字去非, 字顯叔,樞密副使韶之玄孫,後爲鎭江府金壇人。 紹定三年,福建寇擾甫定,朝廷選賢能吏,勞來安集,以 嘉泰二年進 一士,調 富

遂 資,從者如市。 知邵武軍兼福建招捕司參議官。 至郡,撫摩創痍,翦平凶孽,民恃以安。未幾,言者以遂妄自標致,邀譽沽 遂過江山、 浦城道中, 遇邵武避地之人, 即遺金爲歸

**僥倖嵩之於不敗,非爲國至計也。** 又言正風俗,息奔競。又言:「朝廷謂史嵩之小黠爲大智,近功爲遠略。忽臣之言,必欲 **改知安豐軍,遷國子監主簿,又遷太常寺主簿,拜監察御史。** 欺君誤國,天下知之,而朝廷循且惑焉,勢甚凛凛也。」入 疏奏極論進君子, 退小

對,言帝知、仁、勇,學有未至。

用,練土兵,擇將才,計軍實。」又言:「君德必純乎剛。」帝皆善之。 在朝廷者五,定規摹,明意嚮,一心力,謹事權,審號令; 風化切於時宜者,請頒示中外。皆從之。又請於並准置屯 肆無忌憚者。三凶之罪,上通于天,乞重其刑。」又取劉光祖爲殿中侍御史時奏格,擇其關於 遷右正言,尋拜殿中侍御史。 疏言:「三十年來凶德參會,未有如李知孝、梁成大、莫澤 在邊閩者六,恤歸附,精間諜,節財 田,且條上邊事曰:「當今之急務:

改知太平州(至),以論罷。 進煥章閣待制、四川安撫制置副使兼知成都府。 遷戶部 侍郎兼同修國史實錄院同修撰,時暫兼權侍左侍郎。 進顯謨閣待制、知泉州。 差知平江府。 改温州、寧國府。以寶章閣直學士 以寶章閣待制差知遂寧 進敷文閣待制、 知慶元

記

撫使。

召赴闕,授權工部尚

書。

知 建 寧府。以華文閣直學士差知隆興府兼江西轉運副使。 改知太平州,復知隆興兼江西安

意所牽; 贈之言曰:「士友當親,而賢否不可不辨; 庶幾名節之全,不愧簡册所載。」蓋格言也。 遂 與同里劉宰素同志,宰嘗稱遂爲文雅健,無世俗浮靡之氣,足以名世。 薦士以才,毋爲權要所奪。 當言則言,不視時而退縮; 財利當遠, 而會計不可不明。 可去則去,不計利而遲回。 折獄以情, 遂守平江, 宰 **好為私** 

政,有循吏之風焉。 政治。袁韶力請討李全,蓋丞相史彌遠腹心也。 論日: 傳伯成晚與楊簡爲時蓍龜。葛洪守正不阿。曾三復澹然無躁競之心。黃疇若 羅必元受學於頹者也。 程公許、王遂讜論疊見,豈不偉哉 危賴以通問除僑獲罪,其人可知,矧治州之 優於

#### 校勘記

建寧府 元定謫死道州,歸葬建陽」,建陽爲建寧府屬縣,作「建寧」是,今改。 原作「建昌府」,劉克莊後村先生大全集卷一六七傅伯成行狀作「建寧府」。 按下文「蔡 記

(三) 三十餘緡 後村先生大全集卷一四二黃疇若神道碑作「三千餘緡」,疑此誤。

(日) 淳熙十四年進士 「十四年」原作「十三年」。按本書卷三五淡宗紀,淳熙十四年四月,「賜禮部

進士王容等四百三十五人及第、出身」;南宋館閣續錄卷七謂袁韶乃淳熙十四年王容榜進士;

十四年進士,據南宋館閣續錄卷八亦屬王容榜。「十三年」乃「十四年」之誤,據改。 宋會要選舉二之二五,「十四年五月四日,賜進士聞喜宴于禮部買院」; 下文<u>危稱傳,稱舉</u>淳熙

(至) 太平州 原作「太平府」。按下文作「太平州」,本書卷八八地理志江南東路有太平州, 作州

# 史卷四百一十六

## 列傳第一百七十五

吳淵 余玠 汪立信 向士璧 胡潁 冷應澂 曹叔遠

從子豳 王萬 馬光祖

吳淵字道父,祕閣修撰柔勝之第三子也。 幼端重寡言,苦志力學。 五歲喪母, 哭泣哀

慕如 成人。

當禀命。」彌遠爲之改容,不復強。 也,今開化新置尉,卽日可上,欲以此處君。」淵對曰:「甫得一官,何敢躁進,况家有嚴君,所 嘉定七年舉進士,調建德縣主簿,丞相史彌遠館留之,語竟日,大悅,謂淵曰:「君,國器 至官,就辟令。江東九郡之宽,訟于諸使者,皆乞送淵。

丁父憂,詔以前職起復,力辭,弗許,再辭,且貽書政府曰:「人道莫大於事親,事親莫大 列 牌 够 百七 十五 吳 淵

改差浙東制置使司幹辦公事

差 制 直 送 煥 通 司 章 得 死, 纠 沿江 無礙 眞州 茍 知 制 冒 平 時 置 宰乎 哀 江 入爲 使司幹辦 求 府 **,** 將 兼 作監 節 淵 則 制 平 弗 公 許浦 丞,遷樞 事 顧 生大節已掃地矣, 水軍 韶從之。 皆不就 密院編 ٠, 提 點 服除 修官 浙 知武 西 差洲 陵縣 兼 他 刑 刑 獄 日 何以 部 東 改 提 郞 揚 官,再 舉茶 事 子 **君**? 縣 鹽 遷 兼 司 祕 淮東 時 幹 書丞 辨 丞 轉 相 公事 仍銀 運 史嵩之方 一、尋改 司 刑 幹 部 辦 鎭江 郞 起復, 府 添 或 以 節

閣

决不 文字 正。適 致 郎 鎭 司 ,再爲總領 江 袁 書引咎巽 商 能 兼 會 政 守」, 加 令御 或 衢 府 集英殿 |史院編: 嚴盜起, 欲 丞相 謝 史王定劾淵,罷 用兵 兼 知鎭江 修撰、 差 修官、 鄭清之不樂 中原、以 警報 知 鎭 知鎭 實錄院 江 至, .府, 據 ,調遣 江 關 丽 定防 侍 兼 翟。 守 檢討官兼 總 將 御 河 領 江 出 上 史 爲 一招捕 洪 知 軍 說, 之擾, 江 進 左司 權 之,殲 州 淵力陳其不可, ,改江、淮、荆、浙、 兼准 部侍郎, 其渠魁,散其支黨,以 進右文殿 東 總領 職 修撰 大要謂 任 以 如 功 福建、 遷 樞密 未幾,邊 國 太府 權兵 廣 家 功 副 力决 小 南 爲 都 部 卿 事 都 承 樞密院 侍 不 果 大 復以 旨 郞 如淵 能 提 兼 取,縱 點 一檢詳 權 總 右 坑 言, 戶 領 ㅁ 清之 誻 部 取 兼 兼 侍 之 知 檢 房

舉太平興國宮。 時 淵 造 闕 下入對, 久之,加寶章閣待制,再起知鎭江 歷 陳 九 事,甫下 殿, 御 史唐璘 無總領 擊之, 璘蓋 未幾,以戶部侍 淵 所 薦 者 也 鄓 遂 兼 仍前 知 鎭 江

召 赴 行 在 以實章閣直 |學士知太平州,尋兼江東轉運使。

撫 安 慶元 旁 疏 西 刻淵 那 沿 使, 撫 旋 府 海 流 時 不 民焚劫 諸 兼 시지 不赴; 奪 赴, 准 轉 州 職 单 運 民 加敷文閣學士,仍 一、許浦 副使。 無虚 流 以 尋復 徙 立 入境者四十 日 部 職, 、澉浦等處 會歲大日 了, 獨 尙 提 書、沿海 太平境內肅 舉太 侵, ·餘萬, 兵 平 知 講行荒 船 隆 制置副使 興國宮。 " 歲亦 興府,安撫、轉運 然無敢譁者。 淵 政, 귮 未幾, 大侵,因淵 加慰撫 知江州,亦不赴。升華文閣學士、知隆 全活者七十八萬九千餘人。 改 而 鴻 以功 賙 慶宮 副使 全活者六十五萬八千餘人。 **涇濟之**, 加加 如故。 華文閣直學士、 使之什 改知鎭 伍 江府兼都大提 徙知潭州 令土 沿海制置 著 三興府、 X 湖南 無 Ī. 使、 相 學浙 江 犯 安 西 知

無爲 茶 嵗 將 兵 亦 甲 鹽 調 公事 兵 軍 所 大 Ţ 侵, 安 母 以 生 工節 慶 憂, 功進 禽其渠魁, 府 因 服 制 淵 兼 端 蘄 除 全活 進 明殿學士、沿 黄州、 郡 屯 者 亂 龍 安慶府 田 四十二 遂 圖 使 平。 閣 學 遷兵 萬三千 屯 江 土 制 田 江 部 置 使。 西 使、 尙 五. 安撫 湖南 百餘 書、 江 知平江府 使兼知江州, 東 人。 峒寇蔓入江右之境,破數縣,袁、洪 安撫 氽 使 浙 飨 兼 西 浙 知 提點 尋爲沿江制置 建康 西兩准發 刑獄、 府、 兼 延使。 知太平州 行 副使兼提舉南康 宮留守、 尋 兼 兼 大震,淵 知 節 提 学江 制 領 网准 和 府, 州 命 軍

朝 纽 列 付 傳 |洲 第 以 光 百 七 豐、 + 蘄 五 黃 吳 之事 淵 , 氽 凡創 蚧 司 空山 燕家山金剛臺三大砦、 嵯峨山 鷹山 什子山

陵侯,復賜「錦繡堂」、「忠勤樓」大字。 以淵興利除害所列二十有五 等二十二小砦,團丁壯置軍, 一事,究心軍民,拜資政殿大學士, 分立隊伍, 進爵爲公,徙知福州、福建安撫使。 星聯棋布,脈絡貫通, 職任如舊, 無事則耕,有警則禦。 與執政思例、 改知平江府兼發 封金

玉泉。 湖廣江西京西財賦、湖北京西軍馬錢粮。 路策應大使,兼京湖屯田大使,帶行京湖安撫制置大使。 知潭州、湖南安撫使,不赴。改知太平兼提領江、淮茶鹽所,轉荆湖制置大使、知江陵府兼夔 「蜈蚣」之謠。 淵有材略,迄濟事功,所至興學養士,然政尙嚴酷,好興羅織之獄,籍入豪橫, 御 寶祐五年正月朔,以功拜參知政事。越七日,卒,贈少師,賻銀絹以五百 史劉元龍劾淵,帝寢其奏,改知寧國府。 其弟潛亦數諫止之。所著易解及退庵文集、奏議 淵調兵二萬往援川蜀,其後力戰于白河、 累具辭免,且勾祠,以本官提舉洞霄宮。 拜觀文殿學士,職任如舊,兼總領 故時有 起

肆,毆賣茶翁死,脫身走襄淮。時趙葵爲淮東制置使,玠作長短句上謁,葵壯之,留之幕中。 余玠字義夫,蘄州人。家貧落魄無行,喜功名,好大言。 少爲白鹿洞諸生,嘗攜客入茶

未 ‧幾,以功補進義副尉,擢將作監主簿、權發遣招進軍,充制置司參議官,進工部郞官。

激,文武交激,非國之福。」帝曰:「卿人物議論皆不常,可獨當一面,卿宜少留,當有擢用。」 乃授權兵部侍郎、四川宣諭使,帝從答慰遣之。」玠亦自許當手挈全圖還本朝,其功日月可 國人上下事無不確實,然後華夏率孚,天人感格。」又言:「今世胄之彥,場屋之士,田里之豪, 淮東制置司參謀官。
淳祐元年,
が提兵應援
要
,拜大理少卿,
,升制置
前使 一或即我,即指之爲麤人,斥之爲噲伍。 嘉熙三年,與大元兵戰于
广城、河陰有功,授直華文閣、淮東提點刑獄兼知淮安州兼 願陛下視文武之士爲一,勿令偏有所重,偏必至於 進對:「必使

繆,或遙領而不至,或開隙而各謀,終無成績。於是東、西川無復統律,遺民咸不聊生,監 至淳祐二年,十六年間,凡授宣撫三人,制置使九人,副四人,或老或暫,或庸或貪,或慘或 司、戎帥各專號令,擅辟守宰,蕩無紀綱,獨日益壞。及聞所入獨,人心粗定,始有安土之 尋授兵部侍郎、<u>四川安撫制置使兼知重慶府兼四川總領兼</u>變路轉運使。 自寶慶三年

忠益,諸葛孔明所以用蜀也。 <u></u>
玠大更敝政,遴選守宰,築招賢之館于府之左,供張一如帥所居,下令曰:「集衆思,廣 欲有謀以告我者,近則徑詣公府,遠則自言于郡,所在以禮遣

百

+

余

之,高爵重賞,朝廷不吝以報功,豪傑之士趨期立事,今其時矣。」士之至者,附不厭禮接,咸 得其歡心,言有可用,隨其才而任之;苟不可用,亦厚遺謝之。

之事,悉以任之。命下,一府皆諠然同辭以爲不可。」玠怒曰:「城成則獨賴以安,不成,玠獨 館以處之,且日使人窺其所爲。兄弟終日不言,惟對踞,以堊畫地爲山川城池之形,起則漫 |雖兄弟飮食而已。|玠以微言挑之,卒默然。|玠曰:「是觀我待士之禮何如耳。」明日更闢別 之若素有,居數月,無所言。」針將謝之,乃爲設宴,針親主之。酒酣,坐客方紛紛競言所長, 諸郡治所,屯兵聚粮爲必守計。 其謀聞於朝,請不次官之。詔以趙爲承事郎、權發遣合州,璞爲承務郎、權通判州事。 去,如是又旬日,請見所,屛人曰:「某兄弟辱明公禮遇,思有以少裨益,非敢同衆人也。爲今 足守也。」」玠大喜曰:「玠固疑先生非淺土,先生之謀,玠不敢掠以歸已。」 遂不謀於衆,密以 日西蜀之計,其在徙合州城乎。」玠不覺躍起,執其手曰:「此]玠志也,但未得其所耳。」曰: 「蜀口形勝之地莫若釣魚山,請徙諸此,若任得其人,積粟以守之,賢於十萬師遠矣,巴蜀不 是可與語矣。」遂詣府上謁,玠素聞冉氏兄弟,刺入卽出見之,與分廷抗禮,賓館之奉,冉安 播州冉氏兄弟璡、蹼,有文武才,隱居蠻中,前後閫帥辟召,堅不肯起,聞玠賢,相謂曰: 無預也。」卒築青居、大獲、釣魚、雲頂、天生凡十餘城,皆因山爲壘,碁布星分,爲 且誅潰將以肅軍令。又移金戎於大獲,以護蜀口。移沔戎於

|青居,|興戎先駐||合州舊城,移守||釣魚,共備內水。移||刊我於||雲頂,以備外水。於是如臂使指

氣勢聯絡。又屬嘉定俞興開屯田於成都,蜀以富實。

明,器械森然,沙上之人彌望若林立,無一人敢亂行者。舟中皆戰掉失色,而]的自若也。徐 其手,蜀人患苦之。且悉斂部將倅馬以自入,將戰,迺高其估寶與之。朝廷雖知其不法,在 命 不精,所以不敢即見者,恐驚從人耳。」頃之,班聲如雷,江水如沸,聲止,圓陣即合,旗幟精 迎謁,才羸弱二百人。」玠曰:「久聞都統兵精,今疲敝若此,殊不稱所望。」變對曰:「變兵非 遠不能詰也。大帥處分,少不赚其意,則百計撓之,使不得有所爲。」玠至嘉定,變帥所部兵 頸,四面然箕,謂之「蟇蝕月」,以弓弦繫鼻下,高懸於格,謂之「錯繫喉」,縛人兩股,以木交 壓,謂之「乾榨油」,以至用醋灌鼻、惡水灌耳口等,毒虐非一,以脅取金帛,稍不遂意,卽死 司 · 吏班賞有差。 變退謂人曰:「儒者中迺有此人!」 '都統王夔素殘悍,號「王夜叉」,恃功驕恣,桀驁不受節度,所至劫掠,每得富家, 十年冬,玠率諸將巡邊,直擣興元,大元兵與之大戰。十二年,又大戰于嘉定。 、
穴
箕
加 初,利

養成其勢,後一舉足,西蜀危矣。」所曰:「我欲誅之久矣,獨患其黨與衆,未發耳。」成曰:「侍 玠 人欲誅變,獨患其握重兵居外,恐輕動危蜀,謀於親將楊成,成曰:「變在蜀久,所部 時大帥,變皆勢出其右,意不止此也。 視侍郎爲文臣,必不肯甘心從令,今縱弗誅,

列

第

取孤 之,遂相率拜賀,夔至,斬之。 以成代領其衆,變才離營,而新將已單騎入矣,將士皆愕眙相顧,不知所爲。 有吳氏得人之固也。今誅之,一夫力耳,待其發而取之,難矣。」」玠意遂决,夜召變計事, 傳之四 郞 以夔在蜀 脈 世,恩威 况變無吳氏之功,而有曦之逆心,恃豨突之勇,敢慢法度,縱兵殘民,奴視 久,有威名,孰與吳氏?變固弗若也。 益張,根本益固,蜀人知有吳氏而不知有朝廷。 成因祭其所與爲惡者數人,稍稍以法誅之。 夫吳氏當中興危難之時,能百戰以保蜀, 旦曦爲畔逆,諸將誅之如 乃薦成爲文州刺 成以帥指譬曉 同 三列,非

自安,一夕暴下卒,或謂仰藥死。蜀之人莫不悲慕如失父母 某往代世安,世安閉關不納,且有危言,然常疑<u></u>玠圖己。屬丞相<u>謝方叔家子姪自永康</u> 嗾世安密求) ( ) 之短,陳於帝前。 **雲頂,世安厚結之,求方叔爲援。** 戎 即欲舉統制姚世安爲代,玠素欲革軍中舉代之敝,以三千騎至雲頂 於是世安與玠抗,玠鬱鬱不樂。 方叔因倡言所失利我之心,非我調停,且且夕有變, 寶祐元年,聞有召命,愈不 山下, 遣都統金 又陰 避 地

史陳大方言奪職。 六年,復之。 士、端明殿學士,及召,拜資政殿學士,恩例視執政。 <u></u>玠自入置,進華文閣待制,賜金帶,權兵部尚書,進徽猷閣學士,升大使,又進龍 其卒也,帝輟朝,特贈五官。以監察御 圖 閣

久假 耳目於羣 至 孫,取「當如孫仲謀」之義,遭論改師忠,歷大理寺丞,爲賈似道所殺。 東南之戍。 於 、脩學養士,輕徭以寬民力,薄征以通商賈。 便宜之權,不顧嫌疑,昧於勇退,遂來讒賊之口;而又置機捕官,雖足以廉得 <u></u>
玠之治蜀也,任都統張實治軍旅,安撫王惟忠治財賦,監簿朱文炳接賓客,皆有常度。 小,虛實相半,故人多懷疑懼。 自寶慶以來,蜀閩未有能及之者。 至於世安拒命,玠威名頓挫,齎志以沒。 **惜其遽以太平自詫,進蜀錦蜀箋,過於文飾。** 蜀既富實,乃罷京湖之餉 ; 邊關 事 無警,又撤 有子日 情,然寄 如

見立 湖 信狀 制 淳 汪立信,澈從孫也。 酤 司 幹辦、 貌 元 雄偉,顧侍臣曰:「此閮帥才 年,立信獻策招安 通判 建康府。 立信會大父智從澈宣論湖北,道六安,愛其山水,因居焉 反慶劇賊 荆湖制置趙葵辟充策應使司 胡 也。 興、劉文亮等,借補承信 」授鳥江主簿,辟沿 ·及本司參議官。 江 郎。 制 幕。 六 年, 知 桐 登 葵去而馬光祖 城 進 縣,未 -第, 上,辟 理宗

|荆|

之,立信是時

%在

府

也。

列

傳

第

百

七

+

五

汪

立

信

支散 影州 官物爲罪, 重 解 賈 擊去之。 似 道 既罔上 光祖 與葵素有隙,且欲迎合似道,被旨即召吏稽 一要功,惡閫外之臣與己分功,迺行打算法於諸 勾簿書,卒不能得 路、欲 以軍 一興時

信 爲 其 有 不 日 通 印 疵 可 使某 判 乎? 且 之驩 江 迺 辺 一光祖 陵 不 府, 「方艱 ·爲則 也 開 慶二年正 葵制 已,果爲之,必不 怒曰:「吾不 、難時, 置 荆湖, 趙公 月望夕,張燈宴設錢三萬緡爲葵放散官物聞 嘗以 蒞 才不能 事 公事 ·效公所爲也。 勤勞,而 為度 劾立信, 分外事 公以 ', 知 。」光祖 非 及在沿江府,亦謀議寡諧, 理攟 奉朝 益怒,議不行, 命而已。 拾之,公一 君他 旦去此, 立信遂投劾去。 于朝。 日 處此,勉爲之。」立 後來者復效公所 立信於葵蓋未嘗 立 信力爭之, 初,

者 撫 制 知 常 使、 蘄 千 加 人,後 藥餌, 黄 州 擢 知 興國 京 潭州 浙 西 來者 西 雨 軍 提舉常 提點 雪 馬、 果賴 旱潦 至官,供帳 刑 提舉 平, 獄。 其 軍 民皆有給。 用。 改知昭信軍、權准 | 饒州 明年多,卽 之物悉 權 南康 兵 部尙書、 置官 兵甲, 興學校, 嘉 庫,所 興治 荆湖 升江 東提刑。 士 所講 積錢 習 安撫 西安撫使。 [為變] 行 連歲代納 荒 制 景定元年,差知池州、提舉江東常平、 以潭爲湖湘 置 政。 知 乞祠 尋改 潭民夏 江 陵 禄, 知 府。 重鎭 江 稅, 州,充沿江 差 創 知鎭江, 貧 無告者予錢 威 敵 制置 軍,所募精銳 尋充 副 湖南 使、節 病 安

異志 之不假易也,從古以然,此誠上下交修以迓續天命之幾, 時 朝 襄 廷宜 陽 被 防之」。 韋 危急 迺 移書似 立信 上 道 疏 「請益安陸府 謂:「今天下 屯兵, 之勢 + 凡 去 邊 八 戍 重惜 九 皆 不宜抽 分陰以趨事 而 君 臣 減 宴安不 黄州 赴 守臣 工 以 之日 為 陳奕 虞 也 夫 天 Πí

多兵, 俯遂 其尤要害處, 輒參倍其兵。 迺 歸之,許輸歲幣以緩師期,不二三年,邊遽稍休,藩垣稍固,生兵日增,可戰可守,此中策也 二府,以涖任得其人,率然之勢,此上策也。 相 五. 一策果不得行,則天敗我也,若銜璧興櫬之禮,則請備以俟。」似道得書大怒,抵之地,詬曰; 聞 酣 十餘萬 民 .歌深宮,嘯傲湖山,玩歲愒日,緩急倒施,卿士師師非度,百姓鬱怨非上,以求當天心, ,餽餉不絕,互相應援,以爲聯絡之固。選宗室親王、忠良有幹用大臣,立爲統制,分東西 宜盡出之江干,以實外禦。 算兵帳見兵可七十餘萬人,老弱柔脆,十分汰二,爲選兵 物,拱揖指揮而折衝萬里者,不亦難乎!爲今日之計者,其策有三。 失內郡何事乎 人。 而沿江之守,則不過七千里,若距百里而屯,屯有守將,十屯爲府,府有總督, 無事則泛舟長淮,往來游徼,有事則東西齊奮,戰守並用。刁斗 、人拘聘使,無益於我,徒使敵得以爲辭,請禮 乢

使、江淮招討使,俾就建康府庫募兵以援江上諸郡。立信受詔不辭,即日 曰:「今江南無一寸乾淨地,某去尋一片趙家地上死,第要死得分明爾。」旣至, 金明,執其手曰:「我不負國家,爾亦必不負我。」遂行。與似道遇|無湖, 「不用公言,以至於此。」立信曰:「平章、平章,瞎賊今日更說一句不得。」似道問 十年, 大元兵大舉伐宋,似道督諸軍出次江上,以立信爲端明殿學士、沿江制置 似道拊立信背哭曰: 上道,以妻子託 立信 則建康守兵 何向? 愛將

瞎賊狂言敢爾。」蓋

以立信目微眇云。

尋中以危法廢斥之。

列

悉潰,不 而四 面皆北軍。 立信知事不可成,數曰:「吾生爲宋臣,死爲宋鬼,終爲國一死,

死 無益耳,以此負國。」率所部數千人至高興,欲控引淮漢以爲後圖 召賓佐與訣,手爲表起居三宮,與從子書,屬以家事。夜分起步庭中,慷慨悲歌, 而 聞 似道師潰蕪湖,江漢守臣皆望風降遁。 立信歎曰:「吾今日猶得死於宋土也。」 握

撫案者三,以是失聲,三日扼吭而卒。以光祿大夫致仕,遺表聞,贈太傅。

逎

置

酒

其孥,伯顏歎息久之,曰:「宋有是人,有是言哉! 使果用,我安得至此。」命求其家厚恤之, 曰:「忠臣之家也。」金明以立信之喪歸葬丹陽。 大元丞相伯顏入建康,金明以其家人免,或惡立信於伯顏,以其二策及其死告,且請戮

立信子麟,內書寫機宜文字,在建康 不肯從衆降,崎嶇走閩以死。

主之。 非其 炎爲有加,應炎甚快快。 〈倫也, 初,立信之未仕也,家窶甚。 應炎一見立信,與語,心知其非常人,言於淵,淵大奇之,禮以上客,凡共張服 盍少下之。」是年,試江東轉運司,明年登第,後其踐歷略如淵而卒死於難,人謂 淵解之曰:「此君,吾地位人也,但遭時不同耳。 會歲大侵,吳淵守鎭江, 命爲粥以食流民,使其客黃應炎 君之識度志業,皆 御 視 應

淵能知人云。

列傳第一百七十五 向士璧 胡鼠

数立 授將作監 程。 紹 言罷 慶 一奇功。 |府鎭撫使,遷太府少卿、大理 向 起知安慶府、知黃州, 起 爲 壁字君玉,常州人。 京湖制置參議官,進直煥章閣、 帝亦語羣臣曰:「士璧不待朝命 准 西 制置司參議官, 遷准 負才氣,精悍甚自好,紹定五年進士,累通判平江府, 西提點刑獄兼 卿,進直 又以監察御 龍 湖北安撫副使兼知 圖閣。 史胡 進師歸州 知黄州,加直寶章閣, 孤言罷。 合州告急, 且捐家貲百萬以供軍費, 起 知 峽州 制置使馬光祖命士 壁赴援, 高 郵軍 仍舊職,奉鴻 兼歸峽施 , 制置 使丘 黔、南平軍、 禧 以臣 崇又論 祠。 僚 特

進祕閣脩撰、樞密副都承旨,仍舊職

以計 北還 授權兵部侍郎、湖南安撫使兼知潭州。 大監其軍,遇於<u>南岳市</u>,一戰有功,潭州圍遂解。 時 司參議官,遷湖南安撫副使兼知潭州,兼京西、湖南北路宣撫司參議官,加右文殿修撰,尋 ·朝廷自揚州移賈似道以樞密使宣撫六路,進駐|峽州,檄士麠以軍事付呂文德,士麈不從, ,前鋒至城下,攻圍急,土壓極力守禦,聞後隊且至,遣王輔佑率五百人往覘之,以易正 斷橋奏捷,具言方略。未幾,文德亦以捷聞。」士璧還峽州,方懷傾奪之疑,尋辟爲宣撫 開慶元年,<br />
涪州危,<br />
又命上塵往援,<br />
北兵夾江爲營,<br />
長數十里,<br />
阻舟師不能進至浮橋。 頃之,升湖南制置副使。 事聞,賜金帶,令服繫,進兵部侍郎兼轉運 大元將兀良哈解兵自交阯

## 使,餘依舊職。

及文天祥起兵召輔佑于謫所,則死矣。 是死,復拘其妻妾而徵之。其後元善改知吉水縣,俄歸得狂疾,常呼士璧。 州居住。又稽守城時所用金穀,逮至行部責償。 似道入相,疾其功,非獨不加賞,反諷監察御史陳寅、侍御史孫附鳳一 幕屬方元善者,極意逢迎 似道意,士璧坐 時輔佑亦遠謫, 再劾罷之,送潭

其子孫, 詔從之。 <u></u>德祐元年三月,詔追復元官,仍還從官恩數,立廟潭州。 明年正月,太府卿柳岳乞錄用

成童 官, 數有戰功, |卽能倍誦諸經,中童子科,復從兄學弓馬,母不許,曰:「汝家世儒業,不可復爾也。」遂 胡頴字叔獻, 潭州湘潭人。父瓅, 娶趙方弟確之女, 二子, 長日顯, 有拳勇, 以材武入 事見趙范傳。 頴自幼風神秀異, 機警不常, 趙氏諸舅以其類己, 每加賞鑒。

獻俘于朝,以賞補官。 紹定三年,范討李全,檄顯入幕,顯常微服行諸營,察衆志嚮,歸必三鼓。後全敗,遣顯 五年,登進士第,即授京秩。歷官知平江府兼浙西提點刑獄,移湖南

感勵苦學,尤長於春秋。

室, 兼提舉常平,即家置司。 一祠,吏民夙所畏事,題徹之,作來證堂奉母居之,嘗語道州教授楊允恭曰:「吾夜必瞑坐此 察影響,咸無有。」允恭對曰:「以爲無則無矣,從而察之,則是又疑其有也。」題甚善 性不喜邪佞,尤惡言神異,所至毁淫祠數千區,以正風俗。 | 衡州有

蓋然猶衆蛇耳,遂殺之,毁其寺,并罪僧。移節廣西,尋遷京湖總領財賦。咸淳間卒,贈 柱而黑色,載以闌檻,顯令之曰:「爾有神靈當三日見變怪,過三日則汝無神矣。」旣及期, 已而蛇蜿蜒而出,守大驚得疾,旋卒。題至廣州,聞其事,檄潮州令僧异蛇至,至則其大如 前守去,州人心疑焉,以爲未嘗詣也; 已而旱, 咸咎守不敬蛇神故致此, 後守不得已詣焉, 以樞密都承旨爲廣東經略安撫使。潮州僧寺有大蛇能驚動人,前後仕于潮者皆信奉之。

際,對偶皆精,讀者驚嘆。臨政善斷,不畏彊禦。在浙西,榮王府十二人行劫,顯悉斬之。 也。」帝爲之默然。 日輪對,理宗曰:「聞卿好殺。」意在浙獄, 顯曰:「臣不敢屈太祖之法以負陛下, 非嗜殺 題爲人正直剛果,博學彊記,吐辭成文,書判下筆千言,援據經史,切當事情,倉卒之

者,必曰:「願下廬陵淸主簿。」尤爲楊長孺所證拔。 冷應澂字公定,隆興分寧人。寶慶元年進士,調廬陵主簿,即以康能著。 調靜江府司錄參軍,治獄平恕,轉運使 有愬事臺府

恣民收養,所棄父母不得復問,全活甚衆。 葉夢得(1)列其行事,風厲餘邑。 知萬載縣,大修學舍,招俊秀治其業,旌其通經飭行者以勸。 歲歉,棄孩滿道,乃下令 通判道州。

監行在権貨務,遷登聞鼓檢院

范應鈴列薦于朝。

府者,誅豪吏之激禍者。初經略雷宜中意應澂必以濟師來請,及是歎服,亟上其事,薦應澂 知其勢解,即厲士馬,出不意一鼓擒之,縱遣歸農,猶千餘人,乃請諸監司,歸郡之避難留幕 也。脅從影附,亦宜早計去就,不然不免矣。」了了感悟欲自歸,惑謀主不果,衆稍引去。 可大用。 城六十里而營。應澂未入境,馳檄諭之曰:「汝等不獲已至此,新太守且上,轉禍爲福,一機 景定元年,奉使督餉江上,還,知德慶府。 前守政不立,縱豪吏漁獵,峒潦遂大爲變,偪 應澂

後,不一月訖事。凡諸綱官廪稍軍券,前政積不得者悉補還之,上下欣附。應澂亦極力摩 屬縣租賦,諉道阻久不至郡,應澂爲之期曰:「首輸者與減分,末至則償所減。」民惟恐

就升直寶章閣、知廣州,主管廣南東路經略安撫司公事、馬步軍都總管,領漕、庾如故。 時經略使陳宗禮入爲參知政事,帝問誰可代卿者,宗禮以應澂對,旋召爲都官郞官,未行, 撫,與爲簡便。 提舉常平兼轉運使, 期年報政,奏罷抑配鹽法及乞用楮劵折銀綱等五事,以紓民力,詔就升本道 俾行其說。 首劾守令貪橫不法十餘人,列郡肅然。 最聞,加直祕閣。

亦加審愼,至其臨事輒斷,雖勢要不爲撓奪。 後卒于家**。** 聞襄、樊受圍,日繕器械,裕財栗,以備倉卒,後卒賴其用。屢平大寇,未嘗輕殺,笞杖以降, 今國計內虛,邊聲外震,吾等受上厚恩,安得清談自高以誤世。 五 司叢劇,應澂卽分時理務,不擾不勧,常曰:「治官事當如家事,惜官物當如已物。方 '陶士行、卞望之吾師也。」自

召,權禮部侍郎,遇事獻替,多所裨益。終徽猷閣待制,諡文肅。嘗編永嘉譜,識者謂其有 逐寧境,輒戢其徒無肆暴,曰:「此<u>江南好官員也。」入朝,爲工部郎,出知袁州。以太常少卿</u> 子學錄,迕韓侂胄,罷。通判涪州,後守遂寧,營卒其簡苦總領所侵刻,相率稱亂,勢張甚,入 史才。子屬,孫郃,皆登進士第。族子豳。 曹叔遠字器遠,温州瑞安人。少學于陳傅良。登紹熙元年進士第。久之,李壁薦爲國

列

第

百七十

五

叔

遠

王萬

論余天錫、李鳴復之過,迕旨,遷起居郞。進禮部侍郎,不拜,疏七上,進古詩以寓規正。久 萬、郭磊卿、徐淸叟俱負直擊,當時號「嘉熙四諫」。上疏言:「立太子、厚倫紀,以弭火災。」又 書院以祀尹焞。移浙東提點刑獄,寒食放囚歸祀其先,囚感泣如期至。召爲左司諫,與王 守度正欲薦之,豳辭曰"「章司錄母老,請先之。」正敬嘆。改知建昌縣,復故尚書李常山房, 之,起知福州,再以侍郎召,爲臺臣所沮而止。遂守寶章閣待制致仕,卒諡文恭。子愉老, 建齋舍以處諸生。擢祕書丞兼倉部郎官。出爲浙西提舉常平,面陳和糴折納之敞,建虎丘 亦登進士第。 [字|西土,少從|錢文子學,登|嘉泰二年進士第,授|安吉州教授。 調重慶府司法參軍,郡

精於邊防要害。 |王萬字處一,家世婺州,父遊淮間,萬因生長||豫州。少忠伉有大志,究心當世急務,尤 登嘉定十六年進士第,調和州教授。端平元年,主管尚書吏部架閣文字,

遷國子學錄。明年,添差通判鎭江府。

時金初滅,當路多知其人豪也,咨問者旁午。 鄭清之初謀乘虛取河洛,萬謂當急爲自

中, 濠之西爲安豐,爲光,以達信陽,淮流淺澀,敵每揭厲以涉之。法當調揚州北軍三千人,自 制閩之命是聽。 大臣要官,謂:「長淮千里,中間無大山澤爲限,擊首尾應,正如常山蛇勢,首當倂兩淮爲一 矣,言之甚,恐亦不可。今邊民生意如髮,宜以振厲奮發,興感人心。」爲條具沿邊事 治之規。 每候 東檮 法當建制置司合肥,而以濠梁、安豐、光州爲臂,以黃岡爲肘後緩急之助。 西兵東來,輒尾之,使准、襄之勢亦合,而後大規橅可立。」 虚,常往來宿、亳間,使敵無意於東,而我倂力淮西。淮西則又惟合肥居江、淮南北之 已而大元兵壓境,三邊震動,理宗下罪己詔,吳泳起草,又以咨萬,萬謂:「兵固失 兩准惟濠州居中。濠之東爲盱眙,爲楚,以達 |鹽城, 淮流深廣, 敵所難度。 又必令荆、襄 宜,徧告

置為 流落餘民亦 軍,東則海 其中。行 論 總統。淮東 用 則 兵,則謂:「當以五千人爲屯,每屯一將、二長,一大將一路,又合一大將而倂合於制 、邳,所依者水之險,西則唐、鄧,所依者山之險,畫此無地無田不耕,則歸附新軍 給營陣,止則依城壘;行則齎乾糧,止則就食州縣。」論屯田,則謂"「當於新復州 有固志 可精兵三萬,光、黃可二萬,東西夾擊,而沿江制司會合肥兵共二萬,以牽制

**滁、濠、定遠,** 又 謂 :「戎司 都統 '舊分地戍守,殿步兵戍眞、楊、六合,鎭江兵戍揚、楚、盱眙,建康馬司兵戍 司 兵 戍廬、和、安豐, 以至池司兵戍舒、蘄、巢縣, 江司兵戍廝、黄、浮光,

列

傳

第

故軍事常整辦。 地勢皆順,皆以統制部之出外,而皆常有帥臣居內,以本軍財賦葺營栅,撫士卒,備器械,以 兵興用窘,履畝之令行,則又言之廟堂曰:「今名更化,可反為故相之所不爲乎?」 其他數 請寬邊民,請團民兵,請援浮光,請邊民之能捍邊者,常厚其賞而小其官,使常得其力。其後 之財,資他處之用,以致營栅壞而莫修,士卒貧而莫給,器械鈍而莫繕,宜與盡還舊制。」及 光州者,以池司都統而在楚州,以鎭江都統而在應天者,將不知兵,兵不屬將,往往以本軍 陳,往往累數萬言,其自任之篤,切於當世如此。三年,授樞密院編脩官。 遇警急則帥臣親統重兵以行。比乃有以建康馬帥而知黃州者, 都統] 而 知

說書 外郎 往往改業散去,民亦化之不復訟,上下肅然,郡以大治。才五月,乞祠去。三年,遷屯田員 然有觸於 ,永永勿替,天命在我矣。」差知台州,至郡日,惟蔬飯,終日坐廳事,事至立斷,吏無所售, 兼 嘉熙六年(三),兼權屯田郎中,因轉對,言:「天命去留原於君心,陛下一一而思之,凡惻 編修,轉對,言:「君臣上下盡克私心,以服人心,以回天心。」遷尙右郎官,尋兼崇政殿 心而未能安者,皆心之未能同乎天者也。天不在天,而在陛下之心,苟能天人合

旨,迄不奉詔。 四 年,擢監察御史。首論史宅之,故相之子,曩者弄權,不當復玷從班。上命丞相再三論 上不得已,出宅之知平江府。 又論之,疏凡五上,史嵩之自江上董師入相,

列傳第一百七十五 馬光祖

出為 太常 萬 之遺直,爲郡廉平,古之遺愛。 疏入,遷大理少卿。 人發其 又首論之,謂其「事體迫遽,氣象傾搖,太學生欲趣其歸,則賄賂之迹已形。近或謂有族 少卿致仕,卒。 福建提點刑獄,加直煥章閣、四川宣諭司參議官,皆力辭,乞休致。 私 事,肆爲醜詆者,以相國大臣而若此,非書之所謂大臣矣」。然當時論 嵩之罷相,衆方交論其非,上思萬先見,親賜御札, 萬卽日還常熟寓舍。遷太常少卿,辭。差知寧國府,辭。 聞其母老家貧,朕甚念之,賜新會五千貫,田五 **調萬「立朝蹇諤,古** 詔特 召赴行在奏事, 轉朝奉郎, 一百畝,以瞻給 相之事 已决, 守

有時習編及其他奏箚及論天下事者凡十卷。 習未熟也,熟則言行一矣。故終其身,行無不顧其言。 初,萬之學專有得於「時習」之語,謂學莫先於言顧行,言然而行,未然者非言之僞也, 發於設施論諫,皆根於中心。

改 登開鼓院,進太府寺丞兼莊文府教授、右曹郎官。出知處州,乞降僧道牒振濟,詔從之。 知餘干縣,差知高 馬光祖字華父,婺州金華人。寶慶二年進士,調新喩主簿,已有能名。 一部軍,遷軍器監主簿,差充督視行府參議官。 奉雲臺祠。 差知處州 從眞德秀學。 加

直 九 軍 年 馬 祕 錢 閣 起直 糧 浙 兼 徽 東 知鎭江 飲 閣、 提 (舉常) 知 平。移浙 太平州 農卿 進 直 徽 淮 )針 西提點刑獄,時暫兼權浙西提舉常平。 提領 閣 總領 江 江 西茶 西 轉運 、鹽所。 江東 副 轉 使兼 進直 運 知隆興府。 |寶文閣,遷太府少卿,仍知 以 右 起 Ī 復軍 言 劉漢丽 器監、 太平州 總領淮東 提 後

頟

江

准

所。

遷

司

西

飨

權

諸 卽 兼 京 軍 以 行 師 ·昏嫁 常 宮 艱 拜戶 食、 留 例 守銀 部尚書 公 和 屬 用 糴 器 縣稅折收絲 節 增 兼 制 Ш. 價、 錢二 和 知 海道 臨安 州 + 無 分府、 綿絹 萬 爲 致 寇 軍 緡 浙 支稿 三害。 帛, 安慶府三 西 安 倚 軍 無使 閣除 加寶章閣 民, 郡 発以 减 屯田 帝 租 數萬 直學 諭 稅,養鰥 使, 丞 士、沿 相 加煥章閣, 謝方叔 寡孤疾無告之人,招兵 興學校,禮賢 江制 趣入觀,乞嚴 置使、江 尋加 漢章 才,辟 東 安撫 閣 下海米禁, 召僚 學 使、 置 屬,皆 一砦,給錢 知 始至官, 建 歷 極 康 府 陳 助

撙節 價,以利小民。修飭武備,防拓要害,邊賴以安。其爲政寬猛適宜,事存大體 費用 拜端 蠲 江 制置 除 明殿 建 前 平 大使、江東安撫使再 政 逋 糴 負錢 倉,貯米十 荆湖 百餘萬緡, 制置、 Ė. 萬 知江 魚 知 石,又爲 利 建 陵府, 稅 康,士女相 課 凍貯 悉罷 去而 糴 減予 建康 慶。 本二百 民,修建 之民思之不已。 光祖 餘 萬 益 明道、 緡 思寬養民 補 南 其 軒書院 折 帝 力, 閱 聞 興 命以 發糴常 及 廢 上元 起壞, 資政 減 縣 於市 殿 學。 知無 學

光祖 康,郡民爲建祠六所。乞致仕,不許。 府積粟不發廩,光祖謁王,辭以故,明日往,亦如之,又明日又往,臥客次,王不得已見焉。 大學士兼准西 政事,以監察御史曾淵子言罷。 福建安撫使,以侍御史陳堯道言罷,以前職提舉洞霄宮。 懷中文書曰:「某莊某倉若干。」王無以辭,得粟活民甚多。 厲聲曰:「天下孰不知大王子爲儲君,大王不於此時收人心乎?」王以無粟辭,光祖探 公田法行,光祖移書賈似道言公田法非便,乞不以及江東,必欲行之,罷光祖 「總領。 召赴行在,遷提領戶部財用兼知臨安府、浙西安撫使。 給事中盧鉞復繳奏新命,以金紫光祿大夫致仕,卒,諡莊 咸淳三年,拜參知政事。五年,拜知樞密院事兼參知 再以沿江制置、江東安撫使知建 進同知樞密院事,尋差知福州 會歲饑,榮王 乃可。進

紀,威惠並行,百廢無不修舉云。 光祖之在外,練兵豐財,朝廷以之爲京尹,則剸治浩穰,風績凛然。 三至建康,終始

|敏。

之策,殆天奪其魄矣。向土壁卒阨於似道,宋之不足圖存,蓋可知也。 論曰:吳淵才具優長,而嚴酷累之。 余玠意氣豪雄,而志不克信。 列 傳 第一 百 七 十五五 馬 光 궲 校 勘 記 二四八七 胡頴好毁淫祠,非其 賈似道不用汪立信

愛猶在民心,可謂能臣已。

一二四八八

中之無慊,不能爾也。 冷應澂安邊之才。曹叔遠、王萬皆正人端士。馬光祖治建康,逮今遺

## 校勘記

(1) 葉夢得 按葉夢得,南宋初人,葉夢鼎於淳祐間權知袁州,見本書卷四一四葉夢鼎傳; 萬載爲

袁州屬縣; 淳祐年代在寶慶、景定之間。 此處所敍事與漢夢得無關,疑「得」爲「鼎」字之誤。

 $\Xi$ 嘉熙六年 按嘉熙無六年,宋史全文卷三三記有嘉熙元年二月屯田郎官王萬進對事,當與此處

所敍事有關。

## 宋史卷四百一十七

## 列傳第一百七十六

喬行簡 范鍾 游似 趙葵 兄范 謝方叔

點刑獄 卿、祕書監,權工部侍郎,皆任兼職。 國宜靜以觀變。 轉運判官, 上便民事。 喬 兼知鎭江府。 行簡字壽朋,婺州東陽人。 知嘉興府。 主管戶部架閣,召試館職,爲秘書省正字兼樞密院編修官。 因列上備邊四 遷起居愈兼國子司業,兼國史編修、實錄檢討,兼侍講。 改准南轉運判官兼准西提點刑獄、提舉常平。言途有必亡之形,中 事。 學于呂祖謙之門。 會近臣有主戰者,師遂出,金人因破蘄、黃。移浙西 登紹熙四年進士第。 升秘書郎,爲准 歷官知通州,條 尋遷宗正少 提 西

理宗卽位,行簡貽書丞相史彌遠,請帝法孝宗行三年喪。 應詔上疏曰:

求賢、求言二詔之强,果能確守初意,深求實益,則人才振而治本立, 國威張而姦

列傳第一百七十六 喬行簡

矣。 臣 所舉賢能 嚢 封 而天下終疑陛下之爲具文。 來 臣 竊觀 上, 才識之士又不知其幾人也, 或直或巽,或切或泛,無所不有,陛下亦嘗摭其一二見之施行且褒賞之 近事,似或不然。夫自侍從至郎官凡幾人,自監司至郡守凡幾人,今其 陛下蓋嘗摭其一二欲召用之矣。凡內外小大之

之意。 賞者,往往皆末節細故,無關於理亂,粗述古今,不至於抵觸,然後取之以示吾有聽受 著、持正不阿、廉介有守、臨事不撓者,論薦雖多,固未嘗收拾而召之也。 用之也。 煮 以所召者,非久無宦情决不肯來之人,則年已衰暮决不可來之人耳。彼風節素 其間亦豈無深憂遠識高出衆見之表,忠言至計有補聖聽之聰者,固未聞采納而 其所 施 行 褒

因是 靇 職業有聞,或以言語自見,天下未知其得罪之由,徒見其置散投閒,倏來驟去, 而 鐫 mi 自 褫,削 陛 致謗,其亦何便於此。 下臨御至今,班行之彥,麾節之臣,有因論列而去,有因自請而歸。 奪而流竄,皆以爲陛下黜遠善士,厭惡直言。 夫賢路當廣而不當狹,言路當開而不當塞,治亂安危,莫 去者遂以此而 得名, 其人或以 朝廷 甚 至廢 乃

又言:「敬天命,伸士氣。」時帝移御淸燕殿,行簡奏「願加畏謹」,且言:「羣賢方集,願勿

不

由

此

因濟王議異同,致有渙散。」升兼侍讀,兼國子祭酒、吏部侍郎,權禮部尚書。 權刑部尙書,

拜端明殿學士、同簽書樞密院事,進簽書樞密院事。

太后崩,疏言:

今者,安能保小人之不萌是心?陛下又安能保聖心之不無少肆?陛下爲天下君,當懋 向者,陛下內廷舉動,皆有稟承。小人縱有蠱惑干求之心,猶有所忌憚而不敢發,

建皇極,一循大公,不應私徇小人爲其所誤。

紀。 售其陰險巧佞之姦。 已,其勢必至於假采聽之言而傷動善類,設衆人之譽而進拔憸人,借納忠效勤之意 上以罔人君之聰明,來天下之怨謗,下以撓官府之公道,亂民間之曲直。 凡爲此者,皆戚畹肺肝之親,近習貴幸之臣,奔走使令之輩。外取貨財, 日積月累,氣勢盆張,人主之威權,將爲所竊弄而不自知矣。 縱而 內壞綱 而 不

方富之年,居聲色易縱之地,萬一於此不能自制,必於盛德大有虧損。 陛下衰絰在身, 愈當警戒, 宮庭之間旣無所嚴憚, 嬪御之人又視昔衆多,以春秋 願陛下常加警

又論火災求言,乞取其切者付外行之。 又論許國不當換文資,其當慮者有五; 鄭損不

當帥蜀。

省。

見殺 分,而吾得藉此以制之,則可折其姦心而存吾之大體。不然,跋扈者專殺而不敢誅,有功者 陰一軍拔其尤者以護其師,然後明指殺青者之姓名,俾之誅戮,加贈恤之典於青,則其勢自 李全一人而已。」 終爲我用,慮變生肘腋,故先其未發驅除之。竊意軍中必有憤激思奮之人,莫若乘勢就准 而不敢愬,彼知朝廷一用柔道而威斷不施,烏保其不遞相視效。則其所當慮者,不獨 又言一時青者,以官則國家之節度,以人則邊陲之大將,一旦遽爲李全所戕,是必疑其

制全准,此曹未必無窺伺之心,或爲所入,則准東俱非我有,不可不先爲之慮也。」又請屯駐 重 |兵海道,內爲|吳、||越之捍蔽,外爲南北之限制。 又言:「山陽民散財殫,非凶賊久安之地,當日夜爲鴟張之計。 揚州城堅勢壯,足以坐

剽捍勇决, 情之所共憤,惟决意行之。」後皆如行簡所料。 社,既又降北,此特敗軍之將。 又論:「李全攻圍泰州,勦除之兵今不可已。此賊氣貌無以踰人,未必有長算深謀,直 能長雄於其黨耳。 况其守泗之西城則失西城,守下邳則失下邳, 十年之內,自白丁至三孤,功薄報豐,反背義忘恩,此天 拜參知政事兼知樞密院事。 時議收復三京, 守青社 則失青

八陵有可朝之路,中原有可復之機,以大有爲之資,當有可爲之會,則事之有成,

行簡在告,上疏日

常欲 復有 伸; 乎境 欲闔 張; 若。 勇直 向 不 新券雖 固 如 此 深 知 未 可 列 朝廷有禁包苴、戒貪墨之令,而州縣之黷貨不知盈厭者自如。 坐而 賞 攬權之前,其敝凡幾?今旣親政之後,其已更新者凡幾?欲用 內之民,因於州縣之貪刻,阨於勢家之兼 削 有所 闢乾坤,混一區字,制姦雄而折戎狄,其能 欲去小人, 則其心未盡革。 矣。 如 伺 自 陛下曾未有以 之士。 刑 、低價而莫售;欲平物價,則京師之百貨視 江 間 古 策也。 帝 謂 號令,皆玩 夫自古英君,必先治內而後治外。陛下視今日之內治,其已舉乎,其未舉乎? 而 |閩、 義。 竊 王,欲用其民者,必先得其心以爲根本。 蓄怨含憤,積於平日,見難則避,遇敵則 發,蕭牆 東浙之事,其將奈何? 民方憾於守令,緩急豈有效死勿去之人, 臣不憂出師之無功,而憂事力之不可繼。有功而至於不可繼,則其憂 轉移 視而不肅。 之憂凛未可保。 固結之,遽欲驅之北 此皆陛下國內之臣子,猶令之而未從,作之而 上有厲精更始之意,而士大夫之苟且不務任責 夫民至愚而不可忽,內郡武備單弱,民之所素易 萬 一兵興於外,綴於強敵 并,飢寒之氓常欲乘時而 鄉,從事 盡 舊直而不殊。 如吾意乎?此臣之所 數十年來,上下皆懷 奔,惟利 於鋒鏑,忠義之心 卒不 '是顧, ·愛其將校,臨陳 紀綱法度,多頹 而不得休,潢池赤子, 欲行楮令,則 君子, 皇恤 憂 報怨,茶鹽之寇 何由 者 利 其他。 則其志未盡 以 Mi

也

不應,乃

驰而

未

外郡之

〈者自

相

接,而

: 貴有

奮

發?况

人心

也。 朝廷方有事於北方,其勢不能以相及,寧不又動其姦心?此臣之所憂者二也 往時江、閩、東浙之寇,皆藉邊兵以制之。今此曹猶多竄伏山谷,窺伺田里,彼知

不繼,當此之時,孫、吳爲謀主,韓、彭爲兵帥,亦恐無以爲策。 之患? 出也。 縱使東南有米可運,然道里遼遠,寧免乏絕,由淮而進,縱有河渠可通, 旣不足,民亦不堪。 不可再,可再而不可三。再三之後,兵事未已,欲中輟則廢前功,欲勉強則無事 月不已,至於累歲,不知累幾千金而後可以供其費也。今百姓多垂罄之室,州縣多赤 止 立之帑,大軍一動,厥費多端,其將何以給之?今陛下不愛金幣以應邊臣之求,可一而 意氣招徠,以功賞激勸,推擇行伍卽可爲將,接納降附卽可爲兵,臣實未知錢糧之所從 而守准、襄者幾萬?非按籍得二三十萬衆,恐不足以事進取。 二三十輩,恐不足以備驅馳。 塗,陛下之將,足當一面者幾人?勇而能鬥者幾人?智而善謀者幾人?非屈指得 自古英君,規恢進取,必須選將練兵,豐財足食,然後舉事。今邊面遼闊,出師非 由襄而進,必須負載二十鍾而致一石,亦恐未必 興師十萬,日費千金,千里餽糧,士有飢色。 臣恐北方未可圖,而南方已先騷動矣。 陛下之兵,能戰者幾萬。分道而趣京、洛者幾萬。 今之餽輝。累日不已,至於累月,累 能達。 中原蹂踐之餘,所在空曠, 若頓 借日帥臣 他日運糧不繼,進退不 師千里之外, 寧無盜賊 | 威望素著,以 力。 糧道 邀取 留屯 亟

能, 必勞聖慮,此臣之所憂者三也。 願陛下堅持聖意,定爲國論,以絕紛紛之說。

不果從。進知樞密院事。

行簡 恃者七。」言甚懇切,師得不出。 益修戰守之備。 以聞,戮爲首者二十餘人,衆乃帖息。 時議御閱不果,反驟汰之,殿司軍鬨,爲之黜主帥,罷都司官,給黃榜撫存,軍愈呼噪。 襄陽失守,請急收復。」或又陳進取之計,行簡奏:「今內外事勢可憂而不可 專拜右丞相,言「三京撓敗之餘,事與前異,但當

|公 章請謝事 提兵戍夔。 京,留之,拜左丞相。 端平三年九月,有事于明堂,大雷雨。 元年二月,薨于家,年八十六。贈太師,諡文惠 邊事稍寧,復告老,章十八上。 嘉熙三年,拜平章軍國 援韓琦故事, 乞以邊防、財用分委三執政, 請修中興五朝國事。 重事,對肅國公。 四年,加少師、保寧軍節度使、醴泉觀使,封魯國 行簡與鄭清之並策免。 每以上游重地爲念,請建節度宣撫使, 旣去,而獨趣召行簡還 十上

皆當時隱逸之賢者。 行 簡 歷練老成,識量 所著有周禮總說、孔山文集。 |弘遠,居官無所不言。 好薦士, 多至顯達,至於舉|錢時、 吳如愚,又

列

部侍郎 知徽州 吏部 事。」鍾對曰:「仁宗始雖多事,乃以憂勤致治。 郎中兼說書,又遷祕書少監、國子司業兼 范 兼 鍾 召赴 字 同修國史、 |仲和 闕 遷刑 婺州 實錄同修撰。遷兵部侍郎兼給事 蘭溪 部郎官, 嘉定二年, 又遷尙右郎官兼崇政殿說書。 舉進士。 國史編修、實錄檢討。 徽宗始雖無事,餘患至于今日。」帝悅。 中,權兵部尚書兼侍講,尋兼侍讀 歷官調武學博士,添差通判太平州, 進對,帝日:「仁宗時 拜起居郎兼祭酒,權兵 甚多 尋遷

舉洞霄宮。 嘉 JU 熙 年,知 三年,拜端明殿學士、簽書樞密院事 六年,復請,許之。 九年正月,薨。 樞密院事,乞歸田里。 加觀文殿大學士、醴泉觀使兼侍讀,辭不拜, 五年, 特 ٥ 拜左丞相兼樞密使, 四年, 授參. 知政事 封東陽郡公,再乞歸 淳祐 元年,乞歸 以保晚節,乃提 田 田

師 諡文肅。 鍾 爲相,直淸守法, 所著書有禮記解 重惜名器,雖無赫赫可稱,而淸德雅量,與杜範、李宗勉齊名。贈少

丞 遷太常丞兼權兵部郎官。 游似字景仁,利路提點刑獄仲鴻之子。 遷秘書丞兼權考功郎中、直祕閣、虁路轉運判官,移潼川 嘉定十四年進士, 歷官爲大理司 直, 升大 理寺

刑 獄 兼 提 舉常平。 請封 諡 田錫,從之。 遷軍器監、宗正 少卿 兼權樞密都 承

盝 付之,候從軍 修 ,功勞者勸 國 敬天之心。 史、實錄 時 暫 兼權 院同修撰,權 + 心存 禮部 车, 別能 侍郎 則 政 立 事 兼 禮 必 侍 功,升至統領 適 .講 部尙書 其宜 權禮 ,言動必當其理, 兼侍讀。 部 已上,方許從所屬保明申朝 侍 鄓。 言:「軍賞冒 有 事 于 雨暘必 ·明堂, 濫,請給告之制,奏功者書塡 循其序,夷夏 似 上 疏 廷,立 言:「欲盡 必安其生。」 名給告, 事 天之禮,當 則 冒濫 兼 者 口

給事 貞 之實。」乃摭太宗事以 念有時間 之烈,足以旋乾轉坤。 五 觀 年,艱危之勢滋甚, 之超 中。 遷 禮 0卓平? 斷 部尚書兼給事 遷吏部 則 無以挽 節 **尚書,入侍經幄。** 用以 陳, 回 或謂 旦 致愛,選廉以共理,未若貞觀之切至 視太宗治效敏速、相越乃 中兼修國 天下之大勢。 且謂:「太宗矜心易啓,漸弗 霸 圖 速 史、 而 帝問:「唐太宗貞觀 實錄院修撰, 王 道遲,不 至於憂勤,旣切宸念,而 知一日 爾。 權工部侍郎,充四 克終, 意者親儒 治效何 歸 仁,期 · 字? 僅 速 止 佐 月而 如是?」似對 願陛 而 貞觀之治。 從諫, 理 非 可 下 川 , 王 人,亦 宣 益 敬畏以 道 撫 加 曷 何 聖 唑 日"「人主 司 嘗 下 以 参贊軍 心 檢 不速。 嗣 布 身 宣 服 未 九 事 + 念 有 重 兼

年 閏 月, 嘉 熙三年正 知 樞密 院 月,拜端 事 兼參 明殿 知 政 事 學士、同簽書樞 淳祐四年,提舉萬壽觀兼侍讀,仍奉朝請,授 密院 # ,封南· 充縣伯。 八月, 拜 參 知樞 知 政 密院 事 事 几

列

傳

第

兼參知政事,進爵郡公。五年,拜右丞相兼樞密使。十上章,乞歸田里,帝不許。 七年,特授

一二四九八

特贈少師。

觀文殿大學士、體泉觀使兼侍讀,進爵國公。十一年,轉兩官致仕,薨。

本司別有賞賚。」軍心賴一言而定,人服其機警。 此獲捷。一日,方賞將士,恩不償勞,軍欲爲變。 有用之學。 飲食共養之事。與兄范俱有志事功,方器之,聘鄭清之、全子才爲之師。又遣從南康李燔爲 趙葵字南仲,京湖制置使方之子。初生時,或夢南岳神降其家。方在襄陽,命葵專督 每聞警報,與諸將偕出,遇敵則深入死戰,諸將惟恐失制置子,盡死救之,屢以 葵時十二三,覺之,亟呼曰:「此朝廷賜也,

軍進擊,楊義諸將繼至,金兵亦大出合戰,大破之,俘斬及降者幾二萬,獲萬戶而下十數人, 也,出勁兵拒戰,葵率先鋒奮擊,再興繼進殲之。翼日,進次鄧州,金 方帥范、葵往戰,敗走之。十三年,方遣葵及都統扈再興攻金人至高頭。高頭,金人必守之處 嘉定十年,金將高琪、烏古論慶壽犯襄陽,圍棗陽。 時邊烽久熄,金兵猝至,人情震懼。 人阻沘河以拒。葵麾

十四年,金人犯蘄州,葵與范攻唐、鄧。方命之曰:「不克敵,毋相見也。」三月丁亥,至唐

奪馬八百,逐北直傅城下而還。

不出。 金兵數千。 陣, 范將左, 州 郎、知棗陽軍,范授安撫司 分,金人雖 者斬。未幾,金兵稍下山,再興遽衝之,果爲敵所乘,遂逼范軍。范疊鼓麾軍突鬥, 「金人必復謀夜戰以倖勝, 至數百,葵力戰連破之,而金步騎大集。 走,乘勝逐北,斬首數千級,副 薄 城而陳。金大將阿海 時金人陷 一斂,而 敵倂力向 再興將右,葵帥突騎左右策應。 蘄州者至 陣 如故。 再興,葵率土豪祝文蔚等以精騎橫衝之,金 內機 人長, 范、葵急會將校,選死士數千,黎明四面奮擊,喚聲撼 引兵出戰,葵帥精騎赴敵,再興從之,大捷,斬馘 乃預備大鼓,令軍中聞疊鼓聲始動,若彼未至五 統 軍投戈降, 數十騎出 會范、再興軍合戰, 山椒二、 拔所掠子女萬餘,得輜重器械 金人背山亦分爲二以相當,而 葵帥楊 大成以十四騎 至夜分始解。 人僵屍相 山積。 逐之。 萬 屬。 庚寅, 不先動。 餘 十步內而輒 復相持至夜 TI1 葵繼 官軍 補葵承務 谷。 金 金 人閉 騎 進,殲 范曰: 分二 金 漸 益 門 動

青州 前兵,猶足制之爾。」國曰:「兵不能集,集不能精,柰何?」曰:「葵請視兩路之兵,別其精銳, 君侯留三萬 ,淮東制置使許國檄葵議兵。 方卒,十五年,起復直祕閣、通 帳前,賊不敢動矣。」國曰:「不若集准兵來閱,而君董之,既足示衆,亦可選銳。 **衝要,守將豈可空壁以從制使命耶?** 葵至曰:「君侯欲圖賊 判 廬州 進大 理 司直、淮西安撫參議官。 ,而坐賊穽中,悔已無及,惟 必將力爭于朝, 分留自 十七年,李全往 信 德。 有 重帳

列

得 朝命,必匿其強壯,遣 老 弱以備數。 本欲選銳, 適得其鈍, 本欲示衆, 適示單弱,

心。」國不聽,卒敗。

諸將 (毬射 寶慶 ,與制 元年 ,范知揚州。乞調葵以強勇、雄邊軍五千屯寶應備賊。 置 使 ·曾式· 中不合,葵去之。 言者以爲擅,遂奉 祠。三年,起爲將 葵在廬州 作監 ,數費私錢會

憂。 藏禍 授以 官,不許,不得已,卒哭復視 至滁 心,不 節鉞 紹定 趙必勝守萬山,以壯 ,葵策其必 元年,出 止告 以其地當 糴 . 知 滁州 若不痛抑其萌, 叛,乃上書丞 賊衝,又與金 形勢。 事 二年,全將入浙西 人對 葵母疾, 相史彌 則自 境,實兩准門戶,修城浚隍,經武不少 此 遠 謁告省侍不得,刲股雜藥以寄之。 ]肆行. 日「此 告糴 無憚,所謂延盜入室,恐畿內有不 / 賊若止於得粟,尙不宜使輕至內地,况 ,實欲覘畿甸也。 杒, 全之獻俘 眼。 母卒,葵求解 命 可 也, 秦喜 勝 諱 朝 之 守 包 廷

遣二 火。 款討罪之師,彼得 叉聞 張國明前此出山陽, 葵 全造舟 自 、山陽,請命于賊 聞 益急, 鹽城失守, 一意修舟 葵復致書史彌遠曰「李全旣破鹽城,反稱陳知縣 日 婦。 夕延 已知賊將舉鹽城之兵,今若聽國明言, 楫,造器械, 堂堂制 頸以 俟制 閫 帥之設施,今乃聞遣王節 窺伺 如 此 城 舉措, 邑,或直浮海以擣腹 豈不 **墮賊計**, 入鹽城祈哀 更從闊略, 貽笑天下、貽笑 心, 自 棄城,蓋 此 其 則自 於逆。 姦謀 一欲欺 外 此人心解 夷 朝 明 葵 乎? 叉 廷以 聞 觀

所,不復可報君相之恩矣。 安,江南安則社稷安,社稷安則丞相安,丞相安則凡爲國之臣子、爲丞相之門人弟子莫不 幾萬一之報。 相苟聽葵之言,翻然改圖, ,<br />
萬事渙散,<br />
社稷之憂有不可勝諱者。 使丞相不聽葵言,不發兵討賊, 一安一危,一 發兵討叛, 則豈獨 葵非欲張皇生事啓釁,李全决非忠臣,非孝子。 治一亂,係朝廷之討叛與不討爾。 則豈特不可以彊國勢安社稷,而|葵亦不 可以強國勢安社稷,葵父子世受國恩, 淮東 安則 亦庶 知死 丞

早賜處分,以安邊鄙,以便國事 師,水陸並進,誅鋤此逆,以安社稷,以保生靈。|葵雖不才,願身許朝廷; 城邑,略無忌憚,若朝廷更從隱忍,則將何以爲國?欲望特發剛斷, 今大逆不道,邈視朝廷,負君相卵翼之恩,無如李全。 又言於朝曰:「葵父子兄弟,世受國恩,每見外夷、盜賊侵侮國家,未嘗不爲忠憤所激。 前此畔逆未彰, 名其爲賊, **猶可言也,今已破蕩** 如或不然,乞將葵 卽 日命將遣

州 堅陷陣,聚散離合,前無勁敵,以功至檢校太尉。 兼參議官。 范刻日約葵,葵帥雄勝、寧淮、武定、彊勇步騎萬四千,命王鑑、扈斌、胡顯等將之,以葵 爾遠猶未欲興討, 顯,題之兄也,拳力絕人,方在襄陽,每出師必使顯及葵各領精銳分道赴戰,摧 參知政事鄭淸之贊决之。乃加葵直寶章閣、 准東提點刑獄兼 知滁

弓抽 抽 仍 左 城邑, 索錢糧耳。」葵曰:「朝廷資汝錢糧,寵汝官職, 落 聽 左右欲 矢向 起復,尋進兵部 衞 朝廷安得不 而 上 將軍,葵辭不受。 葵而去。 射全,葵止之, 全攻揚州東門,葵親出搏戰。 絕汝錢糧。 於是數戰皆捷。 侍郎 問全 八月, 汝云 |來何爲? 召封 非叛,欺人乎? 四年正月壬寅,遂殺全。 樞密院稟議,受實章閣待制、樞密副都 全日:「朝廷 賊將張友呼城門請葵出,及出,全在 蓋不 貴矣。 欺天乎? 動見猜疑,今復絕我糧 待汝以忠臣孝子,而 」切責之言甚多, 事見全傳。 進葵福州 餉, |隔壕立馬相勞 全無以對,彎 承旨,依舊職 乃反戈攻陷 我非背叛, 觀察使、

義 陣 又能率先士卒, 嘗奉敎於君子,世受國恩,當捐 六 年 **中** 一 月,韶授淮康制置使兼知揚州,入對,帝曰:「卿父子兄弟,宣力甚多, 捐身報國, 此尤儒 驅以報陛下。」 臣 之所難, 朕甚嘉之。」 葵頓首謝曰:「臣不佞,忠孝之 卿在

兵 京 食可 降 留守銀 端平元年,朝議收復三京,葵上疏請出戰,乃授權兵部尚書、京河制置使,知應 秩,授兵部侍郎、淮東 因。 准 東制置使。 未幾,北兵南下,渡河,發 時盛暑行師,汴隄破决,水潦泛溢,糧運不 制置使,移 水牐 司 泗州 ,兵多溺 死,遂 潰 而歸。 范上表 刻葵, 繼,所復州 .那,皆空城,無 韶與全子才 天府、

嘉 熙元年,以寶章閣學士知揚州,依舊制置使。 二年,以應援安豐捷,奏拜刑部尚書, 各

進端明殿學士,特予執政恩例,復兼本路屯田使。葵前後留揚八年,墾田治兵,邊備益飭。

淳祐二年,進大學士、知潭州、湖南安撫使,改福州。

之事,移孝爲忠,所不敢辭。是臣嘗先國家之急,而效臣子之義矣。親恩未報,寖踰一紀, 廬,乞從彝制。」又不許。再上疏曰:「臣昔者奉詔討逆,適丁家難,閔然哀疚之中,命以驅馳 矣。臣昨於草土,被命起家,勉從權制,先國家之急而後親喪也。今釋位去官,已追服居 效命守封,是以孝事君之充也。陛下昭示顯揚,優崇寵數,使爲人子者感恩,爲人親者知勸 父之至仁。 忠孝一原, 並行不悖。 故曰忠臣以事其君, 孝子以事其親, 其本一也。臣不佞, 食稻衣錦,俯仰增愧。且臣業已追衰麻之制,伸苫塊之哀,負土成墳,倚廬待盡,喪事有進 戒謹持循,惟恐先墜。往歲叨當事任,服在戎行,偕同氣以率先,冒萬死而不顧,捐軀戡難, 而無退,固不應數月而除也。」乃命提舉洞霄宮,不拜。 三年,葬其母,乞追服終制,不允。葵上疏曰:「移忠爲孝,臣子之通誼, 敎孝求忠, 君

成效。」又乞「亟與宰臣講求規畫,凡有關於宗社安危治亂之大計者條具以聞,審其所先後 者任牧養,剛正者持風憲。爲官擇人,不爲人而擇官。用之旣當,任之旣久,然後可以責其 有幾?吾從其大者而講明之,疏其可用者而任使之。有勇略者治兵,有心計者治財,寬厚 淳祐四年,授同知樞密院事。疏奏:「今天下之事,其大者有幾?天下之才,其可用者

月, 緩急以 拜知樞密院事兼參知政事。又特授樞密使兼參知政事、督視江、淮、京西、湖北軍馬,封 圖籌策,則治功可成,外患不足畏」。又乞「創游擊軍三萬人以防江」。 詔從之。 十二

長沙郡公。

尋知建康府、行宮留守、江東安撫使。

開慶 舊職體泉觀使。 祐二年,宣撫廣西。 江州徽州兩界防拓調遣,時暫無判建康府、行宮留守,尋授江東西宣撫使,節制調遣饒、信 人,罷爲觀文殿學士,充醴泉觀使兼侍讀,仍奉朝請。 元年,判慶元府、沿海制置使,尋授沿江、江東宣撫使,置司建康府,任責隆興府、饒州 九年,特授光祿大夫、右丞相兼樞密使,封信國公。 五年,進少保、 三年,改鎭 寧遠軍節度使,進封魏國公、醴泉觀使兼侍讀。 用湖,城荆門及郢州。 改授湖南路安撫使、判潭州,再辭,依 尋判潭州、湖南安撫使,加 四上表力辭,言者以宰相須用讀書 四辭,免。 深特進。 ·

|袁、臨江、撫、|吉、隆興官軍民兵。 訪問百姓疾苦,罷行黜陟,並許便宜從事

致仕,特授少師、武安軍節度使,進封冀國公。 景定元年,授兩准宣撫使、判揚州,進封魯國公,尋奉祠。 舟次小孤山,薨,年八十一。是夕,五洲星隕 咸淳元年,加少傅。 二年,乞

如箕。贈太傅、諡忠靖。

范字武仲,少從父軍中。 嘉定十三年,嘗與弟葵殲金人于高頭。 十四年,出師唐、鄧,

先擣 也 范 師 蹙之,可勝 唐、鄧以示 范 軍 「不然, 敵 孟宗政時知棗陽, 有餘, 面 無後患。」又敗金人於久長, 徹 襄陽之備以救蘄 唐、鄧應我之不暇,則吾 憚於供億, |黄, 則 使人問曰: 金人在蘄、 與弟葵俱授制置安撫司 圉 唐 不守而 蹬 必將躡吾後 自 固,寇在 職、遺 且嘶、 |黄, 內 黄之寇 機, 師 mi H 君 事 以 攻唐、 具葵傳 老, 正 銳, 然後 鄧, 曷若 口 何

范倂請: 年, 喜,范卽遺徐晞稷 兵,春夏 副 使。 入爲知大宗 十五 抽 劉 在 年, 全、王文信 還楚州,又請創 田,秋冬教 丁父 正丞 書,令教二人挈家歸楚,二人從之,范厚賚 憂,起復直祕閣、通 二軍老幼留揚州 閱。 刑部 馬軍三千,招游 官免建砦而私 侍郎、試將作監 判揚州。 ,范欲修軍 不 手之強壯者及 兼權 一廢農。 十六年,爲軍器監丞,以直 知鎭 政, 懼其徒漏泄 江 府。 〈籍牢城 進直 (以 遣。 重役 兵 微猷 機, 有孫海 人充之。 閣 乃時態勞。 秘閣 知 者,其衆亦八百 揚州 別籍民爲半年 知光州。 淮東 二家 既大 安撫 十七七

道,五 各留 朝 Ш 命 壓 半 面 戼 彭 一十艘 義 以 成 備 然 斌 大 入准 使 金 勳,是又唐藩鎭 必 統領 請 ,以斷 而 餘皆起發, 張 後 賊歸路, 討 土 者, 顯 見范, 之事 知有 擇 密約養斌自北攻之,事無不濟。 , 請合謀討李全。 朝廷也。失此不 非計之得也。 能 將 統之, 命葵 右, 莫若 范告于制置使趙善湘曰:「以 摘 而 准西 移揚 右 凶 精 州 徒,則 銳 增 萬 四總管權位 戍 權 之兵 人與 綱 解 往 會于楚州 紐 盱 胎 相 侔, 義斌 萬 而 劉琸雖 出 几 義斌 許 總 管 浦 如 兵 **#** 海

列

傳

得其歡心,而不能制其死命。 如用璋,須令親履行陣,指蹤四人,不可止坐籌帷幄也。」不

出半月,此賊必亡。若是,則不調許浦水軍,但得趙葵三千人亦足矣。若朝廷憚費,則全有 勝、強勇等就時青于城外,示賊以形勢,諭賊以禍福,賊必自降。若獨拒守,則南北軍民雜處, 以遏賊路,調夏全、范成進之半,據漣、海而守之,又移揚州之戍以戍盱眙。然得親提精銳雄 豫買軍需錢二十萬在眞州,且漣、楚積聚,多自足用。」 必有內應者矣。別約養斌攻之於北,山陽下則進駐漣、海以應之,撫歸附家屬以離其黨,不 捕 盜,但令范以本路兵措置楚州鹽賊,范當調時青、張惠兩軍之半,及其船數百,徑薄楚城, 范又曰:「國家討賊則自此中興,否則自此不振。若朝廷不欲張皇,則范乃提刑,職在

深,不得安靖爾。」各揮涕而歸。會全且至,范又獻計曰:「撫機不發,事已無及。侯景困喪 其所必救,則機會在我,而前日之策可用矣。」還報,戒范無出位專兵。 面 於喪敗之餘者易,圖之於休息之後者難,矧四總管合謀章露,必難遂已。但事機旣變,局 河南,致毒蕭氏,今逆全不得志於義斌,而復慮四總管應之,歸據舊巢,其謀必急。然蹙之 丞相史爾遠報范書,令諭四總管各享安靖之福。范所遣計議官聞之,曰:「但恐禍根轉 若廟算果定,不欲出教令,但得密賜指授,范一切伏藏不動,只約義斌,使自彼攻

以爲 然則殺犬固無益於弭盜也。 盜賊所惡 賊,而范遂爲宋晁錯。 爲備,則必忌而不得以肆其姦,他日必將指范爲首禍激變之人,큃朝廷以去范。 也。 禍 信也,左右日 也 賊之必 高 既責范以惟恐不傷人之事,又禁其爲傷人之痛,惡其爲傷人之言, 范 也。 內無臥薪嘗膽之志,外無戰勝攻取之備,先生隱忍不言而徐思所以制之,此 乃爲書謝 」故盜賊見有護家之狗,必將指斥於主人,使先去之,然後肆穿窬之姦而無所忌。 反。 然以撫定責之晞稷,而以鎭守責之范。 可,卿大夫曰可,先生必將曰:『是何惜一趙范而不以紓禍哉? 雖先生之心,亦自 廟堂,且决之曰:「今上自一人,下至公卿百執事,又下至士民軍吏,無 雖然,使以范授賊而果足以紓國禍,范死何害哉? 欲望矜憐,別與閑慢差遣。」彌遠得書,爲之動心。 知其必反 也。 衆人知之則言之,先生知 責晞稷者函 .人之事也,責范者矢人之事 何哉? 而 諺日:『護家之狗, 』必 獨 不言, 其禍 將縛范以授 先生始未之 賊見范 不言誠 廟 護所 不 · 知

款兵之計。 處,敵人皆可潛師以濟,江面數千里,何從而防哉。今或謂巽辭厚惠可以啗賊,而 葵以范對。 乃上書彌遠曰:「淮東之事,日異日新。 一年春,奉祠。三年,知安慶府,未行,改知池州,繼兼江東提舉常平。 或謂斂兵退屯可以緩賊,而不知成彼深入之謀。或欲行淸野以嬰城,或欲聚烏 進范直敷文閣、淮東提點刑獄兼知滁州 然有准則有江,無准則長江以北,港汉蘆葦之 范曰"「弟而薦兄,不順。」以母老 爾遠訪將材於 不 ·知陷彼

傳第

策則 必人人思親其上而 當量出精兵, 兵。 吾於是 鋒,不來則 吾之擣其 合而 入,擄掠復無所 屯以 而 以 三萬 犯揚州 統 今寶應之逼山陽,天長之逼盱眙, 失准,失准則失江,而其失有不可勝諱者矣。 浪戰,或以 扼 准, 可以嫁禍 虚, 其 人,人物必精,將校必勇,器械必利,敎閱必熟,紀律必嚴,賞罰必公,其心術念慮 耀 ,是送 衝, 以蔽 「武以壓其境;而又觀釁伺隙,時遣偏師掩其不備,以示敢戰,使雖 授以 此遏寇之兵也。 \贼詞之乍順乍逆而為喜懼,或以賊兵之乍進乍退而為寬緊, 皆失策也。 復 獲, 於金 死 江,一 重二三帥閫以張 勇校,募土豪,出奇設伏以剿殺之,此游擊之兵也。 耐 死其長;信能行此, 矣。」朝廷乃召范稟議, 人矣。 又懷 以守 見討之恐, 運河, 或謂揚州 盱眙之寇,素無儲蓄,金人亦無以養之,不過分兵擴掠 語勢, 豈 可 則必 不 須各增戍兵萬人, 遣良將統之, 無備 半年而 可屯 賊 復令 反 將 哉。 而 重 不 兵,恐 求贍於金; 可以強 知 知 善守者, 池州 所攻, 夫有遏寇之兵, 連賊 國, 而 敵 禍,是不然。 敢犯 金無餘力及此,則 不知所攻。 年而 我揚州 有游擊之兵, 可討賊矣。 惟揚、 賊來則堅 揚州 哉? 今若設寶應、天長 者,國之北門, 設使賊不 金陵、合肥,各 必怨之怒之, 一欲深入 賊旣不能 屋以 有討賊之 而 / 挫其 、而畏 · 知 兵 食 ;

副 使。 紹 定 尋轉右文殿修撰,賜章服金帶。 元 年,試將 作監、知鎭江 府。 三年, 不得已,卒哭復視事 T 日 憂,求 解官,不許。 又爲書告廟堂:「請罷調停之 起復直 微猷閣、淮東 安撫

議, 江 兵, 面 屯 其 請 不然,范雖死江皋無 半高 檄沿 郵 江 以制 制制 置 賊 司, 後, 調王明本軍 益 屯其半瓜 也。 朝旨 州 駐泰興港以扼泰州 乃許范刺射陽湖兵毋 以 扼 | 賊前 請速調准 下江之捷徑,一 過二 西兵合滁陽、 萬 人,就聽 請檄射陽 六合諸 節 制 湖 軍 圖 救

知 賊 揚州 若 司 得志, 范又 兼 兼 知 公黄州? 遺善湘書,曰:「今日 江 此四家必無存理。」於是討 推制置 尋棄准西制置副使。 司參謀官, 1與宗社 以 次復 同休戚者,在內惟 未幾,爲兩淮制置使、節制巡邊軍馬,仍兼沿江制置副 淮東。 贼之謀遂决, 遂戮全。 加吏部侍郎, 丞相,在外惟 進 工 進范兵部侍郎、淮東安撫使兼 一部尙書、沿江制置 制使與范及范弟 副 使, 葵耳。 權

自 中官民尚四萬七千有奇,錢糧在倉庫者無慮三十萬,弓矢器械二十有四庫, 潰, 北 心,朝夕酣狎,了無上下之序。民訟邊防,一切廢弛。 三官落職, 岳飛收復百三十年,生聚繁庶,城高池深,甲於西陲,一旦灰燼,禍至慘也。言者劾范,降 軍王曼內叛,李伯淵繼之,焚襄陽北去;南軍大將李虎不救焚,不定變,乃因之級掠 乃授京湖安撫制置使兼知襄陽府。 又 進端明殿學士,京河關陝宣撫使、 依舊制置使。 專奉祠,以言**罷**; 范至, 知開封府、東京留守兼江、淮制置使。 論者未已,再降兩官,送建寧府居住。 則倚王旻、樊文彬、李伯淵、黃國 屬南北軍將交爭,范失於撫御。 皆爲敵有。 弼數人為 入洛之師 於是 腹 蓋 城

列

傳

第

百七

+

六

年, 敍復官職, 與宮觀。四年, 知靜江府, 後卒于家。

臣也。 之畏者怠,憂者喜,慮者玩矣。左右前後之人,進憂危恐懼之言者,是納忠於上也,進燕安 逸樂之言者,是不忠於上也。凡有水旱盜賊之奏者,必忠臣也;有謟諛蒙蔽之言者,必佞 如山之可念。」又言:「崇儉德以契天理,儲人才以供天職,恢遠略以需天討,行仁政以答天 心,奮威斷以回天下之勢,或者猶恐前習便嬖之人,有以私陛下之聽而悅陛下之心,則前日 謝方叔字德方,威州人。嘉定十六年進士,歷官監察御史。疏奏:「秉剛德以回上帝之 陛下享玉食珍羞之奉,當思兩准流莩轉壑之可矜;聞管弦鐘鼓之聲,當思西蜀白骨

潛伏而莫之覺。 承意伺旨之徒,往往覘上之所好,不過保恩寵、希貨利而已。 進對,言:「操存本於方寸,治亂係於天下。 意。」帝悅。 人未得,忠寃未伸。陛下苟不始終主持,將恐紀綱掃地,而國無以爲國矣。」遷殿中侍御史, 時劉漢弼、杜範、徐元杰相繼死,方叔言:「元杰之死,陛下旣爲命官鞫獄,立賞捕姦,罪 差知衡州、除宗正少卿、又除太常少卿兼國史編修、實錄檢討。 防微杜漸,實以是心主之。」又言:「今日為兩准謀者有五:一日明間諜,二 人主宅如法宮蠖濩之邃, 而冥冥之中,或有游揚之說, 朝夕親近者左右近習

日 ·修馬政,三日營山水砦,四日經理近城之方田,五日加重遏絕遊騎及救奪擄掠之賞罰。」

請行 限田,請錄朱熹門人胡安定、呂燾、蔡模,詔皆從之。

密院事兼參知政事,專拜左丞相兼樞密使,進封惠國公。 學士、簽書樞密院事、參知政事。 權刑部侍 愈兼權給事中,升兼侍講,正授刑部侍郎,權國史編修、實錄檢討。 淳祐九年,拜參知政事,封永康郡侯。 勸帝以愛身育德。 十一年,特授知樞 拜端明殿

之勝,宗社賴之;言之不勝,則去。去則諸君必不容不爭,是勝亦勝,負亦勝,况未必去 某人授少卿,亦必無可遏之理矣,丞相不可謂非我責也。 耶。」方叔得書,有赧色。 此豈易得哉?側耳數日,寂無所聞,公議不責備他人,而責備於宰相。不然,倉卒出御筆, 云:「閹寺驕恣特甚,宰執不聞正救,臺諫不敢誰何,一新入孤立之察官,乃銳意出身攻之, 屬 監察御史洪天錫論宦者盧允升、董宋臣,疏留中不下,大宗正寺丞趙崇璠移書方叔 丞相得君最深,名位已極。儻言

未快,厚路太學生林自養,上書力詆天錫、方叔,且曰:「乞誅方叔,使天下明知宰相臺諫之 左史李昴英皆論擊允升、宋臣。而讒者又曰:「天錫之論, 方叔意也。」及天錫之去, 亦曰: 「方叔意也。」方叔上疏自解,於是監察御史朱應元論方叔,罷相。旣罷,允升、宋臣猶以爲 翼日,果得御筆授天錫大理少卿,而天錫去國。於是太學生池元堅、太常寺丞趙崇潔、

列傳

十六

謝方

叔

祠,起居郎召澤、中書舍人林存劾罷; 去,出自 乃授方叔 獨 觀文殿大學 斷, 於內侍初無預焉。」書旣上,學舍惡自養黨姦,相與鳴鼓攻之,上書以聲其罪。 土、 提舉洞霄宮。 監察御史章士元請更與降削,竄廣南。 復以監察御史李衢兩劾,褫職罷祠。 後依舊職,與

越、 余玠之類是也。 己官贖其罪。 左司諫趙順孫、給事 度宗卽位,方叔以一琴、一鶴、金丹一粒來進。 咸淳七年, 詔敍復致仕。 中馮夢得、 右正 言黃鏞相 八年卒。 繼 特贈少師。 請奪方叔官職封爵,制置使呂文德願以 丞相買似道恐其希望,諷權右司郎官盧 方叔在相位, 子弟干政, 若讒

致仕,乃敍復官職

趙方豫計二子後當若何,而葵、范所立, 壽,坐是貶削,有愧金鏡多矣! 老,而衞國之志不衰,亦曰壯哉!謝方叔相業無過人者,晚困於權臣,至以玩好丹劑爲人主 **捍禦淮、** 論曰:喬行簡弘深好賢,論事通諫。 蜀兩邊者, 非葵材館之士, 即其偏裨之將。 皆如所言, 所謂 范鍾、 游似同在相位, 朝廷倚之, 知子莫若父也。 皆謹飭自將,而意 如長城之勢。 然宋自端平以來, 及其筋 見不侔。 力既

列傳第一百七十六 校勘記

(1) 時金人陷蘄州者至久長數十騎出山椒 按本書卷四〇寧宗紀, 嘉定十二年,「金人……自盱眙

軍犯滁州之全椒、來安及揚州之天長」;十四年,「金人陷蘄州」,「扈再興邀擊,敗之于天長鎮」。

同。

三五三

## 宋史卷四百一十八

## 列傳第一百七十七

吳潛 程元鳳 江萬里 王爚 章鑑 陳宜中

鎭 興府,權發遣嘉興府事。轉朝散郎、尚書金部員外郎。 東軍節度判官。 吳潛字毅夫, 宣州寧國人。祕閣修撰柔勝之季子。嘉定十年進士第一,授承事郎、簽 改簽廣德軍判官。丁父憂,服除,授祕書省正字,遷校書郎、添差通判嘉

非 舞酣歌爲亂亡之宅,而不淫不泆。使皇天后土知陛下有畏之之心,使三軍百姓知陛下有 之竊弄威福者勿親,女寵之根萌禍患者勿呢。 衣惡食,必使國人信之,毋徒減膳而已。疎損聲色,必使天下孚之,毋徒徹樂而已。 紹定四年,遷尙右郎官。都城大火,潛上疏論致災之由:「願陛下齋戒修省,恐懼對越, 然後,明詔二三大臣,和衷竭慮,力改絃轍,收召賢哲,選用忠良。 以暗室屋漏爲尊嚴之區,而必敬必戒,以 貪殘者屏,回袤 閹官 恆

列

傳第

爲皇極 懷姦黨賊者誅, 賈怨誤國者黜。 以培國家一綫之脈,以救生民一旦之命。 毋並進君子、小人以爲包荒, 庶幾天意可回,天災可息,弭災爲祥,易 毋兼容衰說、正論以

亂爲治。」

部 五 又貽書丞相史彌遠論事:一曰格君心,二曰節奉給,三曰振恤都民,四曰用老成廉潔之人, 員外郎兼國史編修、實錄檢討,遷太府少卿、准西總領 日用良將以禦外患,六日革吏弊以新治道。授直寶章閣、浙東提舉常平,辭不赴。改吏 又言:「重地要區,當豫畜人才以備患。 論大順之理,貫通天人,當以此爲致治之本。」

論保燭之方,護寢之策,防江之算,備海之宜,進取有甚難者三事 洛, 潰敗失亡不貲, 潛之言率驗。 使生靈肝腦塗地,得城不過荆榛之區,獲俘不過曖昧之骨,而吾之內地荼毒如 爲實,以戰爲應。自開寢首納空城,合兵攻察,兵事一開,調度寖廣,百姓狼狽,死者枕藉, 具,何所 國之罪,不待言矣。 又告執政、論用兵復河南不可輕易、以爲:「金人旣滅、與北爲鄰,法當以和爲形,以守 取資,民窮不堪,激而爲變,內郡率爲盜賊矣。今日之事,豈容輕議。」自後,興師入 聞有進恢復之畫者,其算可謂俊傑,然取之若易,守之實難。 遷太府卿 兼權沿江制置、知建康府、江東安撫留守。 此,邊臣誤 征

端平元年,詔求直言,潛所陳九事:一日顧天命以新立國之意,二日植國本以廣傳家之

知 賊 慶,三日篤人倫以爲綱常之宗主,四 當 實 隆 興府, (恤民 探 禍 力以 端 主管 而 圖 致寬舒, 江西安撫司。 [長策。 七日 以直 邊事當鑒前轍以 |論忤時相,罷奉千秋鴻禧 擢太常少卿,奏造斛斗輸諸郡租,寬恤 日正學術以還斯文之氣脈,五 圖 新 功, 八日楮幣當權新制以 祠。 改祕閣修撰、權 日廣畜人才以待乏絕,六 一人戶, 培植 江西轉運 解後憂, 根本,凡十 副 九曰盜 使 兼

五

事

可 事 將 士大夫私意之敝,以爲:「襄、漢潰决,興、沔破亡,兩淮俶擾,三川陷沒。 權 戰 起也。」又請分路取士,以收准、襄之人物。 功相勉;毋以陰謀相訐,而以識見相先。協謀丼智,戮力一心,則危者倘可安,而衰證倘 傾,士習已壞,以靜專察羣情,以剛明消衆慝,警于有位,各勵至公。毋以術數相高,而 I 成 敗 一部侍郎、知江州,辭不赴。 進 公大計. 右文殿修撰、集英殿修撰、樞密都承旨、督府參謀官兼知太平州,五辭不允。 ,宜急救襄陽等事。貽書執政,論京西旣失,當招收京准 請養宗子以係國本,以鎭 人心。 改權兵部侍 丁壯爲精兵,以保江 欲望陛下念大業 郎兼檢正 又言和 西。

以

總 轉 領 運 使王 兼 試  $\perp$ 知 埜 部 鎭 江 爭 侍郎、知慶元府兼沿海制置使,改知平江府,條具財計凋敝本末,以寬郡民,與 府。 論 利害。 言邊 儲 授寶謨閣待制,提舉太平興國宮,改玉隆萬壽宮。試戶部侍郎、淮 防禦等十有五事。 改寶謨閣直學士,兼浙西都大提點坑冶,權兵

列

傳

第

部尙書、浙西制置使。申論防拓江海,團結措置等事。

寶謨閣學士、知紹興府、浙東安撫使,辭,提舉南京鴻慶宮。 理。 乞遴選近族以係人望,而俟太子之生。 進  $\bar{\mathbb{I}}$ 一部尚 書,改吏部尚書兼知臨安府, 乃論艱屯蹇困之時,非反身修德,無以求亨通之 帝嘉納。 兼侍讀經筵,以臺臣徐榮叟論 遂請致仕,授華文閣學士知建 列,授

等 所 爵

兼本路安撫使。 士、簽書樞密院事,進封金陵郡侯。以亢旱乞罷,免,改資政殿學士、提舉洞霄宮,改知福州 丁母憂,服除,轉中大夫、試兵部尚書兼侍讀,轉翰林學士、知制語兼侍讀,改端明殿學 徙知紹興府、浙東安撫使。

病,不但倉、扁望之而驚,庸醫亦望而驚矣。願陛下篤任元老,以爲醫師,博采衆益,以爲醫 使臣輩得以效牛溲馬勃之助,以不辱陛下知人之明。」 召同知樞密院兼參知政事。入對,言:「國家之不能無敝, **猶人之不能無病。** 今日之

于政府,奏皆行之。又積錢百四十七萬三千八百有奇,代民輸帛,前後所蠲五百四十九萬 大學士、提舉洞霄宮。 千七百有奇。以久任丐祠,且累章乞歸田里,進封崇國公,判寧國府、 淳祐十一年,入爲參知政事,拜右丞相兼樞密使。明年,以水災乞解機政。 又四年,授沿海制置大使,判慶元府。至官,條具軍民久遠之計,告 還家,以醴泉觀使 以觀文殿

兼侍讀,召入對,論畏天命,結民心,進賢才,通下情。帝嘉納。拜特進、左丞相,進封慶國 奏:「乞令在朝之臣各陳所見,以决處置之宜。」改封許國公。

流之兵已踰黃、漢,廣古之兵已蹈賓、柳,謂臣壞天下之事,亦可哀已。」 媕阿諂媚,積至於大不靖。臣年將七十,捐驅致命,所不敢辭。所深痛者,臣交任之日,上 擾動,推原禍根,良由近年姦臣憸士設為虛議,迷國誤軍,其禍一二年而愈酷。 大元兵渡江攻鄂州,別將由大理下交阯,破廣西、湖南諸郡。 潛奏:「今鄂渚被兵,湖南 附和逢迎,

響,諛佞成風,天怒而陛下不知,人怨而陛下不察,稔成兵戈之禍,積爲宗祉之憂。章鑑、高 甘爲之搏擊。姦黨盤據,血脈貫穿,以欺陛下。致危亂者,皆此等小人爲之。」又乞令大全 陛下稍垂日月之明,毋使小人翕聚,以貽善類之禍。沈炎實趙與隱之腹心爪牙,而任臺臣, 鑄嘗與丁大全同官,傾心附麗,躐躋要途。蕭泰來等羣小噂沓,國事日非,浸淫至于今日。 又論國家安危治亂之原:「蓋自近年公道晦蝕,私意橫流,仁賢空虛,名節喪敗,忠嘉絕

致仕,炎等與祠,高鑄羇管州軍。不報。

劾落職。命下,中書舍人洪芹繳還詞頭,不報,謫建昌軍,尋徙潮州, 責授化州團練使、循州 屬將立度宗爲太子,潛密奏云:「臣無彌遠之材,忠王無陛下之福。」帝怒潛,卒以炎論 潛預知死日,語人曰:「吾將逝矣,夜必雷風大作。」已而果然,四鼓開霽,撰遺表,作

一百七十七

吳潛

程元鳳

政恩數。明年,以太府卿伽岳請贈諡,特贈少師 詩頭,端坐而 逝。 時景定三年五月也。循人聞之,咨嗟悲慟。 德 
而元年,追復元官,仍還執

遺直風。」 所裨益,王亦傾心敬聽。輪對,極論世運剝復之機及人主所當法天者。理宗覽之曰:「有古 子錄。父憂,服闋,遷太學博士,改宗學博士。以詩、禮講榮王府。旁諷曲諭,隨事規正,多 公事。丁母憂。淳祐元年,遷禮、兵二部架閣,以父老不忍去側,遷太學正,以祖諱辭, 程元鳳字申甫,徽州人。紹定元年進士,調江陵府教授。端平元年,差江西轉運司幹辦 改國

歲有多夏帳銀,悉舉以補郡積年諸稅斂之不足者。芝生治所,衆以治行之致,元鳳曰:「五穀 城堞、置義阡、寬誅求、祭誣證。進江、淮、荆、浙、福建、廣南都大提點坑冶,仍兼知饒州冶司, 陳時病尤激切,當國者以爲厲己。匃外,知饒州。郡初罹水災,元鳳訪民疾苦,夙夜究心,修 熟則民蒙惠,此不足異也。」 六年,進祕書丞兼權刑部郞官。七年,兼權右司郞官,遷著作郞,仍權右司郞官。輪對,指

召奏事,辭,不允,遷右曹郞官。 疏言實學、實政、國本、人才、吏治、生民、財計、兵威八

凱、 以 銜。 事 起 凱、燧得召還。 吳燧合章論列,清之不悅,改遷之,二人不拜命去。 上疏 積玩之勢」。及言濫刑之敝。 尋兼右司郞官,拜監察御史兼崇政殿說書。 、論格心之學,謂「革士大夫之風俗,當革士大夫之心術」。至於文敝、邊儲、人才、民 有事于明堂,元鳳疏言「祈天以實不以文」。又言邊備,謂「當申儆軍實, 十二年, 拜右正言兼侍講,以祖諱辭。 丞相鄭清之久專國柄,老不任事,臺官潘 元鳳上疏斥淸之罪, 韶權以右補闕 其言明白正 繋

其罪 乃命抗仍兼 劾之。 余晦以從父天錫恃恩妄作,三學諸生伏闕上書白其罪狀,司業察抗又力言之,元鳳數 奏上,以晦爲大理少卿,抗爲宗正少卿。 司業,晦予郡。 元鳳又上疏留抗而黜晦, 以安士心。

心、儲將帥、救災異,莫不盡言。

屛 濫之恩,以給顚沛之衆。 去奸 升殿中侍御史,仍兼侍講。京城災,疏言:「輟土木無益之役,以濟暴露之民,移緇流泛 私, 而貪黷無覆出之患。 務行寬大之政, 謹便嬖之防, 固結億兆之心。 而不使之弄權; 旁招俊义, 抑恩澤之請,而 而私 昵無濫 不至於無 及 之思,

書舍人,兼同修 寶祐 元年, 國 兼侍讀,遷侍御史,言法孝宗八事。 史、實錄院同修撰,仍兼侍讀。 **亟辭**,出關,不允。 薦名士二十餘人, 進尙書吏部侍郎 有事于南郊,元鳳爲執 兼中

節。」言多剴

切

綏官,答問 多所開陳。 帝因欲幸西太乙宮,力諫止之。 三年,遷權工部尙書,力求補外,

授端明殿學士、同簽書樞密院事。

建 奏 疏 知 鳳 奏正 安撫使。 轉 請 政 任 事 蜀 下 了,尋進 尤焴領其事,纂修成之。 荆 境與沅、 南,調兵援蜀, 待臣、進賢、愛民、備邊、守法、謹微、審令八事。 又力辭,依前職,提舉洞霄宮。 拜右丞相 |靖交急, 兼樞密使,進封新安郡公。 朝廷欲擇重臣出鎭上流,用徐敏子易蜀帥及用向士璧爲鎭撫。 移呂文德上近、靖。 會丁大全謀奪相位,元鳳力辭,授觀文殿大學士 進依前 力辭, 職 ,簽書樞密院事兼權參知 御筆勉 高、孝、 諭 ,猶周回累日 戕 |寧 朝 判 而 國 政事,進參 後治事 福州 史未 福 元

度宗 殿 表聞,帝震悼輟朝,特贈少師 上章乞莬。 大學士、 (即位) 開慶兵興,上手疏收人心、重賞罰、 體泉觀 進少保。 三年, 使。 御筆趣行, 三年,拜少傅、右丞相 乞致仕,不許。 奏免修明 四年,罷觀使,以守少保、 團結民兵數事。 局 兼樞密使, 米五 萬石。 進封 拜特進, 俄起判平江府兼准、浙發運使。 吉國 公, 依前 觀文殿大學士致仕。 以言罷, 職 充醴泉觀 依舊少保、觀文 兼侍讀。 卒,遺 几

元鳳之在 元鳳曰:「先公疇昔相薦者, 政 府 也, 契家子求貳令, 以某粗知恬退故也。 元鳳 謝之曰:「除授須由資。」其 今子所求躐次, 人累請 豈先大夫意 不許,乃以

曰:「前」 哉 ? 矧以 日之彈劾,成其才也;今日之擢用,盡其才也。」所著訥齋文集若干卷。 )國家官爵報私恩,某所不敢。」有嘗遭元鳳論列者, 其後見其可用,更薦拔之,

每

其姓 杖譁 召試 院。遷考功郎官,命旋寢。 來。」已而 江 西常平茶鹽。 名 健 館 審 江 萬 士 職,累遷著作佐郎、權尙左 爾, 几 所間。 有 里字子遠,都昌人。自其父燁始業儒。 史氏 |璘倪首不答,歸語||燁曰:「史祖父故寒士,今居官以杖士人自憙, 娠,生萬里。 且不昌,汝其戒之。」是夕燁妻陳夢一貴人入其家,曰:「以汝家長有善言,故 以舍選出身, 召爲屯田 少神雋,有鋒 久之,以駕部郎官召,遷尙右 郎官, 歷池州 未行, 愈官 教授、 題, 兼樞密院檢詳文字。 遷直祕閣、江 連舉于鄉。 沿江 大父璘,鄉稱善人,其鄰史知縣者夸其能 制置司準備差遣、兩浙 西轉運 入太學, 有文聲。 棄 侍 .講 判官兼權知隆 知吉州,創白鷺洲 安撫 理宗 一興府。 於我心有不 書院,兼提 在潛邸,嘗書 司 幹 創宗濂 辦 公事 舉

列傳第一百七十七 江萬里

母

南康,旋以

母

病

開,萬

里不

侯報馳歸,至祁門得計。

而議者謂萬里母死,

秘不奔喪,

反

拜。

萬

里

器望清峻,論議

風采傾動

一時,帝眷注尤厚。

嘗匃

祠、省母疾,不許。

屬弟萬頃

奉

未幾,遷右

正言、殿中侍御史,又遷侍御

史,未及

史嵩之罷相,拜監察御史,仍兼侍講。

挾妾媵自隨,於是側目萬里者, 相與騰謗。 萬里無以自解,坐是閒廢者十有二年。 後陸德

興嘗辨其非辜於帝前。

閣待制,爲參謀官。 舊職,知福州兼福建安撫使。 太子賓客。隨以言者去官。後以原職知建寧府兼權福建轉運使。已而,加資政殿學士,依 入相,萬里兼國子祭酒、侍讀。入對,遷權吏部尙書,又拜端明殿學士、同簽書樞密院事 賈似道宣撫兩浙,辟參謀官。及似道同知樞密院,爲京湖宣撫大使,以萬里帶行寶章 大元兵圍鄂,似道以右丞兼樞密使移軍漢陽, 萬里遷刑部 侍郎。 似道

初即 道用,然性峭直,臨事不能無言。 似道常惡其輕發,故每入不能久在位。 不可復言去。」似道不知所爲,下殿舉笏謝萬里曰:「微公,似道幾爲千古罪人。」然以此益忌 ;位,呼爲師相,至涕泣拜留之。 萬里以身掖帝云:「自古無此君臣禮,陛下不可拜,似道 度宗卽位,召同知樞密院事,又兼權參知政事,遷參知政事。 萬里始雖俛仰容默,爲似 似道以去要君,帝

學士、知慶元府兼沿海制置使,不拜,予祠。後二年,知太平州兼提領江淮茶鹽兼江東轉運 書,帝語夫人以爲笑。 帝在講筵,每問經史疑義及古人姓名,似道不能對,萬里常從旁代對。時王夫人頗知 似道聞之,積慚怒,謀逐之。萬里四勾祠,不候報出關 加資政殿大

州 ,辭,依舊職,提舉洞霄宮。又授知潭州、湖南安撫大使,加特進,尋予祠。 召拜參知政事,進封南康郡公。旣至,拜左丞相兼樞密使。 勾祠,加觀文殿大學士知福 時咸淳九年,萬

里年七十有六矣。

文忠。 聞襄樊失守,鑿池芝山 者草斂之。 「大勢不可支,余雖不在位 萬里竟赴止水死。 明年,大元兵渡江,萬里隱草野間,爲遊騎所執,大詬,欲自戕,旣而脫歸。先是,萬 萬頃 萬里 歷守大郡,爲提舉江 一無子,以圖人王橚子爲後,即鎬 [後圃,扁其亭曰「止水」,人莫諭其意,及聞警,執門人陳偉器手,曰: 左右及子[鎬相繼投沼中,積屍如疊。 [¬當與國爲存亡。」及<u>饒州城破,軍士執</u>萬頃,索金銀不得,支 .西常平茶鹽,官至正 也。 郎。 事聞,贈太傅、益國公,後加 城破時,郴州守趙崇榞 翼 日, 萬 里尸獨浮出水上,從 寓 贈太師,諡 居城中, 解

准 兼 提 制 べ轄封 置 王爚 司 椿 辟 字仲潛,一字伯晦, 下 通 庫 判 泰州 二年, 五年, 遷籍 紹興新昌 田令氣督視幹辦公事。 差 知 深州。 端平元年, 登嘉定十三年進士第, 知瑞州 淳祐二年,改監三省樞密院門, 嘉熙 知常 元 年,提 · 療 縣 。 、 轄 左 藏 紹定 四 東 西 庫

福建提點刑獄,差知温州。 六年,爲尙書左司員外郎。 所居官,詔從之。 四年,再任。 賜對,乞祠,不許。 十年,差知寧國府,遷太府 五年,遷太府寺丞、祕書丞、戶部郎官、淮西總領,主管右曹。 七年,遷祕書少監,以侍御史周坦言,罷爲

卿

精神運動,陽彙昭蘇, 保護微陽之根本。批札畢杜於私蹊,官賞宏闢於正路。使內治明如天日,外治勁如風霆。 紐之際。 事。疏奏:「願詔大臣相與憂亂而思治,懼危而圖安,哀恫警省,修德行政,摧抑羣陰之氣燄, 實祐元年,兼國史編修、實錄檢討兼權兵部侍郎,試司農卿兼中書門下省檢正諸房公 其孰能禦之。」以右文殿修撰提舉太平興國宮。五年, 世道昌明,物情熙洽。上以迓續天命於譴告之餘,下以固結人心於解 京湖宣撫大使趙葵辟爲判 則

在,進端明殿學士,提舉佑神觀兼侍讀。召赴行在。 喜。二年,遷禮部尙書,權吏部尙書,加龍圖閣學士、知平江府、淮浙發運使。 史、實錄院同修撰兼侍讀,爲眞侍郎兼太子左庶子。 開慶元年,召赴行在,授集英殿修撰、樞密都承旨、權吏部侍郎。 極言正論,太子聽而說之,帝聞之甚 景定元年,兼同修國 五年,召赴行

祠,不許。乞放歸田里。帝遣尙醫視之,且賜食,復兩乞歸,皆不許。二年,拜參知政事。 咸淳元年二月,拜簽書樞密院事,閏月,同知樞密院事兼權參知政事。 二年,以疾乞

丞 官董僕起之,四上疏辭免,始從之。 三年,知 「乞差爚充上蔡書院 相,並 最後乞祠祿,乃授資政殿學士知慶元府兼沿海制置使。 兼 ,樞密院事兼參知政事。立皇太子,加食邑,三辭発官,不許。 樞密使。 山主,」詔從之。八年,加觀文殿學士提舉萬壽宮兼侍讀, 尋授/編特進,加食邑。乞致仕,兩乞辭免,皆不許。 十年,乞致仕,不許。十一月,以爚爲左丞相,章鑑爲右 四辭冤,不許。 乞奉 。七年,台州言: 祠、 詔遣刑部郎 休假,皆不

都 撫 宜 將 政 招 中 臣 事 督諸路 陳宜中奏「渝留爚以鎮 德祐 討 叉 先 奏「爚單 大使,置 賜罷斥,臣本志誓死報國,願假臣以宣撫招討等職,臣當招募忠義,共圖 軍 元年,兩乞改命經筵庶可優閒,再乞以舊職奉京祠侍讀,皆不許。右丞相章鑑、參知 馬。 中華絕江 司] 累辭,皆不許 在京,以備容訪。 [,已至蕭山,乞遣中使趣還治事」。乃授觀文殿大學士、浙西江東路宣 (人心,以康世道」。從之。)爚兩請毋署省院公櫝,不許; 又奏:「乞 乞解大使職名,不許。 進少保、 左丞相兼樞密使, 興復。」鑑、

晦 師 以 冥者 之罪,於是始降詔切責似道不 壞之之由 奏言:「今天下所以大壞至此 」數刻 陰 大明賞罰,動合乎天, 盛陽微 ,災異未有大於此 忠不 者,正以一 庶幾 孝。 人心 者。 六月 私 興起, 「蟠塞, 庚 臣待罪首相,上佐天子理陰陽,下遂萬物,外 子 朔, 天下事尚可爲也。」因 賞罰 日 食,爚奏:「日食不 無章故也。 救之之策,在 言賈似道 ·盡僅 分, 反其所 設國 白晝 喪

章

鑑

以 鎭 `答天譴。」答詔不許,第降授金紫光祿大夫而已。 諸 侯, 皆其職也。 辭降官,乞罷斥,又不許。

效死封疆,亦不敢辭。」詔三省集議。乞罷平章事,不許。京學生上書詆宜中,宜中亦上疏乞骸 初,宜中在相位,政事多不關白爚,或謂京學之論,實爚嗾之。 尋進平章軍國重事,辭,不許。 或請:「出宜中或夢炎出督吳門,否則臣雖老無能爲,若

屬望也,而卒與宜中不協而去云。 平,誠有如人言者矣。」遂罷爚平章,依前少保、特授觀文殿大學士充醴泉觀使。 爚爲人淸 修剛勁,似道歸天台葬母,過新昌,爚獨不見之。後以元老入相位,值國勢危亡之際,天下所 七月壬辰,詔:「給、舍之奏三人,爚與宜中必難共處,兼爚近奏乞免平章侍經筵,辭氣不

樞 密院事 章鑑字公秉,分寧人。以別院省試及第,累官中書舍人、侍左郎官、崇政殿說書,進簽 兼權參知政事,遷同知樞密院事

遣使亟召還朝,旣至,罷相予祠。殿帥韓震之死,鑑與曾淵子明震無他。 咸淳十年,王爚 拜左丞相,鑑拜右丞相,並兼樞密使。明年,大元兵逼臨安,鑑託故徑 至是,御史王

應鱗繳其錄黃,謂震有逆謀,鑑與淵子曲芘之。坐是削一官,放歸田里。

後有告鑑家匿寶璽者,霜晨,鑑方擁敗衾臥,兵士至,大索其室,惟敞篋貯一玉杯,餘無

物,人頗嘆其淸約。鑑在朝日,號寬厚,然與人多許可,七大夫目爲「滿朝歡」云。

宗,擢爲殿中侍御史,在臺橫甚。 全怒,使監察御史吳衍劾宜中,削其籍, 是,士論翕然稱之,號爲「六君子」。宜中謫建昌軍 大全益怒,立碑學中,戒諸生亡妄議國政,且令自後有上書者,前廊生看詳以牒報檢院。 妻之。旣入太學,有文譽。寶祐中,丁大全以戚里婢壻事權倖盧允升、董宋臣,因得寵於理 陳宜中字與權,永嘉人也。少甚貧,而性特俊拔。有賈人推其生時,以爲當大貴,以女 宜中與黃鏞 拘管他州。 、劉黻、林測祖、陳宗、曾唯六人上書攻之。大 司業率十二齋生, 冠帶送之橋門之外, 由

省正字、校書郎,數年遷監察御史。 三年,廷試,而宜中中第二人。六人之中,宜中尤達時務。 大全既寫,丞相吳潛奏還之。 賈似道 入相,復爲之請,有詔六人皆免省試令赴。 由紹興府推官、戶部架閣、 秘書

程元鳳再相,似道恐其侵權,欲去之。 列 第 百 七十 七 陳 宜 中 宜中首劾元鳳縱丁大全肆惡,基宗社之禍。

4

,歲餘

入爲

刑

部尙書。

+

年,

拜簽書樞密院事

兼權

參知

政事

崇政 格 除 殿 太府卿 訛 書, 累 遷禮部侍 宜 中 亦 自 請 郎 兼中書舍人。 外,爲江東提舉茶鹽常平公事。 七年,閩闕 帥,以顯文閣待制、知 四年, 改浙西 提刑 福州。 五 年, 召爲

似道 m 設國 翁 德祐 應 之罪。 龍 元 自 年 軍 似道 中 升 歸 同 行時,以所親信韓震總禁兵,人有言慶欲以兵級遷者,宜中召慶計 知 宜中問似道 樞密院事。 所在, 二月, 應龍 似道 以不 喪師 ·知對。 無湖, 乃以 宜中以爲似道 宜中知樞密院兼參知政事 已死,卽上疏乞正

伏壯士袖鐵椎擊殺之,以示不黨於似道。

讓 后 爭 以 右 宜中, 以,以 万以 爲「簿 丞 相 時 為當 宜中為左丞 右丞 錄 宜中上疏,以爲「一辭 儿 非 如嶸叟議。 相章鑑 月, 盛 世事 |爚還朝論 育遁, 相,夢炎爲 ,祖宗忠 會留夢炎自 事, 會淵子等 厚,未嘗輕用之。 卽 右 一受,何以 丞 與 湖南 宜中不合。 相,爚進平 請命宜中攝丞相事。 入朝, 解天下之譏」,亦去。 章 压方召入朝,遽 爚與宜中俱乞罷政, 臺臣孫嶸叟請 軍 國 重 事 韶以王爚爲左丞相, ٥ 爚 鼠 加 拜命 遣使數輩遮留之, 籍潛說友、 重 刑, 請以夢炎爲相 卽 恐後 E 僦 吳益 無以 民居, 拜宜中特進、 示 始 李珏 信。 以 太皇 丞 宜 爚力 相 中 府

將 不然,則己請行。 時 命張世傑等四 道進師,二丞 宜中處,始與夢炎上疏乞行邊。 相 都 督 軍 馬 而 不 出 督。 事下公卿議 爚 請 以 不决。 丞 相 建 閫 七月, 吳門, 世傑等兵 以 護 諸

開督。 出 果敗於焦山。 師, 諸將無統。 今世傑以諸將心力不一而敗,不知國家尚堪幾敗邪?臣旣不得其職,又不得其言, 爚奏言:「事無重於兵,今二相並建都督,廟算指授,臣不得而知。 臣豈不知吳門距京不遠,而必爲此請者、蓋大敵在境,非陛下自將則大臣 比者, 六月

乞罷免。」不允。

好 **| 祥率兵勤王,信讒而沮撓之。似道喪師誤國,陽請致罰而陰佑之。大兵薄國門,勤王之師** 或 乃留之京城而 宜中乃借使過之說,以報私恩。令狐槃、潛說友皆以城降,乃受其包苴而爲之羽翼。 將不 乞盟。 爚 ·止於 一 子□乃嗾京學生伏闕上書,數宜中過失數十事,其略以爲:「趙溍、趙與鑑皆棄城遁, 張世傑步兵而用之於水,劉師勇水兵而用之於步,指授失宜,因以敗事。臣恐誤 似道也。」 不遣。宰相當出督,而畏縮猶豫,第令集議而不行。呂師變狼子野心,而使之通

笑。 祥請誅全,宜中釋不問。 朝,尋爲 皇太后 十一月,遣張全合尹玉、麻 書 自爲書遺其母楊,使勉諭之,宜中始乞以祠官入侍,乃拜醴泉觀使。 [上,宜中竟去,遣使召之,不至。其後,罷爚,命臨安府捕逮京學生。召之亦不至。 右丞 相,然事已去矣。 一而,常州破,兵薄獨松關,鄰邑望風皆遁。 土龍 宜中倉皇發京城民為兵,民年十五以 兵援常州,玉與士龍皆戰死, 全不發一矢,奔還。 上者皆籍之,人皆以爲 十月壬寅,始 造

列

臣數以爲請,顧欺我邪?」脫簪珥擲之地,遂閉閣,羣臣求內引,皆不納。蓋宜中實以明日 太后乃命裝俟升車,給百官路費銀。及暮,宜中不入,太皇太后怒曰:「吾初不欲遷,而大 宜 中遣 使 3如軍中請和不得,卽率羣臣入宮請遷都,太皇太后不可。 宜中痛哭請之,太

遷,倉卒奏陳失審耳。

嚴州。 生冒借官木 陳某」,克愚皇恐不敢受,袖而謝之。 愚以爲點吏,卒置之法。 可為,遂不反。 二王累使召之,終不至。 至元十九年,大軍伐占城,宜中走暹,後沒於暹。 入閩中。 陸 |秀夫奉二王入温州, 遺人召宜中。 宜中爲人多術數,少爲縣學生,其父爲吏受贓當黥,宜中上書温守魏克愚請貸之。 宜中初與大元丞相伯顏期會軍中,旣而悔之,不果往。伯顏將兵至阜亭山,宜中宵遁, 克愚之死,宜中擠之爲多。 益王立,復以爲左丞相。 井澳之敗,宜中欲奉王走占城,乃先如占城論意,度事不 事,忤似道,廢罷家居。 其後宜中爲浙西提刑,克愚郊迎,宜中報禮不 宜中入,乃極言克愚居鄉不法事,似道令章鑑劾之,貶 宜中至温州,而其母死。張世傑异其棺舟中,遂與俱 宜中陽禮之,而陰摭其過,無所得。 書銜,亦云「部下民 其後,克愚發賈德

**猶懼** 似道 之師,以國事付王爚、章鑑、陳宜中,蓋取其平時素與己者。爚、宜中於其旣出,稍欲自異, 及聞其敗,乘勢蹙之。旣而,二人自爲矛盾,宋事至此,危急存亡之秋也。 斯言哉?程元鳳謹飭有餘而乏風節,尙爲賈似道所諅。 財 數人焉。 **追籠絡**, 一不逮,所爲若是,何望其能匡濟乎。 曰:孔子曰:『才難,不其然乎。』理宗在位長久,命相實多其人,若吳潛之忠亮剛直, 晚年微露鋒題,輒見擯斥。士大夫不幸與權姦同朝,自處難矣。 潛論事雖近於計,度宗之立,謀議及之,潛以正對,人臣懷顧望爲子孫地者能爲 似道誅,爚死,鑑遯,宜中走海島,宋亡。 江萬里問學德望優於諸臣,不免爲 當國者交驩戮力, 似道督視江上

誼若 法天不息爲對,其言萬餘,不爲稿,一揮而成。 然。 「沒不俎豆其間,非夫也。」年二十舉進士,對策集英殿。 龜鑑 自為 文天祥字宋瑞,又字履善,吉之吉水人也。 一,忠肝. [童子時,見學宮所祠鄉先生歐陽修、楊邦乂、胡銓像,皆諡「忠」,即欣然慕之。 如鐵石,臣敢爲得人賀。」尋丁父憂,歸。 體貌豐偉,美晢如玉,秀眉而長目,顧盼燁 帝親拔爲第一。 時理宗在位久,政理浸怠,天祥以 考官王應麟奏曰:「是卷古

開慶初,大元兵伐宋,宦官董宋臣說上遷都,人莫敢議其非者。 列 第 一百七十七 文 天 觧 天祥時入爲寧海軍節 二五三三

錢若 罷。 度判官,上書「乞斬宋臣,以一人心」。不報,卽自免歸。 諷似道。 知,天祥又上書極言其罪,亦不報。出守瑞州,改江西提刑,遷尙書左司郎官,累爲臺臣論 水例 除軍器監兼權直學士院。 時內制 致仕,時年三十七。 相承皆呈稿,天祥不呈稿,似道不樂,使臺臣張志立劾罷之。天祥旣數斥,援 賈似道稱病,乞致仕,以要君, 後稍遷至刑部郞官。 有詔不允。天祥當制,語皆 宋臣復入爲都

「吾老矣, 咸淳 九年,起爲湖南提刑,因見故相江萬里。 觀天時人事當有變,吾閱人多矣,世道之責,其在君乎?君其勉之。」十年,改知 萬里素奇天祥志節, 語及國事, 愀然曰:

贛州。

吾深恨於此。 使方興召吉州兵, 人衆者功濟,如此則社稷猶可保也。」 曰:「吾亦知其然也。 曰:「今大兵三道鼓行,破郊畿,薄內地,君以烏合萬餘赴之,是何異驅羣羊而搏 德 祐 初,江上報急,詔天下勤王。天祥捧詔涕泣,使陳繼周發郡中豪傑,并結溪峒蠻, 故不自量力,而以身徇之,庶天下忠臣義士將有聞風而起者。 諸豪傑皆應,有衆萬 第國家養育臣庶三百餘年,一旦有急,徵天下兵,無一人一 人。 事聞, 以江西提刑安撫使召入衞。 義勝者謀立, 猛虎。」天祥 騎 其 友 入關者, 企之,

天祥性豪華,平生自奉甚厚,聲伎滿前。 至是,痛自貶損,盡以家貲爲軍費。 每與賓佐

兵 至 語及時事,輒流涕,撫几言曰:「樂人之樂者憂人之憂,食人之食者死人之事。」八月,天祥提 師 孟. 一臨安, 爲兵部尚書,封呂文德和義郡王,欲賴以求好。 除 知平江府。 時以丞相宜中未還朝,不造。 師孟 十月,宜中至,始遣之。 益偃蹇自肆。 朝議方擢呂

奔命, 報。 取 **閫於番陽**; 於其中。 至 之氣。」且言:「宋懲五季之亂,削藩鎭,建郡邑,一時雖足以矯尾大之弊,然國亦以寖弱。故 二州 兩准,使其地大力衆,足以抗敵。 天祥陛辭,上疏言:「朝廷姑息牽制之意多,奮發剛斷之義少,乞斬師孟釁鼓,以作將 而吾民之豪傑者又伺間出於其中, 則 以 破 廣 以准西 一州,至一縣則破 西益 益准 湖南而建闔於長沙 東 而 建 一縣,中原陸沈,痛悔何及。今宜分天下爲四鎭,建都督 聞 於揚州 約日 以廣東益 齊奮,有進無退,日夜以圖之, 如此則敵不難却也。」時議以天祥論闊遠,書奏不 責長沙取鄂, 江 西而 隆興取蘄、黃, 建閫於隆興; 番陽取 以福建益 彼備多力分, 江 江東 東 疲於 揚州 統 而 建 御

指,皆溺死,玉以殘兵五百人夜戰,比旦皆沒。 援常,至虞僑,士龍戰死,朱華以廣軍戰五牧,敗績,<br />
玉軍亦敗,爭渡水,挽全軍舟,全軍斷其 宜中、夢炎召天祥,棄平江,守餘杭 十月,天祥入平江,大元兵已發金陵 入常州矣。 全不發一矢,走歸。 天祥遣其將朱華、尹玉、麻士龍與張全 大元兵破常州,入獨松

兵。 舟師直擣鎭江,同日大舉。灣頭、楊子橋皆沿江脆兵,且日夜望我師之至,攻之卽下。 瓜步之三面,吾自江中一面薄之,雖有智者不能爲之謀矣。瓜步旣舉,以東兵入京口,西兵 與其客杜滸十二人,夜亡入眞州。 入金陵,要浙歸路,其大帥可坐致也。」天祥大稱善,卽以書遺二制置,遣使四出約結 相賈餘慶、知樞密院事謝堂、簽書樞密院事家鉉翁、同簽書樞密院事劉岊,北至鎭江。 兼 樞 指揮東諸將,以通、泰兵攻灣頭,以高郵、寶應、淮安兵攻楊子橋,以楊兵攻瓜步,吾以 密使,使如 阴 年 Ē. 月,除知臨安府。 軍中請和,與大元丞相伯顏抗論阜亭山。丞相怒拘之,偕左丞相吳堅、右丞 未幾,宋降,宜中、世傑皆去。仍除天祥樞密使。 苗再成出迎,喜且泣曰:「兩准兵足以興復,特二閩小隊, 尋除右丞相 合攻

揚,四 入索之,執杜滸、 路 也。 伏 ·分覘天祥,果說降者卽殺之。二路分與天祥語,見其忠義,亦不忍殺,以 環堵中得免。 使再成 天祥未至時,揚有脫歸兵言:「密遣一丞相入眞州說降矣。」庭芝信之,以爲天祥來說降 鼓抵城下,聞候門者談,制置司下令備文丞相 一面殺之。 再成不忍,給天祥出相城壘,以制司文示之,閉之門外。 然亦飢 金應而去。 莫能 起,從樵者乞得 虞候張慶矢中目,身被二創,天祥偶不見獲。滸、應解所懷金 餘糝羹。 甚急,衆相 行 入板橋,兵又至,衆走伏叢篠 顧 吐舌,乃 東 入海道, 兵二十 久之,復遣二 人道之 心中, 兵 遇兵,

與卒,獲免,募二樵者以費荷天祥至高郵,汎海至温州

副使聚兵寧都,大元兵攻之,鳳兵敗,同起事者劉欽、翰華叔、顏斯立、顏起嚴皆死 軍取寧都,參贊吳浚將一軍取雩都,劉洙、蕭明哲、陳子敬皆自江西起兵來會。 授羅開禮,起兵復永豐縣,已而兵敗被執,死於獄。 七月,乃以同都督出江西,遂行,收兵入汀州。十月,遣參謀趙時賞、諮議趙孟際將 聞益王未立,乃上表勸進,以觀文殿學士、侍讀召至福, 天祥聞開禮死,製服哭之哀。 拜右丞相。 尋與宜中等議不 鄒鳳以招 武岡

夢應 半,惟贛不下。 兵不至。未幾,浚降,來說天祥。天祥縛浚,縊殺之。四月,入梅州,都統王福、錢漢英跋 孟濚等盛兵薄贛城,鄒鳳以贛諸縣兵擣永豐,其副黎貴達以<br />
吉諸縣兵攻泰和。<br />
吉八縣復其 扈,斬以徇。 五月,出江西,入會昌。 六月,入興國縣。 七月, 造參謀張汴、監軍趙時賞、趙 如軍中受約束。 起兵邵、永間,復數縣,撫州何時等皆起兵應天祥。分寧、武寧、江、建昌三縣豪傑,皆 至元十四年正月,大元兵入汀州,天祥遂移漳州,乞入衞。 臨洪諸郡,皆送款。潭趙璠、張虎、張唐、熊桂、劉斗元、吳希奭、陳子全、王 時賞、孟濚亦提兵歸,獨浚

即鄉源于永豐。 江 西宣慰使李恆遣兵援贛州, 源兵先潰, 恆窮追天祥方石嶺。鞏信拒戰, 箭被體, 死之。 至空坑, 軍士 而自將兵攻天祥于興國。 天祥不意恆兵猝至,乃引兵 造人

皆潰, 之而歸,天祥以此得逸去。 天祥妻妾子女皆見執。 時賞坐肩興,後兵問謂誰,時賞曰「我姓文」,衆以爲天祥,禽

|洙頗自辯,時賞叱曰:「死耳,何必然?」於是棟、文炳、蕭敬夫、蕭燾夫皆不免。 奮駡不屈,有係累至者,輒麾去,云:「小小簽廳官耳,執此何爲?」由是得脫者甚衆。 孫奧、彭震龍、張汴死於兵,繆朝宗自縊死。吳文炳、林棟、劉洙皆被執歸隆興。 臨刑,

鄒源 突至,衆不及戰,皆頓首伏草莽。 天祥倉皇出走,千戶王惟義前執之。 州 浦。 信國公。軍中疫且起,兵士死者數百人。天祥惟一子,與其母皆死。十一月,進屯潮陽縣。 盜 後也 陳懿、劉興數叛附,爲潮人害。天祥攻走懿,執興誅之。十二月,趨南嶺,鄒鳳、劉子俊 自頸,衆扶入南嶺死。 江西起兵來,再攻懿黨,懿乃潛道元帥張弘範兵濟潮陽。 被執,以憂死。 六月,入船澳。 益王殂, 衞王繼立。 天祥上表自劾, 乞入朝, 不許。 八月, 加天祥少保、 天祥收殘兵奔循州,駐南嶺。黎貴達潛謀降,執而殺之。至元十五年三月,進屯麗江 惟趙孟濚遁,張唐、熊桂、吳希奭、陳子全兵敗被獲,俱死焉。 官屬士卒得脫空坑者,至是劉子俊、陳龍復、蕭明哲、蕭賌皆死, 天祥方飯五坡嶺,張弘範兵 天祥吞腦子, 不死。 唐,廣漢 潮

天祥至潮陽,見弘範,左右命之拜,不拜,弘範遂以客禮見之,與俱入厓山,使爲書招張

其末有云:「人生自古誰無死,留取丹心照汗青。」弘範笑而置之。 厓山破,軍中置酒 弘範曰:「國亡,丞相忠孝盡矣,能改心以事宋者事皇上,將不失爲宰相也。」天祥泫然出涕, 至京師 曰:「國亡不能捄,爲人臣者死有餘罪,况敢逃其死而二其心乎。」弘範義之,遣使護送天祥 |天祥曰:「吾不能扞父母,乃敎人叛父母,可乎?」索之固,乃書所過零丁洋詩與之**。** 大會,

地 官謝昌元等十人請釋天祥爲道士,留夢炎不可,曰:「天祥出,復號召江南,置 也。 翁 爲言者,不果釋。 諭 若遽官之,非直亡國之大夫不可與圖存,舉其平生而盡棄之,將焉用我?」積爲欲合宋 旨,天祥曰:「國亡,吾分一死矣。 司,設卒以守之。時世祖皇帝多求才南官,王積豫至言:「南人無如天祥者。」遂遣 |天祥在道,不食八日,不死,即復食。 至||燕,館人供張甚盛,|天祥不寢處,坐達旦。 事 遂已。 |天祥在||燕凡三年,上知||天祥終不屈也,與宰相議釋之,有以||天祥起兵江 **儻緣寬假,得以黃冠歸故鄉,他日以方外備顧問,** 吾十人 遂移 西事 、於何 山 |積

新殺左丞相 人,欲取文丞相。 至元 十九年,有閩僧言土星犯帝坐,疑有變。 阿合馬, 京城亦有匿名書,言某日燒養城葦,率 命撤 城章,遷瀛國公及宋宗室開平, 未幾,中山有狂人自稱 兩 疑丞相者天祥也。 翼兵為 亂 丞相 印 「宋主」, 無憂者 召入諭之曰: 有兵千 時盜

列

傳

有贊曰:「凡日成仁,」 「屆日取義,惟其義盡,所以仁至。 讀聖賢書,所學何事,而今而後,庶幾 卒曰:「吾事畢矣。」南鄕拜而死。數日,其妻歐陽氏收其屍,面如生,年四十七。 其衣帶中 麾之退。言者力贊從天祥之請,從之。俄有詔使止之,天祥死矣。 天祥臨刑殊從容,謂吏 「汝何願?」|天祥對曰:「天祥受宋恩,爲宰相,安事二姓?願賜之一死足矣。」然猶不忍,遽

馴之,終不可得。觀其從容伏質,就死如歸,是其所欲有甚於生者,可不謂之「仁」哉。宋三 励亡矣,文天祥往來兵間,初欲以口舌存之,事旣無成,奉兩孱王崎嶇嶺海,以圖興復,兵 敗身執。我世祖皇帝以天地有容之量,旣壯其節,又惜其才,留之數年,如虎兕在柙,百計 兩男子欲扣馬而止之,三尺童子知其不可。他日,孔子賢之,則曰:「求仁而得仁。」宋至德 天理之正,即人心之安爾。商之衰,周有代德,盟津之師不期而會者八百國。伯夷、叔齊以 百餘年,取士之科,莫盛於進士,進士莫盛於倫魁。自天祥死,世之好爲高論者,謂科目不 論曰:自古志士,欲信大義於天下者,不以成敗利鈍動其心,君子命之曰「仁」,以其合

足以得偉人,豈其然乎!

列 傳 第 百 七十 七 校 勘

記

(二) 武寧 「寧」原作「軍」。 按宋縣無「武軍」,本書卷八八地理志江南西路隆興府有武寧縣,文天

**祥文山先生全集卷一九劉岳申文丞相傳作「武寧」,是,據改。** 

丞相傳改。下同。

(II) 王積翁 「積」原作「績」,據本書卷四七理宗紀,文山先生全集卷一九劉岳申文丞相傳、

## 宋史卷四百一十九

## 列傳第一百七十八

李性傳 余天錫 宣繒 薛 許應龍 陳韡 極 陳貴誼 雈 福 附 林略 曾從龍 徐榮叟 鄭性之 別之傑 李鳴復 劉伯正 鄒 應龍 金淵

郎。 預 祠。 兵部尙書。 時暫兼權侍立修注官、守起居舍人,爲起居郎兼權侍左侍郎,編譯宗寶訓。 定策,以王堯臣故事贈太師,謚 端平三年召赴闕,升大學士、提舉洞霄宮,以觀文殿大學士致仕。 宣繒, 升著作佐郎兼權考功郎官、知吉州、 嘉定十四年,同知樞密院事兼參知政事。 慶元府人。 嘉泰三年, 忠靖。 太學兩優釋褐。 福建提點刑獄。 歷官以太學博士召試, 明年,拜參知政事。 遷考功員外郎, 卒,贈少師。 以資政殿學士奉 試吏部侍郎 又遷祕書少監。 爲祕書省校書 詔僧嘗 權

列傳第

百

七

十八

宜

縚

薛極

領雜 德軍 賣場、寄椿庫,兼勑令所删修官,中書門下省檢正諸房公事,兼删修勑令官。 薛極字會之,常州武進人。以父任調上元主簿。 以參 知政事 樓鑰薦,遷大理正、刑部郎官,司封郎中、權右司郎中,遷右司 中詞科,爲大理評事、通判温州, 郎中兼提 拜司農卿 知廣

銀權兵部

侍郎,尋爲眞。

以今日遇災警懼之心,永爲異時暇逸之戒。 進 遷 勿以天災代有 權 出 刑部 嘉定 身, 八年, 尚書,尋試戶部尚書兼權吏部尚書,遂爲眞,時暫兼權戶部尚書。 拜端 而 明殿 疏奏:「願陛下深思顧諟之難, 應不以實。 學士、簽書樞密院事 政綱雖舉,必求益 將見天心昭格,沛然之澤響應於不崇朝之間。」 一其所未至; 益懷兢業之念。 德澤雖布,必思及其所未周。 勿謂帝德罔愆而 怠於進修, 十五年,特賜同

誓

文殿大學士知紹興府兼浙東安撫使。 紹定元年,拜參 知政 事兼同 知樞密院事。 端平元年,加少保、和國公,致仕,卒。 尋知 樞密院 事 兼參 知政 事,封毗陵郡公。以觀

安遠軍節度掌書記,辟差四川制置司書寫機宜文字。 陳貴誼字正甫,福州 <u>隔</u>清人。慶元五年進士,授瑞州觀察推官。 中博學宏詞科,授江南東路安撫 丁內外艱,服除, 河機 調

宜文字。遷太社令,改武學諭、國子錄,遷太學博士。

公。」主更幣之法者,乃摘新法等語激怒時相,且謂「貴誼引類植黨」,人爲危之。 才,足以集事而失於剽輕;老成寬博之士,足以厚俗而失於循理。 惡獲逞,道路咨怨,非所以祈天永命、固結人心。」因援熈寧新法爲辭。 時議更楮幣法,貴誼轉對言:「人主令行禁止者,以同民之所好惡。楮券之令,乃使姦 孰若舉之以衆,取之以 又言:「明銳果敢之

心。一人言之未已,或至累十數人言之,則又指爲朋黨。是非易位,忠佞不分。」史彌遠益 謂:「言路雖開,觸犯忌諱者指爲好名,切劑時政者指爲玩令。 不樂,遷祕書郎,出知江陰軍,提舉江西常平。召赴行在,未至,授禮部郎官。 遷太常博士。以兄貴謙兼禮部郎官,引嫌,遷將作監丞兼魏惠憲王府小學教授。 利害關於天下,是非公於人

之外之;矯拂救正者,是藥石也,愛我也,宜用之聽之。」關遠滋不樂,諷言者論罷,主管崇 則陣亡者不恤,恥言棄潰,則逃竄者復招。」又言:「婉順巽從者,是災疢也,非愛我也,宜屛 情,今媕阿循默,囊括不言。民力已竭,而科斂之外,餽遺以謀進者未已。 屬金人大擾准、閩,貴誼言:「人才所以立國,今旁蹊曲徑,倖門四闢。 軍中恥言敗北, 言路所以通下

禧觀。

乞因肆赦除聚斂掊克之敞,當察州縣府庫致羨之由。做成周邦饗必及死王事者之子與漢置 起 知徽州,召授司封郎官兼翰林權直,兼玉牒所檢討。 會有事明堂,首引包拯皇祐中

羽林孤兒,專取從軍死事之後,敎以五兵。

試爲 欲其受命之長。 又言:「成王之初,元臣故老警以無逸者,欲其克壽,勉以敬德者,欲其永命; 識之士。貴誼乃言曰:「世以容嘿滯固爲賢,以苛刻生事爲能,以褊狹趣辦爲才,以輕疏嘗 識。 理宗卽位,以爲宗正少卿兼侍講,兼權直學士院。尋遷起居舍人。 及茲初政,當求忠實正直、奉公愛民、知禮義廉耻而不越防範者,以充中外之選。」 則可謂愛君切而盧患深矣。」 寶慶初,詔舉賢能 期以豈弟者,

樞密 吏員 **銀中書舍人、** 院 尚衆,征斂幾於奪取,公費掩爲私藏。宜大明黜陟, 庶有以見帝于郊。」 遷禮部侍郎, 仍 遷中書舍人,升兼直學士院。內侍濫受恩賞,輒封還詔書。 事 權刑部尙書。 升修玉牒官兼侍讀。 爲禮部尚書兼給事中、端明殿學士、簽書 將郊,貴誼以:「民生實艱,

知樞密院事。 紹定 六年多,上始親政,進參知政事。 出師汴、洛時,貴誼已移疾,獨上疏力爭。五上章乞歸,轉四官,加邑封,致仕。 上面諭之曰:「頃聞憂國之言, 股所不忘。」 兼同

曾從龍字君錫,左僕射公亮四世從孫。 初名一龍,慶元五年,擢進士第一,始賜今名。

授簽書奉國軍節度判官廳公事。 遷兵部員外郎、左司郎中、起居舍人兼太子右論德

常數,而頻年將迎,所費不可勝計。然則輕於易置,公私俱受其病。欲望明詔二三大臣,郡 則民力裕,利害常相關故也。」又請已振濟者免其後。 守有闕,卽時進擬。其有求避憚行者,悉杜絕其請;其繳劾彈拄者,疾速行之。蓋郡計寬 渴望飲,足未及境而復以他故罷去矣。且每易一守,供帳借請少不下萬緡。郡帑所入,歲有 **眼盡心於民事?獄訟淹延,政令玩弛,舉一郡之事付之胥吏。幸而除授一人,民望其至如** 使金還,轉官。疏言"「州郡累月闕守,而以次官權攝者,彼惟其攝事也, 自知非久,何

子故也。 侍 太子右庶子、兼給事中、兼直學士院、權刑部尚書。 .郎 ·兼中書舍人兼太子左諭德。 繳還張鐵復官詞頭,以鐵抑令姪女竭資財結姻<u>蘇師</u>旦之 開禧間丐外,知信州。戍卒行掠境內,從龍置于法,索得婦人衣,命梟于市。 尋兼太子諭德,兼同修國史、實錄院同修撰,兼國子祭酒。 為吏部侍郎,仍兼職兼 召權禮部

策以 知貢 要,涉獵未精,議論疏陋,綴緝雖繁,氣象萎薾。 觀其才。 嘉定六年秋,陰雨,乞放繫囚。進對,言「修德政,蓄人材, 疏奏:「國家以 異時謀王斷國,皆繇此其選。 )科目網羅天下之英雋,義以觀其通經, 比來循習成風,文氣不振, 願下臣此章, 風厲中外, 飭邊備」。 賦以觀其博古、論 學不務 帝善其言。 澄源 褪 正本,莫甚 (私,辭) 以 觀 七 其

獠,威 嗾 言者劾罷,以前職提舉洞霄宮。起知建寧府。 進端明殿學士、簽書樞密院、太子賓客,改參知政事。 惠並行, 興學養士,湘人紀之石。改知隆興府,復提舉洞霄宮,改萬壽觀兼侍讀,奉 丁內艱,服除,爲湖南安撫使。 疾胡榘儉壬,排沮 一正論,陳其罪。 撫安峒

於斯。」韶從之。

江淮 虎、天麟 以 知 樞 樞 端平 密院 密院 以 治鳳 荆 使督 <u>북</u>; 元 襄 年, 屬 ,皆歷顯任 視 時有三京之役,極論 魏了 江淮、荆襄軍 授資政殿大學士、 翁 朝論 馬。 邊用不給,詔從龍、了緣丼領督府。 南兵輕進易退。 疏言:「邊面遼遠,聲援不接,請並建二閪。」詔許之,專畀 沿江制置使兼知建康府兼行宮留守。 未幾言驗。 進知樞密院事兼參 及從龍卒,贈少師。弟用 拜參知政事兼同 知政事

隆 興府。 鄭性之字信之,初名自誠,後改今名,福州人。嘉定元年,進士第一,歷官知贛州,改知 後以寶章閣待制提舉玉隆萬壽宮,進華文閣待制、提舉上清太平宮。 進敷文閣待

制、知建寧府。

堯、舜之道,則無遠猷。」 毋招謗議。 詔百辟,滌去舊汚,一以淸白相師。 言之激則難於樂受。若少有厭倦,動於詞色,則讒諂乘間,或不自知矣。」又言:「願陛下明 言不切直,何能感動?譬如積水,久壅一決,其勢必盛,其聲必激。 端平元年,召爲吏部侍郎。入對,言:「陛下大開言路,以通壅蔽,心苟愛君,誰不欲言, 則朝綱肅而國體尊矣。」又曰:「爲君者不以堯、舜自期,則無善治,告君者不陳 權之所在,勢所必趨,恐懼戒謹,尤防其微,以保終譽, 故言者多則易於取厭,

言之過激,夫亦何傷。 公以處之,乃得其當。况夫聽言之道,宜以事觀,若言果有關國體,有補治道,有益主德,則 擢左諫議大夫,言:「臺臣交章互詆,願陛下監古今天下安危之變,君子小人消長之機, 彼雖采名,我實有益。惟虛心納善,若決江河,則激者自平矣。」

樞密院事。 拜端明殿學士、簽書樞密院事,進同知樞密院事兼權參知政事。 尋知樞密院事兼參知政事,加觀文殿學士,致仕。實祐二年卒。 尋拜參知政事兼同知

列

傳

第

一百七十八

鄭性之

李鳴復

鄒應龍

一二五四九

使 大 鄭損 (理少卿,拜侍御史兼侍講。進對,言:「|荆襄制臣有當戒者三:日 李鳴復字成叔, 薦 于朝,乞召審察。 又權刑部尚書兼給事中、簽書樞密院事 瀘州人。 授司農寺丞,遷駕部員外郎,遷兵部郎中。 嘉定二年進士。 歷官權發遣金州兼幹辦安撫司公事。 去私、禁暴、懲怒。」權 面對, 遷軍器少監、 制置 部

尙

書

兼

權

吏部尚書。

幾,出 知 樞密院事 端平三年, 知福州、 兼參知 福 拜參 建安撫使,尋予祠。 政 知政 事, 事。 加資政殿 以資政殿學士知紹興府。 《大學士,賜衣帶、鞍馬。 監察御史蔡次傳按劾落職,罷宮觀,後卒于嘉興。 嘉熙元年, 淳祐四 年, 復爲參知政事 復爲參知政 明年, 未

刑 獄。 鄒 尋遷中 應 龍字景初。 書舍人兼太 慶元二年進士。 公子右 諭 德,復兼太子左庶子、試戶部 歷官爲起居舍人,以直 一龍圖 尚書。 閣權 知贛州, 遷江 西提點

部 尚書兼同修國史、實錄院同修撰。 使 金還, 爲太子詹 事 兼中書舍 人。 遷刑部尚書。 遷給事中兼太子詹 乞祠,以敷文閣學士提舉安慶府眞原萬 事 權禮部 侍郎 兼 侍講。 權

壽宮。 以徽猷閣學士起知太平州,以臣僚論罷。 以敷文閣學士提舉玉隆萬壽宮, 拜禮部尚

書兼侍讀。

舊職提舉洞霄宮。 嘉熙元年,拜端明殿學士、簽書樞密院事。 淳祐四年卒,贈少保。 進資政殿學士、知慶元府兼沿海制置使,依

器重之。是時彌遠在相位久,皇子城深惡之,念欲有廢置。會所王宮無後,丞相欲借是陰 立爲後備。|天錫秋告歸試于鄕,|彌遠曰:「今|沂|王無後,宗子賢厚者幸具以來。」 余天錫字純父,慶元府昌國人。丞相史彌遠延爲弟子師, 性謹愿,絕不預外事,彌遠

保長 極貴。」問其姓,長日趙與萬,次日與芮。天錫憶彌遠所屬,其行亦良是,告于彌遠,命二子 保長大喜,鬻田治衣冠,心以爲沂邸後可冀也,集婣黨且詫其遇以行。 【知爲丞相館客,具雞黍甚肅。 須臾有二子侍立,全曰:「此吾外孫也。 天錫絕江與越僧同舟,舟抵西門,天大雨,僧言門左有全保長者,可避雨,如其言過之。 日者嘗言二兒後

逾年, |天錫引見,彌遠善相,大奇之。計事泄不便,遽復使歸。保長大慙,其鄉人亦竊笑之。 爾遠忽謂天錫曰:「二子可復來乎?」保長謝不遣。 彌遠密諭曰:「二子長最貴,宜撫

列

於父家。」遂 載 與歸。 天錫母朱爲沐浴、教字,禮度益閑習。 未幾, 召入嗣沂王, 迄卽帝位

是爲理宗。

進 尚書,皆銀 所 華文閣 檢討官,兼崇政殿說 天錫,嘉定十六年舉進士,歷監惑利縣稅,籍田令,超授起居舍人。 學士、 知 臨 、知福州 安府。 升兼詳定物令官,以實文閣學士知婆州,仍舊職奉祠。 書。 遷戶部侍郎兼知臨安府、 浙 西安撫使。 試戶部侍郎, 遷權吏部侍郎兼玉 起知 寧國府, 權戶部

美,而 丐去。 論 時 可 以正 於於 權 禮部侍 微臣亦冤妨賢之媿。」帝從之。 君父有陳善之敬,友朋有責善之道。 乃辟, 夫亟 吏部尚書兼給 用舊人而遂退二莊士二了, 郎曹豳實在諫省, 可以儀 有位。 事 中兼侍讀。 欲望 蓋嘗抗 委曲 |疏謂| 留行,使之釋然 疏奏:「臣荷國恩, 起家分閩, 旋蒙趣覲, 躐玷 則將謂之何哉! 用臣大驟。 而 豳遂遷官,臣竟汙要路。 臣 無 疑, 豳老成之望,直諒多益,置之近 與豳交最久, 安於就職, 相知最深, 豳 則陛下旣昭好賢之 以 不得其言,累疏 今觀其所 邇聯。

人,壽過九十。 嘉熙 授資 年, 政 殿 將以生日 拜端明殿 〈學士、 知 拜天錫爲相,而天錫卒。 紹 學 與府、 土 同簽書樞密 浙 東安撫使。 院事。 以觀 贈少師,尋加太師,諡忠惠 尋拜參知政 文殿 學士 致 事 **丁兼同知** 仕。 朱 氏 樞 亦 密院事, 封 周 封 楚

出帥 全圈,嘗置義莊,以贍宗族;然在圖以違言論知閬州王惟忠 弟天任爲兵部尚書。 兄弟友愛,方貧時,率更衣以出,終歲同衾。 死,士論少之。 從子晦,歷官尚書,

閣。 爲對,四 遷籍 如所言。 許應龍字恭甫,福州閩縣人。 田令、太學博士。時李全、時靑輩歸附,應龍入對,有「莽蜂是懲,養虎遺患」之說 坐嘉歎。入太學,嘉定元年舉進士。 遷國子博士、國子丞、宗學博士。 五歲通經旨,坐客曰「小兒氣食牛」,應龍應聲「丈夫才吐 調汀州教授,差浙東宣撫 司掾,差戶部架

鷹、全妻子, 蒐補親兵, 日加訓閱。 陳鮮 息。 分扼要害。 帥江西任招捕(li),三路調軍,分道追剿。 丐外,知潮州。 理宗卽位, 明間諜,守關隘,斷橋開塹,斬木塞涂。 應龍首陳:「正心爲治國平天下之綱領。」遷祕書郞兼權尚右 盜陳三槍起оM,出沒江、閩、廣間,勢熾甚。 而盜鍾全相 既而橫岡、桂嶼相繼以捷聞 盜逼境上,應龍 點集民兵,激勸隅總,諭以保鄉井、守室 亟調水軍、禁卒、土兵、弓級, 印郎官, 挺爲亂,樞密 遷著作

窮 陳寇猖獗,若先破 招 捕司遣統 領官齊敏率師由潭趨潮,截贛寇餘黨。 ,則陳不戰禽矣。」
,炒是諸寇皆平。 應龍諭敏曰:「兵法攻瑕,今鍾寇將 方未解嚴時,

列傳

第

不開. 龍平決之, 扦城保民, 隅 戎 總搜其彙中金銀 《事,及 其首 何功之云?」距州六七十里日山斜,峒獠所聚,丐耕土田不輸賦。 見其區畫事宜,分別齊民,靜練雍容,莫不歎服。 感悅,率父老鳴缶擊筒,踊躍詣 ,指爲賊黨。 應龍辨其非盜,釋之,皆羅拜感泣。 郡謝。 去之日,闔郡遮道攀送 僚屬請上功,應龍 始, 人疑應龍儒者 禁兵 日:「守職 、與関,應

差以 兼榮文 頓首 兩盡其美可 聞 應 龍 苦人有言,進人若將加諸膝,退人若將墜諸淵。 資 所草 曰:「民無不可化,顧牧民者如何耳。臣治州幸免曠壞,皆陛下德化所暨,臣非曰能之。」 端平初, 兼 **冷恭王** 權 、格,資格一定,則僥倖之門杜而造請之風息。 也。 直舍人院,遷國子祭酒。 一府教授,力辭, `也。」帝善之,就令草勑書戒諭諸閩 召爲禮部郎官。 翼日文德殿宣布畢,帝遣中使召應龍諭之曰:「草制甚善。」 遷國子司業。 。入對,帝謂應龍曰:「卿治潮有聲,與李宗勉治台齊名。」應龍 攝侍右侍郎兼學士院權直。 祭酒徐僑議學校差職,欲先譽望。 權吏部侍郎兼侍講,兼權直學士院。試吏 今二相乞罷機政,與陛下體貌大臣之意, 僑以爲然。 是日,罷鄭淸之、喬行簡制, 時有憑勢干職者,力卻之。 應龍 應龍以爲不若 復謝日:「臣

行簡然之。 時 楮幣虧 甚, 兼吏部尚書,遷兵部兼中書舍人。三上章丐外,不允。 行簡 主行稱提之說,州縣希旨 奉承, 貧富猜懼。 應龍奏從民便、節用二 兼給事中,兼吏部尚

部

·侍郎,升侍讀,權兵部尙書。

明殿 書。 激不隨,不妄薦士,而亦無傷 學士 請外,詔冤兼中書,拜端 提舉洞霄宮。 卒年 八十 明殿學士、簽書樞密院事。 人害物之事 有 <del>\_\_</del> 贈 資政殿學士、銀青光祿大夫。 潮州之治,最 累辭,會正言郭磊卿有論疏, 可紀· 也 應龍不躁不競,不 以端

殿學士同簽書樞密院事, 奉祠,拜宗正少卿兼崇政殿說書。 司 諫之本,從諫以爲求治之本。」拜殿中侍御史,升侍御史,試右諫議 贈宣奉大夫。 公事。 林略字孔英, 崔與之帥蜀, 温州永嘉人。 目之曰「此臺閣之瑞也」,薦之。 以言罷,提舉洞霄宮。 慶元五年, 遷右司諫,尋遷左司 舉進士。 以資政殿學士致仕。 歷饒州 諫兼侍講。 遷武學博 大寧監教授,辟幹辦四川茶馬 大夫。 士、國子監丞、太常寺丞。 告于帝曰:「虚心以爲從 淳祐三年八月卒,特 嘉熙三年,以端明

博士兼崇政殿 徐榮叟字茂翁,煥章閣學士應龍之子。 列 傳 第 、說書, 百 七 + 遷秘書郎,升著作佐郎 八 林 略 徐 樂 叓 嘉定 兼侍左郎官。 别 之 七年,舉進士。 傑 出爲江東提點刑獄, 歷官通判臨安府, 一二五五五 直祕閣、. 遷太學

知

遷著作郎 兼 禮部郎官,以集英殿修撰知靜江府兼廣西經略安撫使。 召爲行在司

復兼說書兼侍講。

所不 莫非 者不 者不 粒 食 ·敢告, 棱 問 孔 施 嘉 蔓。 多寡,緊遭黥徒; 艱,而民益怨。 熙 四 和 負抑者不得伸,怨氣薰蒸,天示之應。 糴則 年,拜右諫議大夫。入對,言:「自楮幣不通,物價倍長,而民始怨, 如此 科抑以 則民安得而不怨? 此見之京師者然也。 取贏,軍需則 逋官課者不 甚者富家 巨室,武斷鄉閭, 恤 並 緣而 有無,動輒監繫。 規利, 外而 郡 逃亡強令代納, 邑,苛征橫斂,無所不有, 囹圄充斥,率是干連; 貴族豪宗, 蠲放忍至重催。 侵牟民庶。 嚴刑 自米運多阻, 詞 峻罰,靡 訟 犯私 追呼, 茹寃 眅

資 政殿 遷 大 權 禮部 學士提舉洞霄宮。 尚書兼權 吏部尚書, 六年,轉一官致仕。 拜端明殿 學 士、簽書 卒。 樞密院事。 淳祐二年乞歸田里,以

簿, 湖北安撫副 叉 别 遷將作監 之傑字宋才, 使。 丞, 進直煥章閣,言親年八十, 差知澧州 郢州 嘉定二年進士。 知德安府。 親喪, 乞祠歸養, 歷官差充京西安無 起復, 知德 庶幾君親之義 安府。 加 司 兩全。 直 參議官, 寶 〈謨閣 從之。 遷太府寺主 知 江陵 以京湖 府

安 撫 (制置) 使陳陔 論 罷, 以 前 職主管崇禧 觀。 進 直 敷文閣、 知江 一陵府、 湖北 安 漁 使。

器 育閣 起 加直 復, 待 制 宣寶文 知眞 知太平州 州 閣 改知 京 西 冮 轉運 又進 寧府、湖北 復寶謨 判 官 兼提 閣 學士, 安 撫 點 刑 副 依舊沿 獄 使, 加 加 江 兵 祁 部郎 制 閣 置 修撰、知江 使銀 官, 差充督 知 建 陵 康 銀京湖 視 府、 行 府參 東 制 安 謀官。 置 撫 副 使。 使。 遷 進 軍 加

兵 部 尙 書 兼 准 西 制置 一使,邊事 , 聽便 行之。 加端明殿 學

翁 御 甫 史蔡 論 馧 次 年, 傳 寶祐 論 授 罷。 元年卒,特贈 同 知 七 樞 年, 密 院 拜 少師 參 事 知 兼 政 權 事 參 知 乞歸田 政 事 , 進 里 資 依 政 殿 前 學士、 職 知 紹興府,復以 湖 南安撫 使兼知潭州 兩浙 轉 運 判

監

事 IE 忽 以 至 别 歷 劉 執 伯 軍 禧 事 器 元 IE 者 、將作、 字 年 鮮 直 舉 不 淮 卿 離 太府三 士 饒 次 州 調 伯正 餘干人。 太平 監主 立 簿, 主 殿 簿, 下, 父 簡 樞 密院編 通 紳笏儼 判 爲丞 楽 修官, 陽 然, 相 軍 趙 聲色不 兵部 汝愚 辟 荆 郞 客, 動 湖 官 嘗書 制 監 帝 置 察 慶 遂 司 曆 以 機 御 大 史。 JL 宜 諫 任: 兩 奏議 期之。 有 浙 事 轉運 授 于 )明堂 伯 司 IF. 主 而 管 雷 伯 公

遷 定 列 傳 一 諫 第 疏 百 言 七 · 兵 + 入 籍 寖 劉 廣, 伯 正 糧 餉 金 益 淵 襲 請 豫備 軍食。」又言銓選 財 計 刑 獄 Ź 通載

待制知 州。 務之當慮者有三:日申飭邊備, 「乞以願治之心而急董正治官之圖,以勤政之思而嚴察計吏之法」。又言:「所憂非 召爲禮部 廣州 尚書兼侍讀 兼廣東經略安撫使。 侍郎 兼中書舍人,遷吏部侍郎兼侍講、 區處流民,隄防姦盜。」帝皆善其言。 召見, 賜金帶鞍馬。 同修國 改轉運使, 史、實錄院同修撰。 以寶章閣直 升右 正言。 學士知太平 兼給 以 1 -, **公華文閣** 事 而 急

卒,贈正奉大夫,加少保。 孫 起予言罷,授資政殿學士、提舉洞霄宮。 淳 站 四 年,拜端明殿學士、簽書樞密院 時論謂伯正立朝,以靜重鎭浮,不求名譽,善藏其用云 事兼權參知政事。 監察御史蔡次傳言之,降一官, 眞拜參知政事。 尋復舊官致仕 以監 | 察御史 權

刑部

子司 遷禮部侍郎,尋兼國子祭酒。 著作佐郎 業, 金淵字淵叔,臨安府人。 兼國 兼權司封 史編修、實錄檢討, 郞 官。 遷秘書丞,拜右正言兼工部侍郎。 嘉定七年進士。 遷吏部侍郎,拜右諫議大夫,改左諫議大夫。 兼崇政殿說書。 歷官爲太學博士,遷太府寺丞、祕 拜監察御 . 史 遷將作少監兼侍右郎 論 曹豳、項 寅孫。 遷禮部尚書兼 書鄓。 官,兼國 兼侍講, 升

給事中。

政 予祠 監察御史劉應起言,落職罷祠。 四年,知貢舉,拜端明殿學士、同簽書樞密院事。 十一年,妻盛氏愬于朝,乞曲加貸宥, 侍御史劉漢弼論淵尸位妨賢,罷 少敍官職。

詔

止量移平江府居住。卒。

中,兼權都官郎官,遷起居舍人兼侍講。 爲出治之本。」遷武學博士。 進對:「有崇尙道學之名,未遇其實。」帝曰:「實者何在?」性傳對曰:「在陛下格物致知,以 李性傳字成之,宗正寺主簿舜臣之子也。 尋爲太常博士兼諸王宮大小學敎授。升太常寺丞兼權工部郞 嘉定四年舉進士。 歷幹辦行在諸軍審計司。

至也。 年,近 歸 六日之制,則 疏言:「東周以後,諸侯卿大夫皆以旣葬而除服。 古所獨。 千數百 視孝惠以前已有加矣。 年,惟晉武帝、魏孝文爲能復古之制,而羣臣沮格,未克盡行。 陛下繼之,至性克盡,前烈有光。 東漢以後又損之爲二十七日,謂之以日易月,則薄之 乞以此疏付之史官, 庶幾四 秦、漢之際,尤爲淺促,孝文定爲三十 惟孝宗通 |海開 風,民德

遷 起 列 傳 居 郎, 第 兼國 百 七 史編脩、實錄檢討。 + 八 李 性 傳 權刑部侍郎,進禮部侍郎。 以臣僚言罷。 尋以寶

實錄院 章閣 待制 同修撰。升棄侍讀,權兵 知 饒州 改 知 寧國府,再知饒州,復以言罷。召爲兵部侍郎 、部尙書。進讀仁皇訓典, 乞讀帝學,從之。 兼侍講, 兼同脩國史, 兼 權吏部尙書。

僚論舜臣立廟封留事,落職,提舉太平興國宮。

殿學 政殿大學士提舉洞霄宮。 特贈少保。 士、簽書樞密院事 淳祐 四年,權禮部 尙 兼權參 書兼給 寶祐二年,依舊職提舉萬壽觀兼侍讀。 知 政事。 事 中,兼同修國史、實錄院同脩撰, 尋同 知 汽 樞 密 院 元 事。 未幾, 落職與郡。 以觀文殿學士致仕。 兼侍讀。 十二年, 五年,拜端

|北遺民,宜使歸耕其土,給耕牛農具,分配以內郡之貸死者。 然後三分齊地,張林、李全(三) 盡還北。然後括准甸 各處其一,其一以待有功者。 |禧元年進士第,從||葉適學。 |嘉定十四年,| 賈渉開||准閫,辟||京東、河||北幹官。 陳韡字子華,福州候官人。父孔 閒田,做韓琦河北義勇法,募民爲兵,給田而薄征之,擇土豪統率, 河南首領以三兩州來歸者,與節度使,一州者守其土,忠義人 碩, 爲朱熹、呂祖謙門人。 **韡讓父郊恩與弟韔。** 登開 河

又別廩爲一軍,此第二重藩籬也。」

金 各以其兵 遁 人果犯安豐,韡如盱眙犒師。 ,設伏邀擊,必可勝。 + 克 五 屯廬州以待之。 年,淮西告捷,韓策金人必專向安豐而分兵綴諸郡,使下整、張惠、李汝舟、范成 又使時靑、夏全候金 金將盧鼓槌新勝於潼關(日),乘銳急戰,當持久困之,不過十日 改准東制置 司幹辦 人深入,以輕兵擣其巢穴,第一 公事。 再如盱眙見劉倬,調卞整、張惠 策也〔至〕。 其後 必 進

所以御天下者,賞罰而已。」 知寶應州 ,如布德兆謀、任賢使能、信賞必 遷將作監丞,又遷太府寺丞,差知眞州、淮東提點 遷宗正寺丞、權工部郞中, ·罰、區處藩鎭、不事姑息,規摹莫大於此。」又言:「人主 改倉部員外郎。入對,言:「臣所陳夏、 刑獄。 加直寶章閣,依舊提點刑獄 周、漢、唐數 兼

范成進、夏全諸軍應援擣虛,皆行驊之策,遂有堂門之捷,俘其四駙馬者。

之至千,又養之至萬, 州 於高橋 刑 提舉常平史彌忠告急于朝,謂非韡莫可平。 、邵武軍兵甲公事,福建路兵馬鈴轄,同共措置招捕盜賊兼福建路招捕 紹定二年多,盜起閩中,帥王居安屬韡提舉四隅保甲,韡有親喪, | 韓籍土民丁壯爲一 財乃趨 邵武,勢益 今復養之,將至於無算。 軍。 熾。 時有議當招不當捕者,華言:「始者賊僅百 沙縣紫雲臺公告急。 明年,以寶章閣直學士起復, 求准西兵五千人可圖萬全。」詔轉兼福建 沙縣 破, 賊由間道 辭之。 趣城, 計, 知南 使。 招 未幾, 劍州 轉運使陳汝、 忠勇軍 而 7,提舉汀 不捕, 加提 破

招捕使。

原砦。 所至 皆大哭,急擊之, 將李大聲提兵七百, 撰,依舊提點刑獄、招捕 其巢穴。十二月,誅<u>汀州</u> 六月,兵大合, 一克捷。 賊急攻汀州, 二月, 九月,分兵進討。 躬往 加 福建提點刑 衢寇悉平。 邵武督捕餘寇, 淮西帥曾式中調精兵三千五百人由泉、 出賊不意, 使兼 叛卒,論降連城七十有二砦,汀境皆平。四年正月,遣將破下瞿 知建寧府。 獄 十月, 夜薄其砦,賊出迎戰, 七月,韓親提兵至沙縣、順昌、將樂、清流、寧化(も)督捕, 賊首晏彪迎降, 韡以其力屈乃降, 進攻五 衢州 賊營砦,平之。 寇汪徐、 見算子旗,驚曰:「此陳招捕 來二破常山、開化, + --潭間道入汀, 擊賊于順昌勝之。 月,破潭瓦磜贼起之地,夷 卒誅之。 勢張甚。 進右文殿 軍也! | 韓命准 修 張

軍 **韡遣官吏諭降,賊** 欺 馬。 誕、 六年,進寶章閣待制、 事權 **韡奏遣將劉師直** 渙散所致, 輒殺之。 若決計蕩除, 扼梅州、齊敏扼循州 知隆興府。 乃謂盜賊起於貪吏, 數月可畢。」十一 職寇<u>陳三槍據松梓山</u>砦,出沒江西、廣東,所至屠殘。 自提准西兵及親兵擣賊巢穴。 劾其尤者二人。 月, **韶節制江西、廣東、** 又謂:「寇盜稽 福建 十二月, 誅, 一路 以臣下 捕寇 兼 知

| 贛州。

端平元年正月,進華文閣待制、江西安撫使。 二月至贛,斬將士張皇賊勢及掠子女貨

翼日,追及下黃,又敗之。 賊 軍 縋 財 將 步 厓 騎 十二,得所掠婦女、牛馬及僭僞服物各數百計。三槍中箭,與敏軍遇,擊敗之,賊遁。 面 ||夾擊,又縱火焚之,士皆攀厓上, 賊巢蕩爲煙埃, 賊首張魔王自焚。 遁。 齊敏、李大聲所至克捷。 **韡親督諸將**, 乘春瘴未生, 薄松梓山。 餘衆尚千餘,薙獮略盡。三槍僅以數十人遁至興寧就禽,檻車載 三月,分兵守大石堡,截賊糧道,遂破松梓山。三槍與餘黨 賊悉精銳下山迎敵,旗幟服色甚盛 斬千五百級,禽

江 年,拜刑 十 大 徒 江. 三槍等六人,斬隆興市。 有孤 東安撫使、 使,依舊江東安撫使、知建康府。 |閩、 初,賊跨三路數州六十砦,至是悉平。 詔 忠,仗陛 東廣、訖底寧輯。」乃進權工部侍郎,仍知隆興兼江西安撫使。 選 部 猛 尙書,辭免。 加徽猷閣學士、 知潭州 知建 將精兵,相視緩急,據地利,遏要衝,以伐姦謀。 下威靈,苟逃曠敗耳,何功之有。」遷權工部尙書,又權刑部尙書、沿江制置 康府,兼行宮留守。二年,入奏事,帝稱其平寇功,韡頓首言曰:「臣不佞, 往來巡視鄂州江 詔曰:「韡忠勤體國,計慮精審,身任討捕之責, 、荆湖 南路 .面,措置捍禦。三年, 安撫 嘉熙元年,進煥章閣學士。 使。 未幾,爲工部侍郎,改 加寶謨閣學士。 几

同簽書 四年,召爲兵部 樞 密院 事 兼 念參知 尚書, 遷禮部 、政事。 尋拜參知政事兼同知樞密院: 尚書兼 侍讀,兼同修國史、實錄院同修撰。 事。 七 年, 知 樞 拜端明殿 密院事

列

傳

湖南 舉洞 知 福州 霄宮。 安撫大使兼知潭州 久之,提舉佑神觀,力請致仕。 開慶元年,召赴闕,落致仕,充醴泉觀使 九年,以觀文殿學士、福建安撫大使知福州,五上章辭,以舊 明年卒,年八十有三。 兼 侍讀。 景定元年,授 贈少師、諡 忠肅 福建安撫 大使 一職提 兼

捕者至,因以 崔 福者,故羣盜,嘗爲官軍所捕,會夜大雪,方與嬰兒同榻、 故衣擁 兒口,遂逸去。 因 隸軍籍。 初從趙葵,收李全有功,名重江、淮,又累從 兒寒啼不止, 福 不得寐,覺

|韡捕賊,積功至刺史、大將軍

竄去,莫敢嬰其鋒。 招,道遇民愬冤者,福攜其人直至飮所,責以郡官不 監酒官親屬。 後從韡留隆興。 **膵戒諭之,不聽。 韡知之,遂檄建康,署爲鈴轄。** 旣而驊移金陵,而屆猶在隆興。 理 福又奪統制官王明鞍馬,及迫逐總領所 民事, 屬通 判與郡僚燕滕王閣, **應諸卒盡碎飲具**, 官吏皆惴恐 福憲其不 兑

遂 葬 坐以 女擅 會准兵有警,步帥王鑑出 軍 歸,亦不聞 法,然後聲其罪于朝, 于制置 司。 鑑怒,遂白其前後過惡,請必正 師,鑑請福行,購因厚遣之。 且自 劾專殺之罪。 下詔獎諭, 免其 福 其慢令之罪。 不樂爲鑑 罪 用, 遇敵不擊, 會

韓

亦

脈

忌

之

、 託以

福 勇悍善戰,頗著威聲,其死也,軍中惜之。 時論以爲良將難得, 而韡以私忿殺之。

良,林略所謂虛心從諫者,有益於人主矣。除榮叟父子兄弟皆爲名臣,陳群將帥才也,優於 世得以考其人焉。 正,皆無所附麗。 論曰:宋自嘉定以來,居相位者賢否不同,故執政者各以其氣類而用之,因其所就而後 李鳴復、金淵者,史嵩之之羽翼也。 宣繒、薛極者,史彌遠之腹心也。 陳貴誼、曾從龍、鄭性之、李性傳、劉伯 鄒應龍無所考見,許應龍治郡見 稱循

## 校勘記

別之傑多矣。

(1) 而遂退二莊士 按「二」,錢士升南宋書卷四九余天錫傅作「一」,本書殿、 局本作「亡」,疑此有

觊

- 樞密陳難帥 江西任招捕 「招捕」原作「拓捕」,據趙汝騰庸齋集卷六許應龍神道碑改。
- 3 張林李全 本書卷四七六濟全傳記有李全勸張林歸宋事。「孝」爲「李」之誤,據改。 「李全」原作「孝全」。 按劉克莊後村先生大全集卷一四六陳難神道碑作 「張林、 李

列傳第一百七十八 校勘記

一二五六五

(1) 潼關 後村先生大全集卷一四六陳韡神道碑作「漳關」。

(H) 第一策也 同上書同卷同篇作「亦一策也」,疑是。

沙縣紫雲臺 「臺」原作「基」。按福建有紫雲臺山,見讀史方輿紀要卷九八。後村先生大全集卷

一四六陳韡神道碑作「沙縣紫雲臺」,是,據改。

(七) 寧化 原作「宣化」。按宋福建路州縣無「宣化」。後村先生大全集卷一四六陳韡神道碑作「寧

化」;本書卷八九地理志寧化屬汀州,「宣」爲「寧」之誤,據改。

## 宋史卷四百二十

## 列傳第一百七十九

王伯大 張磻 馬天驥 鄭寀 朱熠 應 櫾 徐清叟 饒虎臣 戴慶炣 李曾伯 皮龍榮 王埜 蔡抗 沈炎

官田。 饑,振荒有法。遷國子監丞、知信陽軍,改知池州兼權江東提舉常平(1)。久之,依舊直祕閣 官、試將作監兼右司郎中,兼提領鎭江、建寧府轉般倉, 江東提舉常平,仍兼知池州。端平三年,召至闕下,遷尙右郎官,尋兼權左司郎官,遷右司 王伯大字幼學,福州人。 進直寶謨閣、樞密副都承旨兼左 嘉定七年進士。 司 郞 中。 歷官主管戶部架閣,遷國子正、知臨江軍,歲 進對,言: 兼提領平江府百萬倉, 兼提領措置 郞

謂太平之期可矯足而待也;未幾,則以治亂安危之制爲言矣;又未幾,則置治安不言 今天下大勢如江河之决,日趨 日下而 不可挽。 其始也,縉紳之論,莫不交口誦詠,

列

傳

第

百七

十九

王

伯

大

矣,今也置亡而不言矣。人主之患,莫大乎處危亡而不知;人臣之罪,莫大乎知危亡 而直以危亂言矣;又未幾,則置危亂不言而直以亡言矣。嗚呼,以亡爲言,猶知有亡

黜諫之意藏伏於陛下之胸中,而凡迕己者皆可逐之人矣。彼中人之性,利害不出於 之而不肯置,聽者厭之而不憚煩,於是厭轉而爲疑,疑增而爲忿,忿極而爲愎,則罪言 憂,若其無所顧戀者,則皆攘袂遠引,不願立于王之朝矣。 將爲漢黨錮、元祐黨籍之君子。數者皆犯前古危亡之轍迹,忠臣懇惻而言之,志士憤 激而和之。陛下雖日御治朝,日親儒者,日修辭飾色,而終莫能弭天下之議。言者執 則天下將以朝廷爲恭、顯、許、史、武、韋、仇、魚之朝廷;議姦儔佞朋之誤國,則天下又 未已也?議逸欲之害德,則天下將以陛下爲商紂、周幽之人主;議戚宦近習之撓政, 一身,莫不破厓絕角以阿陛下之所好。其稍畏名義者,則包羞閔默而有跋前疐後之 陛下親政,五年于茲,盛德大業未能著見於天下,而招天下之謗議者何其籍籍而

之多,選擇未已,排當之聲,時有流聞,則謂精神之內守,血氣之順軌,未可也。陛下又 試于宮閫之內而加省曰:凡吾之左右近屬,得無有因徼而入,緣形而出,意所狎信不復 陛下試反於身而自省曰: 吾之制行, 得無有屋漏在上、知之在下者乎? 徒見嬖昵

猜覺者乎。徒見內降干請,數至有司,裹言除臣,每實人口,則謂浸潤之不行,邪逕之 驚朕師,惡直醜正,側言改度者乎? 徒見剛方峭直之士,昔者所進,今不知其亡,柔佞 關茸之徒,適從何來,而遽集於斯也,則謂舉國皆忠臣,聖朝無闕事,未可也。 已塞,未可也。 陛下又試於朝廷政事之間而三省曰:凡吾之諸臣,得無有讒說殄行,震

平日之際遇信任者,肯爲陛下分此謗乎?無也。陛下誠能布所失於天下,而不必曲爲 更,如風雷之迅,則天下之謗,不改而自息矣。陛下何憚何疑而不爲此哉! 之回護,凡人言之所不貸者,一朝赫然而盡去之,務使蠧根悉拔,孽種不留, 夫以陛下之好惡用舍,無非有招致人言之道,及人言之來,又復推而不受。不知 如日月之

又極言邊事,曲盡事情。

檢 IF 諸房公事。 以直 |寶謨閣知婺州。 起,再知婺州,辭免,復舊祠 遷起居舍人,升起居郎兼權刑部侍郎。 遷秘書少監,拜司農卿,復爲秘書少監,進太常少卿兼中書門下 臣僚論罷,以集英殿修撰提舉太平

端明殿學士、 侍 淳此 時 四年, 暫 兼權侍右 簽書樞密院事 召至闕,授權吏部侍郎兼權中書舍人。尋爲吏部侍郎仍兼權中書舍人、兼 1.侍鄓,兼同修國史、實錄院同修撰。 兼 **心權**參 知 政 事 八年,拜參知政事 權刑 部尚書, 以監察御史陳垓論罷,以 尋爲眞。 七年,拜

列

**|資政殿學士知建寧府。寶祐元年,卒。** 

謝逵, 也。 漢弼惜,爲朝廷惜也。」又奏劾王瓚、龔基先、胡淸獻,鐫秩罷祠,皆從之。三人者,不才臺 權 侍 鄭宋, ·右郎官,升著作郎兼侍講。拜右正言,言:「丞相史嵩之以父憂去,遽欲起之,意甚厚 奈何謗議未息,事關名教,有尼其行。」帝答曰:「卿言雖切事理,進退大臣豈易事也! 擢 !殿中侍御史。疏言:「臺諫以糾察官邪爲職,國之紀綱係焉。比劉漢弼劾奏司農卿 陛下已行其言矣,未及兩月,忽復敍用,何其速也!漢弼雖亡,官不可廢。 不詳何郡人。初歷官爲祕書省校書郞兼國史編修、實錄檢討。 遷著作佐郎兼 臣非爲

也,而 矧事變無窮,而名器有限,使名器常重於上,則人心不敢輕視於下,非才而罔功者不得覬 名器之輕,莫此爲甚。 例 遷 遷 凡補外者, 內而 · 侍御史。疏言:「比年以來,舊章寢廢。外而諸闆,不問勳勞之有無,而爵秩皆得以 侍從,不問才業之優劣,而職位皆可以例進。 皆授之矣。故自公侯以至節度,有同序補,自書殿以至祕閣,錯立 無功者受賞,則何以 ) 旌有功之士,有罪者假寵,則何以服無罪之人。 執政之歸休田里者,與之貼職可 周行。

諫

也。

幸 於其間, 則負慷慨之氣、懷功名之願者,陛下始可得而鼓舞之矣。」遷 左諫議 大

深之居言路,嘗按工部侍郎曹豳、主管吏部架閣文字洪芹,則 以監察御史陳 求 大傷公論 魯 論 龍。 淳祐 九年五月,

同簽書樞密院。

淳 祐

七

年,

拜端明殿學士、

儆 所 郞 問 軍 ,仍兼職,以言罷 教授。 星 有位,首及於巫 書皆有益 變, 應綴字之道,慶元府昌國人。 入爲國子學錄兼莊文府教授。 世教。 「修實德以答天戒」。帝問 風 淫風者,有以 帝善之。 遷 也。」帝問 秘書省著作佐郎 刻志于學。 遷太學博士,又遷 州縣貪風,縣曰:「貪黷由 嘉定十六年,試南省第一,遂 兼 權尙左郎官、 祕書鄓, 解經注 殉 兼翰 請蚤 色 史」, 而 林權直。 起。 建太子。 因及程 舉進士,爲臨 成湯制 又遷著作 迴、張 入對,帝 官 刑, 根

知台州 奇 其才。 權兵 淳祐 召 部 遷 二年,叙復 侍 兼 吏 禮 郎, 部 部 侍 時 郎官、 郎 奉祠。 暫 仍 兼 兼 崇政 權 職 遷宗正· 吏部 殿 進 說 侍 輸 書 寺丞 郎 林 兼 學士 遷 一兼權禮部郞官,兼國史編修、實錄檢討,以 直 祕 學士 兼中書舍人。 書 少監, 院, 帝一 仍 兼 夕召[繇草疏,夜四鼓,五制皆就,帝 職, 兼權· 直 學 主 院 叉遷 言罷 起居舍

列 傳 第 百 -6 + 九 應 **(蘇** 徐 淸 曳

政殿學士知 八年, 授同知樞 平江府,提舉洞霄宮。 密院事兼參知政事。 寶祐三年,殿中侍御史丁大全論罷,尋卒。 九年拜參知政事,封臨海郡侯,乞歸田里。以資 德祐元年, 韶

復元職致仕。

下以后服下同媵妾,令別置大袖一襲。文思院觀望,欲如后飾,再造其一以進,詔卻之。 下嗜殺希進之心,以無墜祖宗立國仁厚之意。」遷軍器監主簿。入對,言:「太后舉哀之日,陛 眞 疏言:「邇者江右、閩嶠,盜賊竊發,監司帥守,未免少立威名,專行誅戮,此特以權濟事而 《知嫡庶之辨者。請宣付史館,以垂法後世。」 而偏州僻壘,習熟見聞,轉相倣傚,亦皆不俟論報,輒行專殺。欲望明行禁止,一變臣 徐清叟字直翁,煥章閣學士應龍之子。嘉定七年進士。歷主管戶部架閣,遷籍田令。 此

名器以示正義者是已。 略而未之講明者爾。何謂風化之先務?曰原人倫以釋羣惑者是已。何謂勸戒之大權?曰惜 張,公道若伸而私意之未盡克者,則亦風化之先務,勸戒之大權,與夫選用之要術,獨 遷太常博士。入對,疏言:「陛下親政以來,精神少振而氣脈未復,條目畢舉而綱紀未 何謂選用之要術?日因物望而進人才者是已。」蓋欲請復皇子竑王 有闕

爵, 裁抑史彌遠恤 典,召用眞德秀、魏了翁 也

撫使。 趸。 將作監, 以寶章閣直學士知温州, 咨虁、起居舍人吳泳皆抗疏留之。 江府、廣西經略安撫使。 改知袁州,又改知紹興府、兩浙東路安撫使,辭免。 兼崇政殿說書。 拜殿中侍御 史兼侍講。 遷秘書郞,升著作佐郞兼權司封郞官, 遷侍右侍郎、主管雲臺觀。 改知福建安撫使三、改知婺州 遷太常少卿兼權 尋權工部侍郎。 以右文殿修撰知泉州,集英殿修撰 戶部侍郎 召赴闕,遷戶部侍郎,再爲侍右 改知潭州,尋知廣州兼廣東經略安 以煥章閣直學士差知泉州 兼侍講。 遷軍器 少監, 三疏 皆兼職 丐外, ·給事 依舊。 (知)靜 巾 息 |洪 遷

志傳,五上章乞改機政,帝不許。十二年,拜參知政事。 之,以舊職提舉洞霄宮 史朱應元論罷,以資政殿大學士提舉玉隆萬壽宮,改洞霄宮,復以監察御史朱熠論罷。 禮部尙書。 召赴闕,權兵部尚書兼侍讀。 拜端明殿學士、簽書樞密院事,進同知樞密院事,封晉寧郡公。 |淳祐九年,兼同修國史、實錄院同修撰, 尋知樞密院事兼參知政事,監察御 權吏部尙書, 奏修四朝國

{史

轉 兩官致仕,卒,贈少師,諡忠簡 開慶元年,召赴闕,以舊職提舉佑神觀兼侍讀。 列 傳 第 百 七 + 九 徐 清 叟 清叟父子兄弟皆以風節相尚,而清叟劾罷袁甫,於公論 李 曾 伯 出知泉州,復提舉佑神觀。 二五七三 景定三年,

之。 少卿 江 閣待制,又加寶章閣直學士,進權兵部尙書。 不可以不精,戰士不可以不恤。」又條上:「准面舟師之所當戒,湖面險阻之所當治。」加華文 制置 曾伯 兼左 李曾伯字長孺,覃懷人,後居嘉興。 副 疏 使 司 郎官, 《奏三事"答天心,重地勢,協人謀。 司主管機宜文字。 棄勑令所删修官。 遷度支郞官,授左司郞官、准西 遷太府卿、 歷官通判濠州,遷軍器監主簿,添差通判鄂州 又言:「邊餉貴於廣積,將材貴於素儲 淮東制置使棄 總領 淮西制置使,詔軍事便 尋遷右司郎官,太府 宜 兼沿 賞 興. 行

放歸 田里。 淳祐六年正月朔,日食。 又請修浚泗州 西城。 曾伯應韶,歷陳先朝因天象以謹邊備、圖帥材,乞早易閩寄, 加煥章閣學士,言者相繼論罷

閣學士、 襄陽新復之地,城池雖修浚,田 加端明殿學士兼變路策應大使。 九 年, 京湖安撫制置使、知江陵府,兼湖廣總領,兼京湖屯田使, 以舊職知靜江府、廣西經略安撫使, 野未 加闢 進資政殿學士,制置四川邊面,與執政恩例。 室廬雖草創,市 兼廣西轉運使。 井未 阜通。 陳守邊之宜五 進龍圖閣學士。 請蠲 租三年。」韶從 事。 尋授四 進徽猷 疏言

川 宣 一撫使,特賜同進士出身。 召赴闕,加大學士,知福州銀福建安撫使。 辭免,以大學士提

舉洞霄宮。

議 論刻,褫職。 大夫沈炎等論罷。 起爲 湖南安撫大使兼知潭州,兼節制廣南,移治靜江。 德祐元年,追復元官。 景定五年,起知慶元府兼沿海制置使。 開慶元年,進觀文殿學士,以諫 咸淳元年,殿中侍御史陳宗禮

曾伯初與賈似道俱爲閩帥,邊境之事,知無不言。 似道卒嫉之,使不竟其用云。

也。 眞德秀一見異之,延致幕下,遂執弟子禮。 詞科惟強記者能之。」德秀益器重之。 |王埜字子文,寶章閣待制介之子也。以父廕補官,登嘉定十二年進士第。仕潭時,帥 德秀欲授以詞學,極日:「所以求學者,義理之奥

使,命淮東、西夾攻。不然,利害將深。」理宗深然之,令樞密院下三闖諭旨。 議。極言:「今日之事宜先定規模,幷力攻守。」上疏言八事。繼爲副都承旨,奏請「出 爲樞密院編修兼檢討。 紹定初,汀、邵盜作,辟議幕參贊,攝邵武縣,後復攝軍事。盜起唐石,親勒兵討之。 襄、蜀事急,議遣使講和,時相依違不决。史嵩之帥武昌,首進和 嘉熙元年,輪 師,絕和 後

列

傳

一百七

十九

王

埜

激

發

帝

對, 釆事係安危者四端, 而專以司馬光仁、明、武推說。 復推廣前所言八事,以孝宗講軍

之綱 便,就 言嵩之當顯絕而終斥,益嚴君子小人之限。 興 至京 領 淳 湖口 祐 也。 口增修官民兵船守險備具。 初,自江西赴闕,奏祈天永命十事。 。」前後奏陳,皆明正剴切,鑿鑿可行。其爲兩浙轉運判官,以察訪使出視江防,首 造轉般倉,請事畢受代。 爲江西轉運副使、知隆興府,繼有它命,時以米綱不 拜禮部尙書,奏十事,終之曰:「陛下一心,十 嵩之起復,傾國爭之,埜上疏乞聽終喪,後又 事

就 甚狹,請免鎭江 揚子江 知鎭江 習水戰,登金山指麾之。是冬,揚子橋 府,兼都大提舉浙西兵船。 水軍 調發,專一守江,置遊兵如呂蒙所言「蔣欽將萬人巡江上」,增創水艦 江面幾千里,調兵捍禦,以守江尤重于准,瓜洲 有警,急調湯孝信所領遊兵救之而 退 渡

明殿 事 巡 宜. 江 學士、簽書樞密院事,封吳郡侯。 引 淳祐 修飭 水軍 末, 行 宮諸殿室,推 遷沿江 大閱,舳 制置使、 艫 相 京 銜 口 幾三十里。 江東安撫使、節制和州 法,創 遊擊軍萬二千,蒙衝 與宰相不合,言者攻之,以前職主管洞霄宮。 憑高望 遠,考求山川 無爲軍安慶府兼三郡 萬艘,江上晏然。 險阨, 謂要務莫如 屯田、行宮留守。 寶祐 屯田。 二年,拜端 卒,贈

七官,位特進。

秀 配 埜 有奏議、文集若干卷。 因 一德秀知朱熹之學,凡熹門人高 常,必 加敬禮。 知建寧府,創建安書院, 洞凛, 以

試館 牒所檢討官,時暫兼侍立修注官。 授尚書司封員外郎,進直寶章閣,尋加寶謨閣,移浙東。召爲國子司業兼資善堂贊讀,兼 右 院 子 可 ,祭酒 後用, 郎官,兼樞密院編修官。 檢討官 職,遷秘書省正字。升校書郞兼樞密院編修官,遷諸王宮大小學教授。 察抗字仲節,處土元定之孫。 !兼侍立修注官。拜太常少卿,仍兼資善堂翊善。 國本不可不早定。」帝善其言。遷樞密院編修官兼權屯田 尋兼國史院編修官、實錄檢討官。 紹定二年進士。 拜宗正少卿兼國子司業。 其後差主管尚書刑、工部架閣文字。 權工部侍郎兼國史院編修官、 進直龍圖閣、知隆興府。 江東提點刑獄,加直祕閣,特 郎官。 遷著作佐郎兼侍 疏奏:「権姦 試 不 或

同 未踰 舉編 遷 部侍郎,時暫兼禮部侍郎,兼權吏部尙書。 年,復端明殿學士、提舉洞霄宮。 修經武要略。 同知 福密院 事,拜參知政事。 乞致仕。 轉一官,守本官職致仕。 加端明殿學士、同簽書樞密院事,差兼 落職予祠,起居郎林存請加竄削,從 卒, 諡文簡,

列

傳

第

百七十

ժև

蔡

抗

張

磻

馬

天驥

## 以犯祖諱,更諡文肅。

尙 書 官,守參知政事致仕。 暫兼權吏部尚書。 爲眞,兼國史編修、實錄檢討。 士、簽書樞密院事,升同 吏部架閣。 張磻字渭老,福州人。 遷太常博士、宗正丞兼權兵部郞官。 以右補闕程元鳳論體。 九月,卒。 知樞密院 嘉定四年進士。 加集英殿修撰,差知婺州。 遺表上, 贈少師。 事 兼參知政事。 寶祐三年, 歷官辟點檢膽軍激賞酒庫所主管文字,差主管 Ŧi. 一年,拜參知政事。 遷國子祭酒,時暫兼權禮部侍郎, 復權刑部尚書兼侍讀, 復爲禮部侍郎、權兵部尙書,時 進封長樂郡公,轉三 拜端明殿學 尋

切直 沂靖 有能致之資,乘可爲之勢, 惠王 馬 遷 天驥字德夫,衢州 考功 府 教授。遷 郎官, 入對,言:「周世宗當天下四分五裂之餘,一念振刷,猶能轉弱爲強。 秘書省校書郎,升著作佐 人。 紹定二年進士,補簽書領南判官廳公事行。遷祕書省正字兼 轉移間耳。」 郎。 輪對,假司 」馬光五規之名,條上時敝,詞

陛

兼提 舉常 遷 祕 書監 平。 權兵部侍 直祕閣 知吉州 郎,授沿海制置使, 遷宗 īF. 少卿,以祕閣修撰知紹興府,主管浙東安撫 差知慶元府。 改知池州兼江東提舉常 司 公事 改 知知

廣州兼廣東經略安撫使四。

密院事,封信安郡侯。 實祐四年,遷禮部侍郎,兼直學士院, 五 年,以殿中侍御史朱熠、右正言戴慶炣、監察甸史吳衍翁應弼等論 兼侍讀, 兼國子祭酒。 拜端明殿學士、 同簽書 樞

罷,依舊職提舉洞霄宮。

使, 職罷祠。 以職事修舉,升大學士。 景定元年,知衢州,以兵部侍郎章鑑論罷。 咸淳三年,追奪執政恩數,送信州居住。 改知平江府。 又改知慶元府銀沿海制置使,提舉洞霄宮 有旨,; 四年,放令自便。 依舊職予祠。 後卒于家 起知福州、 福建安撫

侍講, 舍人、知雷州。 皇城司,差知 遷侍 御 温州平陽人。端平二年,武舉第一 興國軍。 史。 入對,爲監察御史陳塚論罷 寶祐六年,遷左諫議大夫。 遷度支郎官,拜監察御史兼崇政殿說書。 臣僚復論,降一官。久之,授帶御器械兼幹辦 o 拜端明殿學士、簽書樞密院事, 遷閣門舍人,差知沅州,改橫州, 擢右正言, 殿中侍 同 知 復爲閣門 御 樞密院 史 兼

列

僔

第

百

七十

九

朱

熠

饒

臣

事。開慶元年,拜參知政事兼權知樞密院事。

年,詔令自便。 土若徐淸叟、呂中、尤焴、馬廷鸞,亦皆不免云。 祠 景定 爲監察御史胡用虎論罷。 元年, 五年, 知樞密院事兼參知政 侍御史章鑑復以爲言,驅之還鄉, 久之,監察御史張桂、 事 兼太子賓客。 常楙 尋卒。 以舊職知慶元府、 相繼 糾 熠居言路彈劾最多,一時名 刻, 送處州 沿海 居 住 制置 咸淳 使。 四 奉

院事。 升著 郎。 中書門 國 寶祐 作 史 饒 編修、實錄檢討。 郎 虎臣字宗召,寧國人。 開 下 檢正 兼權 慶 六年,兼同修國史、實錄院同修撰,暫通攝 元 年,同 右司 諸房公事。 郎官。 知 樞 密院事, 兼權參知政 遷司農卿、直龍圖閣、福建轉運判官,浙東提點刑獄。 以祕閣修撰、兩浙轉運使權禮部侍郎,尋爲眞。 遷兵部郎官兼權左司郎官、特授左司郎中。 嘉定七年進士。 事 歷官遷將作監主 吏部尚書。 薄, 拜端明殿學士、同簽書樞密 差知徽州 遷 司農 時暫 必卿兼 1 兼權侍右侍 拜太府卿棄 遷 一秘書郎, 左 司,

**勃之,褫職罷祠** 景定 元 年,拜參 几 年, 知 政 事。 敍復元官,提舉太平興國宮。 殿中侍御史何夢然論罷,以資政殿學士提舉洞霄宮。 卒。 德祐元年,禮部侍郎王應麟、右 夢然再

遷秘書省正字兼史館校勘。升校書郞,遷右正言、左司諫、殿中侍御史。 知政事。 元年,拜右諫議大夫。尋加端明殿學士、簽書樞密院事兼權參知政事,同知樞密院事兼參 戴慶炣字彥可,温州永嘉人。 淳祐十年進士。 未幾,守本官致仕。卒,贈特進、資政殿大學士。 歷官差主管戶部架閣文字。 升侍御史。 開慶

「今天下豈無廉者,願陛下崇獎之以風天下,執賞罰之公以示勸懲。」帝以爲然。 而一善著,百過改而百善融。」遷秘書與,升著作郞。 宗學論,授諸王宮大小學教授兼資善堂直講。 官、差知嘉興府。 皮龍榮字起霖,一字季遠,潭州醴陵人。 淳祐四年進士。 入對,請「以改過之實,易運化之名, 入對,因及眞德秀、崔與之廉,龍榮日: 歷官主管吏部架閣文字,遷 兼兵部郎 一過改

召赴闕,遷侍右郎官兼資善堂贊讀。 列 傳 第 百七 + 九 戴 慶 炣 皮 龍 又遷吏部員外郎兼直講。入對,言"「忠王之學,願 燊 一二五八一

宮。 郞 兼太子賓 兼 下 拜端明殿學士、簽書樞 權 身教之於內。」帝嘉納。 召見,進 侍左侍郎,兼給事中,吏部侍郎兼贊讀,封醴陵縣男。 客,封壽沙郡公。 刑部侍郎,加寶章閣 密院,進封伯。 三年,罷爲湖南安撫使,判潭州。 遷將作監兼尙右郎官, 待制、荆湖南路轉運使,權刑部尚書兼翊善。 權參知政 事兼太子賓客。 秘書少監兼吏部郎中,宗正 四年,以資政殿大學士提舉洞 遷集賢殿脩撰、提舉太平興國 二年,拜參知政 景定元年四 一少卿、 事 起居 , 仍

霄宮。以右正言曹孝慶論罷。

**|**榮託 帝偶 尊于膝上』之語。」 詔 問龍 故 |咸 淳元 不 出 榮安在,賈似道 ; 年,以舊職奉祠。 既退,又斥駡之。或以語雷應,不能平,遂疏 徒 衡州 恐其召用,陰諷湖南提點刑 居住。 殿中侍御史陳宗禮、監察御史林拾先後論劾,削一官。 湖南提 八刑治 海州, 獄李雷 龍榮恐不爲雷應所容,未至 《其罪,又謂「每對人言,有『吾擁 應劾之。 雷應 至官,謁龍榮,龍 而 歿。 它日 至

舊學,卒爲似道所擯。 龍榮 少有志略,精 德 祐元年, 于 養秋學,有文集三十卷。 復其官致仕。 二年,太府卿|柳岳乞加贈諡, 性伉直,似道當國,不肯降志。 未及行而宋 又以 度宗

文字。 司幹辦公事。討郴寇有功,改知金華縣,沿江制置司幹官。 沈炎字岩晦,嘉興人。 監三省、樞密院門,樞密院編修官。 寶慶二年進士。 爲監察御史、右正言、左司諫、殿中侍御史、侍 調嵊縣主簿, 廣西經略司准備差遣,湖南安撫 通判和州,沿江制置主管機宜

御史。

相吳潛。 炎居言路,管按劾福建轉運使高斯得、觀文殿學士李曾伯、沿江制置司參謀官劉子澄、左丞 樞密院事,兼權參知政事,以資政殿學士提舉洞霄宮。 景定元年,拜右諫議大夫。 然論罷右丞相丁大全及其黨與,則爲公論也。 加端明殿學士、同簽書樞密院事兼太子賓客。二年,拜同知 三年,進大學士,致仕。卒,贈少保。

炯無所稱述焉。 者。 心 師,而其學問盆光。 戴慶炯、皮龍榮登第皆未久而位至執政,龍榮不附權臣,爲所擯斥而死,猶爲可取, 應縣淸愼沒世。徐淸叟風采凛乎班行之間。 論曰"王伯大立朝直諒。鄭寀、沈炎居言路,不辨君子小人,皆彈拄之,吾不知其何說 朱熠在臺察如狂獅、遇人輒噬之云。 察抗號爲君子,史闕其事。若張磻、馬天驥、饒虎臣未見卓然有可稱道 李曾伯之治邊,短于才者也。 王埜得名父 慶

列傳

第

百七

十九

#### 校勘記

- (1) 江東提舉常平 原脫「常平」二字,據下文「依舊直秘閣、江東提舉常平」補。
- (II) <sub>这知福建安撫使</sub> 路以 諸傳亦屢見「知福州、福建安撫使」之文。此處「改知」下當脫「福州」二字。 福州 朝野雜記甲集卷一一安撫使條也說建炎以來諸路皆帶安撫使,「其制今存」;下文 按宋會要職官四一之七九,「凡諸路安撫使之名,並以逐州知州充」, 福建
- 簽書領南判官廳公事 軍簽書節度判官廳召試,三月,除爲正字,九月爲桉書郎。 南宋館閣續錄卷九載,馬天驥於紹定二年進士及第,次年正月即以寧海 疑此處有誤。
- (1) 改知廣州 爺廣東經略安撫使 卷九〇地理志,廣州,「大觀元年升爲帥府,舊領廣南東路兵馬鈴轄,兼本路經略安撫使」。 「廣州」原作「廣東」,誤,今改。 按宋會要職官四一之七九,廣東路安撫使以廣州知州充; 此處 本書

### 列 傳第一百八十

楊棟 姚希得 包恢 常挺 陳宗禮

常林

家鉉翁

#### 李庭芝

感格天心,消弭災咎。」又言:「邇來中外之臣,如主兵理財,聽其言無非可用,跡其實類皆欺 兵財法,惟恃民心固結而已。願陛下常存忠厚之意,勿用峻急之人。」理宗悅,以臣僚言奉 誣,上下相蒙,無一可信。 陛下先之以至誠,而後天下之事可爲也。」又言:「祖宗立國,不恃 兼吳益王府教授,遷校書郎、樞密院編修官。入對,言·「飛蝗蔽天, 願陛下始終一德, 庶幾 上,丁母憂。服除,遷荆南制置司,改辟西川,入爲太學正。丁父憂,服除,召試授祕書省正 楊棟字元極,眉州青城人。紹定二年進士第二。授簽書劍南西川節度判官廳公事。 字

列 僔 第 百 八 + 楊 棟 祠

外 此 所 尋 權攝,科取 檢討官,除宗正 加 一說。 廷多有以爲言者。 陳上疏曰:「陛下何惜一女冠, 陳曰:「此人密交小人,甚可慮也。」又言:「京、襄、兩淮、四川殘破郡縣之吏,多是兵將 直 起 祕 知 用之事 興化 閣 無藝,其民可矜,非陛下哀之,誰實哀之。」帝從之。 棄權知福州,兼本路安撫使,遷都官郎官,又遷左司郎官,尋爲右司郎官兼玉牒 軍 '親取友,用之治凋郡、察寃獄,至爲簡易。」時有女冠出入宮禁**,** 一少卿。 孔子之裔有居逐頭鎭者,棟爲建廟闢田,訓其子弟。 進對,帝曰:「止是正心修身之說乎?」棟對曰:「臣所學三十年,止 天下所側目而不亟去之乎?」帝不謂 遷福建提點 頗通請謁 刑 獄

詹 拜。 事 尙 依 錄 兼 書 舊 院 事 權 提 兼 職 同 遷 修撰 舉千秋 太常少卿、起居郎,差知滁州,以殿中侍御史周坦論罷。 參 國 遷 提 舉太 知 子 工 祭酒 部 兼 政 事,拜 平 侍讀,以集英殿修撰兼 鴻 侍 ¨, 遷 禧觀, 興國宮。 郎,仍爲詹事 參 禮部 遷起居郞 知 政 尙 起 書, 事 知婺州。 兼同修國史、實錄院同修撰兼中書舍人,兼直 加端明殿學士、 兼權侍左侍郎、崇政殿說書,繼遷吏部侍郎兼 中書舍人兼侍講,出知太平州,以右 召奏事,以舊職奉 同簽書樞密院事 祠。 度宗立爲太子,帝親擢 兼太子賓客,進同 起直龍圖閣、知建寧府,不 補 闕蕭 學士院,權 同修國史、實 泰來 知 棟太子 樞 論罷 密院 刑部

台州守王華甫建上蔡書院, 言于朝,乞牍爲山主,詔從之。 因卜居于台。 尋授資政殿

學士、知建寧府,不拜。 胡用虎言罷,仍奉祠。 加觀文殿學士知慶元府、沿海制置使,又不拜,仍奉祠。 以舊職提舉洞霄宮,復依舊職知慶元府、沿海制置使。 以監察御史 乃以資政殿

大學士充萬壽觀使。卒,遺表上,帝輟朝,特贈少保。

似道覺之,遂蒙疑而去。所著有崇道集、平舟文集。 及彗星見,煉乃言蚩尤旗,非彗也,故爲世所少云。或謂煉姑爲是言,陰告于帝,謀逐似道 陳之學本諸周、程氏, 負海內重望。 方賈似道入相,登用故老,列之從官,棟亦預焉。

論六經、諸子百家之言。 軍。改知蒲江縣。巨室挾勢,邑號難治。希得綏彊扶弱, 希得名聞,召審察,遷行在都進奏院,通判太平州,改福州,徒步至候官, 召爲國子監丞,遷太府寺丞,時暫書擬金部文字兼沂靖王府敎授。 姚希得字逢原,一字叔剛,潼川人。嘉定十六年進士。授小溪主簿,待次三年,朝夕討 調盤石令。 會蜀有兵難,軍需調度不擾而集, 聲聞著聞。 同 更調嘉定府 知樞密院事游似以 吏不知爲通 時帝斥逐權姦,收 判 剖 理參 也。

疏言:「堯、舜、三代之時,無危亡之事,而常喜危亡之言,秦、漢以來,多危亡之事,而常諱 召名德,舉朝相慶。 希得以爲外觀形狀,似若淸明之朝; 內察脈息,有類危亡之證。 乃上

列

王法, 係屬 有可 竊威 之所 悔, 危亡之言。 夫危亡之事不可有, 釂。 危人之國也。陛下何憚而不蚤定大計? 邸第之盛,人皆知篤於親愛也。然依馮者衆,輕視 亦有焉,此臣之所甚懼。 幾於安其危乎?」帝改容曰:「朕决不用史嵩之。」 固無權姦再用之意。然道路之人往往竊議,此元前、紹聖將分之機也。 禍根猶伏而未去,不 握,而不能無旁蹊曲逕之疑;大勢若更張,而未見有長治久安之道。廷臣之所諷諫, 病。」又言:「君子非不收召,而意向猶未調一;小人非不斥逐,而根株猶未痛斷。 消,元氣 晉卒以霸。 皆足以興人之國也。 議者?內小學之建,人皆知陛下有意建儲也。然歲月逾邁,未覩施行,人心危疑,無所 奏陳,非不激切,而陛下固不之罪,亦不之行。自古甘蹈危亡之機,非獨誾主,而明君 福。此皆陛下之心乍明乍晦之所致,豈不謂之危乎?國有善類,猶人有元氣,善類一敗 請 託 [秦、漢而下,嗣不蚤定,事出倉卒,或宮闈出令,或宦寺主謀,或姦臣首議, 此皆足以 之行,捷於影響。 病 一衰。 平原君,趙王弟也,不出租稅,而趙謇刑其用事者,趙王賢而用之,趙卒以 善類 朝廷者,萬化之所自出也,實根於人君之一心。夫何大明當天,猶 陛下何爲而不少伸國法。今女冠者流,衆所指目,近璫小臣,時 能幾,豈堪數消,消極則國隨之矣。 楊干,晉侯弟也,亂行於曲梁,而魏絳戮其僕,晉侯始怒而終 而危亡之言不可亡。 後世人主乃履危如履 陛下明於知人,公於用人, 坦, 大權若操 諱言如諱 封囊

告,曷若留奉內祠,侍經幄,亦足爲 《軍儲,以厚民生,敬天莫大於此,豈在崇大宮宇,莊嚴設像哉 遷 知大宗正丞兼權金部與官。 朝廷重。」又言:「財用困竭,民生憔悴,移此不急之費,以 李韶以病告,十上疏欲去。 • 希得言「韶有德望,雖以病 」又條救錢楮三策,請置 惠

民局,帝皆以爲

可行

罪之。 御 諭意,希得毅然具疏密奏,不報。 又繳鄧泳予祠之命。 右正言邵澤、監察御史吳衍、殿中侍 也 自 邪正之辯,且曰:「君子犯顏敢諫,拂陛下之意,退甘家食,此乃爲國計,非爲身計 事 以直寶謨閣、廣西 太尉」者,據石壓,連結數郡; )。」遷宗正少卿兼國史編修、實錄檢討兼權給事中,兼權刑部侍郎、同修國史、實錄院 [植朋黨,擠排正人,甘言佞語,一切順陛下之意,遂取陛下官爵,此乃爲身計, 兼 史朱熠相繼 轉運判官。 時西方用兵,有爲嵩之復出計者,謂非此人不能辦。 進祕書丞,尋遷著作郞,授江西提舉常平。 遂提點刑獄,加直祕閣。未幾,加度支員 論罷 母喪,免。 轉運判官兼權靜江府。尋授直徽猷閣、知靜 召爲祕書少監兼中書門下省檢正諸房公事。 劉老龍等聚衆焚掠,一方繹騷。 、外郎,尋直寶章閣,移治贛州。 役法久壞,臨川富室有路吏求免者,希得竟 帝有意 江府、主管廣西經略安撫司公 希得指授方略,不五旬平之。 再用, 知希得必執之,出 入對,言君子 盜有偽號「崔 非為 同修 小人 小小人 或

列

望可 分, 輸。 知建 待制,移京 希得爲之廣募水軍,造戰艦,蓄糧食,蠲米一萬二千石、舊逋一百萬。 全活者衆。 一再降詔獎諭。 召為 爲 康府、江東安撫使、行宮留守。 久之,以集英殿修撰提點千秋鴻禧 閫 工部尚書兼侍讀。 帥。」乃進 西 一、湖南 剏寧江 換章閣待制、知慶元府、沿海制置使,繼升數文閣待制。 北、四川 加寶章閣學士,尋加刑部尚書,依舊任無准 軍,自建康、太平至池州 入侍經筵,帝問慶元之政甚悉。 詔敍復元官。 |希得按行江上,慰勞士卒,衆皆歡說。 觀。 未幾, 護江陵有功,召爲戶部侍郎。 列砦置屋二萬餘間, 依舊職兩准宣撫使司 以華文閣直學士、沿 西 總 領 去官,庫餘羨悉以代民 屯戍 判官, 帝曰:「姚 七千餘人。 溧陽 韶增 俄 饑, 沿海 江 加 寶謨閣 希得才 發 制 . 舟師 帝聞 廩 置使 勸

宮。 殿學士、簽書樞密院事兼太子賓客。 大學士、金紫光祿大夫、依舊潼川 卽位,授同知樞密院事 景定 起知潭州 五年,召爲兵部尚書兼侍讀。 湖南安撫使,以疾甚,辭,乃仍舊職 兼權參知 政事,尋授參知政事。 郡公致仕。 會星變,上疏引咎,乞解機務。 乃言用人才、修政事、治兵甲、惜財用 咸淳五年,卒。遺表 奉祠 以言罷,授資政殿 請致仕,詔 聞,帝輟 不許, 兼權參. 朝 力請, 學士、 了, 贈 知政 四 事。 少 提舉 以資 事 拜端 度宗 政殿 洞 明

官署以錦爲帟幕,希得曰:「吾起身書生,安用此!」命以繒纈易之。蜀之親族婣舊相依者數 希得 忠亮平實,清儉自將,好引善類,不要虛譽, 蓋 有誦薦于上 而其人莫之知 廣西

十家,希得廩之終身,昏喪悉損已力,晚年計口授田,各有差。 所著有續言行錄、奏稿、橘州

文集

講大學,其言高 臨安府,遷宗正寺主簿、知台州。 宗正寺主簿,添差通判台州。 宜,復有平寇功,改知吉州永豐縣,未行,差發運幹官。 置司幹官。 簿,平寇亂。 靡,恢誅其僧 包恢字宏父,建昌人。 自其父揚、世父約、叔父遜從朱熹、陸九淵學。 恢少爲諸父門人 會歲饑,盜起金壇、溧陽之間,恢部諸將爲十誅夷之。沿江制置使陳韡辟爲機 建寧守袁甫薦爲府學教授,監虎翼軍,募土豪討唐石之寇。授掌故,改沿海制 ·明,諸父驚焉。嘉定十三年,舉進士。調金谿主簿。 徐鹿卿討温寇,辟兼提點刑獄司主管文字,議收捕。 有妖僧居山中,號「活佛」,男女爭事之,因爲姦利,豪貴 福建安撫使陳愷傲平寇,遷武學諭、 邵武守王遂辟光澤主 改通判 風

是。」衆感悟,爲之衰止。 靡金帛,傾市奉之。 進 左司 郎官,未行,改湖北提點刑獄,未行,移福建兼知建寧。 恢曰:「彼非犬豕,安得一日 **兼轉運判官,以侍御史周坦論罷。** 而五子 同生,非不祥者乎? 光州布衣陳景夏上書云:「包恢 閩俗以九月祠「五王」生 m 尊畏之岩

列

建砦,一旦 大理 剛 正 少卿,即 不屈之臣,言者汙衊之耳。」又四年,起爲廣東轉運判官,權經略使,遷侍右郞官, 一集諸軍討平之。 日 除直顯文閣、浙西 嘉興吏因和糴受財百萬, [提點刑] 獄。 是時海寇爲亂, 恢被旨慮囚, 恢單 · 車就 曰:「吾用此消 道, 調 許、 澉浦 **沴氣。**」乃 尋爲 分屯

減死,斷其手。

報籠中臭達于外,恢命沉於江,語其子曰:「爲汝除此害矣。」又姑死者假子婦棺以斂,家貧 諱日,入寺作佛事,以籠盛衣帛,因納僧於內以歸。恢知之,使人要之,置籠公庫, 神之。 不能償,婦愬于恢,恢怒,買一棺,給其婦臥棺中以試,就掩而葬之。 僧通,惡其子諫,以不孝坐之,狀則僧爲之也。 進 道 有母愬子者,年月後狀作「疏」字,恢疑之,呼其子至,泣不言。 龍 圖 閣、權發運,升祕閣修撰,知隆興府兼江西轉運。沈妖妓於水,化爲狐,人皆 因責子侍養跬步不離,僧無由 改湖南轉運 及得其情,母孀居,與 至。 使,罷 母乃託 逾旬, 吏

闕,辭,改知紹興,又辭。 縣侯。郊祀禮成,還,以資政殿學士致仕。 租 奉公,其心如水。 景定初,拜大理卿、樞密都承旨兼侍講,權禮部侍郎,尋爲中書舍人。 權刑部侍郎,進華文閣直學士、知平江府兼發運。 度宗卽位,召爲刑部尚書,進端明殿學士,簽書樞密院事,封南城 事者,卽歸 豪有奪民包舉田 林希逸奏恢 民  $\mathbb{H}$ [寄公 守法 召赴

度宗 然日:「其言 懐愼 耳 臣 心 至比 參 惻隱所以 臥簀窮約 恢 歷仕 知 恢 政 爲程顥、程頤。 事 所至,破豪猾,去姦吏,治蠱獄,課盆鹽,理銀欠,政聲赫然。 甚直 董槐 深 事 戒 切為陛下告者,陛下惻隱之心 諸子斂以深 股何 嘗怒 直 見 而歎 曰:「吾等有慚 恢侍其父疾,滌濯拚除之役不命僮僕。 衣, 作書別親戚 」經筵奏對,誠 色矣。」他 而後卒, 如天地日月, 實懇惻,至身心之要, 日 講 官因 有光隕其地。 一稱恢 其閉 疏 而 年八 剴 食之者日 切, 遺表聞, 十有七,臨 未嘗不從 願容納。 嘗因輪對 近習、 帝 ·輟朝, 終,舉 容諄至。 理宗欣 外 盧 此 戚 劊

少保,諡文肅

賻銀絹

五

百

吏,日 文府 昭 察御 遷 德 起 居 塞違以示 史兼崇政殿說書。 教授,升校書 常 擢 挺 郞 IE. 字方叔, 人。又言:「願 權 工 百官之憲 部 福州 郎 侍 郞 人。 輪對, 乞以 兼 度。」 陛下深思宏遠之規模,奮發淸明之志氣,立 疏言邊閩 直 嘉熙二年進士。 學士院。 遷太常少卿 李若水配 三事:日辟實才,日 遷工部侍郎、給事中。 兼國 享高宗。 歷官爲太學錄, 子 司 業, [奏實 改秘 兼國 (功,日 書 史編 右諫議 郎 召試館職, 兼考功郎 招 修、 實兵。 綗 大夫陳堯道論罷。 實錄 陳紀 官, 遷祕 檢討 朝 必 出 廷 (為萬 書省 兼直 三事 知 衢 世 正字 舍 州 一之法程 入院。 選 鼐 拜 監 良 莊

列

傳

第

百

八

+

常

挺

章閣直 參 知政 進帝學發題, |學士知漳州, 四 年,致仕,尋卒,贈 遷 吏部尙書。 改知泉州 少保。 咸淳三年,授同知樞密院事兼權參知政事,封合沙 權兵部尚書兼侍讀, 權禮部尙書兼同修 國 史、 實錄 郡公,拜 院 同修

**虞處言追兩官,送永州居住** 便嬖戚畹之心,願寄腹心於忠良,毋但寄耳目於卑近,願四通八達以來正人,毋但旁蹊 逕類引貪濁。」拜太常少卿,以直寶謨閣、廣東提點刑獄進直煥章閣,遷祕書監。以監察御史 授,升著作郎,遷尙左郎官兼右司。時丁大全擅國柄,以言爲諱。宗禮歎曰:「此可一日居 欲之中,士大夫奔競趨利,惟至公可以遏之。」兼考功郎官,兼國史實錄院校勘,兼景獻府教 調 軌 邵 」些對,言:「願爲宗社大計,毋但爲倉廩府庫之小計,願得天下四海之心,毋但得左右 武 帝以星變爲憂,宗禮曰:「上天示戒,在陛下脩德布政以回天意。」又曰:「天下-方事於利 陳宗禮字立之。 軍判官,入爲國子正,遷太學博士、國子監丞,轉祕書省著作佐郎。入對,言火不循 少貧力學,袁甫爲江東提點刑獄,宗禮往問學焉。 淳祐四年,舉進士。 曲

景定四年,拜侍御史,直龍圖閣、淮西轉運判官,遷刑部尚書。以起居舍人曹孝慶言

念慮 罷。 之福。」帝曰:「孝宗家法,惟賞善罰惡爲尤謹。」宗禮言:「有功不賞,有罪不罰,雖堯舜不能 於愼獨也。」權禮部侍郞兼給事中。 右之言利者必斥,蹊隧之私獻者必誅。」以詩進講,因奏:「帝王舉動,無微不顯,古人所以貴 少差,禍亂隨見。天下之亂未有不起於微而成於著。」又言:「不以私意害公法,乃國家 度宗卽位,兼侍講,拜殿中侍御史。 疏言:「恭儉之德自上躬始,清白之規自宮禁始,左 進讀孝宗聖訓,因奏:「安危治亂,常起於一念慮之間,

治天下,信不可不謹也。」

命未有不可回也,因其未墜而 史管見、人物論 士、簽書樞密院事,尋兼權參知政事。 興府,再辭,依舊職與待次差遣。 遷禮部侍郎,尋權禮部尙書,乞奉祠,帝曰:「豈朕不足與有爲耶?」以華文閣直學上知 郡侯, 諡文定。 所著有寄懷斐藁、曲轅散木集、兩朝奏議、經筵講義、經史明辨、 [加綏定,人心未嘗不可回也。] 卒官,遺表上,贈開府儀同三 逾年,依舊職廣東經略安撫使兼知廣州,加端明殿學 疏奏:「國所以立,日天命人心。 因其警而加敬畏,天

常楙字長孺, 列 顯謨 閣直學上同之曾孫。 入太學。 淳祐七年,舉進士。調常熟尉。 公康

之,不服者杖其人,械于他所,無不聽命。又力拒戶部科買。 葉夢鼎、陳昉深期獎焉。 礫充斥,差民船徙運,在籍者百五十家,惟二十有五家應役,餘率爲勢要宦官所庇。 楙悉追 幾,政府強Ѭ行,遂拂衣去,朝野高之。主管城南廂,聽訟嚴明,豪右益憚之。都城火後,瓦 差臨安通判。 安府判官,不爲權勢撓。有爲准東提舉常平,辟楙提管,楙知其不可與共事,笑而卻之。未 嘉定縣。 刑獄,屬楙檢覆,雪無錫翟氏寃獄。 旭 自 持,不畏彊禦, 又薦於朝, 辟差平江府百萬倉檢察, 不受和糴事例, 戢吏卒苛取。 歲大水,勸分和糴,按籍均敷。 朝命鞫封椿庫吏范成獄,不肯承廟堂風旨,無辜者悉出之。 部使者交薦之。 調婺州推官。 監江淮茶鹽所蕪湖局,不受商稅贏,光祖益敬之。 發運使王爚、提點刑獄孫子秀俱特薦于朝,簽書臨 疏决滯訟,以剸繁裁劇稱。 發運使趙與德兼提點 臨安府尹馬光 改知

幼局, 運使。 大加修築新塘三千六百二十五丈,名曰海晏塘。是秋,風濤大作,塘不浸者尺許,民得奠居, 知無不言。嘗論天變及賈似道家爭田事,論繼皇子或嗣,觸度宗怒,遷司農卿,尋爲兩浙轉 知廣德軍。 禁戢吏姦,不以急符督常賦。海鹽歲爲鹹潮害쮾,楙請于朝,捐金發粟,復輟已帑, 立先賢祠。故事,郡守秋苗例可得米千石,乃以代屬縣償大農綱欠。拜監察御史, 郡有水災,發社倉栗以活饑民,官吏難之,楙先發而後請專命之罪。置慈

歲復告稔,邑人德之。

列傳第一百八十 常楙 家鉉霸

甚衆。 以諸暨被水尤甚,給二萬楮付縣折運,民食不至乏絕。民各祀于家。 然。」改浙東 六萬 論 明期赦敍改法,與廟堂爭可否,辨僞關獄,救八倉虧欠冤死罪,平反天井巷殺人獄,全活者 者暴露與貧而無以爲殮者,乃以十萬楮置普惠庫,取息造棺以給之。尋以刑部侍郎召。申 旣代,有送還事例,自給吏卒外,餘金萬楮,楙悉不受。吏鶩曰:「人言常侍郎不愛錢, 不奉命。以寶章閣待制提舉太平興國宮。 檢覆之敝。 ,又蠲新苗二萬八千,大寬公私之力。飛蝗幾及境,疾風飄入<u>太</u>湖。節浮費,修府庫 値旱。故事,郡守合得緡錢十五萬,悉以爲民食、軍餉助。蠲苗九萬、稅十三萬、版帳十 遷戶部侍郎。受四方民詞,務通下情。 **兼給事中,封還隆國夫人從子黃進觀察使錄黃。帝怒,似道以御書令委曲書行,**楙迄 安撫使。 上進故事,首論雷雪非時之變,帝意不悅。 值水災,捐萬楮以振之,復請糴于朝,得米萬石,蠲新苗三萬八千。 兼中書門下省檢正諸房公事, 兼刑部侍郎。 **匃祠,不許,以集英殿修撰** 兩浙及會稽、山陰死 知平 極

宗社幸甚」。於是詔國史院討論典故以聞。明堂禮成,進端明殿學士、提領戶部財用,特與 沉冤幽憤,鬱結四五十年之久,不爲妖爲札於冥冥中者幾希。願陛下勿搖浮議,特發神斷 變,非其本心,置之死,過矣,不與立後,又過矣。巴陵帝王之胄,生不得正命,死不得血食, | 徳祐元年,拜吏部尙書,以老病辭,累詔不許,專官趣行甚峻。 | 楙入見,首言「霅川之

執 年春,拜參知政事,爲夏土林繳駁,拜疏出關,後六年卒。 政 、恩數。 與廟堂議事不合,以疾謁告。

卿,直華文閣,以祕閣修撰充紹興府長史, 部侍郎兼知臨安府、浙西安撫使,遷戶部侍郎,權侍右侍郎,仍兼樞密都丞旨。 家鉉翁,眉州人。以蔭補官。 累官知常州,政譽翕然。 遷樞密都丞旨,知建寧府兼福建轉運 遷浙東提點刑獄,入爲人理少 賜進士出 副 使, 權

身,拜端明殿學士、簽書樞密院事。

中。 加 衷,無以保存其 君,辭無詭對。 縛,鉉翁曰:「中書省無縛執政之理。」堅奉表祈請于大元,以鉉翁介之,禮成不得命,留館 開宋亡, 大元兵次近郊,丞相吳堅、賈餘慶檄告天下守令以城降,鼓爲獨不署。 旦夕哭泣不食飲者數月。 國。 宋三宮北還,鉉翁再率故臣迎謁,伏地流涕,頓首謝奉使無狀,不能 見者莫不歎息。 文天祥女弟坐兄故,繫奚官,鼓緣傾橐中裝贖出之,以 大元以其節高欲尊官之, 以示南服。 元帥遣使至,欲 鉉翁義不二 感動上

其學邃於春秋, 自號則堂。 改館河間,乃以春 歸其兄璧。

秋教授弟子,數爲諸生談宋故事及宋興亡之故,或流涕太息。 號「處士」,錫賚金幣,皆辭不受。又數年以壽終。 大元成宗皇帝即位,放還,賜

李庭芝字祥甫。其先汴人,十二世同居,號「義門李氏」。 後徙隨之應山縣。

漢被兵,又徙隨。然特以武顯。

|似|道。 我。」 初始去,舉進士,中第。辟洪幕中,主管機宜文字。 民皆知戰守,善馳逐,無事則植戈而耕,兵至則悉出而戰。 稱李尙書謁己,明日庭芝至。珙見其魁偉,顧諸子曰:「吾相人多,無如李生者,其名位當過 之,隨必亂, 言,而智識恆出長老之上。王旻守隨,庭芝年十八,告其諸父曰:「王公貪而不恤下,下多怨言,而智識恆出長老之上。」王旻守隨,庭芝年十八,告其諸父曰:「王公貪而不恤下,下多怨 時四川有警,即以庭芝權施之建始縣。 嘉熙末,江防甚急,庭芝得鄉舉不行,以策干|荆帥|孟珙請自效。 | 珙善相 庭芝生時,有芝產屋棟,鄉人聚觀,以爲生男祥也,遂以名之。少穎異,日能誦數千 庭芝感珙知己,扶其柩葬之興國,即棄官歸,爲珙行三年喪。 請徙家德安以避。」諸父勉強從之,未狹旬,是果爲部曲挾之以叛,隨民死者 庭芝至,訓農治兵,選壯士雜官軍教之。 |珙 |卒, 遺表舉賈似道自代,而薦庭芝於 變帥下其法於所部行之。 人,且夜夢車騎 期年, 淳祐 甚

庚發兩路兵城<u>南城</u>,大暑中喝死者數萬。 尋以大兵在圖,奏知峽州 繼 再破壇兵,殺壇將厲元帥,夷南城而歸。 解,庭芝丁母憂去。 知豫州 似道 鎭京湖, 復城荆山以備淮南。 起爲制置司參議,移鎭兩准,與似道議栅淸河五河口,增淮南烽百二十。 朝議擇守揚者,帝曰:「無如李庭芝。」乃奪情主管兩准制置司 ,以防蜀江 又破蘄縣,殺守將。 皆切中機會。 口。 明年,復敗壇于喬村,破東海、石圃等城。 朝廷以趙與隱爲淮南制置,李應庚爲參議官。 李璮窺其無謀,奪漣水三城,渡潍奪 開慶元年, 似道宣撫京湖, 留庭芝權揚州 南城。 事。 又明年, ||鄒兵 應

入朝 場,以省車運。 兼浚他運河,放亭戶負鹽二百餘萬。亭民無車運之勞,又得兎所負,逃者皆 貸民負逋,假錢使為屋,屋成又免其假錢,凡一歲,官民居皆具。鑿河四十里入金沙餘慶 士行習射禮。 大城包之,城中募汴南流民二萬人以實之,有詔命爲武銳軍。 來歸,鹽利 ·,帝問准事,槃對曰:「李庭芝老成謹重,軍民安之。今邊塵不驚,百度具舉,皆陛下委任 庭芝初至揚時,揚新遭火,廬舍盡燬。 大興。始,平山堂瞰揚城,大元兵至,則構望樓其上,張車弩以射城中。 郡中有水旱,卽命發廩,不足則以私 州賴鹽爲利,而亭戶多亡去,公私蕭然。 財振之。 楊民德之如父母。 又大修學,爲詩書、俎豆,與 劉槃自 庭芝乃築 庭芝悉 准 南

得人之效也。」

遁 ,兵亂,士卒溺漢水死者甚衆。 冬, 咸 五 一年,北兵圍襄陽急,夏貴入援,大敗虎尾州 命庭芝以京湖制置大使督師援襄陽。 范文虎總諸兵再入,又敗,文虎以輕 文虎聞庭芝

似道 去。 舠 欲進兵,曰:「吾取旨未至也。」明年六月,漢水溢,文虎不得已始一出師,未至應門,中道遁 至,貽書似道曰:「吾將兵數萬入襄陽,一戰可平,但無使聽命於京闧,事成則功歸恩相 而 貶 喜,卽除文虎福州觀察使,其兵從中制之。文虎日攜美妾,走馬擊毬軍中爲樂。 庭芝及部將蘇劉義、范友信廣南。 庭芝數自 [劾請代,不允,竟失]襄陽。 庭芝罷居京口 陳宜中請誅文虎,似道芘之,止降一官知安慶府, 庭芝屢

之縉 芝率 芝首 忠 戰 專 其 書 所 遭 力淮東,從之。 七 未幾,大元兵圍揚州,制置 月, 來 部 兵為 招 郡 以 時 降, 縣 諸道倡。 知 城守。 出 樞 庭芝焚書,梟俊五 金帛牛酒燕犒將士,人人爲之死 密院事徵入朝,徙夏貴知揚州,貴不 十年, 有李 徳祐 築清 虎者持招降榜 元年春, 印 河口,詔以爲淸河軍。十二月,大元兵破鄂,詔天下勤王,庭 應雷暴死,卽 人於市 `似道兵潰蕪湖,沿江諸郡或降或遁,無 入揚州, 而 日 起庭芝制置 調苗 鬭。 庭芝誅虎, 再成戰其南, 至,事遂已 朝 廷亦以督 兩准。 焚其榜。 府金勞之,加庭芝參知政 庭芝請分准西夏貴,而己 許文德戰其北,姜才 總制張俊出戰,持孟 一人能守者。

月, 列 傳 人元 第 丞相伯顔 白 八 + 入臨安, 李 庭 芝 留元帥阿朮軍鎭江以遏淮兵。 阿朮攻揚久不拔, 二六〇一 乃築長

芝亦不納。是月,益王遣使以少保、左丞相召庭芝,庭芝以朱焕守揚,與姜才將兵七千人東 之。兵有烹子而食者,猶日出苦戰。七月,阿朮請赦庭芝焚詔之罪,使之降,有詔從之。庭 壁納使者,斬之,焚詔陴上。已而知淮安州許文德、知盱眙軍張思聰、知泗州劉興祖皆以糧 邪?今吾與嗣君旣已臣伏,卿尙爲誰守之?」庭芝不答,命發弩射使者,斃一人,餘皆退 也。」已而兩宮入朝,至瓜洲,復詔庭芝曰:「比詔卿納款,日久未報,豈未悉吾意,尚欲固圉 啖之立盡。宋亡,謝太后及瀛國公爲詔諭之降,庭芝登城曰:「奉詔守城, 旌旗蔽野,幕客有以言覘庭芝者,庭芝曰:「吾惟一死而已。」阿朮使者持詔來招降,庭芝開 圍困之。冬,城中食盡,死者滿道。 胡惟孝等開門降。庭芝聞變,赴蓮池,水淺不得死。被執至揚州,朱煥請曰:「揚自用兵以 入海,至泰州,阿朮將兵追圍之。朱煥旣以城降,驅庭芝將士妻子至泰州城下,陴將孫貴 積骸滿野,皆庭芝與才所爲,不殺之何俟。」於是斬之。死之日,楊之民皆泣下。 姜才出兵奪兩宮,不克,復閉城守。三月,夏貴以淮西降,阿朮驅降兵至城下以示之, 庭芝猶括民間栗以給兵,栗盡,令官人出栗,栗又盡,令將校出栗,雜牛皮、麴蘗以給 者爲泰州諮議官,泰守孫良臣之弟舜臣自軍中來說降,良臣召應龍與計,應 明年二月,饑益甚,赴濠水死者日數百,道有死者,衆爭割 未聞 有詔 諭降

龍極陳國家恩澤,君臣大義,請殺舜臣以戒持二心者,良臣不得已殺之。及泰州降,應龍夫

有宋應龍

事,光明正大,公義炳然。 爲治,抑以衰世之民非可以縱弛待之耶?常擬、陳宗禮咸通濟,著聲望。常楙晚訟皇子竑 論曰:楊棟學本伊、洛,而尼於權臣,速謗召尤,誰之過歟?姚希得藹然君子。包恢以嚴 家鉉翁義不二君,足爲臣軌。 李庭芝死於國難,其可憫哉!

# 宋史卷四百二十二

## 列傳第一百八十一

程珌 林勳 劉才邵 牛大年 陳仲微 許忻 應孟明 梁成大 曾三聘 李知孝 徐僑

之額,以給征役。無事則又分爲四番,以直官府〔三〕,以給守衞。是民凡三十五年而役使一 千緡;每井賦二兵、馬一匹,率爲兵六千八百人(三)、馬三千四百匹,歲取五之一以爲上番 者,皆驅之使爲隸農,以耕田之羨者,而雜紐錢穀,以爲十一之稅。宋二稅之數,視唐增至 家兵農之政,率因唐末之故。今農貧而多失職,兵驕而不可用,是以饑民竄卒,類爲盜賊。 七倍。今本政之制,每十六夫爲一井,提封百里,爲三千四百井,率稅米五萬一千斛、錢萬二 宜做古井田之制行了,使民一夫占田五十畝,其有羨田之家,毋得市田,其無田與游惰末作 林勳,賀州入。政和五年進士,爲廣州教授。 建炎三年八月,獻本政書十三篇,言:「國

列

傳

第一百八十一

栤

勳

劉才

邵

供之。 遍 之権,皆可弛以予民。」其說甚備。書奏,以勳爲桂州節度掌書記。 布六尺、麻二兩,所收視絹綿率倍之。行之十年,則民之口算,官之酒酤,與凡茶、鹽、香、礬 也。 匹婦之貢,絹三尺,綿一兩。百里之縣,歲收絹四千餘疋,綿三千四百斤。 悉上則歲食米萬九千餘斛,錢三千六百餘緡,無事則減四分之三,皆以一同之租稅 非蠶鄉則

有加於爋者乎?要必有英雄特起之君,用於一變之後,成順致利, 六千六百一十五,稅錢萬五千餘緡,苗米五萬二百斛有奇,州縣官不滿百員,官兵五千一 方百里之國四十,當墾田二百二十五萬二千八百頃,有田夫二百四萬八千,出米二十四萬 愛其書。 八千斛, 蓋土地荒蕪而遊手末作之人衆,是以地利多遺,財用不足,皆本政不修之故。」朱熹甚 其後,勳又獻比校書二篇,大略謂:「桂州地東西六百里,南北五百里,以古尺計之,爲 東陽陳亮曰:「勳爲此書,考古驗今,思慮周密,可謂 禄卿大夫以下四千人,禄兵三十萬人。今<u>桂州</u>墾田約萬四十二頃,丁二十一萬 勤矣。 則民不駭而可以善其後 世之爲井地之學者,孰 百

做楊雄法言,著法語八十一篇行於世。 才邵以大觀二年上舍釋褐,爲贛、汝二州教授,復爲 湖北提舉學事管幹文字。 宣和二年,中宏詞科,遷司農寺丞。 靖康 元年,遷校書郎

時,雍容遜避,以保名節。 瀦 言許經所屬以聞于部,依條注擬,行之而便。遷軍器監,旣而遷起居舍人,未幾,爲中書舍 郎,遷吏部員外郎,典侍右選事。先是,宗室注宮觀、岳廟,例須赴部,遠者或難於行。 吏部尙書。 人銀權直 匯決,溉田數千畝,民甚德之。兩奉祠。 高宗卽位,以親老歸侍,居閒十年。 學士院。 以疾請祠,加顯謨閣直學士。 帝稱其能文,時宰忌之,出知潭州。 所著檆溪居士集行世。 御史中丞廖剛薦之,召見,遷秘書丞,歷駕部 卒, 贈通奉大夫。 紹興二十五年,召拜工部侍郎兼直學士院,尋權 即城東開渠十有四,爲牐與斗門以 才邵氣和貌恭,方權臣用事之 才邵 員外

通古在館, 忻上疏極論和議不便, 日: 許忻 洪州人。 宣和三年進士。高宗時,爲吏部員外郎,有旨引見。 是時,金國使人張

得之說以廣聰明,是臣圖報萬分之秋也,故敢竭愚而效忠。 臣兩蒙召見,擢寘文館,今茲復降睿旨引對。今見陛下於多故之時,欲采千慮 臣聞金使之來,陛下以祖

列

不復邀我以難行之禮乎?是數者,臣所不得而聞也。 矣,不知侍從、臺諫皆以爲可乎。抑亦可否雜進,而陛下未有所擇乎。抑亦金已恭順, 與天族還歸無期,欲屈已以就和,遣使報聘。 宗陵寢廢祀,徽宗皇帝、顯肅皇后梓宮在遠,母后春秋已高,久闕晨昏之奉,淵聖皇帝 茲事體大,固已詔侍從、臺諫各具所見聞 請試別白利害,爲陛下詳陳之。

後僞立張邦昌而去。 郊,次邀徽宗繼往,追取宗族,殆無虛日,傾竭府庫,靡有孑遺,公卿大臣類皆拘執,然 情狡甚,懼我百萬之衆必以死爭也,止我諸道勤王之師,則又曰講和矣。 皇帝嘗降詔 訖無音耗。 夫金 人始入寇也,固嘗云講和矣。 書,謂金人渝盟,必不可守。 河朔千里,焚掠無遺,老稚係纍而死者億萬計,復破威勝、隆德等州。 則是金· 人所謂「講和」者,果可信乎 |靖康之初,約||肅王至||大河而返,已而挾之北行, 是歲又復深入,朝廷制置失宜,都城遂陷。 ? 乃邀淵聖出 淵聖 敵

其忍下穹廬之拜乎?臣竊料陛下必不忍爲也。 來,則是飛尺書而下本朝,豈講和之謂哉?我躬受之,眞爲臣妾矣。 之禮,而陛下遂已屈己從之,臣是以不覺涕泗之橫流也。 部吾之諸將,邀求無厭,靡有窮極。 此 已然之禍, 陛下所親見。今徒以王倫繆悠之說, 當此之時,陛下欲從之則無以立國,不從之則復責 萬一奉其詔令,則將變置吾之大臣,分 **遂誘致金人責我以必不可行** 而彼以 「詔諭江南」爲名而 陛下方寢苫枕塊,

傳第一百八十一 許忻 應孟明

列

倫之爲此行也,雖閭巷之人,亦知其取笑外夷,爲國生事。今無故誘狂敵悖慢如此,若 謂不共戴天之讎。彼意我之必復此讎也,未嘗頃刻而忘圖我,豈一王倫能平哉?方王 我祖宗之地,塗炭我祖宗之民,而又徽宗皇帝、顯肅皇后鑾輿不返,遂致萬國痛心,是 我以違令,其何以自處乎?况犬羊之羣,驚動我陵寢,戕毁我宗廟, 扨遷我二帝, 據守 **猶倚信其說而不寢,誠可慟哭,使賈誼復生,謂國有人乎哉,無人乎哉?** 

勝言者矣。此衆所共曉,陛下亦嘗慮及於此乎? 以王倫之說爲不妄,金人之詔爲可從,臣恐不惟墮外夷之姦計,而意外之虞,將有不可 矣,祖宗在天之靈,以謂如何。徽宗皇帝、顯肅皇后不共戴天之讎,遂不可復也,豈不 約,則徒受莫大之辱,貽萬世之譏;縱使如約,則是我今日所有土地,先拱手而奉外夷 詔,惟外夷之欲是從,如今日事哉! 脫或包羞忍恥,受其詔諭,而彼所以許我者不復如 陛下其審思之,斷非聖心所能安也。自金使入境以來,內外惶惑,儻或陛下終 古之外夷,固有不得已而事之以皮幣、事之以珠玉、事之以犬馬者,曷嘗有受其

從其欲,且厚攜我之金幣而去,亦何適而非彼之利哉!爲今之計,獨有陛下幡然改慮, 震,國勢粗定,故金人因王倫之往復,遺使來嘗試朝廷。我若從其所請,正墮計中,不 國家兩嘗敗外夷於淮甸,雖未能克復中原之地,而大江之南亦足支吾。軍聲粗

之罪,當行誅責,以釋天下之疑。然後激厲諸將,謹捍邊陲,無墮敵計,進用忠正,黜 枝族屬未還,故遣使迎請,冀遂南歸。今敵之來,邀朝廷以必不可從之禮,實王倫賣國 遠姦衰,以振紀綱,以修政事,務爲實效,不事虛名,夕慮朝謀,以圖興復,庶乎可矣。 布告中外,以收人心,謂祖宗陵寢廢祀,徽宗皇帝、顯肅皇后梓宮在遠,母后、淵聖、宗

順於後? 所敢知也。 忠,特垂采納,更與三二大臣熟議其便,無貽異時之悔,社稷天下幸甚 已死,外夷內亂,契丹林牙復立,故今金主復與我平等語,是皆行詐款我師之計,非臣 之臣,與中外一心,皆以金人之韶爲不可從,公言如此,陛下獨不察乎?若夫謂粘罕之 無所及? 今金使雖已就館,謂當別議區處之宜。 敵情變詐百出, 此誠切於事情。 或者又謂金使在館,今稍恭順。 今日之舉,存亡所繫,愚衷感發,不能自己, 豈宜惟聽其甘言,遂忘備豫之深計, 臣聞萬人所聚,必有公言。 如臣之所聞,又何其悖慢於前,而遽設恭 待其禍亂之已至, 今在廷百執事 望鑒其惓惓之 又

疏入,不省。 後忻託故乞從外補,乃授荆湖南路轉運判官。 謫居撫州,起知邵陽,卒。

應孟明字仲實, 婺州永康人。少入太學,登隆興元年進士第。 試中教官,調臨安府教

授,繼爲浙東安撫司幹官、樂平縣丞。 侍御史葛邲、監察御史王藺薦爲詳定一司勑令所删

定官。

舉狗 朝之暇,亦無它好,正恐臨朝或稍晏,則萬幾之曠自此始矣。」次乞申嚴監司庇貪吏之禁,薦 以民隱爲憂,以邊陲爲警,則政治自修,紀綱自張矣。」孝宗曰:「朕早夜戒懼,無頃刻忘,退 殘苛酷之吏未去,吾民得無不安其生者乎?賢士匿於下僚,忠言壅於上聞,無乃衆正之門 及此?」其一則孟明也。乃拜大理寺丞。 未盡開,而兼聽之意未盡孚乎。君臣之間,戒懼而不自持,勤勞而不自寧,進君子,退小人, ,私情之禁,帝嘉奬久之。它日,宰相進擬,帝出片紙於掌中,書二人姓名,曰:「卿何故不 輪 ·對,首論:「南北通好,疆場無虞,當選將練兵,常如大敵之在境,而可以一日忽乎。 貪

向道, 釋之。 刑獄,以鄉部引 聞。」因問當世人才,孟明對曰:「有才而不學,則流爲刻薄,惟上之敎化明,取舍正,使回心 日 御經筵,因論監 故 `則成就必倍於人。」帝曰:「誠爲人上者之責。」孟明至部,具以臨遣之意咨訪之。 出爲福建提舉常平,陛辭,帝曰:「朕知卿愛百姓,惡贓吏,事 大將李顯忠之子家僮溺死,有司 嫌,改使江 司按察,顧謂講讀官曰:「朕近日得數人,應孟明,其最也。」尋除浙東提點 東。 · 誣以殺人,逮繫幾三百家。 孟明察其冤,白於長官, 有不便于民,宜悉意以 帝

聊生。 遣將縛致轅門斬之。 鹽易官般爲客鈔,客戶無多,折閱逃避,遂抑配於民。 行之六年,公私交病,追逮禁錮 鹽法利害相半,卿到任,自可詳究事實。」進直祕閣、知靜江府兼廣西經略安撫。 會廣西 孟明條具驛奏除其弊,詔從之。禁卒朱興結集黨侶,弄兵雷、化間,聲勢漸長, 謀帥,帝謂輔臣曰:「殷熟思之,無易應孟明者。」即以手筆賜孟明曰:「殷聞 初, 『廣西

正諸房公事。 光宗卽位,遷浙西提點刑獄,尋召爲吏部員外郎,改左司,遷右司,再遷中書門下省檢 寧宗即位,拜太府卿兼吏部侍郎。慶元初,權吏部侍郎,卒。

孟明不答,士論以此重之。 孟 明以儒學奮身受知人主,官職未嘗倖遷。韓侂胄嘗遣其密客誘以諫官,俾誣趙汝愚,

旨 一費不及十之三,一人挽之而射可及三百六十步,利害曉然。」乃不果造。 造 划 曾三聘字無逸,臨江新淦人。乾道二年進士。調贛州司戶參軍,累遷軍器監主簿。 車弩,三聘謂:「划車弩六人挽之,而箭之所及止二百六十步。 今所用克敵弓較之, 有

光宗不朝重華宮,中外疑懼,三聘以書抵丞相留正。正未及言,會以它事不合求去。

節。

聘謂:「丞相今泯默而退耶, 衽席之間,父子夫婦之際,羣臣莫敢深言者,避嫌遠罪耳。丞相身退計決,言之何嫌乎?」 傳一紙之檄,指斥乘輿,不知何以禦之。望亟備法駕朝謁,不然,臣實未知死所也。」 下安意肆志而弗聞知,萬一敵人諜知,馳一介之使,問安北宮,不知何以答之?姦宄窺間, 遷秘書郞。帝欲幸玉津園,三聘上疏言:「今人心旣離,大亂將作,小大之臣震怖請命,而陛 亦將取今日所難言者別白言之而後退。凡今闕庭之內, 閨門

洶。 假曲直以動衆,至此而後悔之,則恐無及矣。」帝意爲動。及孝宗崩,帝疾不能執喪,朝論益震 二聘曰:「此何時而可避煩言也。」 三聘謂今日事勢,莫若建儲。 孝宗病革,復上疏言:「道路流言,洶洶日甚,臣恐不幸而有狂夫姦人,託忠憤以行詐, 或戒之曰:「前日臺諫諸公謂汝奪其職,今復有疏耶?」

相繼召用,三聘祿不及,終不自言。嘉熙間,三聘已卒,有旨特贈三官,直龍圖閣,賜諡忠 久之,復元官與祠。 差知<mark>郴州,改提點廣西、湖北刑獄,皆辭不赴。 侂胄誅,諸賢遭竄斥者</mark> 寧宗立,兼考功郎,後知郢州。 會韓侂胄爲相,指三聘爲故相趙汝愚腹心,坐追兩官。

王府教授。 主簿,始登朱熹之門, 徐僑字崇甫 直寶謨閣、江東提點刑獄,以迕丞相史彌遠劾罷。 ,婺州義烏人。 熹稱其明白剛直, 蚤從學於呂祖謙門人葉邽。 命以「毅」名齋。入爲祕書省正字、校書郞兼吳、益 淳熙十四年,舉進士。 寶慶初,葛洪、喬行簡代爲請 調上饒

耽樂是從, 日蹙; 謂淸貧。」僑對曰:「臣不貧, 爲之戒,命有司裁節中外浮費,而賜僑金帛甚厚。 僑論及之。 怨於掊克; 鄭主闕,下逮羣臣,分別黑白,無所回隱。 祠,迄不受祿。 女謁、閹宦 端平初,與諸賢俱被召,遷祕書少監、太常少卿。 權幸用事,將帥非材; 相爲囊橐,誕爲二豎,以處國膏肓,而執政大臣又無和、緩之術,陛下此之不慮而 世有扁鵲,將望見而卻走矣。」時貴妃閻氏方有寵,而 帝爲之感動改容,咨嗟太息。 羣臣養交而天子孤立,國勢阽危而陛下不悟:臣不貧,陛下乃貧耳。」 又言:「今 紹定中,告老,得請 陛下迺貧耳。」帝曰:「朕何爲貧?」憍曰:「陛下國本未建,疆宇 旱蝗相仍,盜賊並起; 帝數慰諭之,顧見其衣履垢敝,愀然謂曰:「卿 明日, 手韶罷邊帥之尤無狀者,申儆羣臣以朋黨 僑固辭不受。 經用無藝,帑藏空虛 趣入覲,手疏數千言,皆感憤剴切,上 內侍董宋臣表裏用事,故 民困 於橫斂, 口

愚侑食寧宗,帝皆如其請。 金使至,僑以無國書宜館之於外,如叔向辭鄭故事,迕丞相意, 侍講,開陳友愛大義,用是復皇子竑爵,請從 祀周敦頤、程顥、程頤、張載、朱熹,以趙汝

以疾申前請,乃以寶謨閣待制奉祠。 力丐休致,帝窳留甚勤。遷工部侍郎,辭益堅,遂命以內祠侍讀,不得已就職。 卒, 謚文淸。 遇事盡言。

守官居家,清苦刻厲之操,人所難能也。 言者蓋鮮。」故其學一以眞踐實履爲尙。 僑嘗言:「比年熹之書滿天下,不過割裂掇拾,以爲進取之資,求其專精篤實,能得其所 奏對之言,剖析理欲,因致勸懲,弘益爲多。 若其

必反而不敢言,正獨上疏極言之,且獻斃全之策有三,其言鯁亮激切。 度正字周卿,合州人。紹熙元年進士。歷官爲國子監丞。時士大夫無賢愚,皆策李全

後爲一室,以藏祕廟之主。如僖祖廟以次祧主則藏之,昭居左,穆居右,後世穆之祧主藏太 說以獻,其一則用朱熹之議,其一則因宋朝廟制而參以熹之議。「自西徂東爲一列,每室之 之宗,後世穆之祧主則藏之。室之前爲兩室,三年給享,則帷帳幕之通爲一室,盡出諸廟主及 桃廟主並爲一列,合食其上。往者此廟爲一室,凡遇祫享合祭於室,名爲合享,而實未嘗合 祖廟,昭之祧主藏太宗廟。仁宗爲百世不遷之宗,後世昭之祧主則藏之。高宗爲百世不遷 遷軍器少監。輪對,言:「陛下推行聖學,當自正家始。」進太常少卿。 適太廟災,爲二

列傳第

一百八十一

渡正

程

现

合增此三室,後有藏祧主之所,前有祖宗合食之地,於本朝之制初無更革 -,而頗已得三

年大船之義。」

侍 郎致仕。 遷權 禮部侍郎兼侍右郎官,兼同修國史、實錄院同修撰。遷禮部侍郎, 卒,贈四官,賻銀絹三百。 所著有性善堂文集 轉 官,守禮部

遷主管官告院。 程珌字懷古,徽州休寧人。 歷宗正寺主簿、樞密院編修官,權右司郎官、祕書監丞,江東轉運判官。陛 紹熙四年進士。 授昌化主簿,調建康府教授,改知富 陽縣,

辭,寧宗謂宰臣曰:「程珌豈可容其補外?」遂復舊職。 休寧縣男。 士院兼同修國史、實錄院同修撰,兼權中書舍人。遷禮部侍郞仍兼侍讀,權刑部尙書,封 **兼修玉牒官**,進封子。 子司業兼國史編修、實錄檢討,兼權直舍人院,遷起居舍人,兼職依舊。 遷浙西提舉常平,又遷秘書丞,升秘書省著作郎,尋爲軍器少監兼權左司郎官。 授禮部尙書兼同修國史、實錄院同修撰, 五上疏丐祠,以煥章閣學士、知建寧府,授福建路招捕使。以舊職提 兼權吏部尚書, 拜翰林學士、知制誥, 權吏部侍郎,直學 遷國

舉玉隆萬壽宮,進封伯。

進劇文閣學士、知寧國府,改知贛州,皆不赴。

進封新安郡侯,

加

寶文閣學士、 知福 州兼福建安撫使。 再奉祠, 又加龍圖閣學士。 以端明殿學士致仕,卒,

年七十有九,贈特進、少師。

不貲。 相 王淮女也,泣涕,疑有不測,使人瞷之,知彌遠出迎,而後收涕。 珌 夕爲制誥二十有五。 爾遠以是銜之,卒不與共政云。 十歲詠冰,語出驚人。直學士院時,寧宗崩,丞相史彌遠夜召邸,舉家大驚。 初許邸政府,楊皇后緘金一囊賜邸,邸受之不辭,歸視之,其直 爾遠與球同入禁中草矯 **秘妻**丞

辟之戴,一指意而衆莫敢違,一動作而 廷。 貪名嗜利之習,而後有持正秉義之操。 氣亦久靡矣,宜體 者,要以天命人心之所繫致念焉。 惟陛下爲之振起,機括 牛大年字隆叟, 立國之意以振起之。 揚州人。 一運,天下轉移,而 慶元二年進士。 夫以人主居富貴崇高之位,重而 人孰敢議,然而天心靡常,則可畏也。」又言:「今日 夫有扶持作興之意,而後縉紳無貪名嗜利之習 國家之休戚,在士大夫之風俗, 風俗易矣。」 歷官將作監主簿。 入對,言:「人主所當先 承宗社之托, 而風俗之善惡在朝 尊而 為臣 土 無

遷 軍器 別 傳 監 第 主簿、大宗正 百 入 + 丞、四 4. 大 41 川提舉茶馬兼權總領、知黎州兼管內安撫司公事、節制黎 隦 仲 微

東提點刑獄,遷守祕書少監、宗正少卿,升祕書監, 以寶章閣待制提舉太平興國宮,卒,特贈四官。 雅 州 屯戍軍馬,加直寶章閣,爲工部郞官。 入對,請懲貪吏。 大年清操凛然,所至以廉潔自將。 遷起居舍人,升起居郎 遷侍左郎中, 進直華文閣、浙 兼崇政殿說書。

|微受而藏之。踰年,其家負縣租,竟逮其奴。寓公有怨言,仲微還其牘,緘封如故,其人慚 屠。」它日沿傲過寺,其徒久揭其事鐘上以爲寃,旦暮祝詛,然莫省爲仲徼也。 仲微見之曰: 謝,終其任不敢撓以私。 「吾何心哉?吾何心哉?」質明,首僧無疾而死。寓公有誦仲微於當路而密授以薦牘者,仲 會守令闕,通判又罷輭不任,臺閩委以縣事。 時歲凶,部卒幷饑民作亂,仲徼立召首亂者戮 籍閉糶,抑強糴,一境以肅。囊山浮屠與郡學爭水利,久不決,仲微按法曰:「曲在浮 陳仲微字致廣,瑞州高安人。其先居江州,旌表義門。嘉泰二年,舉進士。調莆田

興賴以不乏。 與父老樵豎相 遷 海 鹽丞。 爾汝,下情畢達,更無所措手。 制置使上其最,辭曰:「職分也,何最之有?」復通判江州,遷幹辦諸司審計 鄰邑有疑獄十年,郡命仲微按之,一問立決。 通判黃州,職兼餉餽,以身律下,隨事 改知崇陽縣,寢食公署旁,日 檢柅,軍

列傳第一百八十一 陳仲微 梁成大

寺丞 以載天下之猥土,而不可以陸沉天下之英雄。」似道怒,又諷言者罷奪其官。久之,敍復。 事 ,知贛州、江西提點刑獄,迕丞相賈似道,監察御史舒有開言罷。 兼權侍右郎官。 輪對,言:「祿餌可以釣天下之中才,而不可啖嘗天下之豪傑; 久之, 起知惠州, 遷太府 名航 H

人也; 前、靖康旣敗之後,凡前日之日近冕旒,朱輪華轂,俛首吐心,奴顏婢膝,即今日奉賊稱臣之 廟堂不得不掩惡於敗闕之後,有謀莫展,有敗無誅,上下包羞,噤無敢議。是以下至器仗甲 素無權,緩急有責,或請建督,或請行邊,或請京城,創聞駭聽。 憂之欺以逢其君,託國者護恥敗之局而莫敢議,當國者昧安危之機而莫之悔。 或謂覆護之意多,剋責之辭少; 宣布十年養安之往繆,深懲六年玩寇之昨非,救過未形,固已無極, 孩 今之所少不止於兵。 閫外之事,將軍制之,而一級半階,率從中出,斗粟尺布,退有後憂,平 義, 祈天悔禍之道也。 相業,兩有所虧。 兵 也,君相當分受其責,以謝先皇帝在天之靈。天子若曰罪在殷躬,大臣宜言咎在臣等, 時國勢危甚,仲微上封事,其略曰:「誤寢者,老將也。 疆力敏事,捷疾快意,即今日畔君賣國之人也。爲國者亦何便於若人哉! 迷國者進慆 方今何時,而在廷無謀國之臣,在邊無折衝之帥。 往往代言乏知體之士,翹館鮮有識之人,吮旨茹柔,積習成痼, 或謂陛下乏哭師之誓,師相飾分過之言,甚非所以慰恤 夫襄之罪不專在於庸閫、疲將、 因諸闆有辭於緩急之時,故 追悔旣往,尙愈於迷。 監之先朝宣和未亂之 。臣嘗思之, 君道

睫矣!惟君相幡然改悟,天下事尚可爲也。 馬,衰颯厖凉,不足以肅軍容;壁壘堡棚,折樊駕漏,不足以當衝突之騎。 實亡也。 城而無兵,以城與敵; 兵不知戰,以將與敵; 將不知兵,以國與敵。 轉敗爲成,在君相一念間耳。」乃出仲微江東提 號爲帥閩,名存 光景蹙近 目

德祐元年,遷祕書監,尋拜右正言、左司諫、殿中侍御史。 益王卽位海上,拜吏部尚書、 點刑獄。

給事中。 其子文孫與安南王族人益稷出降,鄉導我師南征。安南王憤,伐仲微墓,斧其棺。 仲微天稟篤實,雖生長富貴,而惡衣菲食,自同窶人。故能涵飫六經,精研理致,於諸子 **厓山兵敗,走安南。越四年卒,年七十有二。** 

百家、天文、地理、醫藥、卜筮、釋老之學,靡不搜獵云。

梁成大字謙之,福州人。開禧元年進士。 素荷賤亡恥,作縣滿秩,諂事史彌遠家幹萬 通判揚州, 尋遷宗正

寺簿。

寶慶元年冬,轉對,首言:「大佞似忠,大辨若訥,或好名以自鬻,或立異以自詭,或假高

妄誕之論以惑士心。所行非所言,所守非所學,一不辨焉,枘鑿不侔,矛盾相激矣。」 流矣。言不達變,謀不中機,或巧辨以爲能,或詭訐以市直,或設奇險之說以贓衆聽,或肆 尚之節以要君,或飾矯僞之學以欺世。言若忠鯁,心實回衺,一不察焉,薰蕕同器,涇、渭雜

觀。 四年正月,遷宗正少卿。五年二月,權刑部侍郎。明年十月,帝夜降旨黜之,提舉千秋鴻禧 命,徐瑄追三秩移象州居住,胡夢昱移欽州編管。是多,拜右正言。紹定元年,進左司諫。 命, 繆,不減了翁,相羊家食,宜削秩貶竄,一等施行。」章旣上,不下者兩月,或傳德秀有衡陽之 兩秩。泳復上疏,送泉州居住。會王逐論亦上,再鐫秩,徙潮州。 時宰於帝前及之。帝曰:「仲尼不爲已甚。」遂止鐫三秩。明年三月,又奏楊長孺寢新 莫澤時兼給事中,急於別異,上疏駁之,遂寢祠命。端平初,洪咨夔、吳泳交章論駁,鐫 越六日,拜監察御史。尋奏:「魏了翁已從追竄,人猶以爲罪大罰輕。」真德秀狂僭悖

之日,朝命毁其廬,雖小人如李知孝亦曰:「所不堪者,他日與成大同傳耳。」 至則 (導之使觀,欲其效尤也。尤嗜豪奪,冒占字文氏賜第。 成大天資暴狠,心術嶮巇,凡可賊忠害良者,率多攘臂為之。 四方賂遺,列寘堂廡,賓 既擯歸,訟之者不下百數。 意

知孝字孝章,參知政事光之孫。 嘉定四年進士。嘗爲右丞相府主管文字,不以爲

恥。 差充幹辦諸司審計司,拜監察御史。

逐之命。 了翁 詆眞德秀等。 Щ 武 
言扇搖之意勝。旣慮君上之或不能用,又恐朝廷之或不能容,姑爲激怒之辭,退俟斥 寶慶元年八月,上疏:「士大夫汲汲好名,正救之力少而附和沽激之意多,扶持之意微 始則慷慨而激烈,終則懇切而求去,將以樹奇節而求令名,此臣之所未解。」蓋陰 又奏洪咨夔鐫三秩、放罷,胡夢昱追毁、除名、勒停,羈管象州。 知孝獨語魏

(日:「此所論咨變等,乃府第付出全文。」其情狀變詐如此。

其有 欲求難進易退之名,殊失尊君親上之義。 不至,以要君爲高致,以共命爲常流,可行而固不行,不疾而稱有疾,比比皆是, 言,當追削流竄,以正典刑。」疏旣上,遂鏤榜播告天下。 以杜亂 陋,議論偏詖,更唱迭和,蠱惑人心,此風披扇,爲害實深。 · 衰病者, 早與改命。」時召傅伯成、楊簡、劉宰等皆不至, 故知孝詆之。 又奏張忠恕落 越月,復言:「近年以來,諸老凋零,後學晚出,不見前輩,不聞義理,不講綱常, 萌。」拜右正言。 又言:「德秀節改聖語,繆騰牒示,導信邪說,簧鼓同流,其或再有妄 願將趣召之人計其程途, 又言:「趣召之人,率皆遲回, 乞下臣章, 風厲內外, 各務靖共, 限以 心時日, 使之造朝, 相扇 識見卑 成風, 久而

職、鐫秩、罷郡。

列傳第一百八十一 李知孝 校勘記

嵩山崇福宮。 書兼侍讀 知 孝拜殿中侍御史,升侍御史。 越月,進兵部。 端平初,監察御史洪咨夔、權直舍人院吳泳交章論駁,鐫秩罷祠。 明年,理宗親政,以實謨閣直學士出知寧國,後省駁之,令提舉 紹定元年,遷右司諫,進右諫議大夫。 五年,遷工部尚 泳復封駁,

繼送婺州居住。 殿中侍御史王遂且論之,再鐫秩,徙瑞州

知孝起自名家,苟於仕進,領袖庶頑,懷諼迷國,排斥諸賢殆盡。 時乘小輿, 謁醉從官

之家,侵欲斂積,不知紀極。 紹定末,猶自乞爲中丞。 世指知孝及梁成大、莫澤爲三凶。 卒

以貶死,天下快之。

忻之論 年者也。 皆不至於大用,非可惜哉 「歲寒然後知 論 和議,最爲忠懇,卒以是去國,尤足悲夫。應孟明、曾三聘之不汚韓侂胄,孔子所謂 曰:讀本政書,然後知林勳之於井地,可謂密矣。 松柏之後凋也」。 一若乃程珌之竊取富貴,梁成大、李知孝甘爲史彌遠鷹犬,遺臭萬 徐僑之清節,度正之淳敏,牛大年之廉正,陳仲微之忠實,然 劉才邵能全名節於權姦之時。

### 校勘記

(1) 宜倣古井田之制 「倣」原作「假」,據本書卷一七三食貨志、繋年要錄卷二六改。

(三) 率為兵六千八百人 「八」原作「四」,本書卷一七三食貨志作「率為兵六千八百人」,與上文「三

千四百井」、「井賦二兵」之數合,據改。

(三) 以直官府 「府」原作「衞」,據本書卷一七三食貨志、繫年要錄卷二六改。

# 宋史卷四百二十三

## 列傳第一百八十二

#### 李大同 吳泳 徐範 黄營 李韶 楊大異 王邁 史彌鞏 陳塤 子蒙 趙與篡

書丞兼權司封郎官,兼樞密院編修官,升著作郎,時暫銀權直舍人院。 吳泳字叔永,潼川人。嘉定二年進士。 歷官爲軍器少監,行太府寺丞,行校書郎,升祕

然後移所留之聰明以經世務,移所舍之精神以強國政,移所用之心力以恤罷民,移所當省 嬖御嫉莊士,毋以靡曼之色伐天性。杜漸防微,澄源正本,使君身之所自立者先有其地。 之浮費以犒邊上久戍之士,則不惟可以消弭災變,攘除姦凶,殄滅寇賊,雖以是建久安長治 輪對,言:「願陛下養心,以淸明約己,以恭儉進德,以剛毅發強,毋以旨酒違善言,毋以

其任,所當修也。 修者,非但車馬器械之謂也。 所當修也;本兵之地弗嚴,所當修也;直言敢諫之未得其職,所當修也;折衝禦侮之弗堪 他 日入對,又言:「誦往哲之遺言,進謀國之上策,實不過日內修政事 陛下退修於其上,百官有司交修於其下,朝廷旣正, 袞職之闕,所當修也,官師之曠,所當修也,出令之所弗淸, 人心旣附, 然後申警 而已。 然所

彼壞木,疾用無枝,而內涸之形見矣。」 困於盜, 浙之民困於水, 蜀之民困於兵。 莫慘於兵也,而連年不戢,則甚於火矣。 火災,應詔上封曰:「京城之災,京城之所見也。 酷莫酷於吏也,而頻歲橫征,則猛於火矣。 横斂之原旣不澄於上,包苴之根又不絕於下。 四方有敗,陛下亦得而見之乎? 閩之民 夫慘

國人,精討軍實,合內修外攘爲一事,神州赤縣,皆在吾指顧中矣。」

專御軍旅,明清敬謹者專典刑獄,經術通明使道訓典,文雅麗則使作訓辭,秉節堅厲 識治 佚之以祠庭,言論闓爽者不寘之於外服,隨才器使,各盡其分,則短長小大,安有不適用者 風 憲,奉法循理使居牧守,剛直有守者不聽其引去,恬退無競者不聽其里居,功名慷慨者不 執持初意,封植正論, 茲非砥柱傾頹之時乎? 若使廉通敏慧者專治財賦, 體而憂時幾者,以爲天運將變矣,世道將降矣,國論將更矣,正人將引去而舊人將登用 遷秘書少監,兼權中書舍人,尋遷起居舍人兼權吏部侍郎,兼直學士院。 淑愼曉暢者 疏言:「世之 使備

哉!」又言謹政體、正道揆、厲臣節、綜軍務四事。

差知温州。 二萬 有奇,秋苗二萬八千有奇,病者復與之藥。 權刑部尚書兼修玉牒, 赴官,道間聞温州饑,至處州,乞蠲租科降,救餓者四萬八千有奇,放夏稅一十 以寶章閣直學士知寧國府,提舉太平興國宮,進寶章閣學士, 事聞,賜衣帶鞍馬。 改知泉州,以言罷。所

著有鶴林集。

徐範字彝父,福州候官人。少孤,刻苦授徒以養母。 與兄同舉于鄉,入太學,未嘗以疾

言遽色先人。

海,與兄歸同往,禁錮十餘年。 有閩士亦署名,忽夜傳韓侂胄將寘言者重辟,閩士怖,請削名,範之友亦勸 曰:「業已書名矣,尙何變?」書奏,侂胄果大怒,謂其扇搖國是, 丞相趙汝愚去位,祭酒李祥、博士楊簡論救之,俱被斥逐。同舍生議叩關上書,書已具, 各送五百里編管。 正之。 範慨然 範謫 臨

軍 登嘉定元年進士第。 籍者 未及涅,洶洶 相驚。 授淸江縣尉,辟江、淮制置司準備差遣。 夕, 秉燭招刺千餘人, 踊躍爭奮。 差主管戶部架閣, 屬邊事紛糺, 營砦子弟 改太

列傳

第

百

所貴全萬民之命, 紓一時之急, 獨奈何坐視其無救而以虚文自蔽哉! 願懲旣往之失, 廢無 學錄,遷國子監主簿。入對,言:「時平,不急之務、無用之官,猶當痛加裁節,矧多事之秋,

用之文,一意養民,以培國本。」

殿修撰。 秘書丞、 見。 奢侈 利 不若道德,刑罰不若恩厚,雜伯不若純王,異端不若儒術,諛佞不若直諫,便嬖不若正人, 幾微之際,大體所關。 不若詩書,盤遊不若節儉,玩好不若宵衣旰食,窮黷不若偃兵息民。是非兩立,明白易 丐外,添差通判澤州(I)。湖湘大旱,振救多所裨益。知邵武軍,尋召赴行在,言:「功 、著作郎、起居郎、兼國史編修、實錄檢討。 積習不移,治道舛矣。」遷國子監丞,徙太常丞,權都官郎官,改 以朝奉大夫致仕。 卒,贈朝請大夫、集英

時有當國之親故私報所業,韶卻之。 有興者。」韶五歲,能賦梅花。 宮射慮益其居,亦不與,變以此更敬韶。 李韶字元善、彌遜之曾孫也。父文饒,爲台州司理參軍,每謂人曰:「吾司臬多陰德,後 嘉定四年,與其兄寧同舉進士。 調慶元。 丞相史彌遠薦士充學職,韶不與。 調南雄州教授。 校文廣州, 袁燮求學

列傳第一百八十二 李韶

韶應詔言事 獨 曉爾遠,言甚懇到。 翼顧雷。 以 )廉勤薦,遷主管三省架閣文字,遷太學正,改太學博士。上封事諫濟王竑獄,且以書 改知道州。 提舉福建市舶。 又救太學生甯式, 迕學官。 丐外, 添差通判泉州 會星變,又應詔言事。入爲國子監丞,改知泉州兼 錄其子孫於學宮,且周其家。 郡守游九功素清嚴 紹定四年,行都災, 市

未嘗 說, 王遂 擇而後言邪?淸叟所言『三漸』,臣猶以爲未甚切。 四人,未踰月徐淸叟去,未三月杜範、吳昌裔免,獨臣尙就列。 |韶率同列一再劾之。 俱不報。 乞解言職,拜殿中侍御史,辭,不允。奏曰:「頃同臣居言職者 國事、邊防二事專委丞相鄭凊之、喬行簡各任責。 主勢有孤立之漸, 不相表裏, 李宗勉又繼之, 和戰異議,迄無成功,請出遂於要藩,易嵩之於邊面,使各盡其才。 端平元年,召。 二臣出臺, 宗社有阽危之漸,上下偷安,以人言爲諱, 明年,轉太府寺丞,遷都官郎官,遷尙左郎官。未幾,拜右正言。奏乞以 陛下初不加怒, 臣獨留, 豈臣言不加切於二臣邪?**抑**先去二臣以警臣, 而淸叟竟去,猶曰淸叟倡之也。今臣與範、昌裔言, 論汰兵、節財及襄、蜀邊防。又論史嵩之、 今國柄有陵夷之漸,士氣有委靡之漸 此意不改,其禍豈直三漸 清叟昨言『三漸』, 史宅之將守袁州 臣繼其 使知

時魏了翁罷督予祠,韶訟曰:「了翁刻志問學,幾四十年,忠言讜論,載在國史,去就出

韶曰:「曲爲朕留。」退,復累疏乞補外,以集英殿修撰知潭州,號稱廉平。 朝廷分遣部使者 數千言。帝諭左右曰:「李韶眞有愛朕憂國之心。」凡三辭不獲,以生死祈哀乞去。帝蹙額謂 以台輔。」又劾奏陳洵益刑餘腐夫,粗通文墨,掃除賤隸,竊弄威權,乞予洵益外祠。 處,具有本末。 端平收召,論事益切。 |韶權工部侍郎、正言,遷起居舍人。 復疏洵益、知古,不報。 辭新命,不許。 吳知古在宮掖招權納賄,宜出之禁庭。帝怒,韶還笏殿陛乞歸。 鎮未久,有旨予祠。不知國家四十年來收拾人才,燁然有稱如了翁者幾人?願亟召還,處 於君命,黽勉驅馳,未有大闕。襄州變出肘腋,未可以爲了翁罪。 諸路稱提官楮,韶疏極言其敝。 去年督府之造,體統不一,識者逆知其無功。了翁迫 會祀明堂, 雷電, 免二相, 樞庭之召,未幾改鎮,改 應詔上封事,幾 劾女冠

嘉熙二年,召。明年,上疏乞寢召命云:

易聽,然後可圖。今二患益深,雖欲效忠,他莫有以爲說。此其不敢進者一。 價踊貴,遂至事無可爲。臣竊論以爲必自上始,九重非衣惡食,臥薪嘗膽,使上下改慮 端平以來,天下之患,莫大於敵兵歲至,和不可,戰不能,楮券日輕,民生流離,物

然,用舍由己,人才一變矣。環視前日在廷之臣,流落擯棄,臣雖欲貪進,未知所以處 史宅之,故相子,予郡,外議皆謂扳援之徒將自是復用,故嘗論列至再。今聖斷赫

其身。此其不敢進者二。

者將議臣前日有所附會。 敵情者嘗試其說於闖外。 論以爲講和固非策,而首兵亦豈能無罪。故居言路,首乞出高論者付以兵事,使稍知 始臣爲郞,蜀受兵方亟,廟堂已遣小使至,特起嵩之於家,而言者攻擊不已。臣妄 此臣重不敢進者三。 不知事勢推移,遂竟罷廢,而款敵無功者,白麻揚廷矣。或

臣向何所聞而去,今何所見而來。此臣重不敢進者四。 出臺,傳聞其人謂臣受廟堂風旨,故決意丐外。 又臣昨彈內侍女冠,不行,退惟聖主高明,必不容其干政。然未幾首相去位,臣亦 今臣言迄不行,苟貪君命,竊恐或者譏

端平更化,陛下初意豈不甚美。國事日壞,其人或罷或死,莫有爲陛下任其責者。考論至是, 熙初,猶及見度江盛時民生富樂,吏治修舉。事變少異,政歸私門,紹定之末,元氣索矣。 州 玩惕,乃幾於左氏所謂『世從其失者』。」蓋以世卿風嵩之也。疏出,嵩之不悅,曰:「治春秋 天下事豈非陛下所當自任而力爲乎。左氏載史墨言:『魯公世從其失,季氏世修其勤。』蓋 言所由來者漸矣。 陛下臨御日久,宜深思熟念,威福自己,誰得而盜之哉? 舍此不爲,悠悠 、軍護遣至闞。 嵩之遣人謂駋曰:「毋言濟邸、宮媪、國本。」 韶不答。 上疏曰:「臣生長淳 四年,詔趣赴闕,辭,遷戶部侍郎,再辭,不許。 五年,改禮部侍郎,辭,詔不允,令所在

人下語毒。」當是時,杜範亦在列,二人廉直,中外稱爲「李、杜」。

歸,以寶章閣直學士知泉州,辭,乞畀祠,不許。旣歸,三辭,仍舊職提舉鴻慶宮 年,疏言:「道揆之地,愛善類不勝於愛爵祿,畏公議不勝於畏權勢。 陛下以腹心寄之大臣, 知;以之守法,則能守其所不與,必不能守於其所欲與。」又及濟王、國本、宮媪。 三上疏乞 大臣以腹心寄之一二都司,恐不能周天下之慮。故以之用人,則能用其所知,豈能用其所不 兼侍講,累辭,兼國史編修、實錄檢討,辭,遷吏部侍郎兼中書舍人,三辭,不許。淳誠二

過,不諱盡言,然後小人無以自託。不然,治亂安危,反覆手爾。」 恐猶前日也。君子小人,倫類不同。惟不計近功,不急小利,然後君子有以自見,不惡聞 三辭,不許。入見,疏曰:「陛下改畀正權,並進時望,天下孰不延頸以覬大治。 淳祐五年,韶被召,再辭,詔本州通判勸勉赴闕。 遷禮部侍郎一三辭,遷權禮部尙書,復 臣竊窺之,

牽聯並進, 不因大禮等輒求入內者,許臺諫覺察彈奏。』乞申嚴禁廷之籍,以絕天下之謗。 又曰:「陛下所謀者嬪妃近習,所信者貴戚近親。 何示人以不廣也。借曰以才選,他時萬一有非才者援是以求進, 按政和令:『諸國戚、命婦若女冠、尼, 將何以抑之 世臣貴戚,

又曰:「今土地日蹙者未反,人民喪敗者未復,兵財止有此數, 旦旦而理之, 不過椎剝州

使國家負不韙之名。况議論紛然,賢者不過荷容而去,不肖者反因是以媒其身,忠言至計 縣,朘削里閭。 就使韓、白復生至,桑、孔繼出,能爲陛下強兵理財,何補治亂安危之數,徒

之不行,淺功末利之是計,此君子小人進退機括所係,何不思之甚也

所賴以靈 大夫莫敢後先,令獨不行於一老媪。 又曰:「聞之道路,德音每下,昆蟲草木咸被潤澤,恩獨不及於一枯胔。 |長,獨不蚤計而豫定。」又疏乞還,不許。 兼侍讀,三辭,不許。 又三疏乞歸。 小大之臣積勞受爵,皆得以延于世,而國儲君副,社 威斷出,自公卿

所用之人不必從,疑畏憂沮,而權去之矣。」擢翰林學士兼知制誥、兼侍讀,不拜,詔不許,又 而 三辭,不許。 授之,如不得已,旣乃疑之,反使不得有所爲,是豈專任責成之體哉!所言之事不必聽, 始

鄭。 Ī 從王伐鄭,又見諸侯莫從王以伐罪,而三國之微者獨至,不足伸天王之義,初不聞以其嘗爲 峻,韶落 書『伐』,以見鄭之無王,而天王所當聲罪以致討。 嵩之服除,有鄉用之意,殿中侍御史章琰、正言李昂英、監察御史黃師雍論列嵩之甚 春秋 職 之初, 予祠 無君無親者莫甚於鄭莊。 |韶同從官抗疏曰:「臣等謹按春秋桓公五年書:『蔡人、 衞 二百四十二年之經,未有云 未有書諸侯從王以伐者, 『王伐國』 人、陳人從王伐 m 者, 書三 而 書 國

王

邁

王 大學士,韶上疏爭之甚力。 有罪,皆春秋所不赦。 卿 土而 薄其伐。 今陛下不能正姦臣之罪,其過不專在上,蓋大臣百執事不能輔天子以討 乞斷以春秋之義,亟賜裁處。」詔嵩之勒令致仕。 未幾,琰、昂英他有所論 列,並罷言職。 韶復上疏留之。 旣而 嵩之進 觀文殿

即出國門,力辭,道次三衢,詔趣受命,再辭,仍奉祠玉隆 事所當力爲,不可枚舉,皆莫有任其責者,甚非所以示四方、一體統。」改提舉萬壽觀兼侍讀, 人物,相與運於冥冥之中者,不得不他有人焉。 拜疏留韶內祠,未報。 七年, 韶十上疏丐去,以端明殿學士提舉玉隆宮。 韶陛辭,疏甚剴切,其略曰:「彼此相視,莫行其志,而剸裁庶政,品量 是中書之手可束,而臺諫之口可鈐,朝廷之 時直學士院應綴、中書舍人趙汝騰

色貨利,默坐一室,門無雜賓云。 九年,仍奉 八年,被召,辭,不許。 祠 玉隆。 十一年,祠满 再辭,仍舊職奉 再任。 卒,年七十五。 一祠萬壽公 兼侍讀, | 配忠厚純實, 平粹簡澹, 不溺於聲 令守臣以禮趣行。 又辭, 不許。

司幹官。 王邁字貫之, 考廷試,詳定官王元春欲私所親寘高第,邁顯擿其繆,元春怒,嗾諫官李知孝誣邁 興化 軍 仙遊 嘉定十年進士,爲潭州觀察推官。 丁內艱,調 浙 西 安撫

在殿廬語聲高,免官。

守。今無他策,核軍實,窒邊釁,救楮幣第一義也。」又言:「修內司營繕廣,內帑宣索多,厚 萬矣。紹定有事山東,增至二億九千萬矣。議者徒患楮窮,而弗懲兵禍,姑以今之尺籍校 楮多,弊始於兵。 乾、淳初行楮幣,止二千萬,時南北方休息也。 開禧兵興,增至一億四千 矣。更化伊始,奈何取前日所不屑行者而行之乎。」又因楮以及時事,言:「君子之類雖進, 施緇黃,濫予嬪御,若此未嘗裁撙,徒聞有括田、権鹽之議者。 向使二事可行,故相行之久 之,嘉定增至二十八萬八千有奇。用寡謀之人,試直突之說,能發而不能收,能取而不能 而其道未行;小人之迹雖屏,而其心未服。」眞德秀病危,聞邁所對,善之。 曰:「學官掌故,不足凂吾貫之。」俄召試學士院,策以楮幣,邁援據古今,考究本末,謂:「國貧 調南外睦宗院教授。 眞德秀方守福州, 邁竭忠以裨郡政。赴都堂審察, 丞相鄭凊之

洵益撓政。輪對,言:「君不可欺天,臣不可欺君,厚權臣而薄同氣,爲欺天之著。」邁由疎遠 見帝,空臆無隱,帝爲改容。言者劾邁論邊事過實,魏了翁侍經筵,爲帝言惜其去,改通判 之中有爲之地者。且舊相姦檢刻薄,天下所知,復用,則君子空於一網矣。」又言吳知古、陳 帝再相喬行簡,或傳史嵩之復用,邁上封事曰:「天下之相,不與天下共謀之,是必冥冥 禮祀雷雨,邁應詔言:「天與寧考之怒久矣。 麴蘗致疾,妖冶伐性,初秋踰旬,曠不視

列

皆不行。淳祐改元,通判吉州。右正言江萬里袖疏楊前曰:「邁之才可惜,不卽召,將有老 退之機也。」於是臺官李大同言邁交結德秀、了翁及洪咨變以收虛譽,削一秩免。蔣峴勃邁 外兵行,狂悖迭起,此天與寧考之所以怒也。陛下不是之思,方用漢災異免三公故事,環 事,道路憂疑,此天與寧考之所以怒也。隱、刺覆絕,攸、燒尊寵,綱淪法斁,上行下效,京卒 不及之歎。」帝以爲然。有尼之者,遂止。 前疏妄論倫紀,請坐以非所宜言之罪,削二秩。久之,復通判贛州,改福州、建康府、信州, 顧在廷,莫知所付。遙相崔與之,臣恐與之不至,政柄他有所屬,此世道否泰,君子小人進

之再相,以左司郎官召,力辭。以直祕閣提點廣東刑獄,亦辭。改侍右郎官,諫官焦炳炎論 予祠,卒,贈司農少卿。 知邵武軍。在郡,韶以亢旱求言,邁驛奏七事,而以徹龍翔宮、立濟王後爲先。 時鄭清

應詔,謂清叟有人望可用。世服其公云。 以還民。李宗勉嘗論邁,然邁評近世宰輔,至宗勉,必曰「賢相」。徐淸叟與邁有違言,邁晚 邁以學問詞章發身,尤練世務。易咸戒潭人曰:「此君不可犯。」奪勢家冒占田數百畝

史彌鞏字南叔,彌遠從弟也。好學疆記。 紹熙四年,入太學,升上舍。時彌遠柄國,寄

理不獲試,淹抑十載。嘉定十年,始登進士第。

之兄,乃使不能安其體魄於地下,豈不干和氣,召災異乎。蒙蔽把握,良有以也。」 之變非濟邸之本心,濟邸之死非陛下之本心,其言深有以契聖心耳。矧以先帝之子,陛下 小人才不才之奏,護蜀保江之奏。嘉熙元年,都城火,彌鞏應詔上書,謂修省之未至者有五。 倡者一人,軍心感服。 又曰:「天倫之變,世孰無之。陛下友愛之心亦每發見, 洪咨夔所以蒙陛下殊知者, 謂霅川 時李悳開鄂閫,知彌鞏持論不阿,辟諮幕府事。 改知溧水縣,首嚴庠序之敎。 端平初,入監都進奏院。 壽昌戍卒失律,欲盡誅其亂者,乃請誅 轉對,有君子

輩,操戈扨人財,逮捕,法曹以不傷人論罪。|彌鞏曰:「持兵爲盜,貸之,是滋盜也。」推情重 兄子嵩之入相,引嫌丐祠,遂以直華文閣知婺州。時年已七十,丐祠,提舉崇禧觀。里居絕 者僇數人,一道以寧。 等第振糶,丙爲自給,丁糴而戊濟,全活爲口一百一十四萬有奇。|徽之|休寧有|淮民三十餘 口不道時事。卒,年八十。 曰:「汰不當,許自陳,敢譁者斬。」咸叩頭請罪,諸營帖然,廩給亦大省。 召爲司封郎中,以 出提點江東刑獄。歲大旱,饒、信、南康三郡大侵,謂振荒在得人,俾釐戶爲五,甲乙以 饒州兵籍溢數,供億不繼,請汰冗兵。令下,營門大課。乃呼諸校謂 真德秀嘗曰:史南叔不登宗袞之門者三十年,未仕則爲其寄理,

已仕則爲其排擯,皭然不汚有如此。

江陰軍教授,蚤受業色川陽恪,爲學淹博,著書立言,一以朱熹爲法。 五子,長月之,終刑部郎官,能之、有之、胄之俱進士。月之子蒙卿, 咸淳元年進士, 調

然曰:「亡友不死矣。」長受獨官於劉著,頃刻數千百言輒就。試江東轉運司第一,試禮部復 成人。|鑰指槃中銀杏使屬對,|熉應聲曰:「金桃。」問何所據?對以|杜詩「鸚鵡啄金桃」。|鱠竦 陳塤字和仲,慶元府鄞人。大父叔平與同郡樓鑰友善,死,鑰哭之。塤纔四歲,出揖如

數千人,狀元魁百人,而恩數踰等,盍令省元初授堂除敎授,當自君始。」熉謝曰:「廟堂之議 甚盛,舉自熉始,得無嫌乎?」徑部注處州教授以去,士論高之。 曰:「俗學不足學。」乃師事楊簡,攻苦食淡,晝夜不怠。 免喪,史彌遠當國,謂之曰:「省元魁 嘉定十年,登進士第。調黃州教授。喪父毀瘠,考古禮制時祭、儀制、祭器行之。 忽歎

安泰之心,下有憂危之象,世道之所由汙。故爲天下而憂,則樂隨之。以天下爲樂,則憂隨 理宗卽位,詔求言,熉上封事曰:「上有憂危之心,下有安泰之象,世道之所由隆。 上有 列傳第一百八十二 陳娟

 博、王虎不盡力救火之罪,及行知臨安府林介、兩浙轉運使趙汝憚之罰。 人皆壯之。 之。有天下者,在乎善審憂樂之機而已。今日之敞,莫大於人心之不合,紀綱之不振,風俗 上天非常之怒者,當有非常之舉動,歷陳致災之由。又有吳潛、汪泰亨上彌遠書,乞正馮 學博士,主宗正寺簿。都城火,熉步往玉牒所,盡藏玉牒于石室。詔遷官,不受。應詔言應 也,不可因以負有為之志。遵養時晦,至德也,不可因以失乘時之機。」上嘉納之。遷太 無親,民心難保。日月逾邁,事會莫留。始之銳,久則怠。 始之明,久則昏。 垂拱仰成,盛心 始著于天下。與郡守高似孫不合,去,歸奉其母。召爲太學錄,踰年始至。轉對,言:「天道 之不淳,國敝人偷而不可救。願陛下養之以正,勵之以實,蒞之以明,斷之以武。」而塤直聲

後來。」乃諡曰榮愿。議出,宰相而下皆肅然改容。考功郎陳耆覆議,合宦者陳洵益欲改,塤 比哉?」會朱端常子乞諡,熉曰:「端常居臺諫則逐善類,爲藩牧則務刻剝,宜得惡諡,以戒 遷太常博士,獨爲袁變議諡,餘皆閣筆,因歎曰:「幽、厲雖百世不改。諡有美惡,豈諛墓

明黜陟,以飭政體。」不納。未幾,賈貴妃入內,塡又言:「乞去君側之蠱媚,以正主德,從天 下之公論,以新庶政。」爾遠召熉問之曰:「吾甥殆好名邪?」 熉曰:「好名, 孟子所不取也。 李全在楚州有異志,塤以書告彌遠:「痛加警悔,以回羣心。蚤正典刑,以肅權綱。大

機會。 常州,改衢州 言:「內廷當嚴宦官之禁,外廷當嚴臺諫之選。」於是恂益陰中之,監察御史王定劾塤,出知 嘉興府。 夫求士於<u>三代</u>之上,惟恐其好名;求士於<u>三代</u>之下,惟恐其不好名耳。」力丐去,添差通判 秦檜死,所任不過万俟离、沈該耳。侂胄死,所任史彌遠耳。此今日所當謹也。」次 爾遠卒,召爲樞密院編修官。入對,首言:「天下之安危在宰相。 南渡以來, 屢失

州俞塚與丞相李宗勉連婣,恃勢黷貨,塤親按臨之。 合,又劾之。主管崇道觀。踰年,遷浙西提點刑獄。 盗,不事耒耜而弄甲兵,今享汝牛酒,冀汝改業,否則殺無赦。」於是自首者日以百數,獻器 以吏部侍郎召,及爲國子司業,諸生咸相慶,以爲得師 惟君留意。」及獲福豫章,衆皆欲殺之,塤曰:「若是則刑濫矣。」乃加墨狥于市,囚之圜土。 相,賢輔弼不宜有此。」宗勉答書曰:「福罪惡貫盈,非君不能治。 之爲腹心,盜橫貪害,熉至,腷聞風而去。貽書宗勉曰:「熉治腷,所以報丞 械者重酬之,遂以潰散。改提點都大坑冶,徙福建轉運判官。 **寇卜日發漈坑,遵江山縣而東。** | 損獲諜者, 即遣人致牛酒諭之曰: 「汝不爲良民而爲扨 弓手戴福以獲潘丙功爲副尉,宗勉倚 歲旱,盜起,捕斬之,盜懼徙去。 侍御史蔣峴常與論中庸,不 宗勉雖不才,不敢庇姦凶。 一相也。傳間實走丞

未幾,兼玉牒檢討、國史編修、實錄修撰,乃辭兼史館。 歷陳境土之蹙,民生之艱,國計

根本。 許,又辭冤和糴轉官賞,亦不許。 知温州,未上,以言罷。 紀綱,躬節儉以汰冗濫,屏姦妄以厲將士,抑貴近以寬糶糴,結鄉社以防竊發,黜增創以培 言:「履泰安而逸樂者,有習安致危之理。因艱危而兢懼者,有慮危圖安之機。 之匱,「旣無經理圖回之素,惟有感動轉移之策,必有爲之本者,本者何?復此心之妙耳」。又 今任用混殺,薰蕕同器,遂使賢者耻與同羣。」諫議大夫金淵見之,怒。 墳乞補外,不 明用舍以振

<u></u> 墳曰:「異哉!我生於慶元丁巳,今歲在辛丑,於是一甲矣。吾死矣夫!」 忽臥疾,戒其子抽架上書占之,得呂祖謙文集,其墓志曰:「祖謙生於丁巳歲,沒於辛丑歲。」 **|垻家居,時自娛於泉石,四方學者踵至。輕財急義,明白洞達,一言之出,終身可復。** 

似道爲相時國政闕失,文多不錄。爲淮東總領,似道誣以貪汙,貶建昌軍簿,錄其家,惟靑 子蒙,年十八,上書萬言論國事。吳子良奇之,妻以女。爲太府寺主簿。入對,極言賈 德祐初,禮部侍郎李珏乞放便,以刑部侍郎召,不赴,卒。

趙與篙字德淵,太祖十世孫。 列 傳 第 百八 + = 趙 與 甔 居湖州。 李 大 同 嘉定十三年進士。 歷官差主管官告院,遷將作 一二六四

撫使; 沿海 兩浙 監主 州、兩淮安撫制置使,改兼知揚州, 用,皆依舊兼 管浙西安撫司公事,權刑部侍郎兼詳定敕令官,權兵部侍郎,遷戶部侍郎,權 幾於聚斂之臣矣。 發運使,差知平江府, 安撫使、 暫兼吏部尚書,尋爲眞, 制置 |簿,差知嘉興府,遷知大宗正兼權樞密院檢詳諸房文字,尋爲都官郞官, 轉運判官。進煥章閣、知慶元府,主管沿海制置司公事,拜司農少卿,仍兼知慶元府兼 知平江府兼准、浙發運使,時暫 馬 副 步軍都總管兼行宮留守, 使。 知臨安府。 遷浙西提點刑獄,授中書門下省檢正諸房公事, 特轉兩官致仕。 兼戶部尙書, 與執政恩澤, 尋兼知鎭江府,兼淮東總領, 節制和州、 「兼權<br />
浙西提點刑獄;授沿<br />
江制置使,知建康府、 時暫棄浙西提舉常平, 景定元年八月,卒, 加資政殿大學士。 無爲軍、 安慶府三郡屯田 以觀文殿學士知紹 特贈少師。 加端明殿學士、 提舉 拜司 洞霄宮 '農卿兼 與隱所至急於財 使; 知臨安府,主 興府、浙 戶部尚書,時 加直寶章閣 提領戶部 復爲准、 時暫兼權 江 東 財 東 安

言 兼 《侍講。 李 大同字從仲 疏言:「趙、冀分野,乃有熒惑犯塡星之變,則我師之出,豈無當長慮而卻顧者。 ,婺州 東陽 人。 嘉定 十六年進士。 歷官爲祕書丞 兼崇政殿說書,拜右正

故臣 至於進兵攻討,尤切謹重。」遷太常少卿兼國史編修、實錄檢討, 份書,以寶謨閣直學士知平江府,提舉江州太平興國宮。 遷起居郎,拜殿中侍御史,權刑部侍郎兼同修國史、 願陛下勿以星文爲小異而或加忽。 一話一語, 一政一事,必求有以格天心而弭災變。 實錄院同修撰, 乞致仕,不許,後卒于家。 兼侍講, 選吏部侍郎, 兼權侍立 一修注官, 進工部

必無所疑然後止。舉太學進士,爲瑞昌主簿,監文思院,知盧陽縣。 **黃齡字子耕,隆興分寧人。嘗從郭雍、朱熹學,熹深期之,而齡亦以道自任,反復論辨,** 五溪獠獷悍,營爲詩諭

之,繚感悅,有公事莫敢違。

曰:「我昔在南、北山,一水一石,無不自題品,今無復情味,何邪? 獨以最聞。 通判處州,經、總制有額無錢,俗號殿最綱,營會十年中成賦酌取之,閣免逋負,錢額鈞 主管官告院、大理寺簿、軍器監丞,歲餘三遷,昝乃不樂。 間行 西湖、慨然

濟院,又創安濟坊以 勸後禁,訟牒銷縮,郡稱平治。爲濟糶倉,爲抵當庫,葬民之棲寄暴露者爲棺千五 **丐外**,知台州。 ·居病囚,皆自有子本錢,使不廢。 故葉適謂皆條月建置,憂民如家。 謝良佐子孫居台者旣播越流落,僭求之民間,收而教之。 勤苦夙夜,先 百,置養

異

列

**袁州,哭從弟哀甚,得疾卒。所著有復齋集。** 

哀毁,泣盡繼以血,廬墓終身,有白芝、白鳥、白兔之瑞。 事聞于朝,褒封至孝公,賜名木植 楊大異字同伯,唐天平節度使漢公之後,十世祖祥避地醴陵,因家焉。」祥事親孝,親亡

墓道,以旌其孝。

如價發糶,民甚德之。提刑趙與篙大怒,捃其罪弗得,坐以方命,移安遠尉。 邑令。適歲饑,提刑司遣吏和糴米二萬石于邑,米價頓增,民乏食,大異卽以提刑司所糴者 大異從胡宏受春秋大義。登嘉定十三年進士第。授衡陽主簿,有惠政。 調龍泉尉,攝

偕其渠魁數輩出降。以賞遷吉州戶曹,改廣西經幹,復以弭盜賞,除四川制置司參議官。 瘞之,大異復蘇,負以逃,獲免。 進朝奉郎,宰石門縣,就除通判溧陽,攝州事,皆有惠政。 北兵入成都,大異從制置使丁黼巷戰,兵敗,身被數創死,闔門皆遇難。 贼峒, 傳呼尉至, 賊露刃成列以待, 徐諭以禍福, 皆伏地叩頭, 願改過自新。 去官之日,老弱攀號留之,大異易服潛去。擢知登聞鼓院,遷大理寺丞,平反寬獄者七。召 邑有峒寇擾民,官兵致討,積年弗獲,檄大異往治之。大異以一僕負告身自隨,肩輿入 詰旦, 其部曲竊往 留告身爲質,

廣東 異, 霆、霖。霆在忠義傳。 撰、太中大夫,提舉崇禧觀、醴陵縣開國男,食邑三百戶,賜紫金魚袋。 所至姦吏屛息,寇盜絕迹。凡可以爲民興利除害者, 無 切, 所 學者從之,講肄諄諄,相與發明經旨,條析理學。食祠祿者二十四年,卒,年八十二。 有用之材也。 極言時政得失,迕宰相意,出知澧州。 刑 容其姦。 論 時常平司逋負 獄 日:正論之在 兼 演事 幅員數千里,道不拾遺,報政爲最。未六十卽丐致仕,不允, 訪張九齡曲江故宅,建相江書院,以祀九齡。 何遽出之?」對曰:「是人尤長於治民。」命予節兼庚事,進直祕閣、提點 山積,械緊追索,姦蠹百出。大異與之約,悉縱遣之, 天下,未嘗亡也。 徐範之於韓侂胄,吳泳、李韶、王邁之於史氏,皆能 理宗曰:「是四川死節更生者楊大異耶?論事剴 ,必奏行之。 改提點廣西 復建宜成書院祀張栻、 |刑獄 章四上, 負者如期畢輸,吏 歸里第, **兼漕、庚二司,** 除 與居民 祕閣 無 修 呂 無

列傳第一百八十二 楊大異 校勘記

所回

撓,

正

色直言。

至於史彌鞏則彌遠之弟,

陳塤

人其甥

3也,不

以私親而廢天下之公論

抑

孟子所謂

「寡助

之至」者歟

趙與懲揚歷最久,甘爲聚斂之臣。

李大同以鄉人喬行簡爲相,

薦起之。 黃醬出仕,以恤民尊賢爲急,可謂知本。 大異節義如此,宜其善政之著稱于世也。

### 校勘記

(1) 添差通判澤州 按澤州當時不受宋朝管轄,徐範不得爲澤州通判;下文有「湖湘大旱」事,「澤」

字疑爲「潭」字之訛。

韓白復生 「韓」下當爲「白」字,指韓信、白起。因改。 「白」原作「匃」,此語與下文「桑(弘羊)、孔(僅) 繼出」相對,並以「強兵理財」爲言,

(三) 京卒外兵 「卒」原作「率」,據後村先生大全集卷一五二臞軒王少卿墓誌銘改。

# 宋史卷四百二十四

## 列傳第一百八十三

黄師雍 陸持之 徐元杰 徐鹿卿 孫子秀 趙逢龍 李伯玉 趙汝騰 孫夢觀 洪天錫

陸持之字伯微, 知荆門軍九淵之子也。 。七歲能爲文。 九淵授徒象山之上, 學者數百

人,有未達,持之爲敷繹之。 荆門郡治火,持之倉卒指授中程,九淵器之。 韓侂胄將用兵,持之憂時不懌,乃歷聘時賢,將有以告。見徐誼於九江,時議防江,持

謁薛叔似、項安世,之| 刑謁|吳臘,爭欲留之,尋皆謝歸。 著書十篇,名戆說 非有學以輔之,往往皆以血氣盛衰爲銳惰。故三國、兩晉諸賢,多以盛年成功名。 下事變多矣,未舉一事,而朝思夕惟,利害先入于中,愚恐其爲之難也。」諡憮然。 |之請擇僚吏祭地形,孰險而守,孰易而戰,孰隘而伏,毋專爲|江守。 具言:「自古興事造業, 公更天 又之鬥

列傳第一百八十三 陸持之 徐鹿卿

一二六四七

西安撫 仗。 省讀書, 不報。 嘉定三年,試工西轉運司預選,常平使袁變薦于朝,謂持之議論不爲空言,緩急有可倚 司,以疾請致仕,特命改通直郞。 固辭,不獲。 豫章建東湖書院,連帥以書幣疆起持之長之。嘉定十六年,寧宗特韶持之祕 既至,又詔以迪功郎入省,乞歸,不許。理宗即位,轉修職郎,差幹辦浙 所著有易提綱、諸經雜說。

廷試進士,有司第其對居二,詳定官以其直抑之,猶寘第十。 徐鹿卿字德夫,隆興豐城人。 博通經史,以文學名於鄉,後進爭師宗之。 嘉定十六年,

呵, 程顥與其弟頤皆講學是邦, 異時征之無藝, 農病之, 調 南安軍學教授。 張九成嘗以直道謫居, 鹿卿撫恤,無逋租者。 鹿 卿 申其教, 由是理義之學復明。 鹿卿摭其言行, 其後盜作,環城屋皆燬(二 刻諸學以訓。 立養士綱條, 先是周惇頤 ,惟學宮兗 學田 多在溪

日:「是無撓我者。」

火,指言惑嬖寵、 全活甚衆。 福建安撫司幹辦公事 溺燕私、用小人三事尤切。 郡多火災,救護有方。 會汀、邵寇作,鹿卿贊畫備禦,動中機會。 會都 城火,鹿卿 真德秀稱其氣平論正, 應 詔 上封 事 , 有憂愛之誠心。 言積陰之極, 避寇者入城,多方 其徵爲 改知

聞,令赴都堂審察。以母喪去。 抑,邑以大治。 德秀尋帥閩,疏其政以勸列邑。 來?」鹿 尤溪縣。 卿入白其母,欣然許之。旣至,首罷科斂之無名者,明版籍,革預借, 德秀守泉, 辟宰南安, 鹿卿以不便養辭。 歲饑,處之有法,富者樂分,民無死徙。 德秀曰:「道同志合, 可以拯民, 何憚不 決 達滯, 達寃

學諸生作四賢詩。知建昌軍,未上,而崇教、龍會兩保與建黎原、鐵城之民修怨交兵,鹿卿馳 随、<br />
越舟師以防海,<br />
合東南全力以守江。」<br />
上皆嘉納。<br />
改樞密院編修官,權右司,贊畫二府, 對,陳六事,曰:「洗凡陋以起事功,昭勸懲以收主柄,清班著以儲實才,重藩輔以蔽都邑,用 修撰食祠禄,又幫司農少卿米麥,應卿曰:「奈何爲一人壞成法。」持不可。遷國子監主簿。入 書諭之,斂手聽命。旣至,則寬賦斂,禁掊克,汰贓濫,抑彊禦,恤寡弱,黥黠吏,訓戍兵,創書諭之,斂手聽命。旣至,則寬賦斂,禁掊克,汰贓濫,抑彊禦,恤寡弱,黥黠吏,訓戍兵,創 通 百丈砦,擇兵官,城屬縣,治行大学,田里歌誦 而守法。會右史方大踪、編修劉克莊、正字王邁以言事黜,鹿卿贈以詩,言者倂劾之,太 詔服闋赴樞密稟議,首言邊事、楮幣。主管官告院,幹辦諸司審計司。故相子以集英殿

行,盜發南豐,捕斬渠首二十人,餘不問。擢度支郎官兼右司。入對,極陳時敝。 **[輸之以共命。應卿曰:「民爲守計則善矣。守獨不爲民計乎?」卒爭以免。召赴行在,將** 改侍右郎

歲大 籠也 官兼 以予貧民,勸居民收字遺 錢 以 饑 助 敕令删修官 吾不 振 人相 給,不報 能 食,留守別之傑諱不詰,鹿卿命 爲 容相私 兼 遂出本司積米三千餘 右 人。」 司 0 孩,日給錢米,所活 鹿卿又言當時並相之敞。 言者以他事詆鹿卿, 石 數百 掩捕 減半賈以 人。 食人者,尸諸市。 主管雲臺觀。 )糶,及減抵當庫息, 宰相以甘言誘鹿卿,退語人曰:「是牢 宴集不用樂。 越月, 又奏援眞德秀爲漕時撥 起爲江東轉運判官。 出 層錢萬有七千

之, 奏削其官 閣 卿 財,民李士賢 入當塗 日:「行法必 兼提 兼領 吏爭竄匿 太平,仍暫提舉茶 舉常平。 境,鹿卿 珂守當塗, 自貴近始。」卒論如法。 有 露香默 稻二 鹿卿寬其 鹿卿言 千石 制置 禱 **電**浮 (期限) 茶鹽 ッ 忽 鹽事 ,囚之半歲。 鹽經界嫌 飄 自 躬自鉤 風 弛 大起, 詭 丞相 岢 興 征 地, 鹿卿 考,盡得其實。 利, 蝗悉 史彌遠之弟通 蠲米石(三、 横斂 先撤 悉縱含而 度准。 相家 百 出, 次所築, 之傑密請 勸以其餘分,皆感 判温州 無湖 河辟置、 商旅 就 不行,國計反屈於初。命塵卿 兩務蘆 利 貪刻 捕 移 鹿 者自言: 韓世忠家寶玩 吏, 卿 税。 浙 開 東提點 泣 江 「我相府人。」 告託以 奉命。 東 諸 ! 郡飛蝗蔽天, 刑 罔民,沒其 激,加 河罷,以應 鹿 直 祕 覈

爲, 會鄉 初 人居言路, 鹿卿 檄 衢州推官 迺屬劾惟說。 馮惟 說 決婺獄 州索印 惟說素 紙,惟說笑曰:「是猶 廉 平, 至 則 辨曲 可以仕乎? 直 出 淹 禁。 自 題詩 大家 印 不快其 紙 而

及知 去。 泉州 衢州鄭逢辰以繆舉, 改贛州, 皆辭。 鹿卿以委使不當, 遷浙 西提點刑獄、江淮都大坑冶, 相繼自劾,且共和其詩。 皆以 病固辭, 御史兼二人劾罷之。 遂主管玉局觀

及召還,又辭,改直

|寶章閣知|寧國府,提舉江東常平,

又辭

綱、立 納之。 治兵財,鹿卿執議不可。 務。兼國子祭酒,權禮部侍郎,兼同修國史,兼實錄院同修撰,兼侍講,兼權給事中。 相挽留之。召權兵部侍郎,固辭,上令丞相以書招之,鹿卿至, 馮惟說故耶? 規模,「時事多艱,人心易搖,無獨力任重之臣, 兼中書門下省檢正諸房公事,兼崇政殿說書。 三年,以右司召, 惟說行將有命矣。」鹿卿迺出。 以疾丐祠,遷右文殿修撰、知平江府兼發運副 **猶辭**。 丞相杜範遺書曰:「直道不容, 使人擊節。 擢太府少卿兼右司。 無守節伏義之士,願蚤 逾年,兼權吏部侍郎。 又極言君子小 入對, 使。 請定國本、 人, 力丐祠,上諭 時議使執 决 君不出, 切於當世之 大計」。 鹿卿言 政 上 豈以 正 丞 紀

遂 致仕,進華文閣 遷 一力辨上前,因乞去,上曰:「去,則中姦人之計矣。」令臨安府根捕, 禮 部 侍 一眷遇采篤而忌者寖多,有撰僞疏託廛卿以傳播,歷詆宰相至百執事,應卿初不 郎。 累疏告老,授寶章閣待制、 待制。 卒,遺表聞,贈四官。 知寧國府,而引年之疏五上,不允,提舉鴻禧觀,遂 事連勢要, 獄不 ·及竟。 知

列

取, 一鷹僅 鹿卿居家孝友,喜怒不形,恩怨俱泯,宗族鄉黨,各得歡心。 庇風雨。所著有泉谷文集、奏議、講義、鹽楮議政稿、歷官對越集,手編漢唐文類 居官廉約淸峻,豪髮不妄

文苑菁華,諡淸正。

政,以羨餘爲平糴本。遷將作監,拜宗正少卿兼侍講。凡道德性命之蘊,禮樂刑政之事,鏤 設供張,悉命撤去,日具蔬飯,坐公署,事至卽面問決遣。爲政務寬恕,撫諭惻怛,一以天理 子正、太學博士,歷知興國、信、衢、衡、袁五州,提舉廣東、湖南、福建常平。每至官,有司例 **縷爲上開陳。疏奏甚衆,稿悉焚棄。年八十有八終于家。** 民彝為言,民是以不忍欺。 居官自常奉外,一介不取。 民賦有逋負,悉爲代輸。 尤究心荒 趙逢龍字應甫,慶元之鄭人。刻苦自修,爲學淹博純實。登嘉定十六年進士第。授國

逢龍 門庳陋,欲市其鄰居充拓之。逢龍曰:「鄰里粗安,一旦驚擾,彼雖勉從,我能無媿於心!」 寡嗜欲,不好名, 敭歷日久, 泊然不知富貴之味。或問何以裕後, 逢龍笑曰: 「吾憂子孫 逢龍家居講道,四方從遊者皆爲鉅公名士。丞相葉夢鼎出判慶元,修弟子禮,常謂師

學行不進,不患其飢寒也。」

權中書舍人,皆兼同修撰,以左司諫陳垓論罷。召爲禮部尙書兼給事中,兼修國史、實錄院 閣,差知婺州。 惠羣小之心,可以息矣。」又言:「陛下有用君子之名,無用君子之實。」 利之臣,移東就西,順適宮禁,自遂谿壑無厭之欲,何益於陛下,而深戕於國脈。 修撰。入奏,言:「前後姦諛之臣,傷善害賢,自取穹官要職,何益於陛下,而深損於聖德。 編修、實錄檢討,兼同修國史、實錄院同修撰,兼侍講,遷吏部侍郎兼侍講,權工部尙書兼 田令,召試館職,授祕書省正字,升校書郎,尋升祕書郎兼史館校勘。 興宮掖始。 趙汝騰字茂實,宗室子也。 棄玉牒所檢討官,以直煥章閣知温州,進直徽猷閣、江東提點刑獄,又進直實文 召赴闕,遷起居舍人,兼權中書舍人,升起居郎,時暫兼權吏部侍郎,兼國史 居福州。 寶慶二年進士。 歷官差主管禮、兵部架閣, 遷籍 輪對,言節用先自乘 則陛下私 興

紹興府、浙東安撫使。召至闕,以端明殿學士提舉佑神觀,兼翰林學士承旨,知泉州、知州 南外宗正事,復提舉佑神觀兼侍讀,兼翰林學士承旨。景定二年,卒,遺表上,特贈四官。 兼直學士院, 拜翰林學士 兼知制誥, 兼侍讀。 辭歸故里, 累召, 力辭, 以龍圖閣學士知 將以府印牒所遣官,所遣官聞之夜遁。他日|夢觀去|寧國,人言之爲之流涕。 事,差主管吏部架閣文字,爲武學諭。 賦,急若星火,闔郡皇駭,莫知爲計。 悦。 出知泉州兼提舉市舶,改知寧國府。 舍人不肯草制者。道揆不明,法守滋亂,天下之權將有所寄,而倒持之患作。」當路者滋不 右司郎官、將作監。 言而不能容,玩則雖容其言而不能用。」力請外,添差通判嚴州,主管崇道觀,召爲武學博 士、太常寺丞兼諸王宮大小學教授,大宗正丞兼屯田郞官、將作少監。 孫夢觀字守叔,慶元府慈溪人。 轉對,極言:「風憲之地,未聞有十八疏攻一竦者。 夢觀日"「吾寧委官以去,毋寧病民以留。」力丐祠,且 寶慶二年進士。調桂陽軍教授、浙西提舉司幹辦公 輪對,言:「人主不容有所憚,尤不容有所玩, 獨<u>逋</u>減賦,無算泛入者盡籍于公帑。 封駁之司,未聞有三 知嘉興府,仍舊班兼 戶部遣官督 **憚**則 有

起居舍人、起居郎。八上章辭免,以監察御史吳燧論罷,直龍圖閣與祠,授祕閣修撰、江淮 庶幾郡國蒙一分之寬,則斯民亦受一分之賜。」帝善其言。遷太府卿、宗正少卿,兼給事中、 爲斯民計,朝廷當爲郡國計。乞命大臣應自前主計之臣奪州縣之利而歸版曹者,復歸所屬 輪對,謂:「今內外之臣,恃陛下以各遂其私,而陛下獨一無可恃,可爲寒心!」次論:「郡國當 丞相董槐召還,帝問江東廉吏,槐首以夢觀對,帝說,乃遷司農少卿兼資善堂贊讀。

不少; 等路 權 吏部 提點鑄錢司公事。 旣易相之後,敝政亦自若。」在廷之士皆危之。 夢觀曰:「吾以一布衣蒙上恩至此,雖 侍 郎。 奏事抗論 甫至官,卽復召爲起居郎兼侍右侍郎、給事中棄贊讀,兼國子祭酒, 益切,以寵賂彰、仁賢逝、貨財偏聚爲言,且謂「未易相之前,敝政固

遂卒。 捐 風 軀 無以 民有 力求 帝悼惜 ·夢從者甚都,迎祠山 報,利鈍非所計也。 補外,以集英殿修撰知建寧府。 久之,賻銀帛三百。夢觀退然若不勝衣,然義所當爲,奮往直前; 其居敗屋數 神,出視之則夢觀也。 蠲租稅,省刑罰,郡人徐淸叟、蔡抗以爲有古循吏 俄而夢觀得疾,口授遺表,不忘規諫

間,布衣蔬食,而

重名節云。

爲多。 洪天錫字君疇,泉州晉江人。 T 內艱,免喪,調潮州 司理。 寶慶二年進士。 勢家奪民田,天錫言於守,還之。 授廣州司法。 長吏盛氣待僚屬,天錫糺

正

決無留難 諸 司 糧料院, 帥 方大琮 有倚王邸勢殺人者,誅之不少貸。 拜監 辟眞州判官,留寘幕府。改秩知 察御史兼 說書。 累疏言:「天下之患三:宦官也,外戚也,小人也。」劾董 八古田 調通判 縣。行鄉 建寧府。 飮 酒 禮。邑劇,牒愬猥多,天錫剖 大水,擅發常平倉振之。 擢

列

傳

臣當斥,願早賜裁斷。」越月,天雨土,天錫以其異爲蒙,力言陰陽君子小人之所以辨,又言 姦人雖憑怙,其心未嘗不畏人主之知,苟知之而止於戒飭,則憑怙愈張,反不若未知之爲愈 異時禍成,雖欲治之不可得矣。」上又出御札,俾天錫易疏,欲自戒飭之。天錫又言:「自古 天錫力爭,謂:「貴倖作姦犯科,根柢蟠固,乃遲回護惜,不欲繩以法,勢燄愈張,紀綱愈壞, 臣、謝堂、厲文翁,理宗力護文翁,天錫又言:「不斥文翁,必爲王府累。」上令吳燧宣諭再三, 修內司之爲民害者。 也。」章五上,出關待罪。詔二人已改命,宋臣續處之。天錫言:「臣留則宋臣去,宋臣留則

常平所以均役,若中貴人得以控之,則內外臺可廢,猶爲國有紀綱乎?」乃申劾宋臣併盧允 後人除害,不當留患以遺後人。今朝廷輕給舍臺諫,輕百司庶府,而北司獨重,倉卒之際, 也。願毋使史臣書之曰:『內司之橫自今始。』」疏上至六七,最後請還御史印,謂:「明君當爲 |升而枚數其惡,上猶力護之。|天錫又言:「修內司供繕修而已, 比年動曰『御前』,姦贓之老 吏,迹捕之兇渠,一竄名其間,則有司不得舉手,狡者獻謀,暴者助虐,其展轉受害者皆良民 且怨,陛下能獨與數十人者共天下乎。」會吳民仲大論等列愬宋臣奪其田,天錫下其事有 司,而御前提舉所移文謂田屬御莊,不當白臺,儀鸞司亦牒常平。天錫謂:「御史所以雪寃, 圈中地震,浙、閩大水,又言·「上下窮空,遠近怨疾,獨貴戚巨閹享富貴耳。舉天下窮

臣實懼焉。」言雖不果行,然終宋世閹人不能竊弄主威者,皆天錫之力,而天錫亦自是去朝

廷矣。改大理少卿,再遷太常,皆不拜。

監察御史張桂劾罷之。 辭,升祕閣修撰、福建轉運副使,又辭。」度宗卽位,以侍御史兼侍讀召,累辭,不許,在道間, 直寶謨閣,遷廣東轉運判官,決疑獄,劾貪吏,治財賦,皆有法。召爲祕書監兼侍講,以聵 潭州,改漳州,皆力辭。 又言:「在廷無嚴憚之士,何以寢姦謀?遇事無敢諍之臣,何以臨大節?人物稀疏,精采銷 改廣東提點刑獄,五辭。 乃疏所欲對病民五事:日公田,日關子,日銀綱,日鹽鈔,日賦役。 明年,起知潭州,久之始至官。 戢盜賊, 尊先賢, 踰年大治。

殿學士,轉一官。疾革,草遺表以規君相。上震悼,特贈正議大夫,諡文毅。 報。 舉太平興國宮,三降御札趣之,又力辭。 罷荔枝貢。召爲刑部尙書,詔憲守之臣趣行無虛日,不起。久之,進顯文閣直學士,提 又明年,改福建安撫使,力辭,不許。亭戶買鹽至破家隕身者,天錫首罷之,民作佛事以 踰年,進華文閣直學士,仍舊宮觀,尋致仕,加端明

天錫言動有準繩,居官淸介,臨事是非不可回折。所著奏議、經筵講義,進故事、通祀輯

略、味言發墨、陽巖文集。

列傳第一百八十三 洪天錫 黄師

薙

青,師雍 授,學政一以呂祖謙爲法。李宗勉、趙必願、趙汝談皆薦之。 盜賊白刃之衝,不畏不懾。<br />
李全反狀已露,師雍密結忠義軍別部都統時青圖之,謀泄,全殺 黃 師雍字子敬,福州人。少從黃幹學。入太學。寶慶二年,舉進士。詔爲楚州官屬。 不爲動,全亦不加害。秩滿,朝議褒異,師雍恥出史彌遠門,不往見之。 調婺州教 出

其學最聞。 老,行簡不悅,宗勉之請遂格。 師雍慕徐僑有淸望,欲謁之,會其有召命,師雍曰:「今不可往也。」僑聞而賢之,至闕,以 宗勉在政府,力言於丞相喬行簡,行簡已許以朝除。 師难以書見行簡, 勸其歸

首疏削金淵秩,送外居住。再疏斥趙綸、項容孫、史肎之。嵩之終喪,正言李昴英、殿中侍 嵩之,帝感悟,思逐嵩之。 相處。」師雍亦不領。嵩之獨相,權勢浸盛,上下懼禍,未有發其姦者。博士劉應起首疏論 知興化軍,旋奪之,改知邵武軍。及應起爲監察御史,師雍遷宗正寺簿,尋亦拜監察御史。 而宗勉卒。嵩之延師雍,密示相親意,師雍不領,遷糧料院,又曰:「料院與相府密邇,所以 知遂之龍溪,轉運使王伯大上其邑最。 師雍與應起相善,故嵩之疑師雍左右之,諷御史梅杞擊師雍,差 行簡罷、宗勉與史嵩之入相,召師雍審察,將至

啓之。朋邪顧望,不可赦。」師雍遂劾克莊臨事失身犯義,免所居官,琰亦繼劾克莊,師雍又 者曰:「大夫,官也。觀文,職也。元降御筆但云『守官』,無『本官職』之辭。觀文之命,自克莊 封還詞頭,乞畀嵩之以貼職如宰臣去國故事,遂得守金紫光祿大夫、觀文殿學士致 御史章琰共疏乞竄斥之,師確亦上疏論列,帝感悟,即其日詔勒令致仕。權直舍人院劉克莊 任。

乞籍嵩之家隸張叔儀,皆從之。

司 也,不知何爲至前。」因發其僞撰之迹。適鐵疏譽師雅,宋迺以鐵附師雅,帝不聽,擢師雅左 伯玉、盧鉞語尤峻。坦等偽撰匿名書,誣三士,師雍楊前辨,謂:「匿名書條令所禁,非公論 以去師雍,未得,招四人共謀之。會大旱求言,應詔者多指深、坦等爲起災之由,牟子才、李 政吳潛去,陳垓爲監察御史,時深、與隱、坦、垓、大有合爲一,師雍獨立。宋惡之尤甚,思所 昴英去國,宋於是薦周坦、葉大有入臺,首劾程公許、江萬里,善類日危矣。 英,又嗾同列再疏,以昴英屬某人,琰屬師雍。師雍毅然不從,獨擊葉間乃與懲腹心。琰、 未幾,昴英劾臨安尹趙與懲及執政,琰亦劾執政,帝怒昴英丼及琰。鄭宋乘間劾琰、昴 未踰月,坦攻參

劾 劉用行、 未幾,家入政府,謝方叔、趙汝騰疏其姦,案遂罷去。師雍與丞相鄭淸之故同舍,然以 傳 魏峴皆清之親故,清之不樂。坦喜曰:「吾得所以去之矣。」遣其婦日造清之妻, 第 百 八十 Ξ 黄 師 雍 徐 元 杰 二六五九

留。 譖曰:「彼去用行、峴, 乃去丞相之漸也。」帝將以師雅爲侍御史, 清之曰:「如此, 數月,坦卒劾師雍及高斯得俱罷。久之,以直寶文閣奉祠,陳垓又嗾同列寢之。清之卒,起 爲左史,旣而改江西轉運使,遷禮部侍郎,命下而卒于江西官舍。 遷起居舍人兼侍講,卽力丐去。清之猶冀師雍 少貶, 師雍 曰:「吾欲爲全人。」終不屈。 則臣不可

當官而行,愛護名節,無愧師友云 師遲簡淡寡欲,靖厚有守,言若不出口,而於袤正之辨甚明,視外物輕甚,故博采公論,

師雍

山,實朱熹門人,往師之。 徐元杰字仁伯,信州上饒人。 後師事眞德秀。 幼頴悟,誦書日數千言,每冥思精索。 紹定五年, 進士及第。 簽書鎭東軍節度判官廳 聞陳文蔚講書鉛

耆艾,身足負荷斯世者,不可輕畀。 |蔣峴方力排||城置後之說,遂力請外,不許,卽謁告歸,丐祠,章十二上。 三年,遷著作佐郞兼 兵部郎官,以疾辭。差知安吉州,辭。召赴行在奏事,辭益堅。 |嘉熙二年,召爲祕書省正字,遷校書郞。 又言皇子|城當置後及蚤立太子,乞蚤定大計。 奏否泰、 剝復之理,因及右轄久虚, 非骨鯁 時諫官

官。言敞國外患,乞以宗社爲心。言錢塘駐蹕,驕奢莫尙,宜抑文尙質。 作監,進楊雄大匠篾,陳古節儉。時天久不雨,轉對,極論洪範天人感應之理及古今遇災修 入講,必先期齋戒。嘗進仁宗詔內降指揮許執奏及臺諫祭舉故事爲戒,語多切宮壼。 拜將 誨,多感悅而去。輸苗聽其自槩,闔郡德之。丁母憂去官,衆遮道跪留。 ·侯不來,我輩魚肉矣。」 郡有延平書院, 率郡博士會諸生親爲講說。 元年, 差知南劍州。會峽陽寇作, 擒渠魁八人斬之, 餘釋不問。 民訟, 率呼至以理化 兼崇政殿說書,每 旣免喪,授侍左郎 父老或相語曰:

省之實,辭益忠懇。

削 盡陛下之禮,大臣自盡大臣之禮,玉音賜俞,臣又何所容喙。今觀學校之書,使人感歎。且 之心者莫不失聲涕零,是果何爲而然?人心天理,誰實無之,興言及此,非可使聞於鄰國 之主,大臣身任道揆,扶翊綱常者也。 死之大事,輕出以犯淸議哉!前日昕庭出命之易,士論所以凛凛者,實以陛下爲四海綱常 大臣讀聖賢之書,畏天命,畏人言。家庭之變,哀戚終事,禮制有常。臣竊料其何至於忽送 日晉侍經筵,親承聖問以大臣史嵩之起復,臣奏陛下出命太輕,人言不可沮抑。陛下自 丞相史嵩之丁父憂,有詔起復,中外莫敢言,惟學校叩閽力爭。元杰時適輪對,言:「臣 陛下烏得而 不悔悟,大臣烏得而不堅忍?臣懇懇納忠,何敢詆訐,特爲陛下愛惜民彝, 自聞大臣有起復之命,雖未知其避就若何,凡有父母

爲大臣愛惜名節而已。」疏出,朝野傳誦。 帝亦祭其忠亮,每從容訪天下事,經筵益申前議。

未幾,夜降御筆黜四不才臺諫,起復之命遂寢。

隱憂處,輒閣筆揮涕,書就隨削稿,雖子弟無有知者。六月朔,輪當侍立,以暴疾謁吿。 杜範入相,復延議軍國事。爲書無慮數十,所言皆朝廷大政,邊鄙遠慮。每裁書至宗社 元老舊德次第收召,元杰亦兼右司郎官,拜太常少卿, 兼給事中、國子祭酒, 權中書舍

內人士傷之,帝悼念不已,賜官田五百畝、緡錢五千給其家。賜諡忠愍。 百計。 告者賞緡錢十萬、官初品。大理寺正黃濤謂伏暑證,二子乞斬濤謝先臣。 有旨付臨安府逮醫者孫志寧及常所給使鞫治。旣又改理寺,詔殿中侍御史鄭宋董之,且募 聞,帝震悼曰:「徐元杰前日方侍立,不聞有疾,何死之遽耶?」亟遣中使問狀, 賻贈銀絹二 熱大作、詰朝不能造朝、夜煩愈甚、指爪忽裂,以死。 相 雨之鄉,今蠻烟瘴雨不在嶺海,而在陛下之朝廷。望奮發睿斷,大明典刑。」於是三學諸生 拜工部侍郎,隨乞納祿,詔轉一官致仕。夜四鼓,遂卒。 繼 叩闇訟寃, 先,元杰未死之一日,方謁左丞相范鍾歸,又折簡察院劉應起,將以翼日奏事。是夕,俄 已而太學諸生伏闕愬其爲中毒,且曰:「昔小人有傾君子者,不過使之自死於蠻烟瘴 臺諫交疏論奏,監學官亦合辭聞于朝。二子直諒、直方乞以恤典充賞格。 朝紳及三學諸生往弔,相顧駭泣。 然獄迄無成,海

列傳第一百八十三 孫子秀

還,白水災,總領恚曰:「軍餉所關,而敢若此,獨不爲身計乎?」子秀曰:「何敢爲身計,寧罪 矣。」妖遂絕。 王遂將使治之,莫敢行,子秀奮然請往,焚其廬,碎其像,沈其人於太湖,曰:「實汝水仙之名 孫子秀字元實,越州餘姚人。紹定五年進士。調吳縣主簿。有妖人稱「水仙太保」,郡守 日詣學宮與諸生討論義理。辟淮東總領所中酒庫, 檄督宜興縣圍田租。 旣

牒 流入以萬計,振給撫恤,樹廬舍,括田使耕,拔其能者分治之。崇學校,明敎化,行鄉飲酒 自詣 訪國 調 滁州教授,至官,改知金壇縣。嚴保伍,釐經界,結義役,一切與民休息。 里正,幷鄰證來然後行,不實者往往自匿其牒,惟豪黠者有犯,則痛繩不少貸。惟民 初茅山書院故址,新之,以待遠方遊學之士。 訟者使齎

爾。」力爭之,遂免。

保 爲 屬 子. 伍,選用土豪,首旌常 IF. 秀行。 數、民困甚,子秀奏蠲之。 通 判 慶元府,主管浙東鹽事。 子秀謂捕賊之責,雖在有司,亦必習土俗之人,乃能翦其憑依,截其奔突。 乃立 Ш 縣令陳謙亨、萬士周還淳等捍禦之勞,且表於朝,乞加優賞,人心 辟幹辦行在諸司糧料院。 先是,諸場鹽百袋附五袋,名「五釐鹽」,未幾, 衢州寇作,水冒城郭,朝廷擇守, 提舉官以

奏蠲 復 曲 動。 是競勸。 《秋苗萬五千石有奇,盡代納其夏稅,并除公私一切之負; 水潦所 未幾, 及,則爲治 盜復起江 橋梁,修堰牐,補城壁, .山、玉山間,甫七日,而衆禽四十八人以來。 浚水原, 助葺民廬, 振以錢米, 招通 坍溪沙壅之田,請於朝,永蠲 終子秀之任,賊不 鄰羅

其稅,民用復

鄓官。 奏立. 輸,人人如債切身,不遣一字而輸足。 右司,再兼金部。 家廟如闕里。 南 金部舊賣州郡以必不可辨之泛數,吏顚倒爲姦欺。 渡後,孔子裔孫寓衢州,詔權以衢學奉祀,因循踰年,無專饗之廟。 與丞相丁大全議不合,去國。差知吉州,尋鐫罷。 旣成,行釋菜禮。以政最遷太常丞,以言罷。 遷將作監、淮東總領,辭。 子秀日夜討論,給册轉遞以 改知寧國府,辭。爲左司兼 未幾,遷大宗正 子秀撤廢佛寺 丞,遷金部 均其

|椿官,編置千里外,徙黥其臧獲。 民鹽本錢,充獻羨之數;不足,則估籍虛攤。一路騷動,亭民多流亡。子秀還前政鹽本錢 居,截撥上供瞻之。盜扨吳大椿,前使者諱其事,誣大椿與兄子焴爭財,自籾其家,追毁大 十餘萬貫,奏省華亭茶鹽分司官,定衡量之非法多取者,於是流徙復業。 知常州。 時嬖倖朱熠凡三劾子秀。開慶元年,爲浙西提舉常平。先是,大全以私人爲之,盡奪亭 淮兵數百人浮寓貢院,給餉不時,死者相繼,子秀請於朝,創名忠衞軍, 子秀廉得實,乃悉平反之。 尋以兼郡則行部非便,得請專 徙浙西提點 置砦以 刑

移浙 夫,僕救之,併殺以滅口。<br />
一問卽伏誅,又釋僞會之連逮者,遠近稱爲神明。 子秀悉竅其田,書諸牘,勢家以爲厲己,嗾言者罷之。 僕, 西提點刑獄。 進 郡守捐賞萬緡,逮繫考掠十餘人,終莫得其實。子秀密訪之,乃婦人賂宗室子殺其 大理少卿,直華文閣、浙東提點刑獄兼知婺州。 子秀冒暑周行八郡三十九縣, 獄爲之清。 尋遷湖南 婺多勢家,有田連阡陌而無賦稅者, 安吉州有婦人愬人殺其夫與 轉運副使,以迎養非便辭,

卿 之,改匣,又違則又重怒之,至再三。而專卒四出,巡尉等司繳限抱匣費不貲,則其勢必違。 凡管內諸 子秀與州縣約,到限者徑詣庭下,吏不得要索,亦無違者。 而 風 兼 聞 右 初,獄訟之滯,皆由期限之不應。使者下車,或親書戒州縣勿違,而違如故,則怒之。怒 者 司,尋兼 反謂專卒淩州縣,劾罷之,子秀笑而已。 司報應皆倂入匣,一日一遣,公移則又總實於匣以往。 知臨安府,以言罷。 起 知婺州,卒。 移江東提點刑 其後創循環總匣屬各州主管官, 於是事無小大,纖悉畢具, 獄。 度宗卽位, 進太常少

難,營救不遺力。 子 秀少從上虞劉漢弼 聞一善則手錄之。 遊,磊落英發, 抵掌極談,神采飛動。 與人交久而益親,死生患

書郎, 授觀 李伯 察推官、太學正 奏言:「臺評迎合上意,論罷尤焴、楊棟、盧鉞三人,忠衺不辨,乞同能。」帝不允。 連劾罷之。 玉 字純崩 一兼莊文府教授、太學博士。 饒州餘干人。 端平二年, 進士第二。 召試館職,歷詆貴戚大臣,直聲暴起。 初名誠,以犯理宗潛諱更今名。 監察 改校

御

史

|陳

垓

郎 判 福 官。 建 引故 奉宴 召赴 遷尙右 事 臺祠,差知南 **予彈臺臣** 經 1郎官。 一筵,遷考功郎兼太子侍 蕭泰來,遷著作郎。 侍御史何夢然論 康軍,遷著作佐郎無沂靖惠王府敎授,兼考功郎官,兼尚書右司員外 讀,拜 伯玉 帝怒,降兩官罷敍。 太府少 迺吳潛之死黨,奉祀,遷 卿、秘書 少監、起居 復 知邵 武軍,改湖北提 福建 郎、工 提舉常平、淮 一部侍 郎 點 刑 西 轉

名, 伯 待 事 E 制 平章不拔擢, 忽厲聲曰:「諸君非似道 舊學, 度宗 知 隆 創位, 興 進之以 府, 右 兼 內,相對泣下,欲用以參 伯玉 、侍講, ĪF. 言黃萬石 地步亦 權禮部侍郎, 拔擢,安得至 可以至 諭 龍。 此。」似道 召入 升 此 兼 大 製 同修國 政,似道益 擢權 避此改 衆默然莫敢應者,伯玉 禮 史、 容 部 而 忌之,而 實錄院同 尙 有怒色。 書 兼侍讀。 伯玉 修撰。 旣退,卽治 蕁病卒。 答曰:「伯 似道 賈似 益 歸 道管集百 事 玉 國 殿 以 柄 試 顯 帝以 文閣 第二 官議

伯玉嘗請罷童子科,以爲非所以成人材,厚風俗。

趙汝騰嘗薦八士,各有品目,於伯玉

操,汝騰之不撓,孫夢觀之平直,洪天錫、黃師雍、徐元杰、李伯玉皆悉心直言,不避權勢,孫 論曰:陸持之學足以承其家,而不幸蚤喪,徐鹿卿論議明達,克施有政, 趙逢龍之清

校勘記

子秀政績著見,皆當時之傑出云。

(1) 環城屋皆燬 「屋」字原脫,據劉克莊後村大全集卷一四四徐應卿神道碑補。

(三) 米石 二九,南宋太平州有蕪湖、采石兩稅務。此處「米」字疑爲「采」字之誤。 疑當作「采石」。按九域志卷六,太平州當塗縣有采石鎮;宋會要食貨一八之五、一八之

列停第一百八十三 校勘記

## 宋史卷四百二十五

## 列傳第一百八十四

危昭德 劉 應龍 陳塏 潘 牥 楊文仲 洪芹 趙景緯 謝枋得 馮 去非 徐霖 徐宗仁

置獄, 守不去。 敗,應龍繇是著名。 者,務剽掠殺人,州民被盜,遙呼盜曰:「汝毛隆也? 劉 應龍曰"「盜誠毛隆,其肯自謂?」因言于州,州不 應龍字漢臣, 改知崇仁縣。 瑞州高安人。 准西失守,江西諸州有殘破者,縣佐貳聞變先遁,應龍 嘉熙二年進士。 盗 授零陵主簿, 亦曰:「我毛隆也。」既,訟于官,捕 可,乃委它官,隆 饒州錄事參軍。 誣伏抵死,未幾 有 毛隆 固

元兵度江, 先是, 朝野震動,逐丞 理宗久未有子, 相 以弟 丁大全, 福王與芮之子爲皇子, 復起潛爲相,帝問潛策安出, 丞相吳潛有異論, 潛對曰:「當遷幸。」又問 帝已不樂。

卿 道 以 蘇民奨以固國本,外莫急於討軍實以振國威。」又言時政四事, 肆 應說,使劾潛,應龍謂:「潛本有賢譽,獨論事失當, 应 退,帝語 處之,似道訪其由,亦怒應龍。 是素忌潛,會京師米貴,應龍爲獸驟歌,宦者取以上聞,帝問知應龍所作,問似道米價高,當 助民食,勸分富室以助官糴,嚴等第以覈民數,稽檢放以蘇民窮,嚴戢盜以除民害。 如 何 羣臣曰:「吳曆幾誤朕。」 遂罷潛相。 帝怒潛 欲望姑從寬典,以全體貌。」帝大怒。 潛 三.[臣 出出 死守 於此。」帝泣下曰:「卿欲爲張邦昌乎?」潛 遷司農少卿,尋以右諫議大夫孫附鳳言,遂去國 **迺按勠丁大全,請加竄斥,** 、臨變寡斷。 不已,應龍朝受命,帝夜出 祖宗以來, 大臣 廣發廩以振民饑, 不敢復言。 疏言:「內莫急 象簡 有罪 書疏 未幾 未 通 買似 商 嘗 稿 北 販 於 輕 兵

有。」 意, 兼 人虛鉞希指封還錄黃。 國 自守者以論 遂 迕 當 路, 速其畏歟 史編修、實錄檢討。知隆興府兼江西轉運副使,奏免和糴二十萬石。擢權戶部侍郎兼侍 景定三年,湖南饑,起提舉常平。以救荒功,遷直寶章閣、廣南東路轉運判官。遷秘書監 似道當國,百官奏對稍切直者輒黜,應龍 自侍從、 朝廷清明之時, 而言者已懷疑畏, 事爲忌,指陳稍 兩省以下無不切齒。 久之,起爲江東轉運使,辭。 切者聯翩 引去,豈兩省繳駁過甚,重其疑歟;抑 未幾,以集英殿修撰知建寧府,函辭,中書舍 言:「臣觀今日之事,可言者多矣。 臣恐正 臣奪氣,鯁臣 吃话, 宜非 廷臣奏對咈 邇日以來, 世所

應龍勦逐之,南海大治。 南海寇作, 朝廷患之,乃以顯謨閣待制知廣州、廣東經略安撫使。 特旨屢召,拜戶部侍郎仍愈侍讀,七上奏辭冤。 寇聞應龍至,遁去。 德祐元年, 遷兵部

子元高亦舉進士,知候官縣。沒,洪天錫歎曰:「朝廷失一御史矣。」

尙書、 頸章閣直學士、知贛州, 兼江西兵馬鈐轄、 青海軍節度使,力辭, 隱九峯。

視,鄰里生侮。 下手足之愛,生榮死哀,反不得視士庶人。此如一門之內,骨肉之間未能親睦,是以僮僕疾 人子孫,身荷父母劬勞之賜,乃指豪奴悍與爲恩私之地。欲父母無怒,不可得也。」又曰:「陛 |潘舫字庭堅,福州閩人。 端平二年策進士,舫對曰:「陛下承休上帝,皈德匹夫,何異爲 宜厚東海之恩,裂淮南之土,以致人和。」時對者數百人,庭堅語最直

暴骸 判 皆論以漢法。 潭州。 亦大矣。 會殿中侍御史蔣峴劾方大踪、劉克莊、王邁前倡異論,倂誣防姓同逆賊,策語不順,請 日食,應詔上封事日:「熙寧初元日食,詔郡縣掩骼,著爲令。故王一抔淺土,其爲 時調鎮南軍節度推官、個州推官,歷浙西提舉常平司。遷太學正,旬日,出通 請以王禮改葬。」又移書丞相游侶申言之,侶心善其言,方將收用之,而防卒。

授。 對,發明絜矩之道。 上意,慨然思得天下士,丞相程元鳳言當今地望無踰洪芹者,進兼翰林,權直祕書少監 部使者愛其才,先後並薦之,有旨召審察。 洪芹,尚書右僕射适之曾孫,以大父澤入官,甫更調,登進士第。 擢國子博士,出通判南劍, 入爲太常博士,累遷將作少監。 丁內外艱。入主省架閣,遷太學博 自南平司法改欽州 屬 詞臣無當 士。 教 輪

潛星馳赴闕, 請,追官遠竄,以伸國法,以謝天下。」沈炎乘上怒,攻丞相吳曆,芹獨繳奏曰:「方國本多虞, 鬼蜮之資,穿窬之行,暴戾淫黷,引用凶惡,陷害忠良,遏塞言路,濁亂朝綱。 詔書所至,聞者奮激,蓋片所草也。 」慷慨敢言,天下義之。 開慶元年,升直學士院,繼權禮部侍郎、中書舍人。 理紛鎭浮,陳力爲多。 丁大全罷相,出典鄉郡。芹遷禮部侍郎〔〕,繳奏〕「大全 一旦視爲弁髦,得無如詩所謂 屬兵興,帝悟柄任非人,自貽 『將安將樂, 乞盡從諫臣所 女轉棄予』 國禍

遷禮部侍郎,帝銳意鄕用而以論去,退寓永嘉,怡然自適。 咸淳初,起知寧國府。

有文集。

趙景緯字德父,臨安府於潛人。少勤學,弱冠得周惇頤、程顥兄弟諸書讀之,恨不及登 熹門人葉味道謂之曰:「度正,吾黨中第一人。」途往見,首誨以求放心爲本。 由

不報。 度。 奢作郎,辭,不許。以疾丐祠,差主管<u>佑神觀</u>兼史館校勘。 史成,兩乞外祠,進直祕閣,與在 公事,不就。 是往來味道、正之間,研索益精。入太學,登淳祐元年進士第。 朱熹之門。 丁母憂,以祿不逮養,服闋不調。作讀易菴懸霤山。 有旨特與改合入官,主管崇道觀,三辭,不許。景定元年,特授祕書郎,兩辭,不許。遷 召爲史館檢閱,辭,不許;乞換待次敎授,不許;乞岳祠, 江東提點刑獄吳勢卿辟爲幹辦 授江陰軍教授,諸生守其榘 又不許; 乞致仕,

外宮觀,辭職名,不許。 差主管崇禧觀

益嚴。 **懲譁**訐,治豪横。 之,至有爲之感涕者。 諭、 諷 台州 、誦、服行,期無失墜。 至 郡,以化民成俗爲先務,首取陳述古諭俗文書示諸邑,且自爲之說,使其民更相告 守王華甫建上蔡書院,禮景緯爲堂長,以疾辭。依舊職差知台州,兩辭,不許,趣命 奏蠲五邑坊河渡錢 建黃巖縣 舉遺 約束官吏擾民五 社 一逸車若水、林正心于朝。 旌孝行,作訓孝文以勵其俗。 倉六十有六。 事。 浚河道九十里, 築隄路三十里。 取孝經庶人章爲四言詠贊其義,使朝夕歌 節浮費,爲下 平重刑,

期年之內,乞歸田 列 傳 第 百 八 + 里者再。 四 趙 景 進考功郎官,再辭,不許。 緯 兼沂靖惠王府教授,辭,不許。是 戶代輸秋苗。

舉刺不當,不足以服天下之心。 觀望而撓於勢, 則憂危乘之矣。」又論監司守令,其說曰:「知人之難,自古已然。人才乏使,莫今爲甚。或 祗懼,乃天心之所存。 論「聖人體元之妙在惟幾,人君得此,則天下有治而無亂,人事有吉而無凶矣」。又曰:「惕厲 冬,四辭新命,且乞祠,皆不許。乃乞於赤城、桐柏之間采藥著書,庶幾有補後學,使病廢之 之先,而使之各稱其職。」 身不爲無用於聖世,不許。 或阿私而 聖人先處於憂,故能無憂,先處以危、故能無危,若乃先自處於安樂, 徇於情,或是非不公而以枉爲直,或毀譽失實而以汚爲康。 御筆兼崇政殿說書,三辭,不許。乃造朝,侍緝熙殿,以易進講, 與其糺劾於有罪之後,而未必盡得其情; 孰若精擇於未用 遂使

彗出于柳,景緯應詔上封事曰:

欲絕天下之私,則人不悅, 供奉自如,則人不悅。 之同欲,則人不悅。 今日求所以解天意者, 保私人而違天下之公議,則人不悅。 百姓之膏血日胺,而符移之星火愈急,則人不悅。 不澄其源而欲止天下之貪,則人不悅。 不過悅人心而已。 百姓之心卽天心也。 閭閻之糟糠不 夫必有是數者,斯 錮私藏而專 厭, 不公於己而 而 燕 关下 私之

願陛下捐內帑以絕壅利之謗,出嬪嬙以節用度之奢。 弄權之貂寺素爲天下之所 足以召怨而致災。

來,凡利源窠名之在百司庶府者,悉隸其舊,以濟經用之急;公田派買不均之敞,聽民 之臺諫,以通關鬲之壅;選慈惠忠信之人使爲守宰,以保元氣之殘。又必稽乾、淳以 共惡者, 屏之絕之; 毒民之恩澤侯嘗爲百姓之所憤者, 黜之棄之。 擇忠鯁敢言之士置 自陳,隨宜通變,以安田里之生。則人心悅、天意解矣。人之常情,懼心每發於災異初

辭,不 許。 毋以閨闥之賤干公議,毋以戚畹之私紊國常。」乞歸田里,不許。 此 大
皆
固
所
以
廣
仁
恩
,
又
不
若
擇
循
良
、
黜
貪
暴
之
爲
實
。 言:「願明辨義利之限, 正陰陽勝復之會,眷命隆替之機也。」兼國史院編修官、實錄院檢討官,辭,不許。 又曰:「損玉食,不若損內帑、卻貢奉之爲實。 復上疏乞歸,不許。 力破繫吝之私,以天自處而絕內外之分,以道制欲而黜耳目之累。 ' 避正朝,不若塞倖門、廣忠諫之爲實。 肆 蓋天意方回而未豫,人心乍悅而旋疑, 拜太府少卿,爺職仍舊,再 轉對,

舉細故以塞責,而恐懼之初心弛,則下拂人心,上違天意,國之安危或未可知。

見之時,不能不潛移於諂諛交至之後。萬一過聽左右寬譬之言,曲爲它說以自解,毛

寬告,不許。至國門,御筆棄權工部侍郎,時暫棄權中書舍人,三辭,不許。 先務。三乞辭,不許。 以直敷文閣知嘉興府,辭,仍乞奉祠,皆不許。 拜宗正少卿,御筆兼侍講,辭,不許。乃還家,三乞祠,御筆趣行,猶乞 咸淳元年至郡,首以護根本、正風俗爲 以禮記進講,開

列

百八

+

四

趙景緯

沈湎 每服 以充實,豈不盛哉。」 陳敬恕之義。 切於思。居處則思敬,動作則思禮,祭祀則思誠,事親則思孝。每御一食,則思天下之饑者。 喪其身。 一衣,則思天下之寒者。 念起而思隨之,則念必息。欲萌而思制之,則欲必消。 封還濫恩詞頭,帝從之。又言:「損德害身之大莫過於嗜欲,而窒嗜欲之要莫 嬪嬙在列,必思夏桀以嬖色亡其國。 飲燕方歡,必思商紂以 志氣日以剛健,德性日

卑詞。 横恩之濫已收而復出, 戢貪之詔方嚴而隨弛。 天意得,可以開太平而兆中興 下可不思致災之由,而亟求所以正之哉?願淸其天君,以端出治之源; 駁 又曰:「雷發非時,竊迹今日之事而有疑焉。 (奏未幾,而捷出之徑已開。命令不疑,則陽縱而不收。 緇黃出入之禁所以嚴宸居, 毋牽於私恩而撓公法,毋遷於邇言而亂舊章,去讒而遠色,賤貨而貴德,則 八也。」 而間惑於檜釀之小數。 宮正什伍之令所以防奇袤,而或縱於乞憐之 內批疊降而名器輕,宮閫不嚴而主威褻, 以至彈墨未乾, 主意不堅,則陰閉 謹其號令,以 而找拭之旨已 而 不密。 人心悅而 肅 紀綱

唑

帝勉留之,請益力。 致其勤,二日精體認以充其知,三日屏嗜好以專其業,四日謹行 進 權 禮部侍鄓兼修玉牒,再辭,不許。 特授集英殿修撰、知建寧府,辭,不許,乃還家。召爲中書舍人,三辭,不 升兼侍讀,辭,不許。進聖學四箴:一日惜 事以驗其用。 五. 乞歸 日 田里, 力以

列傳第一百八十四 馮去非 徐絮

卻藥, 許,請益力。進顯文閣待制,依所乞予祠,辭職名,不許,遂差提舉玉隆萬壽宮。 曰:「使我清心以順天命,毋重惱我懷。」拱手三揖乃卒。 景緯天性孝友,雅志沖澹,親沒無意仕進,故其立朝之日不久云。 詔特贈四官至中奉大夫,諡 有疾,謝醫

西銘輯說,孝經章句,喪禮小學,孔子弟子傳,讀史記及詩文、志錄,合二百餘卷。 馮去非字可遷,南康都昌人。父椅字儀之,家居授徒,所註易、書、詩、語、孟、太極圖

下。 爲大全之人也,周旋甚款。僧乘間致大全意,願毋遽歸,少俟收召,誠得尺書以往,成命卽 書樞密院事、參知政事,察抗去國,去非亦以言罷。 之下方。監察御史吳衍、翁應弼劾諸生下獄,去非復調護宗學生之就逮者。未幾,大全簽 大全爲左諫議大夫,三學諸生叩閽言不可,帝爲下詔禁戒,詔立石三學,去非獨不肯書名碑 爲佛寺,時已許薦,去非力爭不得,寧不受使者薦,謁告而去。寶祐四年,召爲宗學諭。 去非奮然正色曰:「程丞相、蔡參政牽率老夫至此,今歸吾廬山,不復仕矣,斯言何爲至 」絕之,不復與言。 去非,淳祐元年進士。嘗幹辦淮東轉運司,治儀眞,歐陽脩東園在焉,使者黃濤欲以 歸舟泊金、焦山,有僧上謁,去非不虞其

賾先儒心傳之要。<br />
淳祐四年,試禮部第一。<br />
知貢舉官入見,理宗曰:「第一名得人。」<br />
嘉獎再 徐霖字景說,衢州西安人。年十三,有志聖人之道,取所作文焚之,研精六經之奧,探

三。登第,授沅州教授。

嵩之匿父喪求起復,君子並起而攻之,上大感悟。 之願,義利之辨亦終暗於妻妾宮室之私,則亦從之而已。」疏奏,見者吐舌,爲霖危之。未幾, 之者,親任一二,其或稍有異己,則潛棄而擯遠之,以風其餘。彼以名節之尊不足以易富貴 之矣。且其變化之術甚深,非章章然號於人使之爲小人也。常於善類擇其質柔氣弱易以奪 之心,其次奪士大夫之心,而其甚也奪豪傑之心。今日之士大夫,嵩之皆變化其心而收攝 時宰相史嵩之挾邊功要君,植黨顓國。、霖上疏歷言其姦深之狀,以爲:「其先也奪陛下

陽類也,天理也,君子也。吾心之天理不能勝乎人欲,朝廷之君子不能勝乎小人。 宮闈之私 強之志,大臣有鬼失之心,故元良未建,凶姦未竄。」是時,丞相杜範已薨,而)鍾雖得位,畏姦 人覆出爲己禍故也。擢祕書省正字,霖辭不獲命,遂就職。會日食,霖應詔上封事曰:「日, 丞相范鍾進所召試館職二人,上思霖之忠,親去其一,易霖名。及試,則曰:「人主無自 傳第一百八十四 徐霖 徐宗仁

列

書郎 暱 **欺其君父,今以官高** 上遺著作郎姚希得留之,不還。 「未屏,瑣闥之姦衺未辨,臺臣之討賊不決,精祲感狹,日爲之食。」又數言建立太子。 七年夏,大旱,霖應詔言:「諫議大夫不易則不雨,京兆尹不易則不雨。」不報, ·而自眩於平生,失其本心,何以暴其忠志?」又曰:「志贵乎潔,忠尚乎 御筆改合入官,廼改宣教郎。霖屢辭,曰:「向爲身死 而不敢

精,即有取,則自蹈於垢汙矣。」

外,知撫州。 法 討,上曰:「今日所當言者,當備陳之。」霖復以正太子名爲言,又奏:「萬化之本 教郎、主管雲臺觀,霖迺拜受。 十二年,遷祕書省著作郎,累辭,不許。 長臺諫,乞斥去。」不報。兼權左司。霖知無不言,於是讒嫉者思以中傷,而上亦不說。 遮道,不得行,及暝,始由徑以 .在敬。」兼權尙左郎官,兼崇政殿說書。 八年夏,添差通判信州,霖皆力辭,竟未拜,改秩之命故也。 洞先賢,寬租賦,振饑窮,誅悍將,建營砦,幾一月而政舉化行。<br />
以言去, 出 迺上疏言:「葉大有陰柔姦點, 尋令守臣勉諭之, 特改宣 兼國 爲羣險冠,不宜久 一史編修、實 在心,存心之 乞補 錄 檢

子心亨曰:「有生必有死,自古聖賢皆然,吾復何憾。」尚書省請加優異,詔與一子恩澤。 不入口七日。 明年開慶元年,差主管崇禧觀。 景定二年,知汀州。 明年,卒。 將終,語其長 度

寶祐元年,差知衡州。 三年,當之官,遂辭,差知袁州。

五年,丁外艱,哀毀號絕,

水漿

宗賜祭田百畝 ,以旌直臣。霖間居衢,守游鈞築精舍,聘霖爲學者講道,是日聽者三千餘人。

徐宗仁字求心,信之永豐人。淳祐十年進士。 歷官爲國子監主簿。 開慶元年,伏闕上

書日

保其終不墜乎?臣爲此懼久矣。 亡之機,固不容髮。兵虛將惰,而力匱財殫,環視四境,類不足恃,而所恃以維持人心、 奔走豪傑者,惟陛下賞罰之微權在耳。權在陛下,而陛下不知所以用之,則未墜者安 賞罰者,軍國之綱紀。賞罰不明,則綱紀不立。今天下如器之欹而未墜於地,存

抗疏 沈翥、張鎭、吳衍、翁應弼、石正則、王立愛、高鑄之徒,而首惡則董宋臣也。是以廷紳 封疆、死城郭者,豈賞罰不足以勸懲之耶?今通國之所謂佚罰者,不過丁大全、袁玠、 心效力,圖報萬分可也。而自幹腹之兵越江踰廣以來,凡閱數月,尚未聞有死戰陣、死 人而重咈千萬人之心?天下之事勢急矣,朝廷之紀綱壞矣。若誤國之罪不誅, 陛下當危急之時,出金幣,賜土田,授節鉞,分爵秩,尺寸之功,在所必賞。故當悉 學校叩閣,至有欲借尙方劍爲陛下除惡。而陛下乃釋而不問,豈眞欲愛護此數 則用

說書,遷祕書郎。 錄院同修撰,侍左侍郎。乞假督府名稱往本州同守臣防拓,不允。權禮部尚書兼益王府贊 注官,遷太常少卿兼國史編修、實錄檢討。知寧國府。 佐郎、主管崇禧觀。遷考功郎官兼崇政殿說書,進讀敬天圖。 得以盡其言,則國論伸而國威振, 衞益王走海上, 厓山兵敗, 死焉。 德祐元年,起授東部侍郎兼中書門下檢正諸房公事,兼提領豐儲倉所,兼同修國 然不平曰:「稔禍者誰歟, 而使我捐軀兵革之間?」百姓之罹難者, 貲,挾聲色,高臥華屋,而使陛下與二三大臣焦心勞思,可乎?三軍之在行者,豈不憤 危昭德,邵武人。寶祐元年進士。歷官爲史館檢閱校勘、武學諭、宗正寺簿兼崇政殿 兵之士不勇。今東南一隅天下,已半壞於此數人之手,而罰不損其豪毛。 又極論邊事,謂惠褻而威不振。論董宋臣盤固日久,蒙蔽日久。 「召亂者誰歟,而使我流血鋒鏑之下?」陛下亦嘗一念及此乎? 傳 第一 百八十 疏言:「國之命在民,民之命在士大夫。士大夫不康,朘民膏血,爲已甘腴 危 德 臣雖屛處山林,亦有生氣」。 監察御史郭閶論罷 遷太府少卿兼侍講、兼侍立修 遷國子監丞、祕書省著作 又請「使有言責者皆 豈不羣然胥怨曰: 彼方擁厚 一史、實

列

四

昭

民不堪命矣。」又言:「願陛下與二三大臣察利害之實,宪安危之本,明詔郡國,申嚴號令,俾 力則觀聽之具字,而課更之實得矣。」 語監司、郡守之計。貪濁昏庸,固在必懲。廉能正直,尤當示勸。察之精則黜陟之咸服,行之 急其所急,凡荒政之當舉者,不可一日而置念;緩其可緩,凡苛賦之肆擾者,易爲此時之寬 固結人心,乃所以延天命也。」又言:「願陛下舉考課之事,內以責諸彈糾之職,外以責

救之門,而無官府黜陟之異;止輪臺之議,而無疆界彼此之分,則氣脈蘇醒、意向翕合矣」。 開通關梁而商賈行。下修身奉法之詔,而吏得自新,出輸倉助貸之令,而民免貴糴,窒墨 之故,酌利害損益之宜,孰爲當因,孰爲當革,孰爲可罷,孰爲可行,則折衷泉貨而遠近便, 之咎,節之又節,則宮闈之費差省,帑藏之積自充,上用足而下不匱矣。」又乞「察欣瘁休戚 上厲民四敞。又言:「願陛下爲萬世根本之慮,爲一時倉卒之防,必求安節之亨,毋招不節 進兼侍講。又言:「民者,邦之命脈,欲壽國脈,必厚民生,欲厚民生,必寬民力。」且條

侍 規 重 即兼同修國史實錄院,乞致仕,特轉一官。 昭德在經筵,以易、春秋、大學衍義進講,反覆 一者甚多。所著春山文集。

遷起居舍人兼國史編修、實錄檢討,尋遷殿中侍御史、侍御史。諫作宗陽宮。權工部

子徹孫,咸淳元年進士。

傳 第 百 八 + 四 [陳 塏 楊 文 仲

陳愷字子爽,嘉興人。 歷京湖制置使司主管機宜文字、 差知德安府, 加直 寶謨閣、江

西提點刑獄,改直敷文閣、提舉千秋鴻禧觀,轉司農寺丞、主管崇道觀、知安慶府。 加 直顯謨閣、湖南提點刑獄。 再召爲右司郎官,加直實文閣知隆興府、江西安撫使,改知江 召赴闕,

州,主管江西安撫司事。召爲右司郎官,進直龍圖閣、浙西提點刑獄,遷司農少卿,以祕閣 修撰知慶元府兼沿海制置副使,遷大理卿,進右文殿修撰、知平江府兼准、浙發運使。

當見於聖世,人才幸甚!」又言:「請以從官做古昔入從出藩之意,其從臣爲諸路憲漕,則以 使知名義爲重,利祿爲輕。久去國以恬退聞者召之,久立朝以更迭請者從之,甘言容悅者 官, 必斥,眞情丐閑者勿留。如此,則君臣上下皆以眞實相與,四維旣張,士大夫難進易退之風, 點 兼中書門下省檢正諸房公事。入奏,言:「願陛下轉移世道之樞機, 砥礪士大夫之廉恥, 刑獄使、轉運使繫銜,假之『使』名,示與庶官別,仍乞除授自臣始。」自是屢言於帝前, 戶部侍郎趙必愿舉塏最,詔特轉一官,遷太府卿、司農卿,權工部侍郎兼同詳定敕令 以言罷

未幾,進集英殿修撰、知婺州, 列 改知太平州兼江東轉運副使。 請蠲放諸郡災傷。 加戶

端明殿學士。咸淳四年,卒,諡淸毅。 書,又進寶章閣直學士、知婺州,遷權戶部尚書,尋爲眞,時暫兼吏部尚書,以寶文閣學士知 潭州銀湖南安撫使。 部侍郎、淮東總領, 千三百六十餘貫。 又作浮淮書堂以處兩淮之民而敎之。進顯謨閣待制、知廣州,權 尋提領江、准条鹽所兼知太平州。 召赴闕,以舊職提舉太平興國宮,加龍圖閣學士,依舊宮觀。 發公帑代三縣輸折絲帛錢五 久之,加 十萬九 兵部 尙

遺屢歷麾節,軍民愛戴,慕客盛多,而<sup>豈</sup>又樂薦士。 所著可齋瓿稿二十卷。

既冠,以春秋貞,其母喜曰:「汝家至汝,三世以是經收效矣。」 楊文仲字時發,眉州彭山人。七歲而孤。母胡,年二十有八,守節自誓,教養諸子。文仲

從叔父陳守婺州罷歸,寓餘杭,文仲往問伊、洛之學。 冬雷震,首帥同舍叩閣極言時事,有曰:「天本不怒,人激之使怒。 人本無言,雷激之使言。」 「國本未建,莫大於此。 時爭傳誦之。 |淳祐七年,文仲以胄試第一入太學。 九年,又以公試第一升內舍。 時言路頗壅,因季 升上舍,為西廊學錄。丞相謝方叔嘗問文仲曰:「今日何事最急?」對曰: 上意未喻,當以死請可也。」實祐元年,登進士第。 丁母憂,釋服,屬

調復州學教授。 轉運使印應飛辟入幕。明嫠婦寃獄,應飛悉從文仲議,且薦之。 荆湖

韶 差遣,添差沿海制置司幹辦公事,召爲戶部架閣,遷太學正, 宣撫使趙葵署文仲佐分司幕。 利幾何,安忍重擾吾民乎!」事遂不行。 力爭,以爲:「事不可妄興,蓋與民之惠有限,不擾之惠無窮。 也。」卒增十八界一而已。 牙契舊額歲爲錢四萬緡, 白,文仲曰:「爲吾然一燈足矣。」 劭農東郊,守因欲泛湖,文仲卽先馳歸。 精邃。 遷國子博士。 丐外,添差通判台州。 累政增至十六萬,開告訐以求羨。 制置使李庭芝檄主管機宜文字。 姚希得三、江萬里合薦文仲學爲有用。 故事,守貳尚華侈,正月望,取燈民間,更以 時有沙田,使者欲舉行之,文仲 升博士。時棟爲祭酒,講學益 文仲曰:「希賞以擾民,吾不爲 江北風寒之地,民力竭矣,爲 辟四川宣撫司 添差通判揚州 準備

之娛,兵疲赤籍掛虛之穴。蚩蚩編氓,得以輕統府;瑣瑣警遽,輒以憂朝廷。設不幸事有 宰。」又曰:「春多沈陰,豈但麥秋之憂。於時爲夬,尤軫莧陸之慮。|天目則洪水發焉,蘇、湖 大於此者,國何賴焉?」帝竦聽,顧問甚至。 則弄兵興焉。峨冠于于,而每見大夫之乏使,佩印纍纍,而常慮貪瀆之無厭。將習黃金橫帶 百年,天命久熟之餘,國脈癃老之候,此豈非一大喜懼之交乎?願陛下一初清明,自作主 召爲宗學博士。郊祀,攝圜壇子階監察御史。近輔兵變水患,輪對,言:「皇天眷命,垂 遷太常丞,尋兼權倉部郎官,兼崇政殿說書,遷 几

列

將作少監,又遷將作監。

是而 公當王霸升降之會,而不能爲向上事業,獨能開世變厲階。臣考諸養秋, 不視朝,文仲奏:「聲色之事,若識得破,元無可好。」帝斂容端拱久之。 耳,紅紫之眩目,良心善性,皆本有之。』又曰:『得聖賢心學之指要,本領端正,家傳世守,以 則王迹不熄,西周之美可尋,如此方副春秋尊王之意。」帝曰:「先帝聖訓有曰:『絲竹之亂 『人』,越二十年,伐楚定世子之功旣成,然後書『侯』之辭迭見,此所以爲尊王抑伯之大 然王豈徒尊哉?蓋欲周王子孫率修文、武、成、康之法度,以扶持文、武、成、康之德澤, [君國子民,以是而祈天永命,以是而貽謀燕翼。』 大哉先訓, 殷朝夕服膺。 」 時帝以疾連 文仲在講筵,每以積誠感動,嘗進讀春秋,帝問五霸何以爲三王罪人,文仲奏云:「齊桓 桓公初年多書

監,尋兼崇政殿說書。以疾乞致仕,不許。 金華王柏、 曰:「楊文仲多言! 主管崇禧觀, 盛夏,建宗陽宮,壞徙民居,畿甸騷然。文仲疏諫:「移閭閻之聚,爲香火之庭,不得爲 陛下紹祖宗之位,豈以黃、老之居爲輕重哉。」翼日面奏,益懇至,丞相賈似道怒 天台車若水也。 出 知 !」詔卿監以上薦人才,文仲薦陳存、呂折、鍾季玉等十有八人,名士二人, 衡州 運餉 無國子司業, 兼侍立修注官。 又以救太學教諭 彭成大 连似道, 有法而民不擾, **兼國史院編修官、實錄院檢討官,遷太常少卿錄** 以所當得米八千石立思濟倉。 秘書少

或 子 司業,遷起居舍人。

汇爚 |仲議 柏。 卒,而宋亡矣。 文仲疾益甚,丐祠,以集英殿修撰 不協之故,今日不戰,明日不征,時不再來,後悔何及 時大元兵度江, 、陳宜中不協,文仲上疏言:「事危且急矣。 曰:「今祗見天地之始,雖在幼沖,比卽喪次,已勝拜跪, 嬴 或 公即位,授權工部侍郎兼權侍右郎官,尋策給事中。 有見山文集焉。 畿甸震動,朝士多棄去者,侍從班惟文仲一人, 知潭州, 三上章乞致仕, 祖宗所深賴,億兆所寄命, .」尋棄國子祭酒。 改知泉州。 執禮無違,所當親饗。」時 有事明堂,議以上公攝行,文 詔旌 因將家踰 在列不 請諡 在 乎二相, 金華 嶺南待次, 去者二階。 何基 苟以 丞 及 相

直言,一 謝枋得字君直,信州弋陽 與人論古今治 國家事,必掀髯抵几, 人也。 爲 人豪爽。 跳躍自 每觀書, 奮, 五行俱下, 以忠義自 任 覽終身不忘。 徐霖稱其「如驚鶴 性好

摩霄,不可籠縶」。

撫州 寶献 司戶參軍,即 列 4, 傳 第 舉進士,對策極攻丞相董槐與宦官董宋臣,意擢 百 棄去。 八 + 四 明年 헮 復出,試敎官,中兼經科,於 枋 得 除教授建寧府。 高 第矣,及奏名, 未上, 中乙科。 吳潛宣撫江

除

家,得民兵萬餘人,守信州,暨兵退,朝廷覈諸軍費,幾至不免。 西,辟差幹辦 公 事 團結民兵,以扞饒、信、撫,科降錢米以給之。枋得說倒、傅二社諸大

煥北 皆誘下之, 遂屯建康。 枋得與呂師變善, 乃應詔上書, 以一族保師變可信, 乞分沿江諸 景思銜之,上其稿於似道,坐居鄉不法,起兵時冒破科降錢,且訕謗,追兩官,謫居興國 兵,以之爲鎭撫使,使之行成,且願身至江州見文煥與議。 從之,使以沿江察訪使行,會文 |咸淳三年,赦,放歸。|德祐元年,|呂文煥導大元兵東下||鄂、黃、蘄、安慶、九江, 歸,不及而 五 年,彗星出東方,枋得考試建康,擿似道政事爲問目,言:「兵必至,國必亡。」漕使陸 反。 凡其親友部曲 屯

戦團 其後人稍稍識之,多延至其家,使爲弟子論學。 識之,以爲 州,不守。 使前鋒呼曰:「謝提刑來。」呂軍馳至,射之,矢及馬前。 湖 以江 馬 坪,矢盡,孝忠揮雙刀擊殺百餘人。 東提刑、江西招諭使知信州。明年正月,師變與武萬戶分定江東地,枋得以兵逆 被病 朸得 也。 乃變姓名,入建寧唐石 |枋得坐敵樓見之, 日:「馬歸, 孝忠敗矣。」遂奔信州。 已而 去,賣卜 建陽 市中,有來 山,轉茶坂,寓逆旅中,日 前軍稍卻,後 天下旣定,遂居閩中。 卜者,惟取米屨而已, 軍繞出孝忠後,衆驚潰, 枋得走入安仁,調准 麻 衣 、躡屨, 師變下安仁,進攻信 委以錢,率謝不取。 東 鄕 士張 m 孝忠中流 孝 忠逆

炎 赴 丞 以 詔 相 坊得薦,妨得遺書夢炎曰:「江南無人材,求一取呂飴甥、程嬰、杵臼廝養卒,不可得也。 。」丞相義之,不強也。 忙兀台將旨詔之,執手相勉勞。 至元二十三年,集賢學士程文海薦宋臣二十二人,以枋得爲首,辭不起。 二十五年,福建行省參政管如德將旨如江南求人材,尚書留夢 |枋得日:「上有澆、舜,下有巢、由,坊得名姓不祥,不敢 又明年,行省

|約之亡也,以八百國之精兵,而不敢抗二子之正論, |武王、太公凛凛無所容, 急以興滅繼絕

殿之後遂與周並立。使三監、准夷不叛,武庚必不死,殷命必不黜。夫女眞之待

謝

天下。

道時事 張宴然上書乞斂兵從和,上卽可之。 + 可 '還,太后可歸。 帝亦慘矣。 餘矣,所欠一死耳,豈復有它志哉!」終不行。 ,曰:「大元本無意江南,屢遣使使頓兵,令毋深入,待還歲幣卽議和 而我|宋今年遣使祈請,明年遣使問安。|王倫一市井無賴、狎邪小人,謂梓宮 終則二事皆符其言。今一王倫且無之,則江南無人材可見也。今吾年六 兵交二年,無一介行李之事,乃挈數百年宗社 郭少師從瀛國公入朝,旣而南歸,與枋得 ,無枉害生靈也。 而降。」

爲禮,與之言,坐而 曰:「天祐仕閩,無毫髮推廣德意, 福 建 行 省 一參政魏天祐見時方以求材為急,欲薦,协得為功,使其友趙孟迎來言, 不對。 天祐怒,強之而北。 反起銀冶病民,顧以 枋得即日食菜果。 我 **建飾好邪**? 」及見天祐, 又傲岸不 朸得駡

因

相

與痛哭。

事,時天基節上壽,大元兵奄至,徽明出兵戰死,二子趨進抱父屍,亦死。 壁間曹峨碑,泣曰:「小女子猶爾,吾豈不汝若哉!」留夢炎使醫持藥雜米飮進之, 曰:「吾欲死,汝乃欲生我邪?」棄之於地,終不食而死。 二十六年四月,至京師,問謝太后櫕所及瀛國所在,再拜慟哭。 伯父徽明以特奏恩爲當陽尉,攝縣 已而 病,遷憫忠寺,見 枋得怒

人,楊文仲當搶攘之時,猶能薦士,謝枋得嶔崎以全臣節,皆宋末之卓然者也。 潛,偉哉。 論 異乎懷二心以事其君者也。 曰:劉應龍不附賈似道,馮去非不附丁大全,潘牥論皇子城事,坎壈以終。 趙景緯,醇儒也,而無躁競之心。徐霖進則直言于朝,退則講道于里。徐宗仁國亡 危昭德經筵進對之言,悉載諸故史。陳塏能以意氣感 洪芹訟吳

## 校勘記

(1) 芹遷禮部侍郞 部侍郎、 、中書舍人一,下文又有「遷禮部侍郎 按繳奏係中書舍人職權,而非禮部侍郎所掌,並見本書職官志,上文芹「權禮 事、疑此處 一遷禮部侍郎 五字符,或有 誤

姚希得 原作「姚希德」,據本卷上文徐霖傳、本書卷四二一姚希得傳改

## 茶皮卷四百二十六

## 列傳第一百八十五

#### 循吏

高賦 陳靖 程師孟 張綸 邵 韓晉卿 曄 崔立 葉康直 魯有開 張逸 吳遵路 趙尙寬

**吏犯贓遇赦不原,防閑之令嚴矣。** 道精矣;監司祭郡守,郡守祭縣令,各以時上其殿最,又命朝臣專督治之,考課之方密矣; 宋法有可以得循吏者三:太祖之世,牧守令錄,躬自召見,問以政事,然後遣行,簡擇之

賞令,或自州縣善最,他日遂爲名臣,則撫字之長又不足以盡其平生,故始終三百餘年,循 更載諸簡策者十二人。作<u>獨</u>更傳。 承平之世,州縣東謹守法度以修其職業者,實多其人。 其間必有絕異之績,然後別於

列

frig Top

绐

Ħ

八十

Ŧī.

循

吏

持重示弱, 稱 犯邊,王師數不利,」構造從子上書,求入奏機略。詔就問之,上五策,曰:明賞罰;撫士 臣,豪猾有負險爲亂者,靖徒步謁轉運使楊克巽,陳討賊策。召還,授陽翟縣 陳靖字道卿,興化軍莆田人。好學,頗通古今。父仁壁,仕陳洪進爲泉州別駕。 待利而舉; 帥府許自辟士; 而將帥得專制境外。太宗異之, 改將作監丞, 主簿。 未

魔還,提點在京百司,遷太常博士。 唱名,或果知名士,卽置上科。喪父,起復祕書丞,直史館,判三司開拆司。淳化四年,使高 時御試進士,多擢文先就者爲高等,士皆習浮華,尙敏速。」時請以文付考官第甲乙,俟

幾,爲御史臺推勘官。

最 勸 及逃民產籍之,募耕作,賜耕者室廬、牛犂、種食,不足則給以庫錢。別其課爲十分,責州縣 庸使,或兼屯田制置,仍擇三司判官選通知民事者二人爲之貳。 讓,給印紙書之。分殿最爲三等:凡縣管墾田,一歲得課三分,二歲六分,三歲九分,爲下 太宗務興農事,詔有司議均田法,購議曰:「法未易遽行也。 歲四分,二歲七分,三歲至十分,爲中最; 一歲五分,未及三歲盈十分者,爲上最。 宜先命大臣或三司使爲租 兩京東西千里,檢責荒地

方,不過如此矣。」<u>太宗謂呂端曰:「</u>殷欲復井田,顧未能也,靖此策合殷意。」乃召見,賜食遣 候數歲,盡罷官屯田,悉用賦民,然後量人授田,度地均稅,約井田之制,爲定以法, 其最者, 令佐冤選或超資; 殿者, 即增選降資。 每州通以諸縣田爲十分, 視殿最行賞罰。 頒 行 四

使陳恕等各選判官二人與靖議,以靖爲京西勸農使, 不能償,則民受害矣。」帝以羣議終不同,始罷之,出歸知婺州,再遷尙書刑部員外郎 選等言其功難成,帝獨謂不然。 他日,帝又語端。 曰:「靖說雖是,第田未必墾,課未必入,請下三司雜議。」於是詔鹽鐵 既而歸欲假緡錢二萬試行之,陳恕等言:「錢一 命大理寺丞皇甫選、光祿寺丞何亮副 出,後

游惰之民以供役作。 國 餘萬。」復詔歸條上之,歸請刺史行春,縣令勸耕,孝悌力田者賜爵,置五保以檢察姦盜,籍 眞宗卽位,復列前所論勸農事,又言:「國家禦戎西北,而仰食東南, 請自京東、西及河北諸州大行勸農之法、こ,以殿最州縣官吏,歲可省江、淮漕 又下三司議,皆不果行。 東南食不足, 則誤 百

論 在三司判官。 前李氏橫賦於民凡十七事,詔爲罷其尤甚者。徙知潭州,歷度支、鹽鐵判官。 歷度支判官,爲京畿均田使,出爲淮南轉運副使兼發運司公事,徙江南曰,轉運使。極 又歷京西、京東轉運使,知泉、蘇、越三州,累遷太常少卿,進太僕卿、集賢院 祀汾陰,爲

列

傳

學士,知建州,徙泉州,拜左諫議大夫。初,靖與丁謂善,謂貶,黨人皆逐去,提點刑獄、侍御 一耿乃言靖老疾,不宜久爲鄕里官,於是以祕書監致仕,卒。

然其說泥古,多不可行。 崎平生多建選,而於農事尤詳,嘗取淳化、<br/>
處平以來所陳表章,目日勸農奏議,錄上之,

雷 獄,遷東頭 彭、簡等州都巡檢使〔ē〕。 所部卒縱酒掠居民,編斬首惡數人,衆乃定。徙<u>荆湖〔ē〕提點刑</u> 諭以向背。」有終用其說,賊果棄兵來降。 有 終討王均于蜀,有降寇數百據險叛,使編擊之,編馳報曰:「此窮寇,急之則生患,不如 張綸字公信,潁州汝陰人。少倜儻任氣。舉進士不中,補三班奉職,遷右班殿直。 、供奉官、提點開封府界縣鎭公事 以功遷右侍禁、慶州兵馬監押,擢閤門祗侯,益、

爲辰州 徙 奉使靈夏還,會辰州溪峒彭氏蠻內寇,以知辰州。 知渭州。改內殿崇班、 灃、鼎等州緣邊五溪十峒巡檢安撫使,諭蠻酋禍福,購還所掠民,遣官與盟,刻石于 知鎭戎軍。 奉使契丹,安撫使曹瑋表留之,不可。 <u>倫至,築蓬山</u>驛路,賊不得通,乃遁 蠻復入寇,

境上。

編曰:「濤之患十九,而潦之患十一,獲多而亡少,豈不可邪?」表三請,願身自臨役。 命棄 權 之患,又築漕河隄二百里于高郵北,旁錮鉅石爲十磋,以泄橫流。 用,鹽入優與之直,由是歲增課數十萬石。 十里,久廢不治,歲患海濤冒民田。 居二歲,增上供米八十萬。 知泰州,卒成堰,復逋戶二千六百,州民利之,爲立 久之,除江、淮制置發運副使。 疏五渠,導太湖入于海,復租米六十萬。 時鹽課大虧,乃奏除通、泰、楚三州鹽戶宿負,官助其器 **論方議修復,論者難之,以爲壽惠息而畜潦之惠興矣。** 復置鹽場于杭、秀、海三州,歲入課又百五十萬。 主生祠 泰州有捍海堰,延袤百五 開長蘆西河以避覆舟

市絮襦千數,衣其不能自存者。 恕,喜施予,在江、淮,見漕卒凍餒道死者衆,歎曰:「此有司之過,非所以體上仁也。」推奉錢 知滄州,再遷東上閣門使,眞拜乾州刺史,徙知潁州,卒。 居淮南六年,累遷文思使、昭州 刺史。 契丹隆緒死,爲弔慰副使。 篇有材略, 所至與利除害。 為人 歷知案、瀛二州, 网

南。 邵雌字日華,其先京兆人。唐末喪亂,曾祖岳挈族之荆南謁高季興,不見禮,遂之湖 彭玗刺全州,辟爲判官。 會賊魯仁恭寇連州,即署岳國子司菜、知州事,遂家桂陽。

崇德,道州錄事參軍。 父簡,連山令。

俄通 于死, 州 吾平民, 獄按驗。 錄 事 職 幼嗜 養,得知 判荆南,賜緋魚。遷著作佐郎、知忠州。歷太常丞、江南轉運副使,改監察御史。以母老 獄已具, 嘩祭其枉,不署牘,白全當核其實。 參單(語)。 深可嘉也。」賜錢五萬,下詔以全事戒諭天下。 旣而 學,恥從辟署。 御州。 捕獲正盜,道豐等遂得釋,全坐削籍爲民。 時太子中舍楊全知州,性悍率蒙昧,部民張道豐等三人被誣爲扨盜 入判三司磨勘司,遷工部員外郎、淮南轉運使。 太平興國 八年, 擢進 一士第,解褐,授邵陽主簿,改大理評 全不聽,引道豐等抵法,號呼不 授曄光祿寺丞,使廣南採訪刑獄。 | **唯代還引對,太宗謂曰:「爾能活** 服 事 ",再繫 知 |蓬 悉置

安撫 川等四圖 錢 龍 軍 而 廷 事 去 派使,許 貢 + ,其弟龍 景德中,假光祿卿,充交阯安撫國信使。 萬 奉, 初, ,頗詳控制之要。 त्री 別 詔 以 曄 便 廷 私 加 殺鉞自立,龍廷兄明護率扶蘭砦兵攻戰。 覿 宜 封 俟其事定, 物,及爲安撫 龥 一設方略。嘩貽書安南,諭朝廷威德,俾速定位。明護等卽時聽命,奉龍 丽 寵賜之。」眞宗 即以 黎桓禮物改賜新帥。 已償其半,餘皆詔除之。 谌 歸納。 會黎桓死,其子龍鉞嗣立,兄龍全率兵劫庫財 使還,改兵 職上言:「懷撫外夷,當示 | 曄 駐 **肾上**邕州至交州水陸路及宜州山 部 員 一嶺表,以事上聞,改命爲 外郎,賜金紫。 誠信,不若 初受使,假 緣 廷主 海 官 俟

京東 符初,起知兗州,表請東封,優詔答之。 四年,改右諫議大夫、知廣州。 轉運使。 俄判三司三勾院,坐所舉季隨犯贓,嘩當削一官,上以其遠使之勤,止令停任。 封禪禮畢,超拜刑部郎中,復判三勾院,出爲淮南、江、浙、荆湖制置發運使。 州城瀕海,每蕃舶至岸,常苦颶風,嘩鑿內濠通舟,颶不能 及遣王欽若、趙安仁經度封禪,仍判州事,就命曄爲 大中祥

俄蓋疾卒,年六十三。

崔立字本之,開封鄢陵人。 祖周度,仕周爲泰寧軍節度判官。 慕容彥超叛,周度以大

義責之,遂見殺。

記之,特改大理寺丞,知安豐縣。大水壞期斯塘,立躬督繕治,踰月而成。進殿中丞,歷通 論如率斂法,當斬三人,」立曰:「此非私已,罪杖爾。」從革初不聽,卒論奏,詔如立議。 立中進士第。 爲果州團練推官,役兵輦官物,道險,乃率衆錢,傭舟載歸。 知州姜從革 眞宗

萬,悉奏弛之。 會滑州塞 注決河, 知江陰軍,屬縣有利港久廢,立教民濬治,旣成,溉田數千頃,及開橫河六十 調民出芻楗,命」立提舉受納。 立計其用有餘, 而下戶未輸者尚二百

判廣州、許州

里,通運漕。 累遷太常少卿,歷知棣、漢、相、潞、兗、鄆、涇七州。 **兗州歲大饑,募富人出穀** 

十萬餘石振餓者,所全活者甚衆。

治道 工部侍郎致仕,卒。 水發徐州,旱連江、淮,無爲烈風,金陵火,天所以警驕惰、戒淫泆也,區區符瑞, 言哉? 立性淳謹,尤喜論事。一大中祥符間,帝旣封禪,士大夫爭奏上符瑞,獻贊頭, 」前後上四十餘事。以右諫議大夫知耀州,改知濠州,遷給事中。 **識韓琦於布衣,以女妻之,人**嘗服其鑒云。 告老,進尙書 尚何足爲 立獨言:

以無事 曹、濮劇盜橫行旁縣間,聞其名不敢入境。 魯有開字元翰, 興廢陂,溉民田數千頃。 參知政事宗道從子也。 富弼守察,薦之,以爲有古循吏風。 知確山縣,大姓把持官政,有開治其最甚者,遂 好禮學,通左氏春秋。用宗道蔭,知韋城縣。

行,未見其患,當在 則 誣 知 金州 天方旱, ,有蠱獄,當死者數十人,有開曰:「欲殺人,衷謀之足矣,安得若是衆邪。」訊之 獄白而 [異日也。]以所對乖異,出通判抗 雨。 知南康軍,代還。 熙寧行新法,王安石問江南如何,日:「法新 州

知衞州,水災,人乏食,擅貨常平錢栗與之,且奏乞蠲其息。 徙冀州,增隄,或謂:「郡無

隄 水患,何以役爲?」有開曰:「豫備不虞,古之善計也。」卒成之。 而 止。 朝廷遣使河北,民遮誦有開功狀,召爲膳部郎中。 元祐中,歷知信陽軍 明年河決,水果至,不能冒 洛滑州,

復守冀,官至中大天,卒。

察推官,數日,以母喪去。服除,引對,帝又固問之,對曰:「願得京官。」特改大理寺丞。帝雅 引對,眞宗問所欲何官,逸對曰:「母老在家,願得近鄉一幕職官,歸奉甘旨足矣。」授澶州 賢泌,再召問逸者,用泌薦也 知州謝泌將薦逸,先設几案,置章其上,望闕 張逸字大隱,鄭州滎陽人。進士及第,爲試祕書省校書郞。 再拜曰:「老臣爲朝廷得一良吏。」乃奏之。他日 知襄州鄧城縣, 有能名。 觀

旣 柏灘,夏秋暴漲多覆舟,逸禱江神,不踰月,灘爲徙五里,時人異之。再遷太常博士、知尉氏 徙河東,居數月,復徙陝西。以龍圖閣待制知梓州。 縣。擢監察御史,提點益州路刑獄,開封府判官。使契丹,爲兩浙轉運使。 至縣,興學校,教生徒。後邑人陳希亮、楊異相繼登科,逸改其居曰桂枝里。 知長水縣,時王嗣宗留守西京,厚遇之,及徙青神縣,貧不自給,嗣宗假奉半年使辦裝。 徙陝西,未赴,又 縣東南有松

列

傳第

百八十五

循吏

守法,殷何憂也。」又言:「頃禁命婦干禁中恩,比來稍通女謁,願令官司糾劾。」從之。 累遷尙書兵部郎中,知開封府。有僧求內降免田稅,而逸固執不許。仁宗曰:「有可能

之,又將廢穡事。今歲少稔,請一切放還,復其業。」報可。未幾,卒于官。 守者果服,立誅之,蜀人以爲神。會歲旱,逸使作堰壅江水,溉民田,自出公租減價以振民。 財,獄旣具,乃使殺人者守囚。逸曰"「囚色冤,守者氣不直,豈守者殺人乎?」囚始敢言,而 初,民饑多殺耕牛食之,犯者皆配關中。 逸奏:「民殺牛以活將死之命,與盜殺者異,若不禁 以樞密直學士知益州。逸凡四至閩,諳其民風。華陽騶長殺人,誣道旁行者,縣吏受

中,以備歲儉,已而果大乏食,民賴以濟,自他州流至者亦全十八九。累遷尚書司封員外 萬,以待凶歲。 郎,權開封府推官,改三司鹽鐵判官,加直史館,爲淮南轉運副使。會能江、淮發運使,遂兼郎,權開封府推官,改三司鹽鐵判官,加直史館,爲淮南轉運副使。會能江、淮發運使,遂兼 制,政事得失,下莫敢言。遵路條奏十餘事,語皆切直,忤太后意,出知常州。嘗預市米吳 吳邍路字安道。父淑,見文苑傳。第進士,累官至殿中丞,爲祕閣校理。章獻太后稱 嘗於眞楚泰州、高郵軍置斗門十九,以畜泄水利。又廣屬郡常平倉儲畜至二百 凡所規畫,後皆便之。

河 運 ." 급] 旣 路 遷 復置使,乃以爲發運使,未至,召修起居注。 計置糧草。受詔料揀河東鄉民可爲兵者,諸路視以爲法。 工部郎中,坐失按蘄州王蒙正故入部吏死罪,降知洪州。 元昊反,建請復民兵。除天章閣 進兵部即中、權知開封府, 徙廣州, 辭不行。 是時發 待制、

馭吏嚴肅,屬縣無追逮。

決事 州 不輟,手自作奏。及卒,仁宗聞而悼之,詔遣官護喪還京師。 上禦戎要略、邊防雜事二十篇。 時宋庠、鄭戩 、葉清臣皆宰相呂夷簡所不悅,遵路與三人雅相厚善,夷簡忌之,出知宣 徙陝西都轉運使,遷龍圖閣直學士、知永興軍,被病猶

淹 其爲政簡易不爲聲威,立朝敢言,無所阿倚。 分奉賙 遵路 其家 幼聰敏,既長,博學知大體。 母喪,廬墓蔬食終制。性夷雅愼重,寡言笑,善筆札。 平居廉儉無他好,既沒,室無長物,其友范仲

子暎、爲尙書比部員外郎、不待老而歸。

殺居民,將犯境,倘寬趣尉出捕,曰:「盜謂我不能來,方怠惰,易取 趙尙寬字濟之,河南人,參知政事安仁子也。 知平陽縣。 鄰 邑有 也。 大囚 宜 귮 一往,毋使得散漫, 十數,破械夜逸,

且爲害。」尉旣出,又遣徼巡兵躡其後,悉獲之。

轉運使持鹽數十萬斤,課民易白金,期會促,尙寬發官帑所儲副其須,徐與民爲市,不擾而 知 思州,俗畜蠱殺人,尚寬揭方書市中,敎人服藥,募索爲蠱者窮治,置于理,大化其俗。

以美之。 膏腴,增戶積萬餘。 議者欲廢爲邑。 而嘉之,下詔褒焉,仍進秩賜金。 而四方之民來者雲布,尙寬復請以荒田計 召信臣 嘉祐中,以考課第一知唐州。 .陂渠故迹,益發卒復疏三陂一渠,溉田萬餘頃。 尚寬曰:「土曠可益墾辟,民稀可益招徠,何廢郡之有?」乃按視圖記,得漢 尚寬勤於農政,治有異等之效,三司使包拯與部使者交上其事,仁宗聞 留于唐凡五年,民像以祠,而王安石、蘇軾作新田、新渠詩 唐素沃壤,經五代亂,田不耕,土曠民稀,賦不足以充役, 口授之,及貸民官錢買耕牛。 又教民自爲支渠數十,轉相浸灌。 比三年,榛莽復爲

廷推功,自少府監以直龍圖閣知梓州。積官至司農卿,卒,詔賜錢五 衆乃安。 徙同、宿二州,河中府神勇卒苦大校貪虐,刊匿名書告變,倘寬命焚之,曰:「妄言耳。」 已而奏黜校,分士卒隸他營。 又徙梓州。 尚寬去唐數歲,田 一十萬 日加關,戶日益衆,朝

列傳第一百八十五 循吏

| 真定縣,通判劍邢石州、成德軍。 赋字正臣,中山人。以父任爲右班殿直。 知衢州,俗尙巫鬼,民毛氏、柴氏二十餘家世蓄蠱毒,值閨 復舉進士,改奉禮郎,四遷太常博士。歷知

歲,害人尤多,與人忿爭輒毒之。賦悉擒治伏辜,蠱患遂絕。

不成。 北注三塘泊。 爲生立祠。 戶增萬一千三百八十,歲益稅二萬二千二百五十七。 兩河流民、計口給田使耕、作陂堰四十四。再滿再留、比其去、田增闢三萬一千三百餘頃、 徙唐州,州田經百年曠不耕,前守趙尚寬菑墾不遺力,而榛莽者尚多。 擢提點河東刑獄, 又加直龍圖閣、 賦曰:「滄城近河,歲增隄防,猶懼奔溢,矧妄有開鑿乎?」 助執不從,後功竟 知滄州。 **墾書褒諭**,宣布治狀以勸天下, 程昉欲於境內開 西流河,繞州城而 賦繼其後,益募 兩州

爲定式。」請諸道提點刑獄司置檢法官,庶專平讞,使民不冤。乞於禁中建閣,繪功臣像,如 爲兗國公主治第,用錢數十萬緡。今有五大長公主,若悉如前比,其費無藝。願講求中制,裁 漢雲臺、唐凌煙之制。言多施行。 委告,散處京城,公私非便。 宜傲前代丞相府,於端門前列置大第,俾居之。」又言:「仁宗朝 歷際、潞二州,入同判太常寺,進集賢院學士。 在朝多所建明,嘗言:「二府大臣或僦舍 以通議大夫致仕,退居襄陽,卒年八十四。

倉, 邊, 適凶歲, 振民不足, 即矯發他儲, 不俟報。 吏懼, 白不可, 師孟曰: 「必俟報, 餓者盡死 使者治所在萬州,相去遠,有警,率狹日乃至。 程 師孟字公闢,吳人。進士甲科。累知南康軍、楚州,提點變路刑獄。 師孟奏徙於渝。 變部無常平栗,建請置 瀘戎數犯渝州

師孟 洪州,積石爲江隄,浚章溝,揭北閘,以節水升降,後無水患。 勸民出錢開渠築堰,淤良田萬八千頃,哀其事爲水利圖經,强之州縣。 徙河東路。 **晉地多土山,旁接川谷,春夏大雨,水濁如黃河,俗謂之「天河」,可溉灌。** 爲度支判官。知

矣。」竟發之。

北人漁界河爲罪,豈理也哉?」師孟曰:「兩朝當守誓約,涿郡有案牘可覆視,君舍文書,騰 口說,詎欲生事耶?」惟輔愧謝。 判三司都磨勘司,接伴契丹使,蕭惟輔曰:「白溝之地當兩屬,今南朝植柳數里,而以

直昭文館,知福州,築子城,建學舍,治行最東南。徙廣州,州城爲儂寇所毀,他日 **駭**竄,方伯相踵至,皆言土疏惡不可築。 出爲江西轉運使。 盜發袁州,州吏爲耳目,久不獲,師孟城吏數輩送獄,盜卽成擒。 師孟在廣六年,作西城,及交阯陷邕管, 聞廣守備 有警,民 加

固,不敢東。 時師孟已召還,朝廷念前功,以爲給事中、集賢殿修撰,判都水監

迎者東西向。 曰:「是卑我也。」不就列,自日昃爭至暮,從者失色,師孟辭氣益厲,叱儐者易之,於是 賀契丹主生辰氏的,至涿州,契丹命席,迎者正南向,涿州官西向,宋使价東向。 明日,涿人餞于郊,疾馳過不顧,涿人移雄州以爲言,坐罷歸班。 復起知越 更與 師孟

必痛懲艾之,至剿絕乃已,所部肅然。 師孟累領劇鎭,爲政簡而嚴,罪非死者不以屬吏。 洪、福、廣、越爲立生祠。 發隱 擿伏如神, 得豪惡不逞跌宕者

M、 青州, 遂致仕, 以光祿大夫卒, 年七十八。

簿、安肅 韓晉卿字伯修, 密州安丘人。 軍 司法參軍、平城令、大理詳斷、審刑詳議官,通判應天府,知同州、壽州,奏課第 爲童子時, 日誦書數千言。 長以五經中第,歷肥鄉嘉 興

一,擢刑部郎中。

主

元站 初, 知明州, 兩浙轉運使差役法復行,諸道處畫多倉卒失敍,獨晉卿視民所宜 而不

戾法指。入爲大理少卿,遷卿。

晉卿自仁宗朝已 一典訟臬,時朝廷有疑議, 輒下公卿雜議。 開封民爭鶉殺人,王安石以

爲 盗 拒捕鬥而死,殺之無罪,晉卿曰:「是鬥殺也。」登州婦人謀殺夫,郡守許遵執爲按問,安

石復主之,晉卿曰:「當死。」事久不決,爭論盈庭,終持之不肯變,用是知名。

事連貴要、屢鞠弗成者,必以委之。嘗被詔按治寧州獄,循故事當入對,晉卿曰:「奉使有指, 元豐置大理獄,多內庭所付,晉卿持平考核,無所上下。神宗稱其才,每讞獄雖明,若

三尺法具在,豈應刺候主意,輕重其心乎?」受命卽行。

許上請,祖宗之制也。 行其說,故士大夫間推其忠厚,不以法家名之。卒于官。 荷讞而獲譴,後不來矣。」議者又欲引唐日覆奏,令天下庶戮悉奏决。 諸州請讞大辟,執政惡其多,將劾不應讞者。晉卿曰:「聽斷求所以生之,仁恩之至也。 四海萬里,必須繫以聽朝命, 恐自今瘐死者多於伏辜者矣。」朝廷皆 晉卿言:「可疑可矜者

寧火息。 葉康直字景温,建州人。 凡政皆務以利民 **擢進士第,知光化縣。** 時豐稷爲穀城令,亦以治績顯,人歌之曰:「葉光化,豐穀城, 縣多竹,民皆編爲屋,康直教用 陶

清如水,平如衡。 」 以

曾布行新法,以爲司農屬。 歷永興、秦鳳轉運判官,徙陝西,進提點刑獄、轉運副使。

五 路兵西征,康直領涇原糧道,承受內侍梁同以餉惡妄奏,神宗怒,械康直,將誅之,王安禮

力救,得歸故官。

寶文閣 改知河中府,復爲秦州。 元祐初,加直龍圖閣,知秦州。 待制、陜西都運使。 夏人侵甘谷,康直戒諸將設伏以待,殲其二酋,自是不敢犯境。進 以疾請知亳州, 中書舍人曾肇、蘇轍劾康直諂事李憲,免官,究實無狀, 通濬積潦, 民獲田數十萬畝。 召爲兵部侍郎,

校勘記

(三) 江南

卒,年六十四。

[1] 請自京東西及河北諸州大行勸農之法 「京」字原脫,據東都事略卷一一二本傳補

原作「河南」,據東都事略卷一一二本傳及下文「極論前李氏橫賦於民十七事」改。

(三) **益彭簡等州都巡檢使** 「彭」原作「彰」,據東都事略卷一一二本傳改。

(四) 荆湖 原作「荆州」,據東都事略卷一一二本傳、范仲淹范文正公集卷一 張綸神道碑改。

(至) 知蓬州錄事參軍 「蓬州」,東都事略卷一一二本傳作「連州」。

( 六 賀契丹主生辰 「主」字原脫,本書卷一五神宗紀熙寧九年八月, 「遣程師孟等賀遼主生辰」,

今補。

列 傳 第 百 八 + 五 校 勘 記

# 宋史卷四百二十七

## 列傳第一百八十六

#### 道學一

周敦頤 程顥 程頤 張載 弟戩 邵雍

黨、庠、術、序師弟子以是道爲講習,四方百姓日用是道而不知。是故盈覆載之間,無一民 物不被是道之澤,以遂其性。於斯時也,道學之名,何自而立哉。 「道學」之名,古無是也。三代盛時,天子以是道爲政敎,大臣百官有司以是道爲職業,

磨、舜遠矣。」孔子沒,曾子獨得其傳,傳之子思,以及孟子,孟子沒而無傳。 之論大道,祭焉而弗精,語焉而弗詳,異端邪說起而乘之,幾至大壞。 憲章,删詩,修春秋,讚易緣,討論墳、典,期使五三聖人之道昭明於無窮。故曰:「夫子賢於 文王、周公旣沒,孔子有德無位,旣不能使是道之用漸被斯世,退而與其徒定禮樂,明 兩漢而下,儒者

列傳第一百八十六 道學一

門,融會貫通,無復餘蘊。 大其所聞,表章大學、中庸二篇,與語、孟並行,於是上自帝王傳心之奧,下至初學入德之 大原出於天者,灼然而無疑焉。 陽 五 行之理,命於天而性於人者,瞭若指掌。 千有餘載,至宋中葉,周敦頤出於春陵,乃得聖賢不傳之學,作太極圖說、通書,推明陰 仁宗明道初年,程顯及弟頤寔生,及長,受業周氏,已乃擴 張載作西銘,又極言理一分殊之旨,然後道之

時君世主,欲復天德王道之治,必來此取法矣。 代之汚隆,氣化之榮悴,有所關係也甚大。道學盛於宋,宋弗究於用,甚至有厲禁焉。 是皆煥然而大明,秩然而各得其所。此宋儒之學所以度越諸子,而上接孟氏者歟。其於世 凡詩、書、六藝之文,與夫凡、孟之遺言,顯錯於秦火,支離於漢儒,幽沉於魏、晉、六朝者,至 迄宋南渡,新安朱熹得程氏正傳,其學加親切焉。大抵以格物致知爲先,明善誠身爲要,

氏,既見朱熹,相與博約又大進焉。 邵雍高明英悟,程氏實推重之,舊史列之隱逸,未當,今置張載後。張栻之學,亦出程 其他程、朱門人,考其源委,各以類從,作道學傳。

周敦頤字茂叔,道州營道人。元名敦實,避英宗舊諱改焉。 以舅龍圖閣學士鄭向任,

獨與之辨, 不聽, 乃委手版歸,將棄官去,曰:「如此尚可仕乎!殺人以媚人, 調 爲分寧主簿。 南安軍 司理參軍。 有獄久不決,敦頤至, 有囚法不當死,轉運使王逵欲深治之。達,酷悍吏也,衆莫敢爭,敦頤 一訊立辨。邑人驚曰:「老吏不如也。」部使者薦之, 吾不爲也。」

逵悟,囚得死。

叔也。」 超然。通判虚州,排守虚,熟視其所爲,乃大悟,執其手曰:「吾幾失君矣,今而後乃知周茂 判官,事不經手,更不敢決,雖下之,民不肯從。部使者趙抃惑於譖口,臨之甚威,敦頤處之 所訴矣。」富家大姓、點東惡少,惴惴焉不獨以得罪於令爲憂,而又以汚穢善政爲恥。歷合州 老無及矣,請爲公言之。」二年果有得。徙知南昌,南昌人皆曰:「是能辨分寧獄者,吾屬得 移郴之桂陽令,治績尤著。 郡守李初平賢之,語之曰:「吾欲讀書,何如?」敦頤曰:「公

合於湓江,取營道所居濂溪以名之。|抃再鎭圖,將奏用之,未及而卒,年五十七 行部不憚勞苦,雖瘴癘險遠,亦緩視徐按。以疾求知南康軍。因家廬山蓮花峯下,前有溪, 熙寧初,知郴州。用抃及呂公著薦,爲廣東轉運判官,提點刑獄,以洗寃澤物爲已任。

於得民,菲於奉身而燕及榮嫠,陋於希世而尙友千古」。 黃庭堅稱其「人品甚高,胸懷灑落,如光風霽月。 廉於取名而銳於求志,薄於徼福而厚

博學力行,著太極圖,明天理之根源,究萬物之終始。 其說日:

定之以中正仁義而主靜,立人極焉。 鬼神合其吉凶。 之精,妙合而凝,乾道成男,坤道成女。二氣交感,化生萬物,萬物生生,而變化無窮焉。 行一陰陽也,陰陽一太極也,太極本無極也。 根,分陰分陽,兩儀立焉。陽變陰合,而生水、火、木、金、土,五氣順布,四時行焉。 [柔與剛。 惟人也得其秀而最靈,形旣生矣,神發知矣,五性感動而善惡分,萬事出矣。 無極而太極。 立人之道,日仁與義。」又曰:「原始反終,故知死生之說。」大哉爲也,斯 君子修之吉,小人悖之凶。故曰:「立天之道,日陰與陽。 太極動而生陽,動極而靜,靜而生陰,靜極復動,一動一靜,瓦爲其 故聖人與天地合其德,日月合其明,四時合其序, 五行之生也,各一其性。 無極之眞,二五 立地之道, 聖人

又著通: 書四十篇,發明太極之蘊。 序者謂「其言約而道大,文質而義精」得凡、孟之本源,大

有功於學者

也。

其至矣。

自自 顧、頤住受業焉。 再見周茂叔後,吟風弄月以歸,有『吾與點也』之意。」侯師聖學於程頤,未悟,訪敦頤,敦 <u>掾南安時,程</u>珦通判軍事,視其氣貌非常人,與語,知其爲學知道,因與爲友,使二子 敦頤每令尋孔、顏樂處,所樂何事,二程之學源流乎此矣。 故顥之言曰:

頤 ·日:「吾老矣, 說不可不詳。」 留對榻夜談, 越三日乃還。 頤驚異之, 曰:「非從周茂叔來

耶?」其善開發人類此。

嘉定十三年,賜諡曰元公,淳祐元年,封汝南伯,從祀孔子廟庭。

二子壽、燾,燾官至寶文閣待制。

程顯字伯淳,世居中山,後從開封徙河南。

禁,珦安坐不動,頃之遂定。熙寧法行,爲守令者奉命唯恐後,珦獨抗議,指其未便。使者李 元瑜怒,即移病歸,旋致仕,累轉太中大夫。 元祐五年,卒,年八十五。 乃息。徙知磁州,又徙漢州。嘗宴客開元僧舍,酒方行,人讙言佛光見,觀者相騰踐,不可 希範旣誅,鄉人忽傳其神降,言「當爲我南海立祠」,於是迎其神以往,至龔, 珦使詰之,日: 「比過潯,潯守以爲妖,投祠具江中,逆流而上,守懼,乃更致禮。」]珣使復投之,順流去,其妄 高祖羽,太宗朝三司使。父珦,仁宗錄舊臣後,以爲黃陂尉。久之,知龔州。時宜獠區

人,無日不察其饑飽寒燠。 前後五得任子,以均諸父之子孫。嫁遣孤女,必盡其力。所得 左右使令之

列

百八

十六

道

一百,官給其葬

子,均於子 奉祿,分贍親戚之貧者。 時官小祿薄,克己爲義,人以爲難。文彥博、蘇頌等九人表其淸節,詔賜帛 伯母寡居,奉養甚至。從女兄旣適人而喪其夫,阿迎以歸,敎養其

有池, 產龍如蜥蜴而五色。 祥符中嘗取二龍入都, 半塗失其一, 中使云飛空而逝。 民俗嚴 |顥問:「幾何年?」曰:「四十年。」「彼借居幾時?」曰:「二十年矣。」遣吏取十千視之,謂訴者 奉不懈,顥捕而脯之。 曰:「今官所鑄錢,不五六年卽遍天下,此皆未藏前數十年所鑄,何也?」其人不能答。 **顧舉進士,調酆、上元主簿。** 鄠民有借兄宅居者,發地得瘞錢,兄之子訴曰:「父所藏。」 学山山

曰:「某年月日,抱兒與張三翁家。」顯問:「張是時纔四十,安得有翁稱?」 叟駭謝。 曰:「身爲醫,遠出治疾,而妻生子,貧不能養,以與脹。」願質其驗。 取懷中一書進,其所記 爲晉城令,富人張氏父死,旦有老叟踵門曰:「我,汝父也。」子驚疑莫測,相與詣縣。叟

出於其途者,疾病皆有所養。 使之力役相助,患難相卹,而姦偽無所容。凡孤榮殘廢者,責之親戚鄉黨,使無失所。行旅 民以事至縣者,必告以孝弟忠信,入所以事其父兄,出所以事其長上。度鄉村遠近爲伍保, 民稅粟多移近邊,載往則道遠,就糴則價高。顯擇富而可任者,預使貯聚以待,費人省。 鄉必有校,暇時親至,召父老與之語。兒童所讀書,親爲正句

讀,教者不善,則爲易置。擇子弟之秀者,聚而敎之。 鄉民爲社會,爲立科條,旌別善惡,使

有勸有恥。在縣三歲,民愛之如父母。

乎? 之欲,及勿輕天下士,帝俯躬曰:「當爲卿戒之。」 曰:「頻求對,欲常常見卿。」一日,從容咨訪,報正午,始趨出,庭中人曰:「御史不知上未食 ·」前後進說甚多,大要以正心窒慾、求賢育材爲言,務以誠意感悟主上。 嘗勸帝防未萌 熙寧初,用呂公著薦,爲太子中允、監察御史裏行。 神宗素知其名,數召見,每退,必

排斥忠良,沮廢公議,用賤陵貴,以邪干正者乎?正使徼倖有小成,而興 事也;舍而之險阻,不足以言智。自古興治立事,未有中外人情交謂不可而能 事,願未嘗一語及於功利。居職八九月,數論時政,最後言曰:「智者若禹之行水,行其所無事,願未嘗一語及於功利。居職八九月,數論時政,最後言曰:「智者若禹之行水,行其所無 怒言者,厲色待之。 顥徐曰:「天下事非一家私議,願平氣以聽。」安石爲之愧屈。 自安石用 怒,但出提點京西刑獄。 之風浸衰, 尤非朝廷之福。」遂乞去言職。 安石本與之善, 及是雖不合, 猶敬其忠信, 直,以爲己所不如 王安石執政,議更法令,中外皆不以爲便,言者攻之甚力。 題被旨赴中堂議事,安石方 願固辭, 改簽書鎭寧軍判官。 司馬光在長安,上疏求退,稱顏公 利之臣日進, 有 :成者,况於 尙

程昉治河,取澶卒八百而虐用之,衆逃歸。 列 傳 八 十六 道 學 羣僚畏昉,欲勿納。 顥曰:「彼逃死自歸,弗 一二七一五

納必 我,何能爲。」果不敢言。 亂。 若昉怒,吾自任之。」卽親往啓門拊勞,約少休三日復役,衆驩踊而入。 助後過州,揚言曰:「澶卒之潰,蓋<u>程中</u>允誘之,吾且訴于上。」願聞之,曰:「彼方憚 具以事上,

廂卒見付。」渙以鎭印付顥,立走决所,激諭士卒。議者以爲勢不可塞,徒勞人爾。 曹村埽决,顥謂郡守劉渙曰:「曹村决,京師可虞。臣子之分,身可塞亦所當爲,盍盡遣 顥命善

泅者度决口,引巨索濟衆,兩岸並進,數日而合。

得一人,使引其類,貰宿惡,分地處之,令以挽經爲業,且察爲奸者,自是境無焚剽患。 溝縣。<br />
廣濟、蔡河在縣境,瀕河惡子無生理,專脅取行舟財貨,歲必焚舟十數以立威。 官。又坐獄逸囚,責監汝州鹽稅行。哲宗立,召爲宗正丞,未行而卒,年五十四。 取於民,法所禁也,獨有令故青帳可用爾。」除判武學,李定劾其新法之初首爲異論,罷歸故 王中正按閱保甲,權焰章震,諸邑競侈供張悅之,主吏來請,願曰:「吾邑貧,安能效他邑。 求監洛河竹木務,歷年不敍伐閱,特遷太常丞。帝又欲使修三經義,執政不可,命知扶 題捕

之習,慨然有求道之志。泛濫於諸家,出入於老、釋者幾十年,返求諸六經而後得之。秦、漢 之容。遇事優爲,雖當倉卒,不動聲色。自十五六時,與弟頤聞汝南周敦頤論學,遂厭科舉 顧資性過人,充養有道,和粹之氣,盎於面背,門人交友從之數十年,亦未嘗見其念厲

以來,未有臻斯理者。

以入道。」 雖高才明智,膠於見聞,醉生夢死,不自覺也。 陋 成務,言爲無不周遍,實則外於倫理,窮深極微,而不可以入內之之。 厭卑近而鶩高遠,卒無成焉,故其言曰:「道之不明,異端害之也。 昔之害近而易知,今之害 固滯、則必入於此。 而難辨。 教人自致知至於知止,誠意至於平天下,洒掃應對至於窮理盡性,循循有序。 昔之惑人也乘其迷暗,今之惑人也因其高明。 自道之不明也,邪誕妖妄之說競起,塗生民之耳目,溺天下於汚濁, 是皆正路之蓁蕪,聖門之蔽塞,辟之而後可 自謂之窮神知化,而不足以開物 天下之學,非淺 病學者

向,則孰 辨異端,闢邪說,使聖人之道煥然復明於世,蓋自孟子之後,一人而已。 所之,人欲肆而天理滅矣。先生生于千四百年之後,得不傳之學於遺經,以興起斯文爲已任, 載無眞儒。 之曰:「周公沒,聖人之道不行;」孟軻死,聖人之學不傳。道不行,百世無善治;學不傳,千 願之死,士大夫證與不識,莫不哀傷焉。文彥博采衆論,題其墓日明道先生。 知斯 無善治,士猶得以明夫善治之道,以淑諸人,以傳諸後;無眞儒,則貿貿焉莫知 人之爲功,不知所至,則孰知斯名之稱情也哉。」 然學者於道不知所 其弟頤序

嘉定十三年,賜諡曰純公。 列 僔 第 百 八 + 六 道 學 淳祐元年封河南伯,從祀孔子廟庭。

程頤字正叔。年十八,上書闕下,欲天子黜世俗之論,以王道爲心。遊太學,見胡瑗問

諸生以)顏子所好何學,頤因答曰:

矣,外物觸其形而動其中矣,其中動而七情出焉,曰喜、怒、哀、樂、愛、惡、欲。情旣熾 其情而至於邪僻,梏其性而亡之。 而益蕩,其性鑿矣。是故覺者約其情使合於中,正其心,養其性,愚者則不知制之,縱 五行之秀者爲人,其本也眞而靜,其未發也,五性具焉,曰仁、義、禮、智、信。形旣生 學以至聖人之道也。聖人可學而至歟?曰:然。學之道如何?曰:天地儲精,得

必於是,出處語默必於是,久而弗失,則居之安,動容周旋中禮,而邪僻之心無自生矣。 嘗復行。」此其好之篤,學之得其道也。 然聖人則不思而得,不勉而中,<u>顏子</u>則必思而 在乎信道篤,信道篤則行之果,行之果則守之固,仁義忠信不離乎心,造次必於是,顚沛 「得一善則拳拳服膺而弗失之矣。」又曰:「不遷怒,不貳過。」「有不善未嘗不知,知之未 然學之道,必先明諸心,知所養,然後力行以求至,所謂「自明而誠」也。誠之之道, 故顏子所事,則曰:「非禮勿視,非禮勿聽,非禮勿言,非禮勿動。」仲尼稱之,則曰:

後得,必勉而後中。 其與聖人相去一息,所未至者守之也,非化之也。以其好學之心,

假之以年,則不日而化矣。

博聞強記、巧文麗辭爲工,榮華其言,鮮有至於道者。則今之學,與顏子所好異矣。 後人不達,以謂聖本生知,非學可至,而爲學之道遂失。 不求諸己,而求諸外,以

**|** 暖得其文,大驚異之,即延見,處以學職。 呂希哲首以師禮事頤。

蹈,聖世之逸民。望擢以不次,使士類有所矜式。」詔以爲西京國子監教授,力辭 |府處士程頤,力學好古,安貧守節,言必忠信,動瓊禮法。 年踰五十,不求仕進,眞儒者之高 治平、元豐間,大臣屢薦,皆不起。 哲宗初,司馬光、呂公著共疏其行義曰:「伏見河南

規, 得於天資,而輔養之道不可不至。大率一日之中,接賢士大夫之時多,親寺人宮女之時少, 則氣質變化,自然而成。願選名儒入侍勸講,講罷留之分直,以備訪問,或有小失,隨事獻 夫人民善教其子弟者,亦必延名德之士,使與之處,以薰陶成性。 况陛下春秋之富,雖睿聖 「有是乎?」曰:「然,誠恐傷之爾。」頤曰:「推此心以及四海,帝王之要道也。」 歲月積久,必能養成聖德。」頤每進講,色甚莊,繼以諷諫。 蕁召為秘書省校書鄓,旣入見,擢崇政殿說書。即上疏言:「習與智長,化與心成。今 聞帝在宮中盥而避蟻,問:

神宗喪未除,多至,百官表賀,頤言:「節序變遷,時思方切,乞改賀爲慰。」旣除喪,有司

列

以瘡疹不御邇英累日,頤詣宰相問安否至,且曰:「上不御殿,太后不當獨坐。且人主有疾, 請開樂置宴,願又言:「除喪而用吉禮,尙當因事張樂,今特設宴,是喜之也。」皆從之。 帝嘗

大臣可不知乎?」翌日,宰相以下始奏請問疾。

兩,頤不受。徽宗卽位,徙峽州,俄復其官,又奪於崇寧。卒年七十五 官。紹聖中,削籍竀涪州。李清臣尹洛,即日迫遣之,欲入別叔母亦不許,明日贐以銀百 蘇軾不悅於頤,頤門人賈易、朱光庭不能平,合攻軾。 胡宗愈、顧臨詆頤不宜用,孔文 董敦逸復摭其有怨望語,去

之士,被堅執銳,以守土宇,吾得而安之。無功澤及人,而浪度歲月,晏然爲天地間一蠹,唯 得孔、孟不傳之學,以爲諸儒倡。其言之旨,若布帛菽粟然,知德者尤尊崇之。嘗言:「今農 綴緝聖人遺書,庶幾有補爾。」於是著易、春秋傳以傳於世。 揚傳序曰: 夫祁寒暑雨,深耕易耨,播種五穀,吾得而食之;,百工技藝,作爲器物,吾得而用之;,介胄 一以聖人為師,其不至乎聖人不止也。張載稱其兄弟從十四五時,便脫然欲學聖人,故卒 頤於書無所不讀,其學本於誠,以大學、語、孟、中庸爲標指,而達于六經。 動止

故,盡事物之情,而示開物成務之道也。聖人之憂患後世,可謂至矣。去古雖遠,遺經 易,變易也,隨時變易以從道也。其爲書也,廣大悉備,將以順性命之理,通幽明之

尙存,然而前儒失意以傳言,後學誦言而**忘味**,自秦而下,蓋無傳矣。予生千載之後,

悼斯文之湮晦,將俾後人沿流而求源,此傳所以作也。

其典禮,則辭無所不備。故善學者,求言必自近,易於近者,非知言者也。予所傳者辭 得於辭而能通其意者也。至微者理也,至著者象也。體用一源,顯微無間,觀會通以行 也,由辭以得意,則在乎人焉。 倘其占」。吉凶消長之理、進退存亡之道備於辭,推辭考卦可以知變,象與占在其中矣**。** 「君子居則觀其象而玩其辭,動則觀其變而玩其占」,得於辭不達其意者有矣,未有不 「易有聖人之道四焉:以言者尙其辭,以動者尙其變,以制器者尙其象,以卜筮者

### 春秋傳序日:

之更尚,人道備矣,天運周矣。聖王旣不復作,有天下者雖欲做古之跡,亦私意妄爲而 不先天以開人,各因時而立政。暨乎三王迭興,三重旣備,子、丑、寅之建正,忠、質、文 已。事之繆,秦至以建亥爲正,道之悖,漢專以智力持世,豈復知先王之道也。 理明,然後人道立,天道成,地道平。二帝而上,聖賢世出,隨時有作,順乎風氣之宜, 天之生民,必有出類之才起而君長之,治之而爭奪息,導之而生養遂,敎之而倫

列

夫子當周之末,以聖人不復作也,順天應時之治不復有也,於是作養秋,爲百王不

以 也,唯顏子嘗聞之矣。「行夏之時,乘殷之輅,服周之冕,樂則韶舞」,此其準的也。 易之大法。 而 少視春秋,謂褒善貶惡而已,至於經世之大法,則不知也。 不惑」者也。 所謂「考諸三王而不繆,建諸天地而不悖,質諸鬼神而無疑,百世以俟聖人 先儒之傳,游、夏不能贊一辭,辭不待贊者也,言不能與於斯爾 斯道

之治。 涵泳, 後 之宜,是非之公,乃制事之權衡,揆道之模範也。 難 (知作室之用,於一事一義而欲窺聖人之用心,非上智不能也。 知 也。 春秋大義數十,其義雖大,炳如日星,乃易見也。 默識心通,然後能造其微也。 或抑或縱,或予或奪,或進或退,或微或顯,而得乎義理之安,文質之中,寬猛 後王知春秋之義,則雖德非禹、陽,尚可以法三代 夫觀百物然後識化工之神, 聚衆材然 惟其微辭隱義、時措從宜者,爲 故學春秋者,必優游

其文 而 自 求其義,得其 秦而下,其學不傳,予悼夫聖人之志不明於後世也,故作傳以明之,俾後之人通 意 而法其用,則三代可復也。 是傳也,雖未能極聖人之蘊奧,庶幾

川先生。 平 生. 嘉定十三年,賜諡曰正公。 誨 人不 倦,故學者出其門最 淳祐元年,封伊陽伯,從祀孔子廟庭 多, 淵源所漸,皆爲名士。涪人祠頤於北巖, 世稱為伊

學者

得

其門而

入矣。

之。」撤坐輟講。與二程語道學之要,渙然自信曰:「吾道自足,何事旁求。」於是盡棄異學, 者甚衆。 未足, 又訪諸釋、老, 累年究極其說, 見知其遠器,乃警之曰:「儒者自有名敎可樂,何事於兵。」因勸讀中庸。 淳如也。 张載字子厚,長安人。少喜談兵,至欲結客取逃西之地。年二十一,以書謁范仲淹, 一夕,二程至,與論場,次日語人曰:「比見二程,深明場道,吾所弗及, 知無所得, 反而求之六經。 當坐虎皮講易京師, 聽從 載讀其書, 汝輩 **獨以寫** 可師

會縣庭,親爲勸酬,使人知養老事長之義,因問民疾苦,及告所以訓戒子弟之意 舉進士,爲祁州司法參軍,雲巖令。政事以敦本善俗爲先,每月吉,具酒食,召鄉人高年

獄起,往治之,末殺其罪。 新政,載曰:「公與人爲善,則人以善歸公;如敎玉人琢玉,則宜有不受命者矣。」 道,對曰:「爲政不法|三代者,終苟道也。」帝悅,以爲崇文院校書。 熙寧初, 御史中丞呂公著言其有古學,神宗方一新百度,思得才哲士謀之, 他日見王安石, 明州苗振 安石問以 召見問治

列傳第一百八十六 道學

體,以孔、孟爲法,黜怪妄,辨鬼神。 中 不求爲聖人,此秦、漢以來學者大蔽也。 學,每告以 田、宅里、發斂、學校之法,皆欲條理成書,使可舉而措諸事業。 ·夜起坐,取燭以書。其志道精思,未始須臾息,亦未嘗須臾忘也。 還朝, 知禮成性、變化氣質之道,學必如聖人而後已。以爲知人而不知天,求爲賢人而 即移疾屏居南山下,終日危坐一室,左右簡編,俯而讀,仰而思,有得則識之,或 其家昏喪葬祭,率用先王之意,而傅以今禮。 故其學尊禮貴德、樂天安命,以易爲宗,以中庸爲 敞衣蔬食, 與諸生講 又論定井

備諮 而卒。 館 職 半 訪。」乃韶 呂大防薦之曰"「載之始終, 賻 貧 (無以: 愈,門人共買棺奉其喪還。 知太常禮院(三)。 與有司議禮不合,復以疾歸,中道疾甚,沐浴更衣而寢,旦 善發明聖人之遺旨,其論政治略可復古。 翰林學士許將等言其恬於進取,乞加贈卹, 宜還其舊職,以 詔賜

載學古力行,爲關中士人宗師,世稱爲橫渠先生。 著書號正蒙,又作西銘曰:

吾同 乾稱 胞,物吾與也 父而 坤母 ,予茲藐焉,乃混然中處。 故天地之塞吾其體,天地之帥吾其性,民

幼其幼,聖其合德,賢其秀也。 大 (君者,吾父母宗子; 其大臣, 凡天下疲癃殘疾、惸獨鰥寡,皆吾兄弟之顚連而無告者 宗子 之家相 也。 尊高年所以 長 其長,慈孤 幼所以

也。「于時保之」,子之翼也。 「樂且不憂」,純乎孝者也。 違曰悖德,害仁曰賊,濟惡者

不才,其踐形惟肖者也。

崇伯子之顧養;育英材,穎封人之錫類。不弛勞而底豫, 之生也;貧賤憂戚,庸玉女於成也。存,吾順事;歿,吾寧也 申生其恭也。 知化則善述其事,窮神則善繼其志,不愧屋漏爲無忝,存心養性爲匪懈。 體其受而歸全者,參乎,勇於從而順令者, 伯奇也。 舜其功也; 富貴福澤,將厚吾 無所逃而待烹, 惡旨酒,

程頤嘗言:「西銘明理一而分殊,擴前聖所未發,與孟子性善養氣之論同功, 自孟子後蓋未

之見。」學者至今尊其書。

嘉定十三年,賜諡曰明公。 淳祐元年封郿伯,從祀孔子廟庭。 弟 | | | | | | |

子弟。民有小善,皆籍記之。 融,字天祺。 起進士,調閿鄉主簿,知金堂縣。誠心愛人,養老恤窮,間召父老使教督 以奉錢爲酒食,月吉,召老者飮勞,使其子孫侍,勸以孝弟。

民化其德,所至獄訟日少。

序、陳升之、趙抃依違不能救正,韓絳左右徇從,與爲死黨,李定以邪諂竊臺諫。且安石擅國 熙寧初,爲監察御史裏行。 累章論王安石亂法,乞罷條例司及追還常平使者。 劾曾公

輔以 天下之笑公者不少矣。」趙抃從旁解之,戩曰:「公亦不得爲無罪。」抃有愧色。 遂稱病待罪。 宜 勸 講 緣之詭隨,臺臣又用定輩,繼續而來,芽蘗漸盛。呂惠卿刻薄辯給,假經術以文姦言,豈 出知公安縣,徙監司竹監,至舉家不食筍。常愛用一卒,及將代,自見其人盜筍籜,治 君側。 書數十上,又詣中書爭之,安石舉扇掩面而笑,戰曰:「戩之狂直宜爲公笑,然

之無少貸;罪已正,待之復如初,略不介意,其德量如此。

卒于官,年四十七

邵 雍字堯夫。 其先范陽人,父古徙衡潭,又徙共城。雍年三十,游河南:葬其親伊水上,

**遂爲河南人。** 

漢,周流齊、魯、宋、鄭之墟,久之,幡然來歸,曰:「道在是矣。」遂不復出 扇,夜不就席者數年。已而數曰:「昔人尙友於古,而吾獨未及四方。」於是踰河、汾,涉准 雍少時,自雄其才,慷慨欲樹功名。 於書無所不讀,始爲學,卽堅苦刻厲,寒不爐,暑不

探蹟索隱,妙悟神契,洞徹藴奧,汪洋浩博,多其所自得者。及其學益老,德益邵,玩心高 曰:「幸受教。」乃事之才,受河圖、洛書、宓義八卦六十四卦圖像。之才之傳,遠有端緒,而 

所謂不惑,而非依做象類、億則屢中者。 明,以觀夫天地之運化,陰陽之消長,遠而古今世變,微而走飛草木之性情,深造曲暢,庶幾 遂衍宓羲先天之旨,著書十餘萬言行于世,然世之

知其道者鮮矣。

窺也。 園宅。 出則乘小車,一人挽之,惟意所適。 時酌酒三四甌,微醺卽止,常不及醉也,興至輒哦詩自詠。春秋時出遊城中,風雨常不出, 「吾家先生至也。」不復稱其姓字。 或留信宿乃去。好事者別作屋如癃所居,以候其至,名曰 初至洛,蓬蓽環堵,不芘風雨,躬樵爨以事父母,雖平居屢空,而怡然有所甚樂,人莫能 及執親喪,哀毀盡禮。 應歲時耕稼,僅給衣食。名其居曰「安樂窩」,因自號安樂先生。 富弼、司馬光、呂公著諸賢退居洛中,雅敬雍,恆相從游,爲市 士大夫家識其車音,爭相迎侯,童孺厮隸皆驢相謂曰: 旦則焚香燕坐,晡

強以語人。人無貴賤少長,一接以誠,故賢者悅其德,不賢者服其化。 明、邵先生知。」士之道洛者,有不之公府,必之雍。雍德氣粹然,望之知其賢,然不事表襮, 而 不設防畛,羣居燕笑終日,不爲甚異。與人言,樂道其善而隱其惡。有就問學則答之,未嘗 忠厚之風聞天下。 司馬光兄事难,而二人純德尤鄉里所慕嚮,父子昆弟每相飭曰:「毋爲不善,恐司馬端 一時洛中人才特盛,

列

熙寧行新法,東牽迫不可爲,或投劾去。 雍門生故友居州縣者,皆貽書訪應,雍曰:「此

賢者所當盡力之時,新法固嚴,能寬一分,則民受一分賜矣。 投劾何益耶?

固辭乃受命,竟稱疾不之官。 嘉 **輝高明英邁,迥出千古,而坦夷渾厚,不見圭角,是以清而不激,和而不流,人與交久,** | 祐韶求遺逸, 留守|王拱辰以|雅應詔,授將作監主簿,復舉逸士,補潁州團練推官,皆 熙寧十年,卒,年六十七,贈秘書省著作郎。元祐中賜諡康節。

益 |尊信之。河南程顥初侍其父識雅,論議終日,退而歎曰:「堯夫,內聖外王之學也。」

而推其變焉。於是摭世事之已然者,皆以輝言先之,雍蓋未必然也。 證,務高雅所爲,至謂雅有玩世之意;又因雅之前知,謂雅於凡物聲氣之所感觸,輒以其動 |雍知慮絕人,遇事能前知。|程頤嘗曰:「其心虛明,自能知之。」當時學者因確超詣之

雜,就其所至,可謂安且成矣。所著書曰皇極經世、觀物內外篇、漁樵問對, 言,召子伯温謂曰:「諸君欲葬我近城地,當從先塋爾。」 旣葬, 願爲銘墓,稱確之道純一不 |雅疾病,司馬光、張載、程顥、程頤晨夕候之,將終,共議喪葬事外庭,<u>確</u>皆能聞衆人所 詩日伊川撃

子伯温,別有傳。

(1) 責監汝州鹽稅 「鹽稅」,二程文集卷一〇程頤明道先生行狀、 宋文鑑卷一四三韓維程伯淳茲

**誌**第 、琬琰集卷二一程宗丞顯傳都作「酒稅」。

 $\exists$ 頤詣宰相問安否 知太常禮院 按東都事略卷一一四本傳、朱熹伊洛淵源錄卷六横渠先生行狀、編年綱目卷二〇 「安」,長編卷四〇四、朱熹朱文公集卷九八伊川先生年譜都作「知」。

熙寧十年十一月條都作「同知太常禮院」,長編卷二八三作「彙知太常禮院」。

據本書卷一六四

# 宋史卷四百二十八

## 列傳第一百八十七

道學一一程氏門人

劉絢 李籲 謝良佐 游酢 張繹 蘇昞 尹焞

楊時

羅從彦 李侗

學不倦,最明於春秋。 旱,府遣吏視傷所,蠲財什二,綯力爭不得,封還其楬,請易之。富弼歎曰:「眞縣令也。」元 劉絢字質夫,常山人。以蔭爲壽安主簿、長子令,督公家逋賦,不假鞭扑而集。 程顥每爲人言:「他人之學,敏則有矣,未易保也,若絢者,吾無疑 歲大

焉。

受,及亡也,祭之以文曰:「自予兄弟倡明道學,能使學者視倣而信從者,籲與劉絢 李籲字端伯,洛陽人。登進士第。元祐中爲秘書省校書郎,卒。 程頤謂其才器可以大 有焉。」

人稱引前史,至不差一字。事有未徹,則顙有泚。與程頤別一年,復來見,問其所進, 建中靖國初,官京師,召對,忤旨去。監西京竹木場,坐口語繫詔獄,廢爲民。良佐記問該贍,對 「但去得一『矜』字爾。」頤喜,謂朱光庭曰:「是子力學,切問而近思者也。」所著論語說行於 謝良佐字顯道,壽春上蔡人。與游酢、呂大臨、楊時在程門,號「四先生」。登進士第 日:

世。

賢,召爲太學錄。遷博士,以奉親不便,求知河淸縣〔〕。范純仁守潁昌府,辟府敎授。純仁入 資可以進道。 游酢字定夫,建州建陽人。與兄醇以文行知名,所交皆天下士。 程顥興扶溝學,招使肄業,盡棄其學而學焉。第進士,調蕭山尉。近臣薦其 程頤見之京師,謂其 謂繹與尹焞也。 人之學而學佛?異日程先生歸,可師也。」會程頤還自陪,乃往受業,頤賞其穎悟。讀孟子 舉之習不足爲,嘗游僧舍,見僧道楷,將祝髮從之。時周行己官河南,警之曰:「何爲舍聖 問人曰:「何以得此?」人曰:「此讀書所致爾。」即發憤力學,遂以文名。 「志士不忘在溝壑,勇士不忘喪其元」,慨然若有得。未及仕而卒。頤嘗言「吾晚得二士」, 張繹字思叔,河南壽安人。 家甚微,年長未知學,傭力於市,出聞邑官傳呼聲,心慕之, 預鄉里計偕,謂科

常博士。 蘇昞字季明,武功人。始學於張載,而事二程卒業。 坐元符上書入邪籍,編管饒州,卒。 元祐末,呂大中薦之,起布衣爲太

河內先生 尹焞字彥明 一,次子洙字師魯,是謂河南先生。 字德充,世爲洛人。 曾祖|仲宣七子,而二子有名:長子源字子漸, 源生林,官至虞部員外郎。林生焞。

知汝以祿養。」頤聞之曰:「賢哉母也 告頤曰:「焞不復應進士舉矣。」頤曰:「子有母在。」焞歸告其母陳,母曰:「吾知汝以善養,不 識,焞以篤行。 少師事程頤,嘗應舉,發策有誅元酤諸臣議,焞曰:「噫,尙可以干祿乎哉」」不對而出, 頤旣沒, 焞聚徒洛中, 非弔喪問疾不出戶, 士大夫宗仰之。 」於是終身不就舉。
 焯之從師,與河南張繹同時,繹以

中和,言動可以師法,器識可以任大,近世招延之士無出其右者。 禮、御史中丞呂好問、戶部侍郎邵溥、中書舍人胡安國合奏:「河南布衣尹焞學窮根本,德備 歸,使焞韜藏國器,不爲時用,未副陛下側席求賢之意。望特加識擢,以慰士大夫之望。」不 靖康初,种師道薦焞德行可備勸講,召至京師,不欲留,賜號和靖處士。 朝廷特召,而命處士以 戶部尚書梅執

画。 於其壻邢純,拜而受之。 聘焞,不從則以兵恐之。焞自商州奔閩,至閬,得程頤易傳十卦於其門人呂稽中,又得 侍讀范沖舉厚自代,授左宣敎郎,充崇政殿說書,以疾辭。范沖奏給五百金爲行資,遣 次年,金人陷洛,焞闔門被害,焞死復甦,門人舁置山谷中而免。 紹興四年,止于涪。涪,頤讀易地也,闢三畏齋以居,邦人不識其 劉豫命偽帥趙斌以禮 全本

漕臣奉詔至涪親遣。六年,始就道,作文祭頤而後行

朱震俱 入室而 留不進。 濫 上奏曰:「臣僚上言,程頤之學惑亂天下。 列經筵,其所敷釋,不過聞於師者。舍其所學,是欺君父,加以疾病衰耗,不能支持。」遂 先是,崇寧以來,禁錮元祐學術,高宗渡江,始召楊時置從班,召胡安國居給舍, (在講席,薦)焞甚力。旣召,而左司諫陳公輔上疏攻程氏之學,乞加屛絕。 不 由 胡安國奉祠居衡陽,上書言:「欲使學者蹈中庸,師孔、孟,而禁不從程頤之學,是 戶。」 **焞實師頤垂二十年,學之旣專,自信** 遊篤。 **焞至九江**, 范沖、

少卿 未幾, 自代。 淵 拒 源 | [ | 厚 | 劉 |朱 仍兼 是朝 力辭 可以 輔臣 豫之節, 震 引 可謂恬退矣。」詔以秘書郎 求去。 說 廷氣象。」乃以惇直徽猷閣,主管萬壽觀,留侍經筵。 繼 入奏, 疾告去,時趙鼎去位,張浚獨相,於是召安國,俾以內祠兼侍讀,而上章薦焞,言 書。 震。 且謂其所學所養有大過人者,乞令江州守臣疾速津送至國門。 上上 上語 未幾,稱疾在告, 上慘然日:「楊時物故,胡安國 指 參知政事 奏牘曰:「 劉大中日:「焞未論所學淵源, 震 除權禮部侍郎兼侍講 亦薦焞代資善之職,但焞微聵, **兼說書,趣起之,**焞始入見就職。 [與震又亡,殷痛惜之。」趙鼎曰:「尹焞學問 足爲後進矜式, 資善堂 恐教兒費力爾。」除太常 | 翊善朱震疾亟,薦焞 八年,除 班列得老成 復以疾辭, 秘書少監,

時金人遣張通古、蕭哲來議和,焞上疏曰:

帝、寧德皇后崩問遽來,莫究不豫之狀,天下之人痛心疾首,而陛下方且屈意降志,以 讎敵未殄,然而賴祖宗德澤之厚,陛下勤撫之至 至,億兆之心無有離異。前年徽宗皇 百出,二帝北狩,皇族播遷,宗社之危,已絕而續。陛下卽位以來十有二年,雖中原未復, 之功,當决於此矣。不識陛下亦嘗深謀而熟慮乎,抑在廷之臣不以告也? 迎奉梓宮、請問諱日爲事。今又爲此議,則人心日去,祖宗積累之業,陛下十二年勤撫 臣伏見本朝有遼、金之禍,亘古未聞,中國無人,致其猾亂。昨者城下之戰,詭詐

爲甘言以緩王師。倘或果然,尤當鼓士卒之心,雪社稷之恥,尙何和之爲務? 和以紓目前之急,豈不失不共戴天、不反兵之義乎?又况使人之來,以詔諭爲名,以 割地爲要,今以不戴天之讎與之和,臣切爲陛下痛惜之。或以金國內亂,懼我襲己,故 禮曰:「父母之讎不共戴天,兄弟之讎不反兵。」今陛下信讎敵之譎詐,而覬其肯

### 又移書案檜言:

<u>金</u>人悔過,還二帝於沙漠。繼之梓宮崩問不詳,天下之人痛恨切骨,<u>金</u>人狼虎貪噬之 左袵之憂。比者,竊聞主上以父兄未返,降志辱身於九重之中有年矣,然亦自是未聞 今北使在廷,天下憂憤,若和議一成,彼日益強,我日益怠,侵尋朘削,天下有被髮

性,不言可見。天下方將以此望於相公,覬有以革其已然,豈意爲之已甚乎。

主上孝弟通於神明,道德成於安彊,勿以小智孑義而圖大功,不勝幸甚。 今之上策,莫如自治。自治之要,內則進君子而遠小人,外則賞當功而罰當罪,使

疏及書皆不報,於是厚固辭新命。

九年,以徽猷閣待制提舉萬壽觀兼侍講,又辭,且奏言:

四也。 三也。 也。 衰, 戒之在得。 詞, 去之義,無一可留之理,乞檢會累奏四分放歸田 **「陳力就列,不能者止。」此當去者〔ē〕一也。臣起自草茅,誤膺召用,守道之語,形于訓** ,而臣貪戀寵榮,遂移素守,使朝廷非常不次之舉,獲懷利苟得之人。此當去者二 比嘗不量分守,言及國事,識見迂陋,已驗于今,跡其庸愚,豈堪時用。 臣 .職在勸講,蔑有發明,期月之間,病吿相繼,坐竊厚祿,無補聖聰。 先聖有言: 國朝典法,揆之禮經,年至七十,皆當致仕。今臣年齒已及,加以疾病,血氣旣 臣自擢春官,未嘗供職,以疾乞去,更獲超遷,有何功勞,得以祗受。 此當去者五也。 臣聞聖君有從欲之仁,匹夫有莫奪之志,今臣有五當 里。 此當去者 此當去者

疏上,以厚提舉江州太平觀。引年告老,轉一官致仕。

**|**厚自入經筵,即乞休致,朝廷以禮留之; 浚、鼎旣去, 秦檜當國,見厚議和疏及與檜書

已不樂,至是,得求去之疏,遂不復留。十二年,卒。

及門人問答傳于世。 「魯」許之,且曰:「我死,而不失其正者」一氏子也。」其言行見於涪陵記善錄爲詳,有論語解 當是時, 學于程頤之門者固多君子,然求質直弘毅、實體力行若焞者蓋鮮。頤嘗以

游酢侍立不去,頤旣覺,則門外雪深一尺矣。關西張載嘗著西銘,二程深推服之,時疑其近 門,而以書赴告同學者。 於兼愛,與其師頤辨論往復,聞理一分殊之說,始豁然無疑。 時河南程顥與弟頤講孔、孟絕學于熈、豐之際,河、洛之士翕然師之。 見顥於潁昌,相得甚懽。 楊時字中立,南劍將樂人。幼穎異,能屬文,稍長,潛心經史。 其歸也,願目送之曰:「吾道南矣。」四年而顯死,時聞之,設位哭寢 至是,又見程頤於洛, 時蓋年四十矣。一日見頤, 頤偶瞑坐, 時與 時調官不赴,以師禮 熙寧九年,中進士第。

諫垣,薦之,得荆州教授。時安於州縣,未嘗求聞達,而德望日重,四方之士不遠千里從之 杜門不仕者十年,久之,歷知瀏陽、餘杭、蕭山三縣,皆有惠政,民思之不忘。 張舜民在

游,號日龜山先生。

時宰是之。 時天下多故,有言於察京者,以爲事至此必敗,宜引舊德老成置諸左右,庶幾猶可及, 會有使高麗者,國主問龜山安在,使回以聞。召爲秘書郎,遷著作郎。及面對,

勞,募邊民爲弓弩手,以殺常勝軍之勢。」又言:「都城居四達之衢,無高山巨浸以爲阻衞,士 目,有宜於今者舉而行之,當損益者損益之,元酤、熙、豐姑置勿問,一趨於中而已。 滅其跡。 自是分爲二黨,縉紳之禍至今未殄。 臣願明詔有司,條具祖宗之法,著爲綱 之舊,熙寧之法一切廢革。至紹聖、崇寧抑又甚焉,凡元祐之政事著在令甲,皆焚之以 朝廷方圖燕雲,虛內事外,時遂陳時政之弊,且謂:「燕雲之師宜退守內地,以省轉輸之 熙寧之初,大臣文六藝之言以行其私,祖宗之法紛更殆盡。元祐繼之,盡復祖宗 一處、舜曰「允執厥中」,孟子曰「陽執中」,洪範曰「皇建其有極」,歷世聖人由斯道 ,力陳君臣警戒,正在無虞之時,乞爲宣和

會計錄,以周知天下財物出入之數。徽宗首肯之。 人懷異心,緩急不可倚仗。」執政不能用。登對,

公孫 若示以怯懦之形,委靡不振,則事去矣。 弘輩也, |邇英殿說書。聞金人入攻,謂執政曰:「今日事勢如積薪已然,當自奮勵,以竦動觀 特其直氣可以鎭壓姦雄之心爾。 昔汲黯在朝,淮南 朝廷威望弗振,使姦雄一以弘輩視之,則無 寢謀。 論黯之才,未必 ~能過

列

傳

第

百八

+ 七

道

內, 事,當以收人心爲先。人心不附,雖有高城深池、堅甲利兵,不足恃也。 戰,使之自 矣。今雖復申前令,而禍根不除,人誰信之?欲致人和,去此三者,正今日之先務也 印 酉 城聚斂(云),東南花石,其害尤甚。 困。 要害之地,當嚴爲守備,比至都城,尙何及哉?近邊州軍宜堅壁淸野,勿與之 若攻戰略地,當遣援兵追襲,使之腹背受敵,則可以制勝矣。」且謂:「今日之 前此蓋嘗罷之,詔墨未乾,而花石供奉之舟 **免夫之役**,毒被 已衡尾 海

善用 平、何灌皆相繼而遁。 今日,比聞防城 命。」又言:「童貫爲三路大帥,敵人侵疆,棄軍 兵, 金 猶 、園京城,勤王之兵四集,而莫相統 不 **死敗衄**。 仍用閹人,覆車之轍,不可復蹈。」疏上,除右諫議大夫兼侍 當正 今諸路烏合之衆,臣謂當立統帥, 典刑,以爲臣子不忠之戒。 -而歸,孥戮之有餘罪, |時言:「唐九節度之師不立統帥,雖|李、郭之 童貫握兵二十餘年,覆軍 一號令,示紀 朝廷置之不問, 律,而後士卒始用 一殺將, 故 梁方

之要藩: 不數 端,時抗疏曰:「聞金人駐磁、相,破大名,劫虜驅掠,無有紀極,誓墨未乾,而背不旋踵,吾雖 种 師道 日 敵 也。 印 兵初退,議者欲割三鎭以講和,時極言其不可, 劉光世皆 至 一京城。 自 周世宗迄太祖、太宗,百戰而後得之,一旦棄之北庭,使敵騎疾 一時名將,始至而 今聞三鎭之民以死拒之,三鎭拒其前,吾以 未用,乞召問方略。」疏上,欽宗詔 日:「河朔爲朝廷重地,而 重兵躡其後, 出 師, 尙 驅,貫吾腹心, 而 議 三鎭 口 爲 者多持 也。 叉 河朔 若 兩

約,及河而返,今挾之以往,此敗盟之大者。臣竊謂朝廷宜以肅王爲問,責其敗盟,必得肅 王而後已。」時太原圍閉數月,而姚古擁兵逗留不進,時上疏乞誅古以肅軍政,拔偏裨之可 而 欲專守和議,不可得也。 歸,非愛我而不攻。朝廷割三鎭二十州之地與之(kī),是欲助寇而自攻也。聞肅王初與之 夫越數千里之遠,犯人國都,危道也。彼見勤王之師四面而集,亦懼

將者代之。不報。

曹分治,各有攸司。今乃別辟官屬(+),新進少年,未必賢於六曹長貳。」又言: 爲之長貳,則將自定。」」欽宗曰:「無逾於卿。」遂以時兼國子祭酒。 乞用時以靖太學,時得召對,言:「諸生伏闕紛紛,忠於朝廷,非有他意,但擇老成有行誼者 李綱之罷,太學生伏闕上書,乞留綱與种師道,軍民集者數十萬,朝廷欲防禁之。吳敏 首言:「三省政事所出,六

今日之禍,實安石有以啓之。 蓋京以繼述神宗爲名,實挾王安石以圖身利,故推尊安石,加以王爵,配饗孔子廟庭。 |蔡京用事二十餘年,蠹國害民,幾危宗社,人所切齒,而論其罪者,莫知其所本也。

者,不可縷數,姑 當見於數十年之後,今日之事,若合符契。 謹 |按安石挾管、商之術,飭六藝以文姦言,變亂祖宗法度。當時|司馬光已言其爲害 卽 一二事明之。 其著爲邪說以塗學者耳目, 而敗壞其心術

倡 祖考安樂之,而無後艱爾。自古釋之者,未有泰而不爲驕、費而不爲侈之說也。 則竭天下以自奉者,必非曉、舜之道。其後王黼以應奉花石之事,竭天下之力,號爲享 雖竭天下以自奉不爲過,守財之言非正理。」會不知堯、舜茅茨土階,禹曰「克儉于家」, 而不爲驕,宰制萬物,費而不爲侈,孰弊弊然以愛爲事。」詩之所言,正謂能持盈則神祇 上,實安石有以倡之也。其釋鳧鷖守成之詩,於末章則謂:「以道守成者,役使羣衆,泰 爲此說,以啓人主之侈心。後蔡京輩輕費妄用,以侈靡爲事。安石邪說之害如 |神宗嘗稱美漢文惜百金以罷露臺,安石乃言:「陛下若能以堯、舜之道治天下, 安石獨

疏上,安石遂降從祀之列。士之習王氏學取科第者,已數十年,不復知其非, 伏望追奪王爵,明韶中外,毀去配享之像,使邪說淫辭不爲學者之惑。 忽聞 以爲邪

說,議論紛然。 時又言:「元祐黨籍中,惟司馬光一人獨褒顯,而未及呂公著、韓維、范純仁、呂大防、安 諫官馮澥力主王氏,上疏詆時。會學官中有紛爭者,有旨學官並罷,時亦罷

尋 四上章乞罷諫省,除給事中,辭,乞致仕,除徽猷閣直學士、提舉嵩山崇福宮。 時力

建中初言官陳瓘已褒贈,而未及鄒浩。」於是元祐諸臣皆次第牽復。

辭直學士之命,改除徽猷閣待制、提舉崇福宮。 **陛辭,猶上書乞選將練兵,爲戰守之備** 

炎會計錄,乞恤勤王之兵,乞寬假言者。連章丐外,以龍圖閣直學士提舉杭州洞霄宮。 [宗卽位,除工部侍郞。 陛對言:「自古聖賢之君,未有不以典學爲務。」除兼侍讀。

告老,以本官致仕,優游林泉,以著書講學爲事。卒年八十三,諡文靖。

術,而朱熹、張栻之學得程氏之正,其源委脈絡皆出於時。 列皆切於世道,而其大者,則闢王氏經學,排歸康和議,使邪說不作。凡紹興初崇尙元祐學 正宗。 |時在||東郡,所交皆天下士,先達||陳瓘、||鄒浩皆以師禮事時。 暨渡江,東南學者推時爲程 與胡安國往來講論尤多。時浮沉州縣四十有七年,晚居諫省,僅九十日,凡所論

子迪,力學通經,亦嘗師程頤云。

以親,時弟子千餘人,無及從彥者。 然慕之,及時爲蕭山 告,從彥謝日:「聞之龜山 生矣。」嘗與時講場,至乾九四爻,云:「伊川說甚善。」從彥卽鬻田走洛,見頤問之,頤反覆以 羅從彥字仲素,南劍人。以累舉恩爲惠州博羅縣主簿。 令,遂徒步往學焉。 具是矣。」乃歸卒業。 從彦 ·初見時三日,卽驚汗狹背,曰:「不至是, 時熟察之,乃喜曰:「惟從彦可與言道。」於是日益 聞同郡楊時得河南程氏學,慨 幾虚 過

列

恆充然自得焉。

學淸節,眞南州之冠冕也。」旣而築室山中,絕意仕進,終日端坐,間謁時將溪上,吟詠而歸, 沙縣陳淵,楊時之壻也,嘗詣從彥,必竟日乃返,謂人曰:「自吾交仲素,日聞所不聞,奧

磨、舜,向使子孫可恃,則**堯、舜必傳其子。 法度之明莫如周,向使子孫世守文、武、**成、康之 心,則風雨易折。故內有林甫之姦,則外必有祿山之亂,內有盧杞之姦,則外必有朱泚之 故亂。」又曰:「天下之變不起於四方,而起於朝廷。譬如人之傷氣,則寒暑易侵;木之傷 憂而善心生,故治。小人在朝則天下亂,蓋小人進則常有治世之言,使人主多樂而怠心生, 遺緒,雖至今存可也。」又曰:「君子在朝則天下必治,蓋君子進則常有亂世之言,使人主多 度不可廢,德澤不可恃。廢法度則變亂之事起,恃德澤則驕佚之心生。自古德澤最厚莫若 嘗采祖宗故事爲遵堯錄, 靖康中, 擬獻闕下, 會國難不果。 嘗與學者論治曰:「祖宗法

以經術古文相尚,而失周、凡之心,故經術自董生、公孫弘倡之,古文自韓愈、柳宗元啓之, 於是明道者寡,故視死生去就如萬鈞九鼎之重,而忠義行之者難。嗚呼,學者所見,自漢、 才得周、孔之心,而明道者多,故視死生去就如寒暑晝夜之移,而忠義行之者易。至漢、唐 其論士行曰:「周、孔之心使人明道,學者果能明道,則周、孔之心,深自得之。 三代人

唐喪矣。」又曰:「士之立朝,要以正直忠厚為本。正直則朝廷無過失,忠厚則天下無嗟怨。 於正直而不忠厚,則漸入於刻;一於忠厚而不正直,則流入於懦。」其議論醇正類此。

已。」紹興中卒,學者稱之日豫章先生,淳祐間諡文質。 朱熹謂:「龜山倡道東南,士之游其門者甚衆,然潛思力行、任重詣極如仲素,一人而

李侗字愿中,南劍州劍浦人。年二十四,聞郡人羅從彥得河、洛之學,遂以書謁之,其

略日:

授者,句讀文義而已爾,謂之熄焉可也。 之後,道失其傳,枝分派別,自立門戶,天下眞儒不復見於世。其聚徒成羣,所以相傳 泗之間,七十二弟子之徒,議論問答,具在方册,有足稽焉,是得夫子而益明矣。 不有師,其肄業之勤惰,涉道之淺深,求益之先後,若存若亡,其詳不可得而考。 **侗聞之,天下有三本焉,父生之,師教之,君治之,闕其一則本不立。** 古之聖賢莫 惟洙、 孟氏

百年之後,性明而修,行完而潔,擴之以廣大,體之以仁恕,精深微妙,各極其至,漢、唐 其惟先生服膺龜山先生之講席有年矣,况嘗及伊川先生之門,得不傳之道於千五

列

固當 置而

勿論也。

以然也。 諸 儒 無近似者。至於不言而飮人以和,與人並立而使人化,如春風發物,蓋亦莫知其所 凡讀聖賢之書,粗有識見者,孰不願得授經門下,以質所疑,至於異論之人,

於利祿 皇皇焉爲衣食之謀,造次顚沛,未始忘也。 口 體哉,弗思甚矣。 侗之愚鄙,徒以習舉子業,不得服役於門下,而今日拳拳欲求教者,以謂所求有大 也。 抑侗聞之,道可以治心,猶食之充飽,衣之禦寒也。 至於心之不治,有沒世不知慮,豈愛心不若 人有迫於飢寒之患者,

不完而 切 生二十有四歲,茫乎未有所止,燭理未明而是非無以辨,宅心不廣而喜怒易以搖,操履 雖 知眞儒 身者 侗 求 悔吝多,精神不充而 不量資質之陋,徒以祖父以儒學起家,不忍墜箕裘之業,孜孜矻矻爲利祿之學, 有作,聞風而 充飢禦寒之具也。 起,固不若先生親炙之得於動靜語默之間,目擊而意全也。 智巧襲,揀焉而不淨,守焉而 不然,安敢以不肖之身爲先生之累哉 不數, 朝夕恐懼, 不啻如 飢寒 今

看喜怒哀樂未發前氣象,而求所謂「中」者,久之,而於天下之理該攝洞貫,以次融釋,各有 從之累年,授養秋、中庸、語、孟之說。 從彥好靜坐,侗退入室中,亦靜坐。 從彦令靜中

條序,從彥亟稱許焉。

侗事之得其權心。 旣 而 , 退居山田, 謝絕世故餘四十年, 食飮或不充, 而怡然自適。 **閨門內外,夷偸肅穆,若無人聲,而衆事自理。** 事親孝謹,仲兄性剛多 親戚有貧不能婚嫁

者,則爲經理振助之。與鄉人處,飲食言笑,終日油油如也。

事,而 以 說,其不爲玩物喪志者幾希。」又曰:「講學切在深潛縝密,然後氣味深長,蹊徑不差。 若概 觀 於未有酒然冰解凍釋處。如孔門諸子,羣居終日,交相切磨,又得夫子爲之依歸,日用之間 在 中,庶幾遇事廓然,而 周茂叔「胸中灑落,如光風霽月」,爲善形容有道者氣象,嘗諷誦之,而顧謂學者存此於胸 感而化者多矣。恐於融釋而不脫落處〔ミン゙非言說所及也。」又曰:「讀書者知其所言莫非吾 .多言,但默坐澄心,體認天理。 若是,雖一毫私欲之發,亦退聽矣。」又曰:「學者之病,在 理一,而 其接後學,答問不倦,雖隨人淺深施敎,而必自反身自得始。故其言曰:「學問之道不 即吾身以求之,則凡聖賢所至而吾所未至者,皆可勉而進矣。若直求之文字,以資誦 不察其分之殊,此學者所以流於疑似亂眞之說而不自知也。」嘗以黃庭堅之稱濂 義理少進矣。

中 子之歎,卓然若有所見, 者,又一篇之指要也。 其語 中庸曰:「聖門之傳是書,其所以開悟後學無遺策矣。然所謂『喜怒哀樂未發謂之 而 若徒記誦而已,則亦奚以爲哉。必也體之於身,實見是理,若願 不違乎心目之間,然後擴充而往,無所不通,則庶 乎其可以言

列傳

第

百八十

七

法。然所以難言者,蓋以常人之心推測聖人,未到聖人灑然處,豈能無失耶?」

不然,則是所謂『雖有粟,吾得而食諸』也。」 王安石用事,陷溺人心,至今不自知覺。 三綱不振,故人心邪僻,不堪任用,是致上下之氣間隔,而中國日衰。 侗旣閑居,若無意當世,而傷時憂國,論事 人趨利而不知義, 感激動 人。 則主勢日孤,人主當於此留意, 嘗曰:「今日三綱不振,義利不 義利不分, 故自

端詳閒泰,自然之中若有成法。平日恂恂,於事若無甚可否,及其酬酢事 特,氣節豪邁,而充養完粹,無復圭角,精純之氣達於面目,色温言厲,神定氣和,語默動靜, 謂松曰:「愿中如冰壺秋月, 有截然不可犯者。」又謂自從侗學,辭去復來,則所聞益 是時吏部員外郎朱松與侗為同門友,雅重侗,遣子熹從學,熹卒得其傳。 瑩徹無瑕, 非吾曹所及。」松以謂知言。 超絕。 其上達不已如 而熹亦稱侗 變, 斷以 沙縣鄧迪嘗 :「麥禀勁 義 理, 則

迎,侗往見之,至之日疾作,遂卒,年七十有一 **侗子友直、信甫皆舉進士,試吏旁郡,更請迎養。** 歸道武夷,會閩帥汪應辰以書幣來

信甫仕至監察御史,出知衢州,擢廣東、江東憲,以特立不容於朝云。

(一) 河清縣 「河淸」原作「河陽」,據朱熹伊洛淵源錄卷九游察院墓誌記、李幼武皇朝道學名臣言行

外錄卷七游酢條改。

 $\equiv$ 陛下勤撫之至 「動撫」原作「動苦」,據皇朝道學名臣言行外錄卷九尹焞條、繫年要錄卷一二四

改。

此當去者 「者」字原脫,據尹厚尹和靖集辭免除徽猷閣待制第三箚補。

(国) 乞檢會累奏 「奏」字原脫,據尹和靖集辭免除徽猷閣待制第三箚補。

<u>.</u> 西城聚斂 「西城」原作「京城」,據楊時楊龜山先生集卷四論金人入寇其二、皇朝道學名臣言行

外錄卷六楊時條改。

[ (1) 三鎮二十州 「二十」原作「三十」,據楊龜山先生集卷首胡安國楊時墓誌銘, 北盟會編卷三九

改

(七) 別辟官屬 「辟」原作「辭」,據楊龜山先生集卷首呂本中行狀略改。

(云) 恐於融釋而不脫落處 按朱熹朱文公文集卷九七李公行狀、皇朝道學名臣言行外錄卷一一李

侗條,「而」下均無「不」字。

列傳第

百八十七

校

# 宋史卷四百二十九

### 列傳第一百八十八

#### 道學三

朱熹 張栻

以御史中丞常同薦,除度支員外郎,兼史館校勘,歷司勳、吏部郎。秦檜決策議和,松與同列 除秘書省正字。趙鼎都督川陝、荆、襄軍馬、招松爲屬、辭。鼎再相,除校書郎,遷著作郎。 上章,極言其不可。恰怒,風御史論松懷異自賢,出知饒州,未上,卒。 朱熹字元晦,一字仲晦,徽州婺源人。父松字喬年,中進士第。 胡世將、謝克家薦之,

卦也。年十八頁于鄉,中紹興十八年進士第。主泉州同安簿,選邑秀民充弟子員,日與講 授以孝經,一閱,題其上曰:「不若是,非人也。」嘗從羣兒戲沙上,獨端坐以指畫沙,視之,八 熹幼穎悟,甫能言,父指天示之曰:「天也。」 熹問曰:「天之上何物?」 | | | | | | | | | | 就傅,

列

第一百八十八

道學三

徐度、呂廣問、韓元吉同召,以疾辭。 說聖賢修己治人之道,禁女婦之爲僧道者。 罷歸請祠,監潭州南嶽廟。 明年,以輔臣薦,與

按見其交私之狀而斥去之,尚在勢者,豈無其人,顧陛下無自而知之耳。」 守令之賢否。監司者守令之綱,朝廷者監司之本也。欲斯民之得其所,本原之地亦在朝廷 務。」次言:「修攘之計不時定者,講和之說誤之也。夫」金人於我有不共戴天之讎,則不可和 記誦詞藻,非所以探淵源而出治道; 虛無寂滅, 非所以貫本末而立大中。帝王之學, 必先 而已。今之監司,姦贓狼籍、肆虐以病民者,莫非宰執、臺諫之親舊賓客。其已失勢者,旣 吾力之強弱,觀彼釁之淺深,徐起而圖之。」次言:「四海利病,係斯民之休戚,斯民休戚,係 也明矣。願斷以義理之公,閉關絕約,任賢使能,立紀綱,厲風俗。數年之後,國富兵強,視 格物致知,以極夫事物之變,使義理所存,纖悉畢照,則自然意誠心正,而可以應天下之 意。陛下毓德之初,親御簡策,不過風誦文辭,吟詠情性,又頗留意於|老子、釋氏之書。 政雖未有闕遺,而修攘之計不可以不早定。 利害休戚雖不可徧舉,而本原之地不可以不加 孝宗即位,詔求直言,熹上封事言:「聖躬雖未有過失,而帝王之學不可以不熟講。 朝

世之行,而未嘗隨事以觀理,即理以應事。是以舉措之間動涉疑貳,聽納之際未免蔽欺,平 隆興元年,復召。入對,其一言:「大學之道在乎格物以致其知。 陛下雖有生知之性,高

訪白鹿洞書院遺址,奏復其舊,爲學規俾守之。明年夏,大旱,詔監司、郡守條其民間利病, 良,言一時權倖。羣小乘間讒毀,乃因熹再辭,即從其請,主管武夷山冲佑觀 年,上欲獎用廉退,以勵風俗,龔茂良行丞相事,以熹名進,除祕書郎,力辭,且以手書遺茂 詩人薦,與王庭珪同召,以未終喪辭。七年,旣免喪,復召,以祿不及養辭。九年,梁克家 嘉。」特改合入官,主管台州崇道觀。」熹以求退得進,於義未安,再辭。淳熙元年,始拜命。二 相,申前命,又辭。 克家奏 熹 屢召不起,宜蒙褒錄,執政俱稱之,上曰:「熹安貧守道, 康退可 以制勝。」且陳古先聖王所以強本折衝、威制遠人之道。時相陽思退方倡和議,除熹武學博 士,待次。乾道元年,促就職,旣至而洪适爲相,復主和,論不合,歸。 講求荒政,多所全活。訖事,奏乞依格推賞納粟人。間詣郡學,引進士子與之講論 五年,史浩再相,除知南康軍,降旨便道之官,熹再辭,不許。至郡,興利除害,值歲不 三年,陳俊卿、劉珙薦爲樞密院編修官,待次。五年,丁內艱。六年,工部侍郎胡銓以 天下之務莫大於恤民,而恤民之本,在人君正心術以立紀綱。蓋天下之紀綱不能

治之效所以未著。」其二言:「君父之讎不與共戴天。 今日所當爲者,非戰無以復讎,非守無

以自立,必人主之心術公平正大,無偏黨反側之私,然後有所繫而立。君心不能以自 傳第一百八十八 道學三

正,必親賢臣,遠小人,講明義理之歸,閉塞私邪之路,然後乃可得而正

**擣其囊橐窟穴之所在。勢成威立,中外靡然向之,使陛下之號令黜陟不復出於朝廷,** 之;其甚畏公論者,乃能略警逐其徒黨之一二,旣不能深有所傷,而終亦不敢正言以 出入其門牆(1),承望其風旨;其幸能自立者,亦不過齪齪自守,而未嘗敢一言以斥 其門。所喜則陰爲引援,擢置淸顯。所惡則密行訾毀,公肆擠排。 交通貨賂,所盜者皆 士之讜言,而安於私暬之鄙態。下則招集天下士大夫之嗜利無恥者,文武彙分,各入 而出於一二人之門,名爲陛下獨斷,而實此一二人者陰執其柄。 陛下之財。命卿置將,所竊者皆陛下之柄。陛下所謂宰相、師傅、賓友、諫諍之臣,或反 近習之臣。上以蠱惑陛下之心志,使陛下不信先王之大道,而說於功利之卑說,不樂莊 今宰相、臺省、師傅、賓友、諫諍之臣皆失其職,而陛下所與親密謀議者,不過一二

也。」熹以疾請祠,不報。 且云:「莫大之禍,必至之憂,近在朝夕,而陛下獨未之知。」上讀之,大怒曰:「是以我爲亡

矣。」上以爲然,乃除[熹提舉]江西常平茶鹽公事。旋錄救荒之勞,除直祕閣,以前所奏納粟 之愈甚,則人之譽之愈衆,無乃適所以高之。不若因其長而用之,彼漸當事任,能否自見 陳俊卿以舊相守金陵,過闕入見,薦熹甚力。宰相趙雄言於上曰:「士之好名,陛下疾

#### 人未推賞,辭。

欲微 下旣 際,綱紀 爲 之初,蓋嘗選建英豪,任以政事,不幸其間不能盡得其人,是以不復廣求賢哲,而姑取軟熟 論又苦而 又慮其勢有所偏,而因重以壅己也,則時聽外廷之論,將以陰察此輩之負犯而操切之。 易制之人以充其位。 推賞,辭職名。納粟賞行,遂受職名。入對,首陳災異之由與修德任人之說,次言:「陛下卽 下之權, 人皆得滿其所 駕馭之術,則士大夫之進見有時,而近習之從容無間。 未能循 抑此 會浙 日壞,邪佞充塞,貨路 輕者又借力於所 難 東大饑,宰相王淮奏改熹提舉浙東常平茶鹽公事,即日單車就道,復以納粟人未 輩,而此輩之勢日 天理、公聖心,以正朝廷之大體,則固已失其本矣,而又欲兼聽士大夫之言,以 入,近習便辟側媚之態旣足以蠱心志,其胥史狡獪之術又足以眩聰明。 ·欲,惟有陛下了無所得,而顧乃獨受其弊。」上爲動容。 於是左右私褻使令之賤,始得以奉燕閒,備驅使,而宰相之權日 重, 重,雖欲兼采公論,而士大夫之勢日輕。 以爲竊位固寵之計。 公行,兵愁民怨,盜賊間作,災異數見,饑饉荐臻。 日往月來, 士大夫之禮貌旣莊而 浸淫 耗蝕,使陛下之德業日 重者旣挾其重,以竊 所奏凡七事,其 難親,其議 羣小 是以 相挺, 雖 政 陛

|熹始 列 傳 ·拜命,即移書他郡,募米商,蠲其征,及至,則客舟之米已輻凑。 第 百 八 + 八 道 學 Ξ 一二七五五 熹日鈎訪民隱,按

事手書以

防宣洩。

計。 行境內,單車屛徒從,所至人不及知。 和買、役法、権酤之政,有不便於民者,悉釐而革之。 有短唇者,謂其疏於爲政,上謂王淮曰:「朱熹政事却有可觀。」 郡縣官吏憚其風采,至自引去, 於救荒之餘,隨事處畫, 所部肅然。 必爲經久之 凡丁錢、

災路分州軍監司、守臣之無狀者,遴選賢能,責以荒政,庶幾猶足下結人心,消其乘時作亂 之意。不然,臣恐所憂者不止於飢殍,而將在於盜賊;蒙其害者不止於官吏,而上及於國 之錢,以供大禮之費爲收糴之本,詔戶部免徵舊負,詔漕臣依條檢放租稅, ,獨有斷自聖心,沛然發號,責躬求言,然後君臣相戒,痛自省改。 其次惟有盡出內庫 **熹以前後奏請多所見抑,幸而從者,率稽緩後時,蝗旱相仍,不勝憂憤,復奏言:「爲今** 韶宰臣沙汰被

早傷州郡相視。||烹時留台未行,旣奉詔,益上章論,前後六上,惟不得已,奪仲友江西新命 辯,惟乃以熹章進呈,上令宰屬看詳,都司陳庸等乞令浙西提刑委淸強官究實,仍令熹速往 以授熹,辭不拜,遂歸,且乞奉祠 知台州唐仲友與汪淮同里爲姻家,吏部尚書鄭丙、侍御史張大經交薦之,遷江西提刑, <u></u> 烹行部至台, 訟仲友者紛然, 按得其實, 章三上, 潍匿不以聞。 熹論愈力, 仲友亦自

時鄭丙上疏詆程氏之學以沮熹,准又擢太府寺丞陳賈爲監察御史。 賈面對,首論近日

爲,無不如志矣。」是行也,有要之於路,以爲「正心誠意」之論上所厭聞, 戒勿以爲言。 熹 爲善不能充其量,除惡不能去其根,一念之頃,公私邪正、是非得失之機,交戰於其中。 曰:「吾平生所學,惟此四字,豈可隱默以欺吾君乎?」及奏,上曰:「久不見卿,浙康之事,朕 是裁之,則聖心洞然,中外融澈,無一毫之私欲得以介乎其間,而天下之事將惟陛下所欲 念之頃必謹而察之:此爲天理耶,人欲耶?果天理也,則敬以充之,而不使其少有壅閼,果 陵廟讎恥,而未免畏怯苟安; 非不愛養生靈財力,而未免歎息愁怨。 廊廟之權。 體貌大臣非不厚,而便嬖側媚得以深被腹心之寄;寤寐英豪非不切,而柔邪庸繆得以久竊 志。嘗反覆思之,無乃燕閒蠖濩之中,虚明應物之地,天理有所未純,人欲有所未盡,是以 
 熹提點江西刑獄公事,以疾辭,不許,遂行。
 累乞奉祠,可差主管台州崇道觀,旣而連奉雲臺、鴻慶之祠者五年。 及江西諸州科罰之弊。 **搢紳有所謂「道學」者,大率假名以濟僞,願考察其人,擯棄勿用。** 人欲也,則敬以克之,而不使其少有凝滯。推而至於言語動作之間,用人處事之際,無不以 十五年,准罷相,遂入奏,首言近年刑獄失當,獄官當擇其人。次言經總制錢之病民, 非不樂聞公議正論,而有時不容;非不堲讒說珍行,而未免誤聽;非不欲報復 而其末言:「陛下卽位二十七年,因循荏苒,無尺寸之效可以仰酬 煮指也。 十四年, 願陛下自今以往,一 周必大相,除 十年,韶以熹

列

自知之,今當處卿淸要,不復以州縣爲煩也。」

熹又辭。 與熹論易、西銘不合,劾熹:「本無學術,徒竊張載、程頤緒餘,謂之『道學』。所至輒攜門生 指學者爲黨,乃黜栗知泉州。熹再辭免,除直寶文閣,主管西京嵩山崇福宮。 諒其誠,復從所請,可疾速之任。」會胡晉臣除侍御史,首論展執拗不通,喜同惡異,無事而 無實尤甚,往日王淮表裏臺諫,陰廢正人,蓋用此術。詔:「熹昨入對,所論皆新任職事,朕 **熹,乃令依舊職江西提刑。太常博士葉適上疏與栗辨,謂其言無一實者,「謂之道學」一語,** |必大言熹上殿之日,足疾未瘳,勉強登對。上曰:「朕亦見其跛曳。」 左補闕|薛叔似亦奏援 數十人,妄希孔、孟歷聘之風,邀索高價,不肯供職,其僞不可掩。」上曰:「林熙言似過。」周 才耳。」熹曰:「小人無才,安能動人主。」翌日,除兵部郎官,以足疾丐祠。本部侍郎林栗嘗 時曾觀已死,王抃亦逐,獨內侍甘昪尙在,熹力以爲言。上曰:「昪乃德壽所薦,謂其有 未踰月再召,

始,熹嘗以爲口陳之說有所未盡,乞具封事以聞,至是投匭進封事曰:

振舉綱紀,變化風俗,愛養民力,修明軍政,六者是也。 之大本與今日之急務,爲陛下言之:大本者,陛下之心;急務則輔翼太子,選任大臣, 今天下大勢,如人有重病,內自心腹,外達四支,無一毛一髮不受病者。 且以天下

克復 省事禁,臣固不得而知,然爵賞之濫,貨路之流,閭巷竊言,久已不勝其籍籍,則陛下所 靜,無不制以有司之法,而無纖芥之隙、瞬息之頃,得以隱其毫髮之私。陛下所以精一 服、次舍、器用、財賄與夫宦官、宮妾之政,無一不領於冢宰。使其左右前後,一動一 而持守其心,果有如此之功乎。所以修身齊家而正其左右,果有如此之效乎。宮 古先聖王兢兢業業,持守此心,是以建師保之官,列諫諍之職,凡飮食、酒漿、衣

以修之家者,恐其未有以及古之聖王也。

是非,則陛下所以正其左右者,未能及古之聖王又明矣。 之守門傳命,供掃除之役,不當假借崇長,使得逞邪媚、作淫巧於內,以蕩上心,立門 無可言矣。 悟,反寵暱之,以是爲我之私人,至使宰相不得議其制置之得失,給諫不得論其除授之 略於近 陛下竭生靈膏血以奉軍旅,顧乃未嘗得一 庭、招權勢於外,以累聖政。臣聞之道路,自王抃旣逐之後,諸將差除,多出此人之手。 至於左右便嬖之私,恩遇過當,往者淵、覿、說、抃之徒勢焰熏灼,傾動一時,今己 「習,以圖進用,出入禁闥腹心之臣,外交將帥,共爲欺蔽,以至於此。 獨有前日臣所面陳者,雖蒙聖慈委曲開譬,然臣之愚,竊以爲此輩但當使 温飽,是皆將帥巧爲名色,奪取其糧,肆行貨 而陛下不

至於輔翼太子,則自王十朋、陳良翰之後,宮僚之選號爲得人,而能稱其職者,蓋

列

傅、賓客之官,罷去春坊使臣,而使詹事、庶子各復其職。 其隆師親友、尊德樂義之心,又無以防其戲慢媒狎、奇衺雜進之害。宜討論前典,置師 師傅、賓客旣不復置,而詹事、庶子有名無實,其左右春坊途直以使臣掌之,旣無以發 備數,而未聞其有箴規之効。至於從容朝夕、陪侍遊燕者,又不過使臣宦者數輩而已。 '而又時使邪佞儇薄、關冗庸妄之輩,或得參錯於其間,所謂講讀,亦姑以應文

者,然後舉而加之於位(E)。是以除書未出,而物色先定,姓名未顯,而中外已逆知其決 平日不敢直言正色之人而揣摩之,又於其中得其至庸極陋、決可保其不至於有所妨 以妨吾之事,害吾之人,而不得肆。是以選擇之際,常先排擯此等,而後取凡疲懦軟熟、 蔽,而燕私之好,便嬖之流,不能盡由於法度,若用剛明公正之人以爲輔相,則恐其有 哉?其所以常不得如此之人,而反容鄙夫之竊位者,直以一念之間,未能徹其私邪之 非天下第一流矣。 至於選任大臣,則以陛下之聰明,豈不知天下之事,必得剛明公正之人而後可任

銷鑠,使陛下好善之心不著,疾惡之意不深,其害已有不可勝言者矣。及其作姦犯法, 人,顧乃得以窟穴盤據於其間。而陛下目見耳聞,無非不公不正之事,則其所以熏烝 至於振肅紀綱,變化風俗,則今日宮省之間,禁密之地,而天下不公之道,不正之

間, 不分是 俗 賢 相, 則 陛 人 頹 近 弊 君 則 下又未能深割私愛, **占子**, 習可通 於下, 非、 **羣譏衆排**, 復 不辨曲 則通 如昔時所謂元祐學術者, 其爲 近習, 指爲 直爲得計, 惠之日久矣。 惟得之求, 「道學」, 而付諸外廷之議, 甚 而 |者以金珠爲脯 而消 無復廉恥。 加以矯激之罪。 中爲尤甚。 排擯詆辱,必使無所容其 論以有司之法, 醢, 大率習爲軟美之態、 有 以契券爲詩文, 十數年來,以此二字禁錮 剛毅正 直、 是以紀綱不正 守道 〈身而 宰相 循 後已,此 理之士 依阿之言, 可陷 於上, 豊治 出 天下之 則 陷 **平**其 以 世 宰 風

之

事

哉 ?

此錢以 宗以 得以 者,號 法,以誘脅之。 年,內帑歲 理 者 來 簿書勾考其在亡, ,撥還版曹, 至 爲歲終羨餘之數,而輸之內帑。 易 於愛養民力,修明軍政,則自虞允文之爲相也,盡取版曹歲入窠名之必 破 分良 敵 入不 人 法, 之首,如太祖之言哉。 於是中華 知 以爲內帑之積, 幾何,而認爲私 而必以十分登足爲限 外承風,競爲苛急,此民力之所以重困也 日銷月耗,以 貯, 將以備他 奉燕私之費者,蓋 徒使版曹經費闕 典以私 顧以其有名 以爲未足,則 日用兵進取不時之須。 人 宰相 無實、 不得以式質均節其 乏 不 ·知其幾何矣,而曷嘗聞 日 又 積累掛欠、 甚, 造爲比較監司 督促 然自是以來 日 空載簿籍、不 峻, 出 、郡守殿最之 以 至 版曹 可指擬 廢 其 一十餘 能 去 可 旭 用 不 催

名達 武堪 所得以爲將帥者,皆庸夫走卒,而猶望其修明軍政,激勸士卒,以彊國勢,豈不誤哉! 其選置之方乖刺如此,則彼智勇材略之人,孰肯抑心下首於宦官、宮妾之門,而陛下之 1任將帥,然後具奏牘而言之陛下之前。 陛下但見等級推先,案牘具備,則誠以爲 於陛下之貴將。 而 可以得人矣,而豈知其諧價輸錢,已若晚唐之債帥哉?夫將者,三軍之司命,而 將之求進也,必先掊剋士卒,以殖私利,然後以此自結於陛下之私人,而蘄以姓 貴將得其姓名,即以付之軍中,使自什伍以上節次保明,稱其材

欲以介乎其間,則雖欲憊精勞力,以求正夫六事者,亦將徒爲文具,而天下之事愈至於 凡 此 '六事,皆不可緩,而本在於陛下之一心。一心正則六事無不正, 一有人心私

不可爲矣。

書。 疏 **熹力辭,除祕閣修撰,奉外祠** 夜漏下七刻,上已就寢, **亟起秉燭,讀之終篇。** 明日,除主管太一宮,銀崇政殿說

庵舍以居,熹悉禁之。常病經界不行之害,會朝論欲行泉、汀、潭三州經界,熹乃訪事宜,擇 儀,揭以示之,命父老 知 潭州。 光宗卽位,再辭職名,仍舊直寶文閣,降詔獎論。 奏除! 屬縣無名之賦七百萬,滅經總制錢四百萬。 解說,以教子弟。 土俗崇信釋氏,男女聚僧廬爲傳經會, 居數月,除江東轉運副使,以疾辭,改 以習俗未知禮,采古喪葬嫁娶之 女不嫁者爲

黨亦多以爲不可行。 人物及方量之法上之。而土居豪右侵漁貧弱者以爲不便,沮之。宰相留正,泉人也,其里 布衣吳禹圭上書訟其擾人,詔且需後,有旨先行漳州經界。 明年,以

子喪請祠。

諭以 <u></u>凛,乞召爲宮僚,王府直講彭龜年亦爲大臣言之。 留正曰:「正非不知熹,但其性剛,恐到 不合,反爲累耳。」熹方再辭,有旨:「長沙巨屏,得賢爲重。」遂拜命。會洞膫擾屬郡,熹遣人 職 知靜江府,辭,主管南京鴻慶宮。未幾,差知潭州, ,以寵名儒。」乃拜命。除|刑湖南路轉運副使,辭。 |禍福,皆降之。 申敕令,嚴武備,戢姦吏,抑豪民。 所至興學校,明敎化,四方學者畢 時史浩入見,請收天下人望,乃除熹祕閣修撰,主管南京鴻慶宮。 力辭。 潭州經界竟報罷,以言不用自劾。除 黃裳爲嘉王府翊善, 自以學不及 **烹再辭,詔:「論撰之** 此

辭,不許。入對,首言:「乃者,太皇太后躬定大策,陛下寅紹丕圖,可謂處之以權,而庶幾不 根本也。 亦日陛下之心,前日未嘗有 失其正。 寧宗卽位,趙汝愚首薦熹及陳傅良,有旨赴行在奏事。熹行且辭,除煥章閣待制、侍講, 自頃至今三月矣, 充未嘗求位之心,以盡負罪引慝之誠,充未嘗忘親之心,以致温凊定省之禮,而大 求位之計,今日未嘗忘思親之懷,此則所以行權 或反不能無疑於逆順名實之際,竊爲陛下憂之。 而不失其正之 %有可諉者,

列

倫正,大本立矣。」復面辭待制、侍講,上手箚:「卿經術淵源,正資勸講,次對之職,勿復勞辭,

以副朕崇儒重道之意。」遂拜命。

來,或有窺伺。有旨修葺舊東宮,爲屋三數百間,欲徙居之。熹奏疏言: 史,委之水泉沙礫之中。」不報。時論者以爲上未還大內,則名體不正而疑議生;||金使且 集議,臺史憚之,議中輟。臺竟上議狀言:「壽皇聖德,衣冠之藏,當博訪名山,不宜偏信臺 會趙彥逾按視孝宗山陵,以爲土肉淺薄,下有水石。孫逢吉覆按,乞別求吉兆。 有旨

得成就,一旦翩然委而去之,以就安便,六軍萬民之心將有扼腕不平者矣。前鑑未遠, 之年,熒然在憂苦之中,侵昏之養尤不可闕。而四方之人,但見陛下亟欲大治宮室,速 離、阽於死亡之際,或能怨望忿切,以生他變。不惟無以感格太上皇帝之心,以致未有 數出,正當恐懼修省之時,不當興此大役,以咈譴告警動之意;亦恐畿甸百姓饑餓流 進見之期,亦恐壽皇在殯,因山未卜,几筵之奉不容少弛,太皇太后、皇太后皆以尊老 此必左右近習倡爲此說以誤陛下,而欲因以遂其姦心。臣恐不惟上帝震怒,災異

又慮之過者。殊不知若但如此,而不爲宛轉方便,則父子之間,上怨怒而下憂恐,將何 又聞太上皇后懼忤太上皇帝聖意,不欲其聞太上之稱,又不欲其聞內禪之說,此 甚可懼也。

後,暫變服色,如唐肅宗之改服紫袍、執控馬前者,以伸負罪引慝之誠,則太上皇帝雖 殿一二十間,使粗可居。若夫過宮之計,則臣又願陛下下詔自責,減省興衞,入宮之 時而已。父子大倫,三綱所繫,久而不圖,亦將有借其名以造謗生事者,此又臣之所大 懼也。 願陛下明詔大臣,首罷修葺東宮之役,而以其工料回就慈福、重華之間,草創寢

有忿怒之情,亦且霍然消散,而歡意狹洽矣。

難,擇其善者稱制臨決,則不惟近習不得干預朝權,大臣不得專任己私,而陛下亦得以 愜衆論者,亦詔大臣公議其事,稽考令典,厚報其勞。而凡號令之弛張,人才之進退,則 益明習天下之事,而無所疑於得失之算矣。 一委之二三大臣,使之反覆較量,勿循己見,酌取公論,奏而行之。有不當者,繳駁論 至若朝廷之紀綱,則臣又願陛下深詔左右,勿預朝政。其實有勳庸而所得褒賞未

若夫山陵之卜,則願黜臺史之說,別求草澤,以營新宮,使壽皇之遺體得安於內,

疏入不報,然上亦未有怒烹意也。每以所講編次成帙以進,上亦開懷容納。

而宗社生靈皆蒙福於外矣。

用力焉。數召大臣,切劘治道,羣臣進對,亦賜温顏,反覆詢訪,以求政事之得失,民情之休 熹又奏勉上進德云:「願陛下日用之間,以求放心爲之本,而於玩經觀史,親近儒學,益

列

黄之服,不惟上違禮律,且使壽皇已行之禮舉而復墜,臣竊痛之。然旣往之失不及追改,惟 宜著在方册,爲萬世法程。間者,遺誥初頒,太上皇帝偶違康豫,不能躬就喪次。陛下以世 漢文短喪,歷代因之,天子遂無三年之喪。爲父且然,則嫡孫承重可知。人紀廢壞,三綱不 戚,而又因以察其人才之邪正短長,庶於天下之事各得其理。」[熹奏:「禮經敕令,子爲父,嫡 有將來啓殯發引戶,禮當復用初喪之服。」 嫡 明,千有餘年,莫能釐正。壽皇聖帝至性自天,易月之外,獨執通喪,朝衣朝冠皆用大布,所 孫承重爲祖父,皆斬衰三年;嫡子當爲其父後,不能襲位執喪,則嫡孫繼統而代之執喪。自 (承大統,則承重之服著在禮律,所宜遵壽皇已行之法。一時倉卒,不及詳議,遂用漆紗淺

本而生者。 已爲得禮之正,而合於人心,所謂有舉之而莫敢廢者乎。 旭 異,請復其舊。 之廟,治平間,議者以世數寖遠,請遷僖祖於夾室。後王安石等奏,僖祖有廟,與稷、契無 祫 祭則正東向之位。有旨集議: 僖、順、翼、宣四祖祧主,宜有所歸。 自太祖皇帝首尊四祖 而祔孝宗。 會孝宗祔廟,議宗廟迭毀之制,孫逢吉、曾三復首請倂祧僖、宣二祖,奉太祖居第一室, 廟堂不以聞,卽毀撤僖、宣廟室,更創別廟以奉四祖 熹以爲藏之夾室, 則是以祖宗之主下藏於子孫之夾室, 神宗復奉以爲始祖, 時相趙汝愚雅不以復配僖祖爲然,侍從多從其說。吏部尚書鄭僑欲且祧宣 又擬爲廟制以辨,以爲物豈有無

|彭龜||年共論之。會||龜||年出護使客,||熹乃上疏斥言左右竊柄之失,在講筵復申言之。 筆付熹,臺諫爭留,不可。 云:「憫卿耆艾,恐難立講,已除卿宮觀。」|汝愚袖御筆還上,且諫且拜。 內侍王德謙徑以御 始,寧宗之立,韓侂胄自謂有定策功,居中用事。熹憂其害政,數以爲言,且約吏部侍郎 樓鑰、陳傅良旋封還錄黃,修注官劉光祖、鄧駋封章交上。 漂行,

**熹獨惕然以侂胄用事爲慮。旣屢爲上言,又數以手書啓汝愚,當用厚賞酬其勞,勿使得預** 閣待制,提舉南京鴻慶宮。慶元元年初,趙汝愚旣相,收召四方知名之士,中外引領望治, 朝政,有「防微杜漸,謹不可忽」之語。|汝愚方謂其易制,不以爲意。及是,汝愚亦以誣逐, 被命除寶文閣待制,與州郡差遣,辭。尋除知江陵府,辭,仍乞追還新舊職名,詔依舊喚章 而朝廷大權悉歸侂胄矣。

范念德、黃榦,拳拳以勉學及修正遺書爲言。 撰。」二年,沈繼祖爲監察御史,誣熹十罪,詔落職罷祠,門人察元定亦送道州編管。 熹以年近七十,申乞致仕,五年,依所請。明年卒,年七十一。 疾且革,手書屬其子庄及門人 翌日,正坐整衣冠,就枕而逝。 四年,

後徙建陽之考亭,簞瓢屢空,晏如也。 熹登第五十年, 仕於外者僅九考, 立朝纔四十日。 諸生之自遠而至者,豆飯藜羹,率與之共。 家故貧,少依父友劉子羽,寓建之崇

稱貸於人以給用,而非其道義則一介不取也。

未幾,熹有奪職之命。劉三傑以前御史論熹、汝愚、劉光祖、徐誼之徒,前日之僞黨,至此又 命直學士院高文虎草詔諭天下,於是攻僞日急,選人余嘉至上書乞斬熹。 變而爲逆黨。卽日除三傑右正言。右諫議大夫姚愈論道學權臣結爲死黨, 少卿胡紘言:「比年僞學猖獗,圖爲不軌,望宜諭大臣,權住進擬。」遂召陳賈爲兵部侍郎。 長沙,不爲張栻之徒所禮,及爲諫官,首論留正引僞學之罪。「僞學」之稱,蓋自此始。 自熹去國,侂胄勢益張。何澹爲中司,首論專門之學,文詐沽名,乞辨眞僞。 窺伺神器。乃 劉德秀仕 太常

侂胄有姻連,勸侂胄勿爲已甚,侂胄意亦漸悔。<br />
熹旣沒,將葬,言者謂:四方僞徒期會,爰僞 與諸生講學不休,或勸以謝遣生徒者,笑而不答。有籍田令陳景思者,故相康伯之孫也,與 壑;依阿巽懦者,更名他師,過門不入,甚至變易衣冠,狎遊市肆,以自別其非黨。 師之葬,會聚之間,非妄談時人短長,則繆議時政得失,望令守臣約束。從之。 方是時,士之繩趨尺步、稍以儒名者,無所容其身。從游之士,特立不顧者,屛伏丘 而熹日

詔 賜熹遺表恩澤,諡曰文。 嘉 泰初, 學禁稍弛。 二年, 韶:「朱熹已致仕,除華文閣待制,與致仕恩澤。」後侂胄死, 尋贈中大夫,特贈寶謨閣直學士。 理宗寶慶三年,贈太師,追封

信國公,改徽國。

之、劉子翬也。故熹之學旣博求之經傳,復徧交當世有識之士。延平李侗老矣,嘗學於羅 劉彥冲三人,學有淵源,吾所敬畏,吾卽死,汝往事之,而惟其言之聽。」三人,謂胡憲 始, 熹少時,慨然有求道之志。父松病巫,嘗屬熹曰:「籍溪胡原仲、白水劉致中、 劉勉 屛

從意,熹歸自同安,不遠數百里,徒步往從之。

文凡一百卷,生徒問答凡八十卷,別錄十卷。 朝廷以其大學、語、孟、中庸訓說立於學官。又有儀禮經傳通解未脫稿,亦在學官。平生爲 書,通鑑綱目,宋名臣言行錄,家禮,近思錄,河南程氏遺書,伊洛淵源錄,皆行於世。 解,楚辭集註、辨證,韓文考異,所編次有:論孟集議,孟子指要,中庸輯略,孝經刊誤,小學 易本義、啓蒙、潛卦考誤,詩集傳,大學中庸章句、或問,論語、孟子集註,太極圖、通書、西銘 方册,聖經之旨不明,而道統之傳始晦。於是竭其精力,以研窮聖賢之經訓。所著書有: 其爲學,大抵窮理以致其知,反躬以踐其實,而以居敬爲主。 嘗謂聖賢道統之傳散在

于從祀,不報。淳祐元年正月,上視學,手詔以周、張、二程及熹從祀孔子廟 理宗紹定末,祕書鄓李心傳乞以司馬光、周敦頤、邵雍、張載、程顥、程頤、朱熹七人列

較著者,一二人而止耳。由孔子而後,曾子、子思繼其微,至孟子而始著。由孟子而後,周 |黄榦曰:「道之正統待人而後傳,自|周以來,任傳道之責者不過數人,而能使斯道章章

列

程、張子繼其絕,至熹而始著。」識者以爲知言。 <u></u>
熹子在,紹定中爲吏部侍郎。

胡宏,宏一見,即以孔門論仁親切之旨告之。<br/>
| 战退而思,若有得焉,宏稱之曰:「聖門有人 張斌字敬夫,丞相嫂子也。穎悟夙成,俊愛之,自幼學,所敎莫非仁義忠孝之實。長師

矣。」試益自奮厲,以古聖賢自期,作希顏錄。

治戎,參佐皆極一時之選。斌時以少年,內贊密謀,外參庶務,其所綜畫,幕府諸人皆自以 其或少息,則今日之功可以必成,而因循之弊可革矣。」孝宗異其言,於是遂定君臣之契。 爲不及也。間以軍事入奏,因進言曰:「陛下上念宗社之讎恥,下閔中原之塗炭,惕然於中, 而思有以振之。臣謂此心之發,卽天理之所存也。願益加省祭,而稽古親賢以自輔,無使 以蔭補官,辟宣撫司都督府書寫機宜文字,除直祕閣。時澤宗新卽位,瓊起謫籍,開府

至勅諸將無得輒稱兵。時浚已沒,賦營葬甫畢,即拜疏言:「吾與全人有不共戴天之讎,異 時朝廷雖嘗興縞素之師,然旋遣玉帛之使,是以講和之念未忘於胸中,而至忱惻怛之心無 | 波去位, 湯思退用事, 途罷兵講和。| 金人乘間縱兵入| 性间, 中外大震, 廟堂猶主和議,

以感格于天人之際,此所以事屢敗而功不成也。 和 行賞罰,以快軍民之憤,則人心悅,士氣充,而敵不難却矣。繼今以往,益堅此志,誓不言 安知非天欲以是開聖心哉。 :,專務自強,雖折不撓,使此心純一,貫徹上下,則遲以歲月,亦何功之不濟哉?」 疏入,不 謂宜深察此理,使吾胸中了然無纖芥之惑,然後明詔中外, 今雖重爲羣邪所誤,以蹙國而召寇,然亦 公

施有先後,則其緩急不可以不詳;所務有名實,則其取舍不可以不審,此又明主所宜深察 豈有他哉?不盡其力,不傷其財而已矣。今日之事,固當以明大義、正人心爲本。然其所 吾中扃洞然無所間雜,則見義必精, 誠深察之日用之間,念慮云爲之際, 不如志者,以其胸中之誠有以感格天人之心,而與之無問也。今規畫雖勞,而事功不立,陛下 原之地,先有以得中原之心,欲得中原之心,先有以得吾民之心。求所以得吾民之心者, 類 非其道,意

成素論當與已合,數遣人致殷勤,

成不答。入奏,首言:「先王所以建事立 久之,劉珙薦於上,除知撫州,未上,改嚴州。 時宰相處允文以恢復自任,然所以求者 亦有私意之發以害吾之誠者乎?有則克而去之,使 守義必固,而天人之應將不待求而得矣。 夫欲復中 一功無

明年,召爲吏部侍郎(四),兼權起居郞侍立官。 時宰方謂敵勢衰弱可圖,建議遣泛使往

反復 有淺陋畏怯之人,亦且奮躍而爭先矣。」上爲歎息褒 甲兵,通內修外攘、進戰退守以爲一事,且必治其實而不爲虛文,則必勝之形隱然可見,雖 以絕之, 則知之矣。」上曰:「何也?」拭曰:「臣切見比年諸道多水旱,民貧日甚,而國家兵弱財匱,官 對曰:「不知也。」上曰:「金國饑饉連年,盜賊四起。」」拭曰:「金人之事,臣雖不知,境中之事, 但當下哀痛之韶,明復讎之義,顯絕全人,不與通使。 勝之形,當在於早正素定之時,而不在於兩陣決機之日。」上爲竦聽改容。 怯, 固 益 疏讀之曰:「臣竊謂陵寢隔絕,誠臣子不忍言之至痛,然今未能奉辭以討之, 更誕謾,不足倚賴。 正使彼實可圖,臣懼我之未足以圖彼也。」上爲默然久之。 ·前說,上益嘉歎,面論:「當以卿爲講官,冀時得晤語也。」 甚矣。 乃欲 卑詞厚禮以求於彼,則於大義已爲未盡。而異論者循以爲憂, 然臣竊揆其心意,或者亦有以見我未有必勝之形,而不能不憂也歟。 論,以爲前始未聞此論也。 然後修德立政,用賢養民,選將帥,練 其後因賜對 則其淺陋畏 又不能正名 蓋 必

不已,而經用有闕,不過巧爲名色以取之於民耳。」上矍然曰:「如卿之言,是朕假手於發運

會史正志爲發運使,名爲均輸,實盡奪州縣財賦,遠近騷然,士大夫爭言其害,賦亦以

上曰:「正志謂但取之諸郡,非取之於民也。」|拭曰:「今日州郡財賦大抵無餘,若取之

使以病吾民也。」旋闊其實,果如拭言,卽詔罷之。

日 稼穡之勞,而其后妃不忘織絍之事,則心不存者寡矣。」因上陳祖宗自家刑國之懿,下斥今 興 利擾民之害。 兼侍講,除左司員外郞。 上歎曰:「此王安石所謂『人言不足恤』者,所以爲誤國也。 講詩葛覃,進說:「治生於敬畏,亂起於驕淫。 使為國者每 念

嚴保伍 南 宰相益憚之,而近習尤不悅。 宗感悟,命得中寢。 今欲右武以均二柄,而所用乃得如此之人,非惟不足以服文吏之心,正恐反激武臣之怒。」孝 宦官執政,自京、黼始,近習執政,自相公始。」允文慙憤不堪。 西路 斌 知閤門事張說除簽書樞密院事,城夜草疏極諫其不可,旦詣朝堂,質責宰相虞允文曰: 法。 在朝未期歲,而召對至六七,所言大抵皆修身務學,畏天恤民,抑僥倖,屛讒諛,於是 所部荒殘多盜, 太至, 簡州兵, 汰冗補闕, 籍諸州黥卒伉健者爲效用, 日習月按, 然宰相實陰附說,明年出試知袁州,申說前命,中外諠譁,說竟以謫死。 退而家居累年,孝宗念之,韶除舊職,知靜江府,經略安撫廣 朝廷買馬橫山,歲久弊滋,邊 申

江 . 陵府,安撫本路。 孝宗聞栻治行,詔特進秩,直寶文閣, 一日去貪吏十四人。 湖北多盜,府縣往往縱釋以病良民,試首劾大吏 因任。 尋除祕閣修撰、荆湖北路 轉運 副使。 改知

馬不時至。、城究其利病六十餘條,奏革之,諸蠻感悅,爭以善馬至

氓

告病,而

刚

第

之縱賊者,捕 無使疆埸之事其曲在我。」命斬之以徇於境,而縛其亡奴歸之。 守每不相下,太以禮遇諸將,得其驩心,又加恤 並准姦民出塞爲盜者,捕得數人,有北方亡奴亦在盜中。 斬姦民之舍賊者,令其黨得相捕告以除罪,羣盜皆遁去。 士伍,勉以忠義,隊長有功輒補官, 北人歎曰:「南朝有人。」 郡瀕邊屯,主將與帥 名討敵, 士咸感

從祀孔子廟 四方賢士大夫往往出涕相弔,而江陵、靜江之民尤哭之哀。嘉定間,賜諡曰宣。 以右文殿修撰提舉武夷山冲佑觀。病且死,猶手疏勸上親君子遠小人,信任防一己之偏, 不滿百,而虛增其數十倍,請論其罪,不報。章累上,大辯易他郡,試自以不得其職求去,詔 淳祐初,詔

雖多,而上每念之,未嘗加怒者,所謂可以理奪云爾。 諫,他日 所 隨順。孝宗嘗言伏節死義之臣難得,拭對:「當於犯顏敢諫中求之。若平時不能犯顏敢 何望其伏節死義?」孝宗又言難得辦事之臣,成對:「陛下當求曉事之臣,不當求辦 若但求辦事之臣,則他日敗陛下事者,未必非此人也。」|拭自言:前後奏對忤上旨

所至郡,暇日召諸生告語。民以事至庭,必隨事開曉。具爲條敎,大抵以正禮俗、明倫 其遠小人尤嚴。爲都司日,肩興出,遇會觀,觀舉手欲揖,試急掩其窗櫺,觀慙,手不得

斥異端,毀淫祠,而崇社稷山川古先聖賢之祀,舊典所遺,亦以義起也。

紀爲先。

也。 理。」此試講學之要也。 言曰:「學莫先於義利之辨。 |柢聞道甚早,|朱熹嘗言:「己之學乃銖積寸累而成,如敬夫,則於大本卓然先有見者 義者,本心之當爲,非有爲而爲也。 有爲而爲,則皆人欲,非天

校勘記

或反出 入其門牆 「入」字原脫,據朱熹朱文公文集卷一一庚子應詔封事、黃幹黃勉齋先生文集

卷八朱先生行狀補。

- $\Xi$ 然後舉而 加之於位 「舉」字原脫,據朱文公文集卷一一戊申封事、同上朱先生行狀補
- 3 唯 有將來啓殯 發 引 原脫「唯」字,據朱文公文集卷 四乞討論喪服箚子、同上朱先生行狀 補。
- 吏部 侍郎 朱文公文集卷八九張栻神道碑、楊萬里誠齋集卷一一五張左司傳皆作 「吏部員外

列傳第一百八十八 校勘記

二七七五

郎」,此處「侍郎」當爲「員外郎」之誤。

(三) 經世紀年 , 朱文公文集卷八九張栻神道碑、<br/>,<br/>i藏齋集卷一一五張左司傳都作「經世編年」。

## 朱史卷四百三十

## 列傳第一百八十九

## 道學四朱氏門人

黄榦 李燔 張洽 陳淳 李方子 黄灝

熹始歸。除自見熹,夜不設楊,不解帶,少倦則微坐,一倚或至達曙。 熹語人曰:「直卿志堅 見淸江劉淸之,淸之奇之,曰:「子乃遠器,時學非所以處子也。」因命受業朱熹。 除家法嚴 重,乃以白母,卽日行。時大雪,旣至而熹它出,餘因留客邸,臥起一楊,不解衣者二月,而 思苦,與之處甚有益。」嘗詣東萊呂祖謙,以所聞於熹者相質正。及廣漢張栻亡,熹與除書 曰:「吾道螽孤矣,所望於賢者不輕。」後遂以其子妻除。 黃榦字直卿,福州閩縣人。父瑀,在高宗時爲監察御史,以篤行直道著聞。 **璃沒**,餘往

寧宗卽位,熹命榦奉表,補將仕郎,銓中,授迪功郎,監台州酒務。丁母憂,學者從之講 傳第一百 八十九 道 學 四

此,吾無憾矣。」計聞,除持心喪三年畢,調監嘉興府石門酒 學于墓廬甚衆。 邦國、王朝禮,悉做此更定之。」病革,以深衣及所著書授齡,手書與訣曰:「吾道之託在 獨以喪、祭二編屬憞,稿成,熹見而喜曰:「所立規模次第,縝密有條理,它日當取 熹作竹林精舍成, 遺除書, 有「它時便可請直卿代卽講席」之語。 庫。 · 所編 及編

舉深入之謀,果爾,必敗。此何時而可進取哉? 酒 !庫兼準備差遣,事有未當,必輸忠款力爭 時韓侂胄方謀用兵,吳獵帥湖北,將赴鎭,訪以兵事。 」獵雅敬榦名德,辟爲荆湖北路安撫 |除日:「聞議者謂今天下欲爲大 司激賞

縣 無所得。一 改差通判安豐軍。 囚 「遂驚服,果於廢井得尸。 吏民習知臨川之政,皆喜,不令而政行。以提舉常平、郡太守薦,擢監尚書六部門,未上, 江西提舉常平趙希懌、知撫州高商老辟爲臨川令,歲旱,勸糶捕蝗極其力。 夜,夢井中有人,明日呼囚詰之曰:「汝殺人,投之於井,我悉知之矣,胡得欺我。」 准西帥司機除鞫和州獄,獄故以 疑未決,除釋囚桎梏飲食之,委 改知新淦 曲 審問

以 ,春暖願歸者給之糧,不願者結廬居之,民大感悅。 乞候除罷然後施行,及援鄂州例,十之一 尋 知 漢 以陽軍。: 值歲饑,糴客米、發常平以振。制置 告糴 於制 司。 司下令,欲移本 所至以重庠序, 荒政 具舉。旁郡 軍 先教養。 之聚而禁其糴,餘 飢民輻 其在漢陽, 凑, 、惠撫均

水,生汝者黃父也。」

即郡治後鳳栖山爲屋,館四方士,立周、 |程、 游、 朱四先生祠。 以病乞祠, 主管武夷沖

祐觀。

堂,濠砦官入聽命,以一日成算授之:"役某鄉民兵若干,某鄉人夫若干,分布於某人料分, 官吏、寓公、士人分料主之。役民兵五千人,人役九十日,而計人戶產錢起丁夫,通役二萬 出, 史。 治府事,理民訟,接賓客,閱士卒,會僚佐講究邊防利病,次則巡城視役,晚入書院講論經 夫,人十日而罷。役者更番,暑月月休六日,日午休一時,至秋漸殺其半。 | **幹日以五**鼓坐于 朝,城安慶以備戰守,不俟報,即日興工。城分十二料,先自築一料,計其工費若干,然後委 或搬運某處土木,應副某料使用,某料民兵人夫合當更代,合散幾日錢米。俱受命畢,乃 ·老婦之來,爲一郡生靈謝耳,太守之賜非所冀也。」不受而去。 是歲大旱, **髞祈輒雨,或未** ]按堵如故。 晨興登郡閣,望鷹山再拜,雨卽至。 築城之杵,用錢監未鑄之鐵,事畢還之。城成,會上元日張燈,士民扶老攜幼,往來不 尋起知<u>安慶府,至則</u>金人破光山,而沿邊多警。安慶去光山不遠,民情震恐。 有老嫗百歲, 二子輿之, 諸孫從, 至府致謝。除禮之, 命具酒炙, 且勞以金帛。嫗曰: 繼 而霖潦餘月,巨浸暴至,城屹然無虞。舒人德之,相謂曰:「不殘于寇,不滔于 後二年,金人破黃州沙窩諸關,淮東、西皆震,獨安 乃請于

日解印趨制府。和州人日望其來,曰:「是嘗檄至吾郡鞫死囚、感夢於井中者,庶能直吾屈 制置李珏辟爲參議官,再辭不受。 旣而朝命與徐僑兩易和州,且令先赴制府稟議,除

若今大敵在境,更不改圖,大事去矣。今日之急,莫大於此。」又曰:「今日之計,莫若用兩淮 棄田廬、挈妻子渡江之意,其間勇悍者,且將同變竊發。向日胡海、張軍之變,爲害甚於金, 器以資其用,不過累月,軍政可成。且淮民遭丙寅之厄,今聞金人遷汴,莫不狼顧脅息,有 之人,食兩准之粟,守兩准之地。然其策當先明保伍,保伍旣明,則爲之立堡砦,蓄馬、制軍 矣。平居無事,紀綱紊亂,不過州縣之間,百姓受禍。至於軍政不修,邊備廢弛,皆此曹爲之, 公議。世之君子遂從而歸咎於丞相,丞相不堪其咎,斷然逐去之,而左右親信者其用愈專 今若不早爲之圖,則兩准日見荒墟,卒有警急,攘臂而起矣。」] 珏皆不能用。 先是,除移書压曰:「丞相誅韓之後,懲意外之變,專用左右親信之人,往往得罪於天下

館皆輕儇浮靡之士,僚吏士民有獻謀畫,多爲毀抹疏駁。將帥偏裨,人心不附,所向無功。流 泗上之敗,劉倬可斬也。某州官吏三人攜家奔竄,追而治之,然後具奏可也。」其時幕府書 清平山豫立義砦,斷金人右臂,方儀眞能措置捍禦,不使軍民倉皇奔軼,此二人者當薦之。 及至制府,珏往惟揚視師,與偕行,榦言:「敵旣退,當思所以賞功罰罪者。 崔惟揚能於

滿 道,而諸司長更張宴無虛日。除知不足與共事,歸自惟揚,再辭和州之命,仍乞祠,閉閣

謝客,宴樂不與。乃復告珏曰:

邊備之弛,又甚於前,日復一日,恬不知懼,恐其禍又不止今春矣。 浮光敵退已兩月,安豐已一月,盱眙亦將兩旬,不知吾所措置者何事,所施行者何

懼,而 黄 深侵,字內騷動,主上食不甘味,聽朝不怡; 哀號;視棟宇之宏麗,豈不思士卒之暴露; 之,豈不痛憤。 至玉鱗堂賞牡丹,用妓樂,又聞總領、運使請宴賞亦然,又聞宴僚屬亦然。 切意千乘言旋,必痛自咎責,出宿于外,大戒于國,曰:「此吾之罪也,有能箴吾失者,疾 入諫。」日與僚屬及四方賢士討論條畫,以爲後圖。今歸已五日矣, 圍老幼,俘虜殺戮五六千人,盱眙東西數百里,莽爲丘墟。安豐、浮光之事大率類此。 向者輕信人言,爲泗上之役,喪師萬人。良將勁卒、精兵利器,不戰而淪於泗水, 乃如是之迂緩暇逸耶 且視牡丹之紅豔,豈不思邊庭之流血; 視飲饌之豐美,豈不思流民之凍餒。 大臣憂懼,不知所出。 視管絃之啁啾,豈不 尚書豈得不朝夕憂 但開 請總領、運使 邦人諸軍 思老幼之 敵國

率,則當有八萬人攻浮光,以萬人刈吾麥,以五萬人攻吾關。吾之守關不過五六百人, 今浮光之報又至矣,金欲以十六縣之衆,四月攻浮光,侵五 關,且以一 · 縣 五

則江南危。

當萬人之衆哉?則關之不可守決矣。 五關失守,則蘄、黃決不可保;蘄、黃不保,

其它言皆激切,同幕忌之尤甚,共詆排之。厥後光、黃、廝繼失,果如其言。 **遂力辭去**,請祠

尚書聞此亦已數日,乃不聞有所施行,何耶

跡,講乾、坤二卦於白鹿書院,山南北之士皆來集。未幾,召赴行在所奏事,除大理丞,不 俄再命知安慶,不就,入廬山訪其友李燔、陳宓,相與盤旋玉淵、三峽間, 俛仰其師舊

拜,爲御史李楠所劾。

幕,長淮軍民之心,翕然相向。此聲旣出,在位者益忌,且慮除入見必直言邊事,以悟上意 至是羣起擠之。 諸將皆歸心焉。後倅建康,守漢陽,聲聞益著。諸豪又深知齡倜儻有謀,及來安慶,且兼制 初,餘入,荆湖幕府,奔走諸關,與江、淮豪傑游,而豪傑往往願依縣。及倅安豐、武定:

子下州文學,諡文肅。有經解、文集行于世。 道宮,踰月遂乞致仕,詔許之,特授承議郎。旣沒後數年,以門人請諡,又特贈朝奉郎,與一 亹不倦, 借鄰寺以處之, 朝夕住來, 質疑請益如熹時。 俄命知潮州, 辭不行, 差主管亳州明 | 榦遂歸里,弟子日盛,巴蜀、江、湖之土皆來,編禮著書,日不暇給,夜與之講論經理,亹 列傳第一百八十九 道學四

焉。」 以祖母卒,解官承重而歸 名其齋而自儆焉。至岳州,教士以古文六藝,不因時好,且曰:「古之人皆通材,用則文武兼 |建陽從||朱熹學。||熹告以||曾子弘毅之語,且曰:「致遠固以毅,而任重貴乎弘也。」||燔退,以「弘」 卽武學諸生文振而識高者拔之,闢射圃,令其習射;廩老將之長於藝者,以率偷惰。 |李燔字||敬子,||南康建昌人。少孤,依舅氏。中紹熙元年進士第,授岳州教授,未上,往

都堂審察,辭,再召,再辭。郡守請爲白鹿書院堂長,學者雲集,講學之盛,它郡無與比。 |燔也。」|熹沒,學禁嚴,|燔率同門往會葬,視封窆,不少忧。 及詔訪遺逸,九江守以|燔薦,召赴 生畏服。 改襄陽府教授。復往見熹,熹嘉之,凡諸生未達者先令訪燔,俟有所發,乃從熹折衷,諸 |熹謂人曰:「燔交友有益,而進學可畏,且直諒樸實,處事不苟,它日任斯道者必

誰 司 貪刻者激之,及將校之邀功者逼成之耳。 反是而行之,則皆民矣。」帥、漕曰:「幹辦議是。 :亂,帥、漕議平之,而各持其說。 燔徐曰:「寇非吾民耶?豈必皆惡。 可行者? 除大理司直,辭,尋添差江西運司幹辦公事,江西帥李珏、漕使王補之交薦之。 」燈請自往,乃駐兵萬安,會近洞諸巡尉,察隅保之尤無良者易置之,分兵守險, 然其如是,誠以吾有 會洞寇

馳辯士諭賊逆順禍福,寇皆帖服。

哀穀創社倉,以貸佃人。 入,漕司卽弛禁,詣燔謝。 抑民藏之,是棄物也。誠能節用,先穀粟之實務,而不取必於楮幣,則楮幣爲實用矣。」箚 MY 又入箚爭之曰:「錢荒楮涌,子母不足以相權,不能行楮者,由錢不能權之也。 楮不行而 之則價可增, 四界愈子新行,價日損,乃視民稅產物力,各藏會子若干,官爲封識,不時點閱,人愛重 洪州地下,異時贛江漲而隄壞,久雨輒澇,燔白于帥、漕修之,自是田皆沃壤。 慢令者黥籍,而民壽張,持空券益不售。燔與國子學錄字誠之力爭不能止。 | 燔又念社倉之置,僅貸有田之家,而力田之農不得沾惠,遂倡議 漕司以

差權通判隆興府,江西帥魏大有辟充參議官,皆辭,乃以直祕閣主管慶元至道宮。燔自惟居 閒 是時,史彌遠當國,廢皇子城,燔以三綱所關,自是不復出矣。眞德秀及右史魏了翁薦之, 無以報國,乃薦崔與之、魏了翁、眞德秀、陳宓、鄭寅、楊長孺、丁黼、葉宰、龔維藩、徐僑 有旨改官,通判潭州,辭,不許。眞德秀爲長沙帥,一府之事咸容燔。不數月,辭歸。當

劉宰、洪咨夔于朝。

術 行義亞黃幹,當今海內一人而已。」帝問今安在,心傳對曰:「燔,南康人,先帝以大理司直 紹定五 年,帝論及當時高士累召不起者,史臣李心傳以燔對,且曰:「燔乃朱熹高弟,經

也。 召,不起,比乞致仕。陛下誠能彊起之,以置講筵,其裨聖學豈淺淺哉。」帝然其言,終不召 九江蔡念成稱燔心事有如秋月。燔卒,年七十,贈直華文閣,諡文定,補其子舉下州文

之,與黃榦並稱曰「黃、李」。 素,不爲動,被服布素,雖貴不易。入仕凡四十二年,而歷官不過七考。居家講道,學者宗 移體。」因誦古語曰:「分之所在,一毫躋攀不上,善處者退一步耳。」故燔處貧賤患難若平 又嘗曰:「仕宦至卿相,不可失寒素體。夫子無入不自得者,正以磨挫驕奢,不至居移氣、養 |燔嘗曰:「凡人不必待仕宦有位為職事,方為功業,但隨力到處有以及物,即功業矣。」

孫鑣,登進士第。

以永斯道之傳,如二三君者不數人也。」 之,又重思之,思之不通,鬼神將通之」之語,以爲窮理之要。 熹嘉共篤志,謂黃榦曰:「所望 皆究其指歸,至於諸子百家、山經地志、老子浮屠之說,無所不讀。嘗取管子所謂「思之思 張治字元德, 臨江之淸江人。父越, 第進士。 治少穎異, 從朱熹學, 自六經傳注而下,

以爲證云 嘉定元年中第,授松滋尉。湖右經界不正,弊日甚,治請行推排法,令以委治。恰於是令民 自實其土地疆界產業之數投于匱,乃籌覈而次第之,更姦無所匿。其後十餘年,訟者猶援 時行社倉法,洽請於縣,貸常平米三百石,建倉里中,六年而歸其本於官,鄕人利之。

盜聞之,自伏。民有殺人,賄其子焚之,居數年,事敗,治,為其獄無狀,憂之,且白郡委官體訪。 俄夢有人拜于庭,示以傷痕在脅。翌日,委官上其事,果然。 于官,祗爲胥吏之地,且冒法以求勝,孰與各守分以全手足之愛乎?」辭氣懇切,訟者感悟。 者甚衆。恰以白提點刑獄,殺之。有盜點甚,辭不能折。會獄有兄弟爭財者,恰論之曰:「訟 改良州司理參軍。有大囚,訊之則服,尋復變異,且力能動搖官吏,累年不決,而逮繫

君必不忍受胥吏之妄,而籍無罪之家也。若以罪胥吏,過乃可免。」守悟,爲罷都吏,而免所 曰:「君之籍二十餘家者,以胥吏也。今校數歲之中所入,已豐於昔,由是觀之,胥吏妄矣。 也, 嘗干於倉不獲, 故以此中之。 )治度守意銳未可嬰, 姑繫之, 而密令計倉庾所入以白守 郡守以倉廩虚,籍倉吏二十餘家,命治鞫之,治廉知爲都吏所賣。都吏者,州之巨蠹

知永新縣。 一日謁告,聞獄中榜答聲,蓋獄吏受賕,乘間訊囚使誣服也。冷大怒,亟執

諫,弗聽。 付獄,明日以上于郡,黥之。 至則寇未嘗至,乃延見隅官,訪利害而犒之,因行安福境上,結約土豪,得其懽 湖南酃寇作亂,與縣接壤,民大恐。治單車以往,邑佐、寓士交

心。未幾,南安舒寇將犯境,聞有備,乃去。

數以病請祠,至是主管建昌仙都觀,以慶壽恩賜緋衣、銀魚。 獄,德脩遂從徒罪。復白郡請蠲征稅,寬催科,以召和氣,守爲寬稅。三日果大雨,民甚悅。恰 刑而致旱,伸冤而得雨,載於方册可攷也。今天大旱,焉知非由德脩事乎?」甫爲閱款狀於 之,請再鞫,守不聽。會提點常平袁甫至,時方大旱,禱不應,治言于浦曰:「漢、晉以來,濫 以江東提舉常平薦,通判池州。獄有張德脩者,誤蹴人以死,獄吏誣以故殺,洽訊而疑

辭!」至則選好學之士日與講說,而汰其不率教者。凡養士之田乾沒於豪右者復之。學興, 時遠甫提點江東刑獄,甫以白鹿書院廢弛,招給爲長。恰曰:「嘻,是先師之迹也,其可

即謝病去。

觀。 葉味道在經幄,帝數問張給何時可到,將以說書待給,給固辭,遂除直祕閣,主管建康崇禧 端平初,大臣多薦洽,召赴都堂審察,治以疾不赴,乃除秘書郎,尋遷著作佐郎。 嘉熙元年,以疾乞致仕,十月卒,年七十七。

|恰自少用力於敬,故以「主一」名齋。平居不異常人,至義所當爲,則勇不可奪。 居閒不

列

第

一百八十

九

逍

學四

略、歷代郡縣地理沿革表、文集。 之。卒後一日,有旨除直寶章閣。 祖、李方子、柴中行、眞德秀、魏了翁、李悳、趙汝諡、陳貴誼、杜孝嚴、度正、張嗣古,皆敬慕 色。所交皆名士,如呂祖儉、黃榦、趙崇憲、蔡淵、吳必大、輔廣、李道傳、李燔、葉味道、李閎 言朝廷事,或因災異變故,輒顰蹙不樂,及聞一君子進用,士大夫直言朝廷得失,則喜見顏 所著書有春秋集注、春秋集傳、左氏蒙求、續通鑑長編事

子樾、煙,賜同進士出身。

陳淳字安卿,潭州龍溪人。少習舉子業,林宗臣見而奇之 且曰:「此非聖賢事業也。」

因授以近思錄,淳退而讀之,遂盡棄其業焉。

語之曰:「如公所學,已見本原,所闕者下學之功爾。」自是所聞皆要切語,凡三月而熹卒。 喜得陳淳」,門人有疑問不合者,則稱淳善問。後十年,淳復往見熹,陳其所得,時熹已寢疾, 子何故止於孝,其他可類推也。」淳聞而爲學益力,日求其所未至。 及朱熹來守其鄉,淳請受教,熹曰:「凡閱義理,必窮其原,如爲人父何故止於慈,爲人 熹數語人以「南來,吾道

|淳追思師訓,痛自裁抑,無書不讀,無物不格,日積月累,義理貫通,洞見條緒。 故其言

深,取之左右逢其原,而眞爲已物矣。至於以天理人欲分數而驗賓主進退之幾,如好好色, 而無不宜,然後爲全儒,而可以語王佐事業。 徹於胸中,將此心放在天地間一例看,然後可以語訊、孟之樂。 多少人事;聖人大成之地,千節萬目,是多少功夫。惟當開拓心胸,大作基址。 達』者,須下學工夫到,乃可從事上達,然不可以此而安於小成也。夫盈天地間千條萬緒,是 私意行而生理息,即頑痺不仁矣。」 之公,而絕無一毫人欲之私,乃可以當其名。若一處有病痛,一事有欠闕, 渾淪至極者在我,而大用不差矣。」 事萬物中貫過,湊成一渾淪大本,又於渾淪大本中散爲萬事萬物,使無少窒礙,然後實體得 妙用也。 自其沖漠無朕,而天地萬物皆由是出,及天地萬物旣由是出,又復沖漠無朕,此渾淪無極之 太極曰:「太極只是理,理本圓,故太極之體渾淪。以理言,則自末而本,自本而末,一聚 散, 其語學者曰:「道理初無玄妙,只在日用人事間,但循序用功,便自有見。所謂『下學上 其言仁曰:「仁只是天理生生之全體,無表裏、動靜、隱顯、精粗之間,惟此心純是天理 而太極無所不極其至。自萬古之前與萬古之後,無端無始,此渾淪太極之全體也。 聖人一心渾淪太極之全體,而酬酢萬變,無非太極流行之用。 須運用酬酢,如探諸囊中而不匱,然後爲資之 須明三代法度,通之於當今 學問工夫,須從萬 念有間斷,則 須萬理 明

傳

第

一百八十

九

道學四

之疑,則雖艱難險阻之中,無不從容自適,夫然後爲知之至而行之盡。」此語又中學者膏肓, 惡惡臭,而爲天理人欲強弱之證,必使之於是是非非如辨黑白,如遇鏌鎁,不容有騎牆不決 而示以標的也

者。居鄉不沽名徇俗、恬然退守,若無聞焉。然名播天下,世雖不用,而憂時論事,感慨動 淳性孝,母疾亟,號泣于天,乞以身代。弟妹未有室家者,皆婚嫁之。葬宗族之喪無歸

人,郡守以下皆禮重之,時造其廬而請焉。

序,爲四章以示學者。明年,以特奏恩授迪功郎、泉州安溪主簿,未上而没,年六十五。其所 著有語孟大學中庸口義、字義詳講,禮、詩、女學等書,門人録其語,號筠谷瀬口金山所聞。 王后了,學問無源,全用禪家宗旨,認形氣之虚靈知覺爲天理之妙,不由窮理格物,而欲徑造 上達之境,反託聖門以自標榜。遂發明吾道之體統,師友之淵源,用功之節目,讀書之次 嘉定十年行了,待試中都,歸過嚴陵行了,郡守鄭之悌率僚屬延講郡庠。淳嘆陸學張

是寡過,但寬大中要規矩,和緩中要果決。」遂以「果」名齋。長遊太學,學官李道傳折官位 李方子字公晦,昭武人。少博學能文,爲人端謹純篤。初見朱熹,謂曰:「觀公爲人,自

輩行具刺就謁。

也。」時丞相彌遠聞之怒,踰年始除國子錄。 **咨焉。暇則辨論經訓,至夜分不倦。** 嘉定七年,廷對擢第三,調泉州觀察推官。 故事,秩滿必先通書廟堂乃除,方子曰:「以書通,是求 無何, 適眞德秀來爲守,以師友禮之,郡政大小咸 將選入宮僚,而方子不少贬以求合。 或

欲所漬爾。」其亡也,天子閔之,與一子恩澤。 常嚴憚之。 方子旣歸,學者畢集,危坐竟日,未始傾側,對賓客一語不妄發,雖奴隸亦不 嘗語人曰:「吾於問學雖未能周盡,然幸於大本有見處,此心常覺泰然,不爲物 加詬詈,然

告彌遠曰:「此眞德秀黨也。」使臺臣

. 劾罷之。

登聞鼓院。 隆興府, 黃灝字商伯,南康都昌人。 知德化縣, 光宗卽位,遷太常寺簿,論今禮教廢闕,請敕有司取政和冠昏喪葬儀,及司馬 以興學校、崇政化爲本。歲饉, 幼敏悟彊記,肄業荆山僧舍三年,入太學,擢進士第。 行振給有方。王藺、劉穎薦于朝,除 教授

除太府寺丞,出知常州,提舉本路常平。 列 傳 第一 百八十 九 道 學 75 秀州海鹽民伐桑柘,毀屋廬,李殣盈野,或食 光、高閌等書參訂行之。

一二七九二

其子持一臂行乞,而州縣方督促逋欠, 灝見之蹙然。時有旨倚閣夏税, 遂奏乞併閣秋苗,

不俟報行之。言者罪其專,移居筠州,已而寢謫命,止削兩秩,而從其蠲閣之請。 灝既歸里,幅巾深衣,騎驢匡山間,若素隱者。 起知信州,改廣西轉運判官, 移廣東提

點刑獄,告老不赴,卒。

單車往赴,徘徊不忍去者久之。 灝性行端筋,以孝友稱。朱熹守南康,灝執弟子禮,質疑問難。熹之没,黨禁方厲,

校勘記

(一) 嘉定十年 「十」原作「九」。 年,今據改。 按陳淳門人陳沂所撰敍述稱「歲在丁丑,待試中都」,陳宓北溪先

〔一〕歸過嚴陵 「過」原作「遇」,據陳沂敍述改。

脈,頗張旺於此山峽之間」(同上卷十二與趙司直季仁)。 淳嘆陸學張王 讀去聲,義爲壯大、興旺,又作「張旺」。 陳淳曾説「頗聞浙間年來象山之學頗旺……及來嚴陵 山峽間,覺士風尤陋」(北溪全集第四門卷十一與李公晦),又說「江西禪學(按指陸學)一派苗山峽間,覺士風尤陋」(北溪全集第四門卷十一與李公晦),又說「江西禪學(按指陸學)一派苗 「學」字原無,據陳沂敍述補。 按:「陸學」指陸象山(九淵)之學,「張王」二字

